




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
302/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
302/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
302/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
302/A

N.vi.8

17

Andreas

ANDREAE (Gottmann Valentin)


8° 31733


ly. 128225

K

302/A









vid. pag. 19f.

70563

Psalm. 77. vers. 2.

Aperiam in parabolis os meum : loquar
ænigmata ab initio,
Quæ audivimus, & cognovimus ea, &
patres nostri narraverunt nobis:
Vt non occultentur à filiis eorum in ge-
neratione altera.



GEOR-

GEORGIVS ACACIVS
ENENKELIVS, BARO HO-

HENECCIUS, SUO IOHAN-
ni Valentino Andreæ salutem.



P. C. Mythologiam Tuam
Christianam sive Apologos,
quos ad me nuper, doctissime
Domine Ioh. Valentine, mis-
isti, legi, & magna cum animi
mei Voluptate legi. Nam etsi res maxime
serias agant, contineantque, inventionis ta-
men novitas, & tractationis elegantia, quic-
quid in his asperum aut molestū, moribus no-
stris lenire, imo gratum insuper acceptumq;
efficere, & sic utile dulci miscentes, omne
punctum tulisse videntur. Itaque quod me-
cum illos communicare voluisti, gratias qui-
dem ago permagnas; majores vero multo ha-
bebo, si, quod jure debes, omnibus hoc, & pu-
blice impertiri volueris. Quod ut non rogo
tantum, sed hortor quoque, & si licet, im-
pero, ita invidia, offensionisque quam sub ve-
veri videris, securum esse jubeo. Nec enim
video, quid in his sit, quod bonos & sapientes

A 2

offen-

EPISTOLA.

offendere possit, qui vel ad se non pertinere, quæ dicuntur, vel si pertinent, grate accipienda intelligent. Nam ut nullius sibi erroris, peccative conscium esse, prima perfectionis laus est: ita errores suos agnoscere, ostendentemque illos benigne audire, proxima illi, & præcipue homine digna virtus est. Quod si qui aliter erga hæc comparati affective erunt, horum tu partem, ad se tandem veritate cogente reversam, prioribus accessuram, reliquos susque deque habendos, tanti certe non faciendos, ut in illorum gratiam tanto bonorem publicam privare velis, putato. Inter prima enim, quæ in genus humanum utiliter conferuntur, errorum vitiorumque eius, à quibus omnis nobis mali est miseria origo, detectio atque increpatio est, à quibus ut liberari vel maxime expedit, ita nosse illa, & quam penitissime feditatem perniciemque illorum cognitam habere necessarium est. Quod quia per nos ipsos præstare, in difficili est, cum ut faciei nostræ maculas sine speculo & monitore, sic animi navos sine indice libero exactoq; non percipiamus, operæ pretium est, habere, qui nobis subinde illa ingerant, & vel blande, vel, si res postulat, asperius, mordaciusque ex-

pro-

EPISTOLA.

probrent, id quod circa inveteratos maxime errores maxime necessarium est: imprimis si publici sunt, & radices altius egerunt, quos tanto fortius, liberiusque aggredi oportet, quanto auctoritatis & excusationis plus habent. Adulationi equidem facile patemur, & qui nos bonos dicit, qui errores & vitia nostra defendit, aut etiam pro virtutibus commendat, pronis auribus audimus. Sed hi omnes ipsis pene vitiis amplius nobis nocent, nec aliud agunt, quam si ruentem impellas, aut feбри aestuante ipsaque viscera torrente, laboranti Vinum & similia porrigas. Utile itaque est, habere quam plurimos, qui nos in praecipiti retineant, qui à noxiis dehortentur, qui adversus vitia, erroresque nostros omni cum impetu, totis viribus, idque variis artibus & armis pugnent, & si nihil aliud, moram iniiciant, & ad penitendum spacium laxamentumq; ministrēt.

Quod cum Tu his Apologis, summo ab ingenio & mente, meo iudicio, profectis, egregie prestare possis: non puto fore, qui non utilissima, & verissima haec iudicaturus, & grato proinde animo suscepturus sit. Etiam igitur te atque etiam rogo, obtestor, obsecro, ut

EPISTOLA.

ista & quae prae terea huius generis habes, primo quoq; tempore in publicū emittas; nihil verius vel vulgi iudicia, vel improborum calumnias. Ille enim, qui est ipsa veritas, veritatis praconeū tuebitur: & quantum illi prement, tantum boni te sublevabunt. Nihil quippe in his esse puto, quod iure quisquam reprehendere possit: nisi qui ingenii sui perversitatem palam iactare, & errores tam suos, quam aliorum, per summam impudentiam, atq; improbitatem defendere audebit. Quos flocci faciamus, & Christum ducem, nihil respectantes aut trepidantes, secuti, non curemus, quid faciat nobis homo. Tu igitur, vir optime,

Ἀλλήμῳ ἔαν, ἵνα πῖς σε καὶ ὁ ψυχόνων δ' εἴπη,
Quibus vale, & me tui amantem porro ama.
Ex Goldeccio meo scriptum, die 18. Octobr.
Anno 1618.

1111-

Illustri & Generoso viro,
D. GEORGIO ACACIO ENEN-
KELIO, LIBERO BARONI HO-
HE NECCIO, GOLDECCII
Domino, &c. Domino suo omni
obseruantia colendo,

S P. C. Vt elegantissima, ita præclara
& cordata sunt, Illustris Baro, Do-
mine generose, quæ ad me perscripsi-
sti. Nam quæ major hoc recondito se-
culo, ingenuitas esse potest, quam fateri,
rebus nostris plurima deesse? quod ma-
ius meritum, quam, cui id datum, mone-
re posse errantes, aut liberius etiam, si o-
pus sit, stimulare? Hoc tamen unum do-
lec, abs Te mihi, Domine, cui vix denega-
re aliquid licet, eam provinciam, non su-
pra animum, sed longè supra ingenium,
tot floridis verbis imponi, ut quod ab a-
liis expectandum mihi erat, in alios id
ipse auderem; quin imo Te ludicrum
hocce meum, quod in paucorum amico-
rum privatam voluptatem mihi excidit,
in publicum tot iudiciorum conflictum

A 4

pro-

DEDICATIO.

propellere. Nam dum mecum hinc iudicium Tuum, sed quod nimis liberale, metuo; illinc malevolorum supercilium, quod æquo illiberalius, suspicor, conflantur, & literarum apud me inopia accedit; non defunt sanè, quæ retardare & distrahere vel debeant, vel possint. Pareo tamen, ne in pietatem, integritatem & eruditionem Tuam sim injurius; non autem sine literis Tuis, politissimis juxta & Christianis, ut tum argumenta Tua difficilibus opponam, tum meum obsequium æquioribus excusem. Trado itaque hanc Tibi, Generose Domine, Mythologiam meam, quam sicut tu tantæ laudis vir, serena & candida mente excepisti, ita ego ab omni livore, omnique nigro sale alienam esse, cum Deo testor. Tibi si placeat, sique ludos faciat, quod per lusum & succisiva mea deproperatum est, supra spem suam beatum erit, & morosum Lectorem tam devitatum, quam non offensum voluerit. Christus nos regat, ut vel serio, vel, si id nemo ferat, sacris ludicris ipsum exprimamus, insi-

DEDICATIO.

Insinuemusque hominibus tale quid nū-
quid cogitantibus: quem T. G. porro pro-
bitum exoro. Vale in eodem, G. Baro,
et per infima Christianorum enitere.
Waihingæ, 1. Januari Anno 1619.

I. G. T.

Humiliter colens,

Ioh. Valentinus Andrea,

Δ S SAL-

SALVE, CHRISTIANE

L E C T O R.



*Vicunque res humanas ausi sunt vel
examinare, vel emendare, na illi: ho-
mine aliquid majus videtur aggres-
si. Nam ut illud non est, nisi ingenia
per infinita rerum versati, & veri-
tatis sagacitate undiq; adjuti; ita hoc animum
vult non ad clamores tantum tumultuarios obtu-
ratum, sed minas etiam, imo cades obstinatum.
Quaequidem sors mortalium tanto est infelicior,
quanto nos durius exercent publici errores, quibus
dum cunctorum & ingenia & vires deseruiunt,
nihil tam potest audaculum & temerarium ex-
cogitari, quã ire aut obloqui aduersum. Nec enim
vel Haeresis ulla invaluit, aut Tyrannis excre-
uit, aut Barbaries emerfit, quin laudes suas cum
innocentissimorum aut infamia, aut strage inde-
nerit. Hinc mirari haud raro contingit, unde illa
generosioris animi veluti violentia esset, qua haud
pauci in medio periculorum exercitiis, verum
bonumq; profiteri, & exprobrare aberrantibus
cacitatem, simul ac provocare hesitantes ad me-
liora auderent. Nam si id Philosophiae tribua-
mus, cujus lumine ad exactiorem rerum, morum-
que inspectionem admittimur, ejusdemque con-
templationem alios afficere, alios convincere posse
facile confidamus: tamen quod ea nos in summis
rerum*

AD LECTOREM.

rerum fastigiis destituit, nec sane ab humanis fabulis inquinata non est, nunquam hanc laudem cum dignitate tuetur. Vnde ad Christianam Religionem facile desolvimur, ut hoc inusitatum robur ei gratum referamus, cujus Princeps Iesus Christus, omnis Veritatis & Bonitatis Cor, artus suos, membra & articulos ita agat, regatque, ne unquam in his Vanitatum, prestigiis tenebris sacra Ecclesia compages obdormiscat, vel immoriatur. Ita enim Evangelium Christi omnes hominum ordines, studia, mores, laboresque inclamat, ut Tyrannos pungat, haereticos turbet, Epicureos rodant, Sophistas pudefaciat, Vanos rideat, dissolutos corripit, omnes intus tangat, quicquid universus sese mundus opponat. Evangelii quippe ea est Sapientiae acies, quae acumen rationis humana non hebetet tantum, sed plane diffecet: is Fortitudinis chalybs, qui, qua Natura habet adamantina, facile perfringat, ut omnino quicquid in dictu Orbis noster universus habet, ei uni ascribamus. Ceterum in eo valide reluctatur Mundus, quod Vires imbecillitati, Hypocrisis pietati, fallacias simplicitati, Verba operi, consuetudines legibus, glossas Verbo Dei opponit, quibus cum suos in fide vel servitute potius retinet, tum reluctantes variis imposturis cohercet, ut mirari denuo liceat, qui unquam Veritati hincere licuerit. Quot enim fidelium testium prioribus, sed & recentioribus seculis myriades in hac bona causa pugna occubuerint, referre quid opus est, cum Dux ipse sit.

A D L E C T O R E M.

Ge supremus Imperator Iesus boni publici nomine
 interemptus sit? At quia is idē gloriose resuscita-
 tus succumbendo vixit, facile hoc paradoxum no-
 bis explicavit, qui nesciendo & patiēdo Christia-
 ni omnem hujus terra subtilitatem, importunis
 tatemq; sint aliquando superaturi. Hæc talia co-
 gitanti, cum multis ab hinc annis inter juveniles
 animi æstus atque errores vincula mihi humana-
 rum Consuetudinum quotidie graviora esse, atque
 mox sordere inciperent, non defuit quidem relin-
 quendi subinde conatus, sed spes abjicienda tanta
 molis identidem destituit, quod & ingensum mi-
 hi & vires Deus negasset, & qui eodem mecum
 carcere detinebantur, plane acquiescerent. Acce-
 debat nominis Christiani reverentia, quo omnia
 nostra delicta obvolvuntur; tum beati nostri secu-
 li fama, qua reliquis cunctis antefertur; denique
 imminētis Iudicii expectatio. ad quod omnia no-
 stra intricata merito deferimus. Suspicabar, Re-
 ligionis sinceritatem humanis rationibus dilui;
 at cohibebat Antistitum Conscientia: Politicæ re-
 titudinem nimia quorundam licentia curvari;
 at dissuadebat Regentium humanitas: Eruditio-
 nis complexum esse fama arctiorem; at occurre-
 bant voluminum strues. Morum consuetudines
 nimium excusatas; at retinebat tot atatum histo-
 ria. Itaque non poteram non succensere mihi, cur
 sum Naturæ minus conveniret, & rerū volupta-
 tem ipse mihi inepta quadam amaritudine per-
 miscerem. Viderem potius ad eas regulas, quas vi-
 sus

AD LECTOREM.

*suo diuturnus iam approbasset. Et quas diligenti-
 ssima humani cerebri indagatio post tot experi-
 menta nobis Et tutissimas, Et facilimas reliquis-
 set. Interea tamen ut me prius audirem, Et pro-
 derem, dein vel mihi ipsi, vel prudentioribus
 corrigendum traderem, quadam internarum a-
 gitationum in chartas conficere visum, Et cum
 paucissimis admodum ex familiaribus conferre.
 It, quod ingenuorum est, aliqua improbarunt,
 nonnulla probarunt, reliqua aliis dijudicanda
 reliquerunt; sed qui haud fuere eadem ingenii a-
 quitate. Quidem Deum immortalem! contra
 haud dicam expectationem, sed mentem Et ani-
 mum meum non est effusus, ut, qua apud me vel
 ignota, vel dubia erant, multorum impietas, im-
 probitas, Et imperitia, iam mihi plane ac cum
 stupore meo constiterint? cum alii ad Lutheri, Vi-
 ri Sanctissimi, injuriam referrent, si quis requi-
 reret Virum bonum, Et argutiarum impatien-
 tem: Alii, turbare Rempublicam, clamarent, si
 germana integritas revocetur: Alii, expelli lite-
 ras, nugarentur, si minus esset literonum: Alii
 alia calumniarentur, conquisitis ad id odiosis-
 simis titulis. Hic equidem in mentem Venere tot
 fortissimi Athletae, quos nihil potius stimula-
 vit, quam recti conscia mens, contra tam im-
 pudentes Et importunos impostores, qui nun-
 quam creduntur usque adeo perniciosi in Rem-
 publicam animi, nisi leviculum quid in ipsis re-
 prehendatur. Tum plane impotentes ita effer-
 A 7 Vescunt.*

AD LECTOREM.

Desunt, ut facile, quod reliquum est, impie-
 tatis mysterium prodant. Videas eos pro care-
 monia, ritu, Syllaba non aliter, quam pro a-
 ris & focis dimicantes, donec paulatim denu-
 dati, risus & fabula vulgi fiant. Id vero, quam
 possunt, cadent leoninis pellibus induti, ne pau-
 ciores habeant, quos ruditus terreat. Ego ta-
 men, quod nunquam literarium Theatrum a-
 nimo arrideret, facile me sum passus scena e-
 iici, posteaquam cum Socrate Aristophanis nu-
 bes coram constanter spectavi, vel, quod me
 magis decet, cum Christo meo ad tot putida
 mendacia obmutui. Eant illi, ac Deo se, suis-
 que conscientis purgent. Eant, & suasmet
 querelas resorbeant. Eant, & tot spectatorum,
 tot auditorum oculos, auresque obturent. Mihi
 vero exiguum sit, habuisse iratos, quos nunc
 confictos habeo, non quod ad meas nugas quis-
 quam mortalium sit examinandus, quæ nec e-
 ruditionem, nec rerum usum ullo modo rede-
 gent, sed quod non ea, quæ reprehendi facile
 possunt, stilius, methodus, inventio, &c.
 Verum Christi exemplar, vox, atque Crux
 contumeliose ab iis habita sunt, & exhibita,
 quæ tamen mira loquacitate omnibus fabulis
 suis obducunt. Exinde decretum erat, obtri-
 scere, & abolere meas animadversiones, quod
 & immatura nimis essent, & minus elabora-
 ta, talesque omnino, quæ etiam bonis corda-
 tisve nauseam facere possent. Qui enim disti-
 mulem

AD LECTOREM.

mulam meam rerum omnium ignorantiam, cum
in hoc formosissimo Divina machina amphithea-
tro nomenclaturas rerum possideam, cum me
ignarus oberrem, cum sex titulos tot homini con-
cessarum scientiarum inspexerim? Sed excide-
runt tamen aliqua, nescio an Vigilanti, an som-
nianti, ut est talium meus neglectus, ac, quod
mireris, reperti sunt, qui extemporaneas cum
Mundo Velitationes intuerentur, homines na-
taliu splendere, functionu amplitudine, lite-
rarum excellentia, morum integritate planissi-
me illustres, quorum aequitati, omni liore amoto,
benigne me audire, candide interpretari, & effi-
cacissime consolari, est visum. Numerare possent
Proceres generosissimos, Theologos religiosissimos,
Politicos conscientissimos, Eruditos acutissimos,
quibus hac Christi imitatio digna visa est, qua
multorum pectoribus imprimeretur, nisi mihi u-
nus ille Archetypus, Christus, ad pudes faciendo ir-
risores sufficeret. Laudandus tamen est Deus, cu-
jus Spiritus verus contra mendacii, certus contra
vertiginis, solidus contra lubricitatis Spiritum
perpetuo dimicat, & has sibi sedes eligit, qua etiam
invidia Mundi opponi possint. Eos nobis ut servet,
augeatque, orandus devote est, ne dum falsam nobi-
litatem admiramur, fictam religionem reverere-
mur, inhumana Politia servemus, & vanissima
literatura imbuimur, eos perdamus, qui rerum
optimarum laudatissimarumque dignitatem
atque decus nobis sorta conferant. Nam ut in
multis a Veterum Viriute atas nostra descendit,
ita

AD LECTOREM.

ita hoc nomine difficilior est, quod mire sibi pla-
cer, & illustria majorum ingenia quam infe-
licissime amulatur. Vnde multa nobis & mul-
tos fama obtrudit, qui, si appendantur, ato-
mos possumus Democriti dicere: tam parum ad pon-
dera presci auri faciunt. Atque jurare illos au-
diat, nihil se esse vel sanctius, vel aequius, vel in-
geniosius. Si cerebri monumenta intuearis, mo-
lem habent congesta, sed exortua terra: Si mo-
res, multum ubique titulorum & caremonia-
rum, cordis nihil: Si religionem, verbis nihil
sanctius, opere nihil aque prophanum; quales
ad Christum depinxit Vir diuino zelo, & pia so-
lidaque literatura Reverendus, Iohann. Arn-
dus, sed ob id haud digne, quin imo Mundo con-
digne habitus; quales olim exercuit D. Iacobus
Andrea, Vir sua aetate inditissimus, sed perin-
de ab hostibus & fratribus iniquissime habitus;
quales ille Sanctus Heros, Lutherus, est exper-
tus, omnium monstrorum domitor, sed in his
maxime anhelans. Hac enim demum lucta ma-
xime Herculeae est, cum optima, simplicissima,
rectissimaque ab iis, ubi minime expectabas, de-
torquentur: ut vir pius, haeticus; Vir probus,
rebellis: Vir eruditus, barbarus; Vir candidus,
fatuus audiat, & his nominum terriculamen-
tis vulgo imponatur, quo is incomposito clamo-
re & strepitu sese opponat. Qui integra mentis
dolor nisi à Deo ipso Spiritus fortioris afflatu
leniatur, & paucorum aliquot, sed solide bo-
noxiis

AD LECTOREM.

rum applausibus, hortaminibusque mitige-
 re, arma abjicere, fugam capessere, specus
 rigere, hominibusque plane irasci multis per-
 asit, & fortissimos quosque tentavit. Usque
 adeo miserum est, Mundum medicare; cuius si
 morbi essent, quot homines, tolerabile id fo-
 ret, nec certa desperationis: at in eodem homi-
 ne tot symptomata quotidie animadvertere, ut
 nescias, quid tibi, ne dum fratri credere possis,
 Sero est serio deplorandum. Nam qua ferven-
 tissima sunt, facile tepescunt; qua candidissi-
 ma, obscurantur; qua limpidissima, turbantur;
 qua simplicissima, permiscuntur Mundi con-
 gitione, qua nullo etiam nostro sensu inficit,
 & se insinuat. Exemplo nobis esse possunt D. E-
 rasmus, & Philip. Melanchthon, divina uti-
 que & illustria ingenia; sed minus ad Mundi
 usus obstinata: cum interim D. Lutherus, &
 Joann. Brentius omnia perfunderant. Ita hodie
 quisquis de Mundo bene sperat, quisquis latum
 sanguinem cedit, jam sui partem prodidit. Nec e-
 am vulnus ullum pectori sacro infligere po-
 test, nisi blanditiis vel promissionibus: minae
 vagaque omnes, velut in solido, resiliunt. Prae-
 ter autem quosdam habere pugna socios, ne
 vires nobis subinde deficiunt, & sudor
 arnis Spiritus robur extenuat, alii atque alii
 reintegrare eam possint. Quo certe consilio Deus
 optimus singulis seculis aliquot simul Athletas
 citavit, quo succenturiare sibi invicem pos-
 set.

AD LECTOREM.

*sint: quoniam unius hominis nec esse Sult, ne
deceat ultra humana facinora prestare, ut mem
bra nos perpetuum, nunquam capita agnosca
mus, eosdemque in varias terra plagas disper
sit, ut undique Veritas & prostare possit, &
eundem spiritum admirabili consensu probare.
Neque enim ullus est terræ angulus, ubi Deum
non spiret; neque mundus unquam tam erit spissus
aut densus, quem transpirare Caliculus affla
tus non possit. Hinc videas inter medios strepe
ros, silentes; inter duos, mites; inter superbos,
humiles; inter ebrios sobrios; inter libidinosos,
castos; inter avaros, liberales; pene dixerim
in lupanaribus pudicos, in adytis lenones in
terdum reperiri, in cauponis jejunia, in fa
nis Bacchanalia haberi; orare prophanos, bla
sphemare Sacros: usque adeo Christus ubique
hominis est, Mundus scelestus ubique; ut diffide
re Deo nunquam, scire Munda nunquam le
ceat. Hac apud te prefari libuit, Christiane
Lector, ut audires, quibus gradibus ad hoc
inusitatum scribendi genus pervenerim: Excita
vit nempe dubitatio, edocuit experientia,
confirmavit bonorum consensus; sed mox exce
pit malevolentia, irritavit impudentia, seda
vit rerum humanarum contemptus; iterum reco
cavit generosus candor, qui inter medios Mun
di turbines hinc inde dispersus inclamavit: cu
ut parerem, hac Mimica, sed innoxia Gest
prodis*

AD LECTOREM.

odit, ut risum potius caperatis illis move-
 m, quam bilem. Volui autem velut per lu-
 m hominibus ostendere, quomodo Divinitas,
 de summum illud verum & bonum per omnia
 humana se diffuderit; quomodo homo ex hoc
 co carcere ad illud contendat & eluctetur.
 Tum hic Religio, siue mutuum inter Deum
 & homines pactum urgetur: hic Probitas, si-
 e hominum inter se ligamentum exigitur: hic
 ruditio, siue anima nostra excellentia com-
 mendatur. His tribus, veluti fidibus, & io-
 um meum constat: in his per tot & varias
 compositiones oberro, quas, si rei Christiana
 expediret, in infinitas nullo labore continua-
 erim: usque adeo facile est, nos debiti nostri
 multipliciter admonere. Duo tamen hominum
 genera admodum extimesco, nimios Rhetori-
 cos, & Dilectos; quorum illi mi-
 i persuasum volunt, quicquid volunt; hi ex
 ne factum volunt, quicquid volunt. Nam
 um illi inter credulos jam emerferint, & ob-
 inuerint, nihil erubescunt jam mihi persua-
 dere, Lupos sibi indixisse jejunia, Vulpes
 um anseribus reconciliatas, graculos in luscias
 transmutatos, & quid non? frigere i-
 nem, urere glaciem, dealbare carbones, ob-
 fuscare cretam; omnia suo loco, suo ordi-
 ne, sua perfectione esse: quibus si oculos, au-
 es, nasumque oppono, indignantur, audere
 quen-

AD LECTOREM.

quenquam obloqui, aut de religiosissimo, probatissimo, ingeniosissimoque seculo conqueri. Hi vero adhuc iniquiores sunt: Nam non satis est, acutissimis Syllogismis mihi cornua asfingere, sed perduellem etiam, & hareticum facere nihil tale advertentem possunt. Sic enim argumentantur: Gradus non sunt indignis conferendi: Ergo posthac omnes Ordines commiscebimus. Studiosi sunt in linguis erudiendi: Ergo ad Garamantas ablegabimus. Sumptus non sunt prodigendi: Ergo non nisi suttores posthac habebimus. Titulorum ceteræ sunt barbaræ, Ergo, Carolistadiani in posterum erimus. *Amplius*: Homines non sunt pecudum instar habendi: Ergo nemo herus ultra erit. Corpus non est saginandum: Ergo nosmet suffocabimus. Proximus est diligendus. Ergo castitatem aliquam ordiemur. Libertas est appetenda: Ergo omnes muros perfringemus. *Amplius*. Noli blasphemare: Ergo Anabaptista es. Noli semper epulari: Ergo Papista es. Noli mœchari: Ergo Enthusiasta es. Noli nugari: Ergo Svvenefeldianus es. Noli idola colere: Ergo Calvinianus es. Quo me vertam? Omnia ero, si hæc Conclusiones non tam sunt falsa, quam illi verissimas jurant, verissimas in publicum emittunt. At ego tales citius homines nihili, & Reipublica pestilentes Viris cordatis tum persuaferim, tum concluderim, qui nihil

AD LECTOREM.

nihil erubescunt, contra suam & totius Audi-
 torii conscientiam, hominis eandem Deum co-
 gentis, ejusdem Christi characteres ferentis, eun-
 dem Spiritum spirantis, eandem Religionem
 profitentis, easdem leges agnoscentis, eadem pa-
 tria servientis, idem Caelum sperantis, inno-
 centiam nondum auditam, atrocibus & viru-
 lentis conjecturis, conclusionibus, & condem-
 nationibus impetere; nisi me infamia eorum
 misereret, qua jam iam apud Christianos om-
 nes, ob prophanum facinus laborant. Hi nem-
 pe fructus sunt temerarii iudicii, ad quod Sa-
 tana instinctu, carnisque nostra superba pra-
 iudicio properamus, quo à Christo nostro abi-
 mus remotissime. Nam quicquid inspicimus,
 aut degustamus, aut obiter percurrimus, imò
 quod ab aliis accipimus, denique cuius inter-
 dum nihil omnino nec vidimus, nec audi-
 mus, id maxima virulentia dijudicamus, & ob
 unum alterumve vocabulum sinistre intellectum
 ad orcum dericamus, vel sane, quantum per
 nos licet, in visum reddimus: cum paulo post
 appareat, quam turpiter decepti, abrepti, pro-
 stituti etiam nostra stulta divinatione simus,
 quam facti in alienam integritatem caeco impetu
 iniuri. Itaque sic sentio: nunquam nos iniquio-
 res, quam cum conscientis dominari; nunquam
 infeliciores, quam cum liberis linguas cohibere;
 nunquam ineptiores, quam cum cordis penetra-
 tia scrutari; nunquam magis temerarios esse,
 quam

A D L E C T O R E M.

quam cum ignota nobis & inexplorata iudicare volumus. Nihil enim aque pronum est, quam à pessimo decipi, & de optimo quoque male suspicari. Malum namque scrupulosius emulatur bonum, quam bonum mali similitudinem evitat. Hinc candor, Veritas, libertas, rebellionis proxima videntur: Hypocrisis, impostura, adulatio, obedientiam summam referunt. De me id aio, videre, & cadere, quod de ullo homine unquam iudicaverim, cum nesciam, an rem aliquando tetigerim, certe plerunque longe aberrasse sciam. Id puto aliis etiam evenire posse, qui utinam & agnoscerent periculum, & in posterum evitarent. Qua contra me ipsum dicta & conclusa sunt, nunquam me vel procul tetigere: qui mentis errores veri fuerunt, latitarunt. Quid si in aliis idem fiat, & Deus velit nobis ita illusum, ut, quæ in propatulo sunt, non videamus; de absconditis vero ridicule nugemur? Amemus potius, quæ una res dona nostra amplificat, nos extenuat, secreta elicit, & manifestis delectatur: nam dum odimus, nec bonis proximi utimur, nec mala eius evitamus, nec arcana assequimur, neque patula dextre ob internum nostrum morbum iudicamus. Sed desino, Christiane Lector, & me tibi commendo, quem spero non fore ex istis, qui Verissima negare, certis-

AD LECTOREM.

artissima disputare, impudentissima commit-
te, & in sordidissimis triumphare non eru-
descunt, quorumque vox una atque perpetua
est: Crede, tace, da, tene, sequere, ma-
re, fer, patere, & quae sunt alia tyranni-
s vel religiosa vel prophana verba: sed qui a-
mo candido, & nequaquam lixore occupa-
t, quod in his meis iuvenile, castiges; inele-
ans poltas; dubium soltas; erroneum corri-
is; durum mitiges; verum probes; bonum fa-
as; mancum suppleas; &, quid me posthac
elis, moneas; qui Augustanae Confessioni in
concordiae Formula repetitae addictissimus,
IUM EA OMNIA MEA CONSEN-
IRE VOLO, ET DISSENTIEN-
IA REPROBO; quique tam sum ami-
admonitionis, & fraterna Correctionis
didissimus, quam atrocissimarum Calum-
narum contendo esse patientissimus. Oro te
aque per Christum nostrum, ut si quem in
e concepisti amoris candorisque puriorem af-
ctum, eum ad emendandum me, dirigen-
um, stimulandumque in Domini Via ad-
bere velis, ut per hac tyrocinia mea, te co-
nte, te etiam manu ductore, ad masu-
CHRISTI nostri exercitia ascendere,
& adversas mundo partes, qua ore, qua
stilo,

AD LECTOREM.

*qua stilo, qua opere, tueri, denique inter fi-
deles Crucifixi servos, numerari aliquando
queam. Vale in Christo, Christiane Le-
ctor, & aequitate pro-
fice.*

APC-

POLOGORVM
CHRISTIANORUM MA-
nipulus primus.

Seneca.

*modem prato homo Florem querit, bos her-
bam, canis leporem, ciconia lacertum.*

B

I. AEQVI.

I. AEQVILIBRIVM.



OLENT HOMINES PESSIMO more, si quem amant, omnia ejus etiam nugamenta, admirari; si quod exosum habent, omnia, etiam laudabilia, abijcere. Huic remedium allatura Philosophia, Morum regina, bilancem suspendi rationis atrio jussit, hominisque hinc bona, inde mala librare, ut, quæ pars alteram deprimere, homini vel laudi, vel vituperio foret; præficeretque bilanci Archimedem, Statices peritissimum, ne ullâ parte iniquius judicium vulgî valere possit, & innocentem onerare. Sed parum profecit Philosophiæ sollicitudo, nec persuadere hominibus potuit, ut laudarent, quos culpamplurimos; aut reprehenderent, quos suspiciendos sumpsissent. Uni ex verioribus Christianis facile assenserunt, cum bona quæque S. Spiritus munera honorarent; mala quæque, velut Satanæ insidias, commiserarentur, ac inter hæc fratrem sive proximum suum, qualiscunque is esset, patienter ferrent, & prudenter emendarent. Interrogati, quâ possint hoc carnis paradoxum sibi interpretare, responderunt: *Facilime: Esse enim cum homines beneficos, bonos amabiles, malos notabiles, amicos comites, inimicos praeceptores, apertos confidas, fucatos vigilas.*

2. ALCHIMIA

2. ALCHYMIA.

R s illa divinitatis æmula, quæ tarda Natu-
 ræ incrementa corrigens, ingeniumq; Solis
 & vitali calore imitans, Mercurium, me-
 tallorum omniū Embryonem, per altiores sphe-
 ricis ad sublime auri fastigium agit, cum profun-
 dam patrimonij alveum exhausisset, sordere ce-
 pit simul & esurire. Unde à modestioribus irri-
 petulantioribus, maledictis petita; severissi-
 mis, pœnas merita judicata est. Accedebat adul-
 teratæ monetæ, imposturarum, aliarumq; frau-
 dum suspicio, quæ decoctores frequenter comi-
 uri solet. Interrogata tamen, quî felicissimus
 uluis per tot artes, tantamque solertiam natus
 am jejune pasceret? Illa suspirans, & Philoso-
 phorum involucra, & vitream vasculorum fra-
 gilitatem, & cœli tardiores concentum, & ter-
 ræ impuriore mixturas accusavit. Quæsit, quî
 maledicæ plebis contumelias ferret? respondit;
 Nudâ spe, & curiosi animi voluptate. Interro-
 gata, anne doleret sumptus perditos? Subjecit:
 Gratis in Naturæ secreta nemini pervadendum.
 Quæsit, quid nunc ægerrimè ferat? respondit:
 quod cessantibus opibus sacer ignis quoque ca-
 dat. Interrogata, quid tandem reliqui haberet?
 respondit, Medicinam, qua famæ; mendicita-
 tem, qua fami consultura; sed & menda-
 cium, quo simplicioribus fumum
 venditura sit.

B 2

B. AN-

3. ANTIPATHIA.

Habet Natura suas debitas laudes, tum ob facultaria rebus creatis indita, tum maximè etiam ob Alexicaca venenatis & pestiferis opposita. Eas verò meritò exolvit homo, creaturarum siue princeps siue interpret: unde, laudatissimè instituto, anniversarium gratijs Naturæ agendis indictum est. Ibi præter alia acceptum ferimus Naturæ conditori, quòd Tyrānis opposuerit tragicos casus, qui superius in alicujus judicij reverentiam incutiant; & Atheis miracula, Satanæque æmulationem, quæ Deum esse evincant; & Absconditis conscientiam, qua internè rodantur; & Sciolis Naturæ abyssos, quarum ignorantia pudeant; & voluptuarijs morbos, unde in medio impetu coerceantur; & Avaris fortunam, cujus malignitate inopinatò evertantur; & Ambitiosis risum, cum alijs haud paulò fiant habeanturque minores; & Superciliosis libertatem, cujus invicto robori nullum infame silentium, nulla turpis adulatio, nulla stulta credulitas, nullum sceleratum servitium imperari possit: Denique Satanæ potentia Crucem, qua armatus Christianus, veluti Hercules, clavâ, omnia infernalìa monstra debellare valeat.

4. ARABICA LINGVA.

Ut artium inter se, ita & linguarum perpetua est & implacabilis invidia atque æmulatio. Nam, quia Logica auram popularem obtinet, Physica & Matthesis spretæ ringuntur. Sic quia
Latina

MANIPULUS I.

5

Latina lingua ubique insolenter se effert; Græ-
ca, Hebraica, Arabica, & aliæ haud paulò anti-
quitate nobiliores, sui contemptum iniquissimè
erunt. Nuper sanè in apertum conflictum, clan-
destinum odium erupit. Nam cum Arabica lin-
gua aliquot tyronum, ac inter eos laudatissimi
licijus senis, institutionem tribus tantum mē-
bus absolvisset, idque publicâ fide testaretur,
non potuit abstinere, quin Latinæ linguæ, ma-
gis volæ suæ, cum socordiam, tum malam fidem
exprobraret, quæ juventutem immenso sumptu
per decentium & amplius distineret, nec post
infamem illam moram operæ & impensarum
retium, nisi rarissimè, ostenderet: Insuper nisi
vocabulis & formulis ad tumorem usque inge-
stis nullâ rerum elegantiorum, rariorumq; co-
gnitione, nisi paucos adimpleret, ac omnino
præter coaxare, sapere nihil, aut scrutari Mun-
dum edoceret. Quæ ut audivit Latina lingua,
nihil commota effusè risit, & *ô misera*, inquit,
quàm frustra nugaris! Nam ego mihi jam du-
lum homines ita devinxi, ut si seculum phrafi-
bus meis impendendum sit, breviusculum id
Grammaticis videatur: quoniam id jam usu re-
ceptum, ut quisq; vel balbutiat latinè, ex publi-
co alatur.

5. ARNDVS.

Joh. Arndus vir Christianæ justitiæ exactus
custos, cum in provinciâ suâ bonorum ope-
rum tributa diligentius exigeret, accusatores
suos reperit. Nam cum quorundam Præsidium

B 3

conni-

conniuentiâ leges virtutum laxarentur, & Aërii charitatis inopia in carnis sterilitatem coniceretur, permultis ea vivendi ratio allubuit, quod satis esset, se Fidelem subditum pronunciare, de cætero suo modo vivere, nihilq; in publicum conferre. Itaque Arndus, quod antiquissima jura, constitutiones, legesque quasi erueret, erosasperpoliret, easque omnino servandas graviter imperaret, jam intolerabilis creditus, Sophistæ, Hypocritæ, & Epicuri calumnijs petitus, causam dicere coactus est. At tum paruit quam Deo curæ integritas, vitæque rectitudo esset. Ita enim subito bonorum passim omnium animi ad Arndum converſi sunt, ut probato undique disciplina servandæ instituto, nihil pronunciare necesse fuerit; sed publico consensu oblatrare huic homini facinus & opprobrium sit creditum.

6. ASTROLOGIA.

Astrologia, quæ aëri, terræ, mari, eorundemq; incolis severissimis legibus imperare solebat, ac humano in primis generi dura atque inexorabilis credebatur, cum nuper Christianorum gregi nescio quid tributi imponeret, turpiter explosa est. Est autem hoc hominum genus jam ab antiquissimis Israëlitis non tam contra auguria, aruspiciaq; & per similes sortes, sed & ipsa astra contumax, & imperij absoluti impatiens: Unde ad paganos etiam vicinos contagione serpente nonnullis cordationibus defectionem persuasit. Id ægerimè tulit Astrologia, cumque trigonos suos, quadratos, sextiles, oppositiones, cunctosq; aspectus

MANIPULUS I.

7

pectus exarmasset, & Castrorum schema dede-
 uosq; Christianis adversum locasset, bellum
 lam indixit, imbrisque, grandinibus, ful-
 inibus, & meteoris alijs limites vastavit. Sed
 hristus, convocatis in Fidei propugnaculum
 is, securos esse ac bono animo iussit. Nam si
 maxime pereat, quicquid extra muros; hanc ta-
 men arcem invictam; sed & annonam ad huius
 ita periodum sufficientem esse: Hac se conti-
 erent, qua si egrederentur, non per se ultra sta-
 e, ne à Marte, vel Saturno, vel Venere, vel Mer-
 urio interimantur.

7. BERMANNVS.

Aurentius Bermannus, vir non minus litera-
 rum, quàm rei metallicæ peritissimus, cum ex
 rofundissimis puteis & subterraneis regnis ad
 superiores enixus esset, visurus, quid Martyrum
 Ruffini atq; Albini ossibus, tam infano labore &
 reluctantibus Dæmonibus, per tot machinas ef-
 fossis extractisque honoris fieret; rebus explo-
 ratis, plurimum confusus est. Nam cum videret,
 varic eos, prout in homines inciderent, puta su-
 perstitiosè, prodigè, impiè, sordidè, impurè, ne-
 gaciter, serviliter; rarò liberaliter & decorè; reli-
 giosè quàm rarissimè haberi, obstupuit tanta
 pericula, fœtores, & Sisyphia veluti supplicia,

— ubi, Dite & iso,

Pallidus fossor redit, erutoq;

Concolor auro:

Ob id unum sustineri, ne unquã malefaciendi ir-
 ritamenta desint, & vita nostra fabricandis Lethi
 instrumentis atteratur: itaq; se jam posthac nec

B 4

Mari

Mari succensere, quòd temerarios homines con-
glutiat; nec Berchtoldo Nigro, Bombardarius
inventori perniciosissimo, cum res innoxia,
suâ naturâ perutiles, hominum malitiâ in me-
tormenta, venena, onera, & infelicitatis cuncta
species, non Chymicâ arte, sed Midæ stoliditâ
convertantur.

8. B E S O L D V S.

C Hristoferus Besoldus, qui nihil nescire cre-
ditus est, postquam Divina humanaque pro-
pemodum omnia evolvisset, inopinato ausu o-
mnem scientiam ejuravit. Id variè acceptum
ab æquissimis modestiæ ascriptum est & collau-
datum. At ille seridò id amovit, fastusque est ite-
rum atque iterum, se nihil scire. Nam in illâ va-
stitate rerum humanarum ne titulos quidem in-
finitarum specierum perlegisse, tantum abesse
ut naturas earum penetrârit. Satiùs itaque esse
ad Christi incunabula & præsepe cum simplicif-
simis pastoribus properare, quàm hac noctis ca-
ligine, & aëris intemperie, inter ovium balatus,
& canum latratus, luporumque insidias, fœto-
risque graveolentiam, ad caulas vigilare, horre-
re & frigere. Stetit sententia: at non ubique ob-
tinuit. Riserunt enim sacrificuli: blaterarunt
Vocabularij: increparunt Politici: murmurarunt
rabulæ: perstrinxerunt pinguiculi: dijudicarunt
supini. Cumque publica esset fabula, ille nihil
commotus, nihilque mutatus: præsciebam, in-
quit, quid oneris mihi cum Christo imposue-
rim.

MANIPULUS I.

9. CALVMNIA.

Alumnia, triceps, mordacissima bestia, dum sibi, proximo, & auscultatori nocere satagit, nemcunque officij sui iter facientem conspiciat, magna ferocitate invadit. Ejus verò hæc est natura, ut minus acuminatos dentes habeat, minusque rictum stringat; unde, si quis corpore fortior, dentes parum imprimat. Sed caudam habet productam, quam per impura trahens, & obænis inquinans, ijs infligere solet, quos lædere non potest, atq; vel vultum ipsum, vel sanè vestes maculare. Novit autem has sordes apud nobem noxam esse, & invisam reddi ipsam etiã innocentiam, neque facilè detergi posse hanc turcitiam, maximè si occipiti aspergatur, cum nemo vel spongiam suppeditat, vel abluendi operam suam addicat. Accidit, ut in Peregrinum erræ, sive hospitem incideret, ac nequicquam tentatis dentibus, more solito hæreseos, rebellis, curiositatis, diuagationis, maledictionis, dissolutionis, ignorantie, imposturarum, singularitatis, &c. stercore contaminaret: quod agrè ferens homo candoris, nitorisq; Christiani studiosissimus, cum hospitalitatis humanæ jus ad vim usque surdis inclamaret, patientiã in justã iram versa, flagellum ex vero liberoque contortum apprehendit, bestiamque à cauda ad aures usque egregiè diverberavit. Quæ ululans & Acheronta movens, cum ubique rideretur: Eheu, inquit, quàm durum est, post aliena falsè clamululum traducta, mea verè publicata exaudire!

B 5

10. CAM.

10. CAMPANELLA.

Thomas Campanella, insignis artifex, Archimedæ machinæ æmulatione, automa monarchicum fabricavit, quo motus Solis ab Oriente cidente orientis ingeniosè repræsentaretur: id Philippo 2. Hispano, &c. cunctarum gentium parenti, inter totius Orbis monarchas potentiissimo, Numine Dei electo ad sparsa imperia congreganda, &c. dedicavit. Jucundum utique spectaculum, cum Galliæ, Germaniæ, Italiæ, Angliæ & per similes rotulæ sese mutuo insigni artificio exciperent, & Punicum illud Solare corpus supra horizontem elevarent. Id opus Indico auro fulgidum, & Morphei penicillo variè pictum cum ad Magnum Mundi Monarcham Albani similiū aliquot ministerio deferretur, cum in portuum mare Anglicum vix evasisset, nescio quo infelici casu rheda, qua vehebatur, in mediis Belgij corruit, opusque inæstimabilis pretij perire fregit. Qua ministrorum negligentia supra modum irritatus Philippus, cum frustra Occidentis Orbis artifices implorasset, justo dolori, decentique pudori aliquandiu indulgens, tandem in summī artificis, DEI, sapientissimā machinā acquievit.

II. CARDINALES.

Thomas Wolfæus, Carolus Lotharingus, & Antonius Perenotus, orbis Christiani turbatores Cardinales, & malorum Triumviri, ex Orco in terras emissi, ut pacem publicam Plutoni tantopere noxiam disturbarent, ut primū lucem

ocem aspexerunt, magnâ trepidatione ad supplicia sua retrò properarunt. Nam seculi Luem intuiti, unde tot Politicorum examina, legionesque fecundo incubitu producuntur, cum omnium etiam impuberum ore *ragion di stato* peroraret, religio, integritas, fortitudo, &c. sordescerent, sibi inter tot scorpiones metuentes, nihil suâ præsentiâ, nihil consilijs aut novaculis opus, omnia universalem aliquê interitum minari, constâter asseverarunt. Nam decrepiro hoc deliro seculo jam non amplius infernales portas circa cardines verti; sed deiectas Politicorum *impressis* diductissimo rictu immensam turbam promittere. Id audiens Pluto: validè, inquit, administris meis obstringor. Nam ut Cardinibus debeo Carbones; ita flabellis hisce Politicis flammâs.

12. CEREBRVM.

THomas Garzonus, celebris & perdoctus Mimus, cum ludos ederet, voluit & theatrû suum ingenio extructû, & spectatores nō nisi suo arbitrio admissos. Itaq; nec Romani Curionis versatile, nec Zvingeri portatile placuit; sed plumeû volatile theatrum allubuit. Ei affixit varia ingenia, bona mixtim malaque, hinc quieta, bellicosa, læta, faceta, arguta, astuta, vivacia, subtilia, intelligentia, virtuosa; illinc vana, volubilia, curiosa, iracunda, violenta, otiosa, stupida, infida, timida, obtusa, obliviosa, inepta, simplicia, vacua; alibi mordacia, scholastica, sciola, gloriosa; alibi mascula, constancia, libera, resoluta, sagacia, universalia, gravia,

gravia, cabalistica; alibi spurca, ignorantia, malitiosa, adulatoria, dissoluta, intemperantia, vitiosa; alibi Phantastica, litigiosa, perversa, duramelancholica, Alchymistica, Astrologica; alibi evagantia, furiosa, terribilia, obstinata, desperata, atque, ut finem tandem faciam, alia plura, in classes sedesque suas ordine distributa: quæ omnia spectare fabulas, quas fecisset, & dijudicare voluit. At illi tam opinionibus, quam capitibus numerosi, diuersique, tumultu exorto, muruâ lanienâ sese, & Theatrum, & Choragum peritus absumpserunt.

13. CHRISTIANI.

Religio Christiana cum hostium frequentes minas & assultus formidabiles quotidie audiret, suis rebus prospectura, lustrare cives, & arma eorum explorare decrevit. Ac tum supra fidem instructissima omnia reperit. Nam & ingens erat armatorum exercitus, & corpora roboris minarumque plena, & arma, quibus expeditissimè utebantur, omnia radiantia. Sed cum propius accederet Religio, parum abfuit, quin exanimata conciderit. Quod enim ferrum chalybsve credebatur, nugæ erant; gladij ex verborum plumbo, thoraces ex syndone Voluptatis, galeæ ex cera vanitatis cristatæ, scuta ex opinio-num papyro, hastæ ex conjecturarum arundinibus, vexilla ex aranearum telis Philosophicis confecta, tum tormenta Cannæ Indicæ erant, pulvis semen papaverum, pilæ vitreæ: quæ omnia, venditis tribunorum socordiâ veris armis, irrepre-

repperant, ac è contra antiqui etiamnum robore
fidei, armaturæque milites ridiculos fecerat.
um itaque Religio amarè lamentaretur, uni-
versa concio bono animo esse iussit: se enim ad
premiu halitum fidem probaturam. At illa:
Quid mihi fides, inquit, vestra proderit, cum o-
mnia inutilia erunt? Juro enim vobis, cum olim
vobis nudos & inermes in aciem producerem, unum
martyrem vel excoriatum præstitisse centum
vobis inauratis, argentatisque loricis obductis-
simis,

14. CHRISTIANVS III.

Christianus 3. Daniæ Rex Christianissimus,
quod peccata sua Concionatoris genibus
provolurus, confessus, neque ullo honoris titulo
absolvi se passus esset, superstitionis ab Evāgeli-
is notatus est. Quid enim, aiebant, si ad prio-
rem illam nostri abiectionem, quam Papa ne-
quiter impetravit, relabamur? quid si sacrorum
ministris novæ feriendi cornua imponamus?
quid si Rex nihil à plebeio differat? At ille heros
sacrorum turbatus, hunc se honorem Deo debere,
libenterque dare, ingenuè est confessus: nec e-
nim se Regem procumbere, sed peccatorem; nec
à homine absolvi, sed à Deo. Discerent autem,
qui Evangelium jactitant, nos neque à reveren-
tia Dei, neque ab ornatu sacrorum, neque à sub-
sidio pauperum, neque à jejunijs carnis, neque à
devotione corporis, neque à castitate matrimo-
nij, neque ab exercitijs virtutum, sed à tyran-
nide tantum Pontificiâ liberatos esse: Qui se-

eus faxint, exuisse quidem Anti-Christi lora; & induisse Satanæ compedes.

15. C I R C E.

Hollandorum navigationibus nova terra detecta est, vastissimæ latitudinis, & quæ mirum dictu 9288000. miliaria complectitur. Ne ab hominibus, nisi rarissimis, sed infinitis bestii inhabitatur; quas tamen aliquando rationē habuisse, & à Circe, magnâ Reginâ, transmutatos has sibi larvas sumpsisse aiunt. Illis mira absurdaque vivendi ratio, nec alia voluptas & æstimatorio, quàm sordidissimarū rerum. Unde quicquid cælum demittit, abhorrent, nec nisi terrenis vesci volunt, ipsq; inquinatis. Lucem omnem averfantur, & impingere in tenebris ac collidigestiunt. Sono, fumo, umbris, spectris, & similibus unicè delectantur, nec patiuntur à reb⁹ ipsis tangi, decipi amant, & deceptores colunt, verum honestumq; penitus proscribunt. Hos cum Tobias Adami, Orbis felicissimus peragratior, esset intuitus: Verissimè, inquit, Os habent, neque loquuntur; oculos habent, neque vident; aures habent, nec audiunt; nares habent, nec olfaciunt; manus habent, neque tangunt; pedes habent, nec ambulant; nihilq; suo guttore sonant.

16. D E S I D E R I V S.

Habent exempla magnam vim, bonas mentes ad virtutem excitandi: unde Religio per sepe solet Sanctorū vitas juventuti explicare, & ostentare invictum robur; sed & imaginib. conservare memoriam. Hinc Sacrarium Latinum plenū est representatione laudatissimarum actionū, quibus

is beati Dei amici in hac operum palæstrâ for-
 ter se exercuissent, & donorum Dei luce coru-
 cassent. Habet autē illud certas suas distinctio-
 nes, quib⁹ vitæ humanæ gradus exprimuntur, ac
 in porticu quidē, ut aliquos recenseam, ostendit
 Liberium, Vitalē, Hilariū, Felicē, Fortunatū, Be-
 nedictū. Si ingrediaris, apparent Alban⁹, Germa-
 nus, Candidus. Interius visuntur Severinus, Ju-
 lianus, Constanti⁹, Maxim⁹. Propē adyta reperi-
 untur Prudentius, Vigili⁹, Servatius. Ipsa adyta
 custodiunt Vincentius, Valentin⁹, Victor, Potē-
 tianus. Sed in meditullio effulgēt Bonifaci⁹, Be-
 nignus, Mansuetus, Modest⁹, Clemens, Pius. Cē-
 terum his omnib. præest Sanctus Desiderius, ut
 iuventus Christiana moneatur, Dei amicitiam,
 & carnis victoriam virtutumque gloriam, non
 nisi precib⁹, lacrymis & suspirijs posse impetrari.

17. D O S.

Cum Matrimonium permultis grauib⁹; ac-
 cusationib. laboraret, & dicacissimus quisq;
 Philosophorū in eā linguā acueret, illud exami-
 natis apud se cunctis querelis animadvertit, Do-
 tis, ministræ suæ, insolentiā plurimos offendi. Nā
 cuiq; feminæ faveret ipsa, subitò sumptuosas,
 difficiles, delicatas, ac omninò intolerabiles fieri
 Itaq; ablegatâ hac intractabili ancillâ, Pietatē ex
 Virtutū familiâ conduxit, ratū, hoc modo satis-
 fieri hominibus, & tranquillitatem reddi ædibus
 posse. At longē falsum est. Nam utut Pietas om-
 nes benignè & placidè advocaret, remq; dome-
 sticâ procuraret dexterrimè; tamē, ut primū est
 animadversum, abesse illâ festivitātū, voluptatū,
 vanitatumq; administram, sobriè posthac, fru-

galiter & sine strepitu vivendum, laborandumque, non desijt murmurare & tumultuari, quàm Dos officio suo restituta esset. Ab eo tempore elatior reddita, omnem Matrimonij Oeconomiam sibi vindicavit, administravitque impotentissimè.

18. E N E N K E L I V S.

Georgius Acacius Enenkelius, Liber Baronis Hoheneccius, qui juvenis supra senes sapiebat, jam vir factus, incivilior Mundo creditus est. Nam cum hic solenne suum Vanitatis epulum daret, atque ille inter heroas vocaretur, minus, quàm pro famâ, Magistro Cæremoniarum satisfecit. Nec enim vestibibus ambitionis nitebat, nec fercula avaritiæ gustabat, nec mero eruditionis inebriabatur, nec colloquia impietatis miscebat, nec Symphoniacis famæ delectabatur, nec choreas inanitatum ducebat, neque ullâ parte convivarum moribus streperis se aptabat. Id cum neutiquam affectatum videri posset, eius misertus Mundus, clam Medicum, Ph. Mornæum immisit, qui morbi latebras indagaret, adderetque salubre remedium. Is verò cum rationis, sanitatisque plena omnia reperiret, exactius vitæ insolitæ causas explorans, palam deprehendit, sacro spiritus motu nobilem animam regi, palamque vel invitissimis Epulonibus est professus, nihil esse gloriosius humilitate, nihil opulentiùs liberalitate, nihil doctius silentio, nihil ingeniosius simplicitate, nihil sapidiùs abstinentiâ, nihil agiliùs quiete, nihil fortius patientiâ, nihil denique liberior servitio Dei.

19. E R-

19. ERRARE.

Si in Experimentorum Collegio perampla contignatio ijs assignata, qui masculis ausibus speque suâ excidissent, habitata frequentissime à Mathematicis, quos Circuli Quadratura perfellit; Chymicis, quibus Azoth evolavit; Mechanicis, quorum perennis motus quievit; alijsque ingeniosis ubi industria cum labore sumptuoso perijt. Eam fortè spectator transiens, Micrologus, suaviter ridere cepit, & nescio quam temeritatem cogitabundis exprobrare. Ecquis propterea genius hos iussit (inquiēbat) tritam inventorum semitam relinquere, ut in curiositatis decursibus aberrarent? Non tulit scommatis iniuriam Hieronymus Cardanus. Naturæ fossoribus prædictus: Et hoc pecus, ait, errare non potuit? Nimis angusta res est, non errare. Est enim nobilius quid errare & hallucinari, maiorisque conamini indicium, quàm quod in humilem ac per lucum tractam animam cadat. Nobis tentare placeat, tibi relinquere necesse est: nobis interrogare licet, tibi credere injunctum: nobis dubitare concessum, tibi parere debitum: nobis explorare liberum, tibi imponere mandatum. Itaque meminere neminem præstantiorem artificem, quàm qui errores suos doctus ante quod caveat, quàm quod faceret, viderit. Nam qui per generosos lapsus omnia soluto impetu pervadit, sic & hominem esse se cadendo dicet, & quia nihil mediocre concupiscit, proximus tenenti summa est.

20. EXVL.

V Ertumnus cum terras obambulans, nunc Christi fidelem testem, nunc patriæ strenuam Athletam, nunc Musarum pervigile alumnum, nunc Naturæ sagacem indagatorem, nunc ædium fidelē custodē, nunc officinæ indefessum administrū mirā linguæ volubilitate mētiretur, ob id quod fortunæ ludibrium, Satanæ odium, Mundivē in gratitudinem, atque omnino dira duraque perpetuum conquereretur, fraudi insuper bonorum testimonio, & obsignatis literis fidem faceret, magna argenti vi simplicē condolentiam multavit. Sed, ut mendaciū parū sui memor est, cum alia atque alia effutiret, in Sagacitatem, nasutissimam feminam, incidens improvisis cassibus irritatus est. Unde examinatus & fidiculis tortus cum fabularum insignem numerum, & credulorum immanem turbam proderet, res risu, quam irā dignior reperta est. Nam utut hinc miseria simulatio, illinc condolentiæ humanitas sese mutuo certatim provocabant; tamen quod exigua veritatis specie, aut rationis umbrā tot affectatamenta niterentur, credibile fuit, permagnam dolo à simplicitate ansam traditam. Itaque mirata hominum errores Sagacitas: Crediderim inquit, hanc lævam mentem hominibus merito suo immissam, ut, quod dignis probisvè negatur, avaræque impenditur, otiosi emulgent, vel impostores emungant.

21. FIDES.

Atharus, Puritanus, & Lutheranus cum fortè
convenissent, & religionis suæ limpinitatem
se quisque vel nominis indicio extolleret, ac
ræcus quidem Theologiæ suæ subtilitatem,
Romanus amplitudinem, Germanus soliditatē
epredicarēt; ille ingeniosissimè, alter sumptuo-
sissimè, tertius tenacissimè, Deum colere gloria-
rentur; ille rationes, alter vires, tertius patienti-
am jactarent; ille nobilitatem, alter senium,
tertius liberalitatem efferrent; ille revelationes,
alter miracula, tertius obsequium ostentarent,
quod absque arbitris lis pependit, nec, qui judiciū
ibi sumeret, facillè reperit. Itaque consultæ Aca-
demiæ, cum ille scientiam suam, alter opera, ter-
tius fidem exhiberent, neque consilia inter se cō-
venirent, novis obortis ambiguitatibus, negoti-
um omne suspensum est. Interea primus ruga-
batur, alter superbiebat, tertius laborabat, cum
quidam ex Christianis simplicibus interveniēs,
ibi dubium hoc audivit, nihil præmeditatus:
Quis hæset, inquit, Græcorumne lubricitas, an
Romanorū ambitio, an Germana fides præstet?

22. FLORIDA.

EST in Floridâ insulâ augustissimum templū,
cujus picturæ intus ingeniosissimè distributæ,
rerum humanarum scientias & actiones omnes
elegantissimè referunt, & spectatores nullâ mo-
lestiâ, voluptate verò infinitâ brevissimo tēpore
deliciis, quā omnia Academiarū volumina eru-
diunt, eas, si vacet aliquando, aut nō sit ingrātū,
depin-

depingere lubet. Nunc porticum obiter describere visum est. Is utrimque dispositas tabellas cum statuis affabrè factis, & in superiora paulatim ascendentibus habet. In dextri lateris imago Grammatica se sistit, habetq; amicas duas Dialecticam & Rhetoricam: supra eam apparet Physica, cui Medicina & Chymia sociatæ sunt, postea Mathesis conspicitur cum Arithmetica & Geometria suis familiaribus: denique in fastigio Theologia refulget, cui, ceu Reginae sue reliquæ omnes ancillantur. Alterius lateris basis Agriculturam exhibet, cum Pastoritia & Piscatoria; inde Mechanicam, cui Metallica & Nautica fidas manus porrigunt; mox etiam Historiam, quam Chronologia & Geographia honorant: postremo Politiam, quæ unam Theologiam superiorem agnoscit, cæteras inferiores iudicat. Supra portæ arcum nomen **J E S U** venerabile relucet, verum & bonum sibi vindicans sibi que devinciens: infra nomen tabella oblonga, cum inscriptione: *Quid, si sic?* ad tabularum bases, duo quadrati lapides, cum titulis, uno *Suspiciendo despicio*: altero: *Despiciendo suspicio*, in quorum medio caput vultus triplicis cum symbolis: *disce, age, crede.*

23. F R E I D A N C K.

Christiana Religio ut exercitatiores habeat sclopetarios, eos interdum ludicro certamine, præmioque proposito committit. Id cum nuper admodum instituisset, multi comparuerunt quibus spes erat ad scopum collimandi. Ijs judi-

cc

præfecti Augustinus & Epiphanius, datique
 nces Flaccius & Wigandus, tum Notarius ad-
 ritus Chemnitius. Cum aliquot diebus jacu-
 ntur, rari circa centrum, plerique in margi-
 nis; scopus intactus repertus. Et excusatio-
 ni omnia plena, quibus ventus, sclopeta, pul-
 & quid non accusabantur. Circumibat sclo-
 patorios ludio, cui Freidanck nomen, qui cum
 nitaculo, & ridiculis rhythmis enormiter pec-
 nes dedolaret. Is cum videret simplices, atq;
 pueros quam proximè accedere, denique
 entem scopum attigisse, eruditos, ingenio-
 s celebres, potentes, artifices, & quoscunque
 ridos alios immane quantum aberrare, non
 minuit scommata, & in vertiginem Sopho-
 vel Sophistarum liberè jocatus, haud ob-
 ne invidiam sibi peperit. Id animadvertens,
 mutatus, sed semper liberior: Quid irasci-
 ni, inquit? jam enim non quid possideatis vel
 neatis, quid scripseritis vel legeritis, quid o-
 mini vel argutemini, sed quam propè Chri-
 scopum tetigeritis, quæstio est.

24. GLADIATORES.

III. Calend. Maij, qui dies Fordicidijs olim
 acer, infestis animis cruentoque Marte con-
 tum est, nec ob lanam quidem caprinam; sed
 omnium maximam, Grammaticam. Nam
 Academiae penultimum jugum alij produ-
 unt, alij angustarent; nisi sanguine, res dirimi
 potuit. Horribile est recitare, quam fœda
 acies apparuerit, cum nebulonum, scelera-
 torum,

torum, sacrilegorum, plagiariorum, sycophantarū, phantasticorū, fanaticorum, monstrorum falsariorū, beanorum, sophistarum armi, rostrum, ungulæ, & cadaverum aliæ partes sine personæ figura, numero & casu, multa sanie & fœtore abominabilia humum operirēt. Id turpitudinis intuitus Tranquillus quæsiuit, Quo jure, qua licentiâ homines hanc immanitatē perpetrarent? Responsumq; tulit, Licere literatis, ob quamcunque levē causam sese in hunc modum fœdissimè dilaniare. Nā quod Cerdon in Cerdonē, & lictor in lictorem minimè permittatur, ob artis infamiam, id liberalium artium esse privilegium, ut illiberaliter sese mutuò tractent. Abnuī Tranquillus, & consuetum illud *Non sinit esse ferre* subinde ingeminans, tandem conclusit: Non videri spiritu Christi agi, qui ob accentum vel syllabam Christianæ charitatis & mansuetudinis obliti, hoc unum agant, ut maledicendo, moriendo, & latrando Caninam victoriā obtineā.

25. H E S S V S.

Tobias Hessus, vir multæ, sed variæ famæ, in solito & omni medicinæ incurabili morbo exagitatus, tandē ad Deum redijt. Convenēre tunc ad cadaver experientissimi Anatomi, Vesalii Platerus, Bauhinus, Fabricius, alij, ut tot malorum sedes scrutarentur. Secto apertoq; corpore, Cor repertum est sanum, & cruore Christi purpureū pericardij tamen humor ex traduce infectus reperiebatur, pulmones sacer spiritus permeaverat, ulcera tamen Academicæ scientiæ animam dixerunt. Hepar Christianū virtutes in corpus unum
versum

sum elegantissimas diffudit, nisi fortè ex cõ-
 sione vitii accessit. Lien dilectionis sanguinẽ
 primũ cõfecit, nisi quãdo chyli malignitate est
 ceptũ. Renes, alioquin castissimos, nescio quẽ
 pura adeps copiosè circumfudit, quæ præter
 naturam nõ fovere calorẽ, sed languescere visa
 e. Fellis vesicula nuspiã apparuit: nec. n. vel ho-
 mous irasci potuit. Stomachus perfectissime cõ-
 sitionis deprehensus, qui calumniarũ ferramẽ-
 triã absumpsit. Cerebrum planè perfectũ, quod
 curiositatis excrementa benè evacuarat. Sed &
 cetera omnia sana. Tum obstupescens Vesalius:
 Ubi Deus, inquit, hunc hominem Mundo mori,
 dab eodem interim iussisset, immortalis futu-
 rus erat, quem Natura contra omnes malevo-
 lentia morbos invictum reddiderat.

26. HOSPITALE.

Ubet pietas, ut quib. Natura iniquior fuit, ra-
 tio humana condolens subveniat. Itaque salu-
 ti consilio ingentibusq; sumptibus Hospitale
 exstructũ est, quibuscunq; vel cerebri nimium
 minus, vel dilutio aliqua contigisset; longa-
 que serie distincta conclavia, quæ variæ sortis
 alesanos susciperent. Ei præfecti Erasmus &
 Hauserbergius, additusque, qui vices suppleat,
 Randius. Cũ nuper recenserent alumnos, re-
 cerunt phreneticos, melancholicos, somno-
 atos, ebrios, obliuiofos, stupidos, crassos, sim-
 plices, supinos, fatuos, vitiosos, indignabundos,
 ridiculos, gloriosos, simulatos, lunaticos, aman-
 s, desperatos, heteroclitos, parasitos, jocularis,
 riosos, bestiales, vertũnos, obstinatos, elusos,
 frenes, extravagantes, furciferos, &c. cum ovis

& pullis, floribus atque seminibus, quibus dum F. Rabelafius, Medicus ordinarius, pharmaca & embammata applicat, & capita lixivio lavat, quicquid vapulet, & oleum operamque perdat, tamen decretum est, indignis, invitis, & reluctantibus benefacere, quippe miseris atque miserabilibus.

27. HOSPITALIVS.

Michaël Hospitalius, moderatorum consiliorum Princeps, & reformandorum morum studiosissimus, Morvillerij vehementiâ, & præfractâ vitiorum tenacitate exagitatus, honorem missionem efflagitavit. Sed Aula solito suo ingrata, ut colore aliquo iniquitatem illiniret, delirij hominem accusavit, & cadaverosum senem sine ullâ laborum memoriâ abegit. Id audiens Annas Monmorantius, lentæ & cautæ prudentiæ, sed ingentis animi dux, vocatum ad se Hospitalium multis ac benignissimis verbis est consolatus. Sic enim ferre nostra secula, ut prudentia delirium, pietas superstitio, patientia vilitas, parsimonia sordes, temperantia rusticitas, justitia fatigatio habeantur, neque quoniam facilius emergere, quàm turpi abiecta que in alto sedentis vanitatis sequelâ. Id ergo agamus, integerrime Hospitali, inquit Momorantius, morte nostrâ ac sanguine testemur delirij nostri fidem, dum illi infami transfugio sapientiæ suæ levitatem prodant.

28. ILLI.

28. ILLITERATI.

Ranciscus Petrarca, vir nunquam satis laudatus, cum inter literarum procures magno consensu atque applausu, maximè verò Roberti, regis Siculi eruditissimi, commendatione esset ceptus, non caruit invidiâ. Etsi enim in Republicam merita ipsius jam publicè extarent, tamen quòd venationi Aristotelicæ, aut piscatione sophisticæ, aut aucupio Logodædalo minùs videretur, retiariis nonnullis risui fuit. Convenerunt itaque quatuor, quorum primus aras nullas sciebat, secundus paucas, tertius multas, quartus non paucas quidem, sed perexas adeò, tamque incompositas, tantâ insu-levitate & jactantiâ, ut fortasse melius fuerit, illas nosse. Ii collatis inter se sententiis, brevem definitivam tulere sententiam: *Petrarcham de literis, & virum bonum.* Id ubi innotuit, res publicis vindictis, ac in primis acerbo stilo, quo philosophastrorum supercilium retunderetur, una judicata est. At Petrarca cum audivisset solito hilarior: O utinam hoc unum verè dicerent! Si hæc, alme Jesu, mea portio, ut bonus. Nam ex literis nihil aliud quæsi, quàm ut bonus fierem: quòd si literæ accessissent, non proluisset: nunc cum sine iis aut extra eas boni concedatur, equidem mihi & cunctis ignotibus de compendio gratulor. *+ aut dicturi sint!*

29. IOHANNA.

Artiol. Chassanæus, magni nominis I. C. quòd in murium Heduensæ Præfecturam
C vastan-

vastantium causâ pervicisset, jam intricatissim
 rebus par creditus, Romam, ut Johanni Octavi
 ablatum historicorum garrulitate virilem s
 xum restitueret, evocatus est. Non placu
 causa circumspecto homini, quòd mammillæ
 alia reticenda sequiorem sexum clamarent: V
 rum tentandum aliquid pro sacrâ sede ratus, cū
 in forum venit, nihil rationis attulit; sed fæm
 nam esse id verò constantissimè pernegavi
 Monitus autem, quem veri colorem adferret, r
 spondit. Non esse, cur à tam sublimi dignitat
 fastigio ratio ulla requiratur, cuius verba si
 affirmantia, siue negantia rationes sint. Iteru
 monitus, Deum ipsum suorum operum homi
 nibus fidem facere, atque velut dare ratione
 prolixè, quàm aliter ferant magnatum ratione
 differuit, quorum interfit, nivem atram, & car
 bones candidos, ignem frigidum & glaciem fe
 vidam pronunciare, neque demonstration
 necessitatem unquam subire: Proinde creden
 Virum nunquam fuisse Johannam, fæminam Jo
 hannem nunquam fuisse; nec peperisse virum
 nec genuisse fæminam, sed Phœnicis more Jo
 hannem Johannam, Johannam Johannem mu
 tuis vicibus produxisse, idque reliquisse mort
 libus dubii. Tum astans quidam: Credamus
 inquit: quoniam affirmando negandoque omni
 iniquitatis mysterium absolvitur.

non
 credamus

30. KABALA.

S Olet Kabala apud Sophistas malè audire, v
 lut affectatæ obscuritatis & superstitosæ c
 riositate

proficatis magistra; ob id etiam magis, quod Ra-
 tionalis & Paganis, quam Christianis familiarior.
 Id illa, impurorum societate remotâ, cum Theo-
 logis se probasset, jam famæ securior, illudere
 peritis cepit, & stuporem garrulorum dedi-
 cari. Quin etiam in publico beneficia sua ja-
 navit, quibus omnes hominum ordines cumu-
 lè afficeret. A me, inquiebat, habet Antichri-
 stis anathematum suorum terrorem, & Princi-
 pes absolutam faciendi potestatem, & Sophistæ
 ignorantia velamen, & Hypocritæ sui in-
 fini Atheismi voluptatem, & Monachi suam
 ulentissimam pauperiem, & Jesuitæ suas sese
 sinuandi rimas, & mulieres suum servile impe-
 rium, & Politici suam Chrysopœiam. Nam si ar-
 gumentis, quibus talia perficiuntur, scriptæ extarent,
 nemo hominum, id ut ferret crederetve, adduce-
 retur. Nunc dum per Kabalam de manu ad
 manum, ab aure in aurem traduntur, & multis
 peroglyphicis ænigmatibus, symbolis, aliisque
 mysteriis peraguntur, fit, ut hominum oculi
 semper obvelentur, aures obturentur, nares op-
 turentur, ora frenentur, manus vinciantur, tibiæ
 impediuntur, corpora omnium miserrimo, tur-
 que servitio mancipentur.

31. LOYOLA.

Ignatius Loyola, maximis meritis in papyra-
 rum Cœlum sublatus, cum per omnes statio-
 nes claudicaret, nec dignam virtutibus sedem re-
 triret, multum negotii & disputationis reliquis
 sanctificatis excitavit. Robur militare, terrarum

C 2

pera-

peragratio, literarum cultus, morum modestia, castitatis decor, opum affluentia, & quæ reliquæ in eo notanda erant, magnum aliquod decus promereri judicabantur. Caterum id dubium restabat, Indiāne, an America, an verò Europæ tutelæ ipsius concederetur. Verum inter hæc controversias Loyola naturam paulatim detegit, & dum curiosius omnes ordines circumit insidiarum, furti, delationum, assassinatus, plagii, proditionis, sodomix, & aliorum etiam facinororum reus fit. Quod vix creditum, nec nisi multis testibus & indicibus persuasum, cum Magnatibus formidabilis fieret sicarius, populi intolerabilis prædo, totius tandem orbis consensu, pro sancto facerrimus & detestabilis pronuntiatus, nec tam Cælo quàm humanâ universitate expulsus est.

32. MACVL AE.

Euphormio ille, qui ex altero Mundo varias humanæ fabulæ Icones attulerat, cū nostros homines ad unguē referrēt, fraudis insimulatus est. Itaque jam non amicè, sed rigidè interrogatus quis Callion, quis Fibullius, quis Peræas aliorum morionum cucullis deformati, Jovem lapidem juravit, è Platonici Idæis sub Lunæ concavo depositis coempta, & ad nos usque translata esse. Neque mirandum si nobis assimilentur cū Luna, veluti speculum, nostras formas recipiat, & exinde has terrenis parallelas imagines fabricetur. Ea res ad Mathematicos delata, examinata quæ imprimis ab iis, qui superiorum Corporum macula

ulas inimitabili diligentia observant, multum negotii fecit. Nam Fabricius ejusque Apelles, et Metius, Stevinus, Origanus, sed maxime Gallilæus, & Keplerus, divina omnes ingenia, cum inter se diffideret, nec Telescopiis satis fidei haberet, notatis in terræ, religionis, politiæ, literaturæ, humanitatisque variis maculis, & cum superioribus collatis, cum nulla refractionis analogia appareret, & regulas nullas admitterent. Euthormio tamen in sententia perstaret, nec alios strorum incolas, quam nostri in lucidissimis corporibus repræsentationem oculatus testis esse veraret; tandem Simplicius aliquis Nugaris, inquit: nam si nostræ macule omnes astris exprimentæ essent, jam dudum Sol nobis piceus apparuisset.

33. MIRVM.

Undinis Cosmopolitanis magnus solet ad eos esse accursus, qui Naturæ rariora & monstruosa exponunt. Videntur itaque licet vastissimos gigantes, & pumiliores brevissimos, homines mutati sexus, homines aliquot seculorum, homines invicti roboris, homines ab incubis prognatos, homines ab animalibus enutritos, homines longo tempore vel jejunantes, vel dormientes, homines uno patre numerosè progenitos, & persimiles alios, quos supra fidem historicorum fides nobis exhibet. eos cum passim admirarentur spectatores, & obstupescerent, Christianorum aliquis astans: sint sanè, inquit, hæc insolita, sint mira: ego tamen supra cuncta talia admirabile mirum novi.

Interrogatus, quodnam illud tot Mundi circulatoribus incognitum? Respondit, Peccatorem. Mirum enim esse, audere hominem irritare Deum beneficium & potentissimum, posse credere Satanæ mendaciorumpatri, velle oblivisci mortis imminuentis & inevitabilis, præterea obedire Carni, turpissimo mâcipio; suo abuti ratione unicâ hominis prærogativâ; admirari Mundum stolidissimum, occupari nugis periculosis & laboriosissimis, dinique; dedignari Cælum, unicam & veram beatissimamque animarum patriam.

34. M O R S.

Mors, Theologiæ Compendiû, Philosophiæ summa, Politicæ frenum, & humani generis inexplicabile beneficium, cum luridâ facie, ossiumque crepitu cunctis propè esset formidabilis; linteis Christi, quæ in sepulcro resurgens reliquit, docuitque blandissime, non via unius, sed singulorum interno testimonio. Nonne Deus pater est? inquiebat: ergo nobilissimi estis, ergo divinâ tutela securi, ergo superna charitate connexi. Quid genus sordibus maculatis? quid feras induitis? quid detrectatis Dei imperiû? quid libertatem proditis? quid fraternitatem solvitis? quid commodatis inhæretis? quid mortem immortales abhorretis? Sed hæc surdis narrabatur; & ut quisque corporis servitio addictus alicui erat, ita mortis negligens in id unicè incumberebat. Unde irritata Mors cum verba evanescerent, jacula depromsit, transfixisque hinc inde mortalibus,

us, cum magnam stragem edidisset: Hec, in-
 uit, jam tandem docebo Magnates humiliari,
 Sophistas tacere, & curiosos terminari, & ava-
 ros satiare, & iratos reconciliari, & feroces langue-
 re, & voluptuarios dolere, & obstinatos remitte-
 re! At beatos jam pauperes! quia ditabuntur; hu-
 miles! quia eveherentur; tristes! quia consolabun-
 tur; simplices! quia erudientur; patientes! quia
 vindicabuntur; atque omnino omnes, quibus
 Christus vita fuit, Mors lucrum erit!

35. NEANDER.

Neander, libertate beatus, cum Aulix cupido
 incessisset, hujusq; filiam Duliam deperiret,
 ratus, se ingenti fortunaru dote cumulandu, reli-
 cta Patrigea matre, & Jcha benignissima nutrice,
 pretoq; omni scientiaru preceptore Isichio, mi-
 nistro quodam assumptis, Fimeu, Philotimu
 Colmu, & Philopragmonem, atq; sic infinitis
 variationu, fluctibus se comisit. Cumq; diu mul-
 taq; temerarie ac frustra tentasset, tandem sub Are-
 xi morum magistri moderamine cautius & cre-
 dere & agere edoctus, sic satis perplexum, lubri-
 cumque negotium pertractavit. Sed Dos aberat,
 quam Tyche, Orbis Thesauraria, rigide negabat
 nec blanditiis minime adduci vel conciliari po-
 tuerat. Obstabant et Phronus & Gongismus, duo
 malevoli, quorum importunitate Neander mise-
 re exagitatus, cum interventu Elpidii, & Anechi
 aliquandiu agre vitam traxisset, salute despera-
 ta, & errore agnito, retro vestigia legit, tumq; a
 suis receptus, & vanitatis exercitae admonitus,
 omni sapere & acquiescere didicit.

36. OPORTET.

Impersonalium Conventu, quem *Interest* indixit, cum *Est, refert, decet, delectat, iuvat, pœnitet, piget, pudet, tader, miseret, accidit, evenit, contingit, vacat, præstat, restat, libet, licet, constat, sufficit, expedit, conducit, solet, & potest* debite comparuissent, res primum æquius agi cœpta est. Nam missus voluntatis interpres *Placet*, cum rei præsentis statum explicasset, ire in sententiam suam patres monuit. At illi variè ringi, & posteritatis curam, tum antecessorum reverentiam, atq; negotii ipsius difficultatem quàm diligentissimè & anxie ob oculos ponere. Sed frustra. Nam substitutus alius, cui *Oportet* nomen, cum rigidissimam sententiam pronuntiasset, facile omne deliberandi, decernendique arbitrium abscidit. Itaque Velle, quod *Oportebat*, incipientes, cum gemitu succubuere, Deum precati, ne ob *Oportet* apud Nepotes aliquando infamiæ dedecus portare *Oporteat*.

37. ORBIS REGIMEN.

Repertâ Australi plagâ, quæ veteribus olim incognita fuit, cum religio impura, jus inhumanum, mores barbari, disciplinæ sordidissimæ, cunctaque in iis terris abominanda nunciarentur, humanioris orbis incolæ infelicitatis illorum miserti varia cicurandi, poliendique instrumenta, liberalissimè transmiserunt: quæ ubi advenerunt, adaptatâq; selectioribus Populi sunt, immane quàm armarint, quàmque feroces fecerunt.

rint eos, quos prius subjecti experti erant tractabiles. Nam serviendum, credendum, dandum, jejunandum, discendum, moriendum erat planè eorum arbitrio, ac vix supererant vires, quas formidabilibus instrumentis opponerent, donec tamen resumptis animis jugum hoc insuetum abiecere. Et, ut gratiam referrent, Arctois nil nisi pictam tabulam miserunt, quæ lupum oves regentem, & vulpem anseribus concionantem & Ciconiam ranas pascentem, & felem mures dirimentem, & canem lepores defendentem, & simiam pediculos erudientem repræsentabat, cum inscriptione: *Cicurare barbariem*. Quæ ubi importunâ plebis curiositate in propatulum impetrata est, cum murmura, nescio quæ, paulò post exaudirentur, nasutiorum tempestivo consilio, in adyta reclusa, & perpetuis tenebris involuta est.

38. PATIENTIA.

Convenerant aliquando Orbis censores, primus quidem *Dolens*, cui res hominum merè cruciatus & supplicia videbantur; alter *Inquietus*, qui sese undique periculis malisque opponebat, & cum rerum quasi natura dimicabat; tertius *Ridens*, quem inanitatum, confusionum, ineptiarumque Chori, veluti delectabant: hi, quod sæpe solent, inter se de malorum remediis conferebant. Sed quò minus aliquid decernerent, opinionum collisiones contradictionesque causabantur. Tandem Socrates & Epictetus in consilium admissi, Patientiam nominabant, quæ medendis,

C S

dendis,

dendis, vel certè leniendis rebus unica apta videretur: Eam nempe in Deo tranquillam, hominibus moderatè condolentem, à malis cautè alienam, & à vanitate sese subducentem, hoc ubiq; impetrare, ut certa credamus, bona agamus, vana negligamus, fucata eludamus, potentia declinemus, cætera feramus.

39. RETROGRADVS.

Est omninò Felicitatis regia invisibilis, neque de loco inter mortales convenit, aut itinerandi modo: unde qui alienæ opinionis tramitem sequuntur, ut plurimum post longos errores, & laboris fatigationem spe omni frustratos se luctuosissimè reperiunt. Plato sic opinatur, sursum ascendendum, & mira subtilitate animam extenuandam. Aristoteles verò ambitiosior in gyrum ferri jubet, & mortalitatis ratiocinationes cunctas perterritandas. Socrates transversim irsuadet, & malorum hinc declinatione, illinc patientia virtutis vias vestigare. At Epicurus terram fodicare censet, ac in imo voluptatis epulas degustare. Democritus & Heraclitus desperarunt: unde alter curam negligit, alter ringitur. Sed Christianus, qui passim inter Philosophos fatuus & delirus audiebat, dum, ut sciolis ægrè faceret, per ludibrium retrò it, & cæcum occiput ducem lucemq; sequitur, sc. omnem humanam sapiētiam, scientiam, fortitudinem, voluptatem, risum, & dolorem dediscit, felici ineptia in felicitatem ipsam feliciter incidit, eaq; æternum felicissimè perfruitur.

40. SAXO.

[Oh, Saxo Noribergensis, qui Germanæ Musæ
 maritatus, pulcherrima prole patriam auxerat,
 cum solenni Memoriae festo, templum bonæ fa-
 mæ ingredi vellet, à stipatore Pædagogo, obtu-
 sissimo homine, aditu prohibitus est: Procul
 hinc, aiebat, procul este Germani. Saxo con-
 jugis suæ nobilissimæ imperium allegabat, cu-
 jus nomine & voluntate ipse adesset, alioquin in
 sutrina permanens. Cum stolidus ille nihi-
 lominus perstaret, ad jurgia, ad injurias, denique
 verbera ventum est. Exprobrabat Saxo homini
 rerum humanarum ignorantiam, inventionum
 sterilitatem, elocutionis balbutiem, vocabulo-
 rum inanitatem, animi, ingeniique stuporem;
 &, pignore deposito, in luctam, quovis vellet
 loco, quibus vellet armis, animosè provocabat.
 Intervenerunt fortè altercationi Theodorus
 Zvingerus, Memoriae Cancellarius, Johan.
 Fischardus, Germanicæ Nationi à libellis, ac
 Nicolaus Hermannus, religiosissimus Cantor,
 qui Saxonem, veterem congerionem, cum for-
 dido homine litigare indignati, manu injecta
 in atrium induxerunt; conversusque ad sequen-
 tes Fischardus: Hoc agant, inquit, illa pecora,
 cum ad fores ipsa perpetuò condemnata sint,
 quibus inventio & elocutio sciendi agendi-
 que vera arque bona, fores refera-
 runt, bonæ famæ aditu
 arceant.

C 6

41. SCA.

41 SCALIGER.

Iulius Caesar Scaliger, vir illustrissimus, post amissam Veronā, a Veritate hospitio exceptus, ac paulò post, unanimi voto, veræ Eruditionis Princeps electus est: quo imperio ovans, facile aviti regni oblivionem induxit. Nam cum in linguas permultas, Poësin, Physicam, Mathematicam, Medicinam, Politicam, Chronologiam, Historiam, ac Naturam propè omnem Dictaturam gereret, noluit ea cum Hispanicis Coronis commutata, quæ caput tantum premerent, nihil animum formarent, satiarentve. Pacem, post bellum cum H. Cardano Sopho feliciter gestum, satis stabilem coluit, & successionem filio incomparabili, Josepho, firmavit. Unus turbator ex Orco prorepfit Gasper Scioppius Priapeius, Vespillo, hominis monstrum, qui sacrum caput violare ausus pugione heroam, sed interverrente Nobilissimo Heinio, obliquato ictu petiit. Unde contra publicum parricidam conclamatum, ipse comprehensus & tormentis subiectus est. Ac tum repertus Index clarissimorum & Principum virorum, quos confodiendos sibi etiam numin animum sumpserat. Itaq; mille supplicia meritis, primum publici odii acubus confixus, dein Saryricorum forcipibus laniatus, tandem infamiæ rogo impositus, conscientiaæ propriæ flammis vivus exustus, & ad gehennam demissus est.

42. SE-

42. SECTA.

Secta, animorum impotens & rigidissima magistra, ut omninò sectatores suos ab humano rationabilium cœtu abalienaret, notis quibusdam sive signaturis distinguendos judicavit. Unde nonnullis injunxit, ne orantes genu flecterēt; aliis, ut Musicam Deo hominibusque gratam dedignarentur; aliis, ut à cibis lapidis abhorrent; aliis, ut docentes alios nequiquam ferrent; aliis alia, ac plerunque talia, quæ conversationi ineptos, vel societati humanæ in visos redderent. Id variè acceptum, cum multi profundius examinarent, ac nescio quid occultæ philosophiæ suspicarentur, quòd strictissimè singula à suis ordinibus observari vellent, ac in his nugis, distinctionibusque salus veluti omnis verteretur, diu inter mysteria delituit: donec tandem Augustinus, homo reconditæ scientiæ, patefecit, id esse Sectæ ingenium, ut quæcunque capiti incidere ineptia, eam lingeret & perpoliret, ac inde credulis velut sacro sanctum obtruderet, quibus jam non ludicrum, sed serium; nec lubido, sed articulus crederetur: non secus ac Medici incautis imponunt, dum, quibus libenter vescuntur eduliis & deliciis, medicatas esse & corpori saluberrimas per Hippocratem & Galenum jurant & evincunt.

43. SEMITA VITAE.

IN illâ arctâ & salebrosâ semitâ, quæ ad angustâ Vitæ portam ducit, mira est & inusitata fors

C 7

peregrin-

peregrinantium. Nam, nonnulli candida stola
conspicui, dum passus metiuntur, & numerant,
vertigine subito occupante in minutissimos la-
pillos impingunt, & gravi lapsu corruentes ve-
stem speciosissimam maculant. Alii vero nullo
amictu sordidati, dum flagellis quibusdam im-
pelluntur, per immanes scopulos transilientes,
viam, nullo ad vertiginē otio dato, deproperāt.
Aliqui acutissimo visu notabiles dū prospiciunt,
circumspiciunt retrospectiunt, moras nectunt ac
se se impediūt, dū alii retrogradi velut aliud agē-
tes promouent. Aliqui festinantes dum sudant,
anhelantque, spiritus deliquium patiuntur; alii
otiosi quasi, & quiescentes provehuntur. Aliqui
perpetua abstinentia macerati, dum expediti esse
volunt, membris vires omnes subducunt. Alii
cibo naturæ degustato, ad divina alacriores af-
surgunt: Ut omnino fatendum sit, nihil terrena
Apodemica, humanisve regulis in hac peregri-
natione profici, omnia ut apud Creatorem Mi-
sericordiæ supremæ, ita apud Creaturam esse in-
fimæ simplicitatis.

44. SIMPLEX ET RECTVM.

Antiquitas, simplicissimi cultus sœmina, cum
in Posteritatem, neprem suam, procacem &
volubilem puellam, incidisset, mirata vestiū lu-
xum, corporisque mobilitatem, non abstinuit,
quin murmurarit. At hæc haud elingue animal,
cum diu aviæ stuporem, rusticitatemque exagi-
tasset, animi sui, oris, manuum, pedum, & totius
corporis cultū, agilitatemq; jactitavit. Cumque
vix

tandem persuaderetur. quæ tandem illa subli-
 tia, singularia, exquisitaq; forent, quibus Anti-
 quitas caruisset, explicaret: nescio quid tortum,
 iryrum, intricatum, involutum, unoq; verbo su-
 atum protulit, cui vix nomen, ne dumelogium,
 illum reperit. Id intuita & aspernata gravi vultu
 antiquitas: Vah prostibulum! inquit: Hæccine
 eculi felicitas est? hic subtilitatis progressus?
 quasi me hæc latuerint? At ego jurare aulam, cen-
 tes miliesve talia à me excogitata, sed mox repu-
 iata: millies tentata, sed mox vana deprehensa:
 milles admissa, sed mox expulsa, donec tandem
 congo usu, & certissimis experimentis didici, *Sim-
 plici & recto* nihil certius, beatius, solidius, con-
 tantius, jucundius, opulentiùs esse, atq; ad illam
 alteram vitam expeditius,

45. SVFFENVS.

Suffenus, qui unus hætenus omnia poterat, o-
 mniaq; sciebat, & sui observantem Mundum
 universum voluerat, cum in febrem incidisset, pla-
 nissime consternatus est. Itaq; Astrologis impe-
 ratum, in Cælum ut inquirerent: & Physicis in-
 iunctum, ut terram omnem, quid sibi id vellet,
 scrutarentur: qui unâ voce responderunt, nihil
 insoliti, nihilq; notabile Cælo terraq; reperiri,
 omnia debito ordine ire: nunquã adduci potuit,
 quin astroiũ memorabilem confusionẽ, aut infe-
 riorum chaos suspicaretur. Tandem Medicos
 accersivit, eosque exposito, quod orbi immine-
 ret, suo discessu periculo graviter monuit, si-
 quidem Rempublicam salvam vellent, mor-
 bum quàm ocysimè pellerent. At illi negligere
 hominem

hominem, & lente agere, denique morbo cedere: quod cum haud obscurè animadverteret egrotus, lugere omnes iussit, & elegiis cuncta persolvere; dein Memoriam advocavit, cui famam suam, & ingenii amplissimas opes committeret. At illa vanitate homuncionis irritata: Apage, inquit, has sordes, Obscurissime vir: nec enim Deus siverit, ut quem Cœlum juxta & terra ignoravit viventem, mortuum posteritas inter orbis decora numerare fictis elogiis persuasa cogatur.

46 SYMBOLA.

Plēta Poësis jam antè, ac etiamnum in orbe Christiano benignè, ^{habita} & ob argutiem collaudata, cum in Scythiam aliquando exiisset, vix absque insigni periculo fuit. Nam cum hoc hominum genus insulsiſſimè vivat, illa verò multo, ac candidiſſimo sale vescatur, facilè indignationem & furorem barbarorum contra se incitavit. Sive enim Solis eclipsin, sive Lunæ labores, vel stellarum nubila, aut, ut tumultuariè effundam, Leones edentulos, ursos pigros, tauros lassos, equos claudos, cervos macros, lupos scabiosos, vulpes stupidas, canes elumbes, lepores repentes, aquilas implumes, gallos raucos, pavones decaudatos, testudines alatas, serpentes frigidos, alas accisas, coronas æruginosas, rosas emarcidas, pōma putrida, ferta flaccescentia, lilia maculata, arbores accisas, trabes cariosas, cruces porosas, turreſ ruinosas, enseſ hebetes, cornua diffusa, pocula pertusa, faces extinctas, vexilla lacera milites inermes, pilulas infectas, panes mucidos

marſu-

arsupia fenestrata, aut quicquid tandem per
isum occurrit, pingeret, omnia suspicione, in-
idia, odioque laborabant. Tum illa exande-
cens: quàm benè prospectum est humanæ, in-
uit libertati, cum cogitare licet, quæ nec facere,
nec dicere, ne fingere, nec pingere contra talia
ecora concessum est!

47 TANTVNDEM.

✓ Enerat in Reipublicæ curam Sollicitus, & ra-
tiones multis vigilis, intempestivoq; victu
ministrarat, cum deficiente corporis crasi,
multâ pituitâ, calculique cruciatibus exagitari
cepit: Unde scipioni innixus, & tremulo gressu
obrepens, cum iterum atque iterum in consili-
um hera vocaret, anhelans, animamque trahens
comparuit. Fortè Mimùs, sive scurram malis di-
sternere, hesternâ crapula cerebro gravis solitos lu-
los Reipublicæ negaverat. Cujus ea impatiens
sive processionem, sive solennem invocationem mi-
nistris omnibus indixit, voluitque ex primis So-
licitum voti, vel officii reum. Paruit miser, &
cum baculo molestum iteremensus, cum molli
seculo stertentem, & scurrili dicacitate commi-
erationi illudentem reperisset, non continuit
lachrymas, sed labores suos sexagennales dete-
ctatus, parum absuit, quin languidum spiritum
rejecerit. Sustinuit tamen amicus, Fridericus
Kün, ac auri insurravit: Nonne olim tibi dixe-
ram, Solicite, frustra affligi, cum eadem sit gratia
ventris onus in medium conclave deponenti,
quanta everrenti?

48 VIETA

48. VIETA.

ADrianus Romanus Belga, ex funibus Algebricis nodum nexerat Gorgonio intricatorem, eundemque totius Orbis Mathematicis dissolvendum magno hiatu proposuerat. Verum Franciscus Vieta Gallus, ut vidit, ut solvit, hominisque jactantiam falsè risit. Gloriosum id Vietæ apud eruditos fuit, nihilque jam tanto ingenio insolubile creditum, cum alius ecce nodus oblatus, quem Macchiavellus ex ferreis filis constrinxerat, Principemque nominaverat. Erat is multis aciculis armatus, nec nisi chirothecis contrectari poterat, tum interno quodam igne calefcebat & fila inter se nescio quo ligamine coaluerant: pondere suo manus deprimebat, & fulgore oculorum aciem hebetabat. Itaque fudare Vietæ, & artem omnem, omnem Analysin frustra advocare, tandem desperare. Unde in iram conversus, cum malleo tentare vellet, scintillis variè dissilientibus, parum à summo periculo abfuit, patuitque, illas tricas, quibus populi subditi intricantur, intractabiles esse. Tum Vietæ: Quicquid, inquit, arte componitur, arte solvitur; at in hac irregularitate, ubi violentia, fraus, doli, & similia his nectunt, nemo hominum explicato, sed uni Deo resolvenda remittuntur.

49. WERNERVS.

WErnerus de Onshusen, Clericorum provincialis, quotiescunque suos invisebat, tribus

tribus quæstionibus triplicatis omne negotium absolvebat. Interrogabat enim, Quomodo sint ingressi, an vigilantia superiorum die, vel socordia nocte, an meritum pedibus, vel intercessorum equis, an per vocationis januam, vel Simonia fenestras? Deinde quomodo hucusque vixerint, an salaria comedentes, vel vineas Domini colentes, an accommodatione lingentes, vel repræhensione peccantes, an vanitate ludentes, vel conscientia plangentes? Tertiò, quomodo egredi velint, an divitiis pingues, vel cruce exucci, an otio molles, vel sacra ratione callosi, an fama nitidi vel ingratitude rugosi? Ad quas cum plerique Clericorum obmutuissent, admiratus Provincialis adolescentum temeritatem, serio quasi vir, quibus tandem persuasionibus ad periculosissimum pariter & laboriosissimum Ordinem sint adacti? Responsum est: ita vulgò ferri, nihil addisci facilius & alacriter & expediri. & tractari commodius, & tegere occultius, & tueri tenacius, & attollere sublimius, quàm sacrorum ministerium. At ille ingemuit &, O seculi felicitatem, inquit, cum Crucis Christiana durissimum & capitale ministerium, quod Petrum Paulumque peremit, in lucrum & voluptatem conversum est!

50. ZIZANIA.

B Ello Grammaticali infeliciter confecto, cum (quod Andrea Guarna credimus,) Anomatorum, Heteroclitorumque brachia, cruraque dissecta

dissecta, hinc inde dispersa tristi spectaculo conspicerentur, fuit ex victore milite quidam, cui id superbi trophæi erigere visum:

Est Zizania, sunt Zizania plura, niq̃

Id utut victis insultare creditum; victores tamen suspendit, ne Grammaticulus aliquis ex insidiis novas turbas ciceret: unde in concilium vocatis quotquot ex vocabulis vivunt, res non sine strepitu agitata est, nec finis sperari potuit, animis ex recenti vel clade, vel fortunâ variè affectis. Tandem ex eorum numero aliquis, qui ad lippitudinem usque grammata percolunt, mysterium deprehendit, docuitque, non nisi accentus face lumen his tenebris adferri posse. Esse enim Zizania ex iis voculis, quæ in singulari penultimam producant, in plurali corripiant. Id cum Poetæ agrè audirent, ex grege quidam subito exorsus: Crediderim, inquit, nam pleraque in singulari liberè producta, in plurali rigidè corripuntur.

APO-

A P O L O G O R V M
CHRISTIANORUM MA-
nipulus secundus.

Seneca.

*Facile est auditorem concitare ad cupidita-
tem recti. Omnibus enim Natura funda-
menta dedit, semenq; virtutum: omnes ad
omnia ista nati sumus. Cum irritator ac-
cessit, tunc illa animi bona, velut soluta,
excitantur.*

I. A M A

I. AMADISVS.



Ranciscus Lanovius, cuius integritas diversissimis partib. probata est, haud ita dudum Amadisum Hispano Gallum, famosum impostorem, in vincula coniecit. Nam cum is in aula, & apud otiosos, tum fæmineum etiam sexum graciosus esset, miris ludibriis animos hominum ad pessima quæque fascinavit. Nam & scelestissimam Necromantiam pro divina sapientia venditabat, & impuris libidinibus virgineum & conjugalem thorum polluebat, & ferocitate bestiali animos generosos imbuebat, & religionis legumque vincula dissolvebat, & vanis fabulis puriorem mentem occupabat. Unde accedente Magnatum favore, incantationibus, lenociniis, duellis, votis frivolis, & stulta imaginatione omnia opplebantur. Ubi innotuit rei periculum, intercesserunt pro amico Tristanus, Oliverius, Octavianus, Brillonetus, Gusmanus, Don Quixote, & innumeri alii iugivendi; sed & Rabelsius ac Merlinus, literati histriones, tum infames fæminæ, Biancelfora, Melufina, Magelona & consimiles aliæ; quas ubi primum intuitus est Prætor Lanovius, omnes scuticis palatio expellendos edixit: Satis nempe, inquit, inclinare iudicium humanum ad excusandas pestiferas nugas, nec opus esse tot loquaculis intercessoribus. Ipsum vero Amadisum, morum cor-
rum-

rumpendorum antesignanum, & cornuum versutissimum artificem, cum universa familia vivum comburi iussit.

2. AVRA POPULARIS.

Cum sub Cruce obreperent filii Dei, esuriēt, atque laborarent, quidam terræ filius humilitatem & simplicitatem dedignatus alas sibi aptavit, & aera petiit. Nec defuit conatibus fortuna, & condensata populari aura, afflanteque Favonio sublatus homo immensa spatia alarum remigio ovans, nec sine suspicientium invidia permeavit. Nihil jam credebatur felicissimo homini inaccessum, cum fama, opes, vires, scientiæ veluti subjugatæ famularentur, & ad nuntum omnia succederent. Sed qui terras subjugarat, cœlo dominari nō potuit. Unde cum venti tumultuarentur, ac omnium violentissime Aquilo ingravesceret, ille multum diuq; luctatus, tandem sublimioribus cessit, ratus auram inferiorū, quæ prius extulerat, sustentaturam. Itaque in eam se librans, heu tenuissimam reperit, & minus quam araneæ telam ambitiosæ molis sustinētem. Unde gravi ruina in terram delapsus, & animā trahens, cum nec cœlum intueri auderet, nec auræ levitatem exprobrare liceret, nec terram implorare liberet, undique desertus, & sui impatiens, insuperq; Conscientiæ insultatione exagitatus, desperato consilio animam eiecit: *Vitæque cum gemitu fugit indignata sub umbras.*

3. CAN-

3. CANDIDVS.

Candidus. qui haud ita pridem rerum suarum prudenter & cordatè satagere videbatur, nullo animi morbo, nullo casuum infortunio in mentis alienationem incidit. Id ajunt homini accidisse credulitatis consortio. Nam cum ea primum fucatos amicos, streperos sophistas, versatiles artifices, lubricas mulierculas conciliaffet, tandem Chymicum adduxit, malorum omnium lernam. Is namque Religionum Chaos, & curiositatis Labyrinthos, & Cabalæ tricas, & Astrologiæ compedes, & Magiæ tenebras, & revelationum ludibria, & thesaurorum mendicitatem, & fabularum portenta, & imaginationum somnia, & harmoniarum ululatus, & Sisyphios labores, & nummorum cribra & vanitatis jactantiam, & stuporis silentium, & temeritatis pericula, & Christianismi dedignationem, alia atque alia vitæ tormenta secum atulerat. Quibus in conubernium suum susceptis jam non Candidus vitrâ; sed ater; non rectus, sed tortus; non apertus, sed tectus; non verus, sed mendax; non integer, sed vanus; non sagax, sed tractus; non simplex, sed versipellis; non liberalis, sed prodigius; non tranquillus, sed hians; non constans, sed lubricus; non liber, sed servus; cum amicorum stupore & condolentia apparuit: Nec tamen corrigi potuit, donec Paupertas ædes invasit, & expulsis tam voracibus pecudibus, esurire hominem, sordere, & serò resipere coëgit.

4 CLAV.

4. CLAUDICATIO.

IA M olim graviter præceperat Deus, ne quid
 claudum mutilumve immolaretur. At nostra
 ætas, quæ turpiter claudicat, nec tamen à tem-
 plo Dei vult abesse, aliquoties severè admonita,
 nihil corrigitur. Unde nova quotidie mandata
 remittuntur; sed quæ nemo subditus æstimat,
 nemo Præfectus exequitur. **E**n fidem, en recen-
 tissimum, quo sub gravi pœna injunguntur, ut
 quisque jubet, ita pareat; ut docet, ita faciat: ut
 audit, ita credat: ut legit, ita intelligat: ut videt,
 ita judicet: ut discit, ita proficiat: ut amat, ita
 succurrat: ut scit, ita communicet: ut habet, ita
 det: ut sentit, ita proferat: ut servit, ita sequatur.
 Sed hæc lex saluberrima tam fit nihili, quam ulla
 alia. At ne qua credatur contumacia, sic eludunt
 claudicantes, fieri omnia ad eundem finem, si
 non satis ad præscriptum. Nam esse, qui jube-
 ant; esse, qui pareant: esse, qui doceant: esse, qui
 faciant: atque hac admirabili hominum diver-
 sitate plures officiorum ordines cõstitui, quàm
 perosa illa & molesta combinatione. Ira Lex
 Dei prisca per Novellam humanam antiquata
 est. Id cum audivisset Augustinus, castigatissi-
 mæ vitæ exemplar, doluit, & ad suos respiciens:
 Benè loqui, inquit, & malè vivere, nihil
 aliud est, quàm se suâ voce dam-
 nare.

D

5. CO-

5. CORONA.

Magna equidem est Fortunæ nequitia, cum tamen subinde liberalem se & condolentem simulet. Quàm enim illudat hominibus, vel hoc argumento liquebit, quod Coronarum festo, cum maxima est advenarum frequentia, Candidatis suis, maximo ære dato, admissis, ubi ingenua procumbere, & deosculari pedes iussit, coronas è vili metallo, sed auri specie cælatas capitibus imponit, ac mox, cum lubitum fuerit, magno impetu deiicit. Huic spectaculo cum fortè interesset Athletarum Christi aliquis, ac oculis suis vix credens, latrones, opiliones, spadones, spurios, Monachos, Pædagogos, figulos, fartores, lixas, & ex fece hominum alios coronatos intueretur, dolens humanam sortem, qua virtutibus succumbendum esset, non antè respiravit, quàm depositos & conculcatos tam infames reges cernens, Deo gloriam deberi agnovit. Ac tum ex fortunæ atrio se subducens: haud libet, inquit, venefica, tuas coronas operiri, & tantò levitatem tuam emere, cum reservata mihi sit iustitiæ corona, quam mihi Dominus reddet in illa die iustus iudex; neq; solum mihi, sed etiam omnibus, qui eius adventum amaverint.

6. CRUX.

Cum Crux Christi, Pædagogia nostra, mores suorum recenseret, & inprofectus tolerantie inquireret, alios quidem reperit ad humanas propè omnes sortes obcalluisse, alios uri, secarique, alios phlebotomias & scarificationes ferre, alios

MANIPULUS II.

SI

alios verò vix summâ cute stringi posse ; fuere & quibus cor ipsum absque eiulatu perfodiebatur, sed & alij, qui leuissimas puncturas non patiebantur. Ut igitur singuli examen crucis sustinebant, ita alijs post, vel anteponebantur, graviter moniti, ut carnes nunquam remollescere sinant, sed ad calamitatum Solem siccare sedulo pergant. Id præceptum multos suspendit, quod arbitrarentur Patientiæ incrementa ad veram usque soliditatem ascendere, nec imbecillitatem delicatorem respicere unquam posse. At magistra falli eos docuit, idque communissimum esse, ut fortitudo nonnunquam langueat, debilitas subito roboretur. Nec enim crucem alibi facilius, quam qua cutis tenuissima, pungere; interdum tamen sine dolore strepitum facere, idque nullius spectatoris oculis; sed patientis sensui periculis. Hinc magnam persæpe crucis trabem, sed vacuatam leviter geri; contra amari ligni crustillum, sed solidum humeros graviter premere, qualemcumque verò crucem a quovis athleta vel gigante sine sudore, sine tremore, sine anhelitu sustineri neutiquam posse.

7. DEVS BENEDICAT.

A Sotia cum suis congregalibus, Crapulâ, Libidine, Blasphemiâ, Furore & ineptiâ commensurata, Ecclesiasticâ etiâ adegit, qui patinis & cyathis benediceret. Cumque modesta essent combibonum initia, non repugnâvit, quin à Deo optima quæque & salubria precaretur: at paulò post ubi variarum bestiarum vultus assumerentur, & frequenti ingurgitatione caput

D 2 nuta-

nutaret, os foeteret, venter distenderetur, corpus universum titubaret; cum divini nihil, omnia Diabolica cerneret, quæ se subduceret, variè tentavit. At illi cum impetuosè instarent, ut per Deum voraginibus benediceret, & elevatis cadis benedictum vinum identidem iniicere properarent, Ecclesiastes sudans & tremens, cum DEI contumeliam & bestiarum importunitatem hinc indelibraret, tandem conscientia stimulis animosior, assurgens: Quid, inquit, an Deus benedicat ebrietati, luxuriæ, convitijs, iræ, vanitati, & Satanæ apertissimo regno serviet? Non faciet: quin potius maledicat vobis DEUS omnibus. Nondum desierat, cum orbium & poculorum imber in hominem irruit, qui tamen sobrius remulentos, cautus stolidos facile effugit.

8. III. DIES.

CHRISTIANORUM laudabilis consuetudo est, Victoris & Triumphantis sui Christi solennia annua celebrare. Iis tres omnino dies consecrâre, quarum primâ pulli omnes sunt, ac gemebundi, crucisque onerosæ repræsentatione, attracti; alterâ die cineritiam vestem sumunt, habentque diem sacris meditationibus quietam, & profundissimo silentio tranquillam: tertiâ candidissimis stolis induuntur, & læto jubilo Regem Regum comitantur, ita Passionis, Mortis, & Resurrectionis imagine, quam vespérâ, nocte, & aurorâ consignant, universam vitam triplici documento informant, ut ad carnis jugum patientiam,

tiam, ad spiritus silentium compositionem, & animæ liberratem hymnos addiscant. Nam qui DEUM nec ferre, nec audire, nec laudare assuevit, eum nec amari, nec doceri, nec coronari à supremo Numine par est. Unde cum Mundus festis suis diebus, primâ bacchetur, alterâ infano furore tumultuetur, tertiâ desperatione absolvitur: ut omnino constet, à minimis ad majora, à tristibus ad læta ascendi; è contra de fastigijs ad infima, à tripudijs ad ejulatus & dentium stridorem præcipitari.

2. DUBITATIO.

Nihil periculosius est, quàm rebus jam firmatis validisque aliquid velle desiderare. Id namque haud ita pridem *Dubitationi* pessimè cessit. Est ea & puræ devotionis, & ingenij subacti, & castissimæ, ac moru modestissimo puella; sed in reb⁹, quas non satis capit, æquo fortasse scrupulosior. Itaque cum Theologis cohabitaret, nescio quid ob aliquorum discrasiam hæsitans, statim, ut hæretica & prophana, excommunicata est. Inde ad Politicos divertens, vix *statu arcana* leviter examinavit, cum rebellis increpata, & proscripita est. Unde ad Literatos conversa, & de cœli terræque exacta cognitione, mentisque humanæ organis nonnihil dubitans, non minus diros, & stuporem exprobrantes reperit, stilisque confossa ejecta est. Denique vulgi conversationem elegit, cuius & mores compositiores volebat, & sensus minus hebetes: at illud fanaticam puellam non ferens, omni so-

cietate humanâ interdixit, voluitque in vinculis asservatam, suâ sapientiâ cum nullius molestiâ perfrui. Ita undiq; deserta, cum nec conscientiam, nec integritatem, nec ingenium, nec corpus ullo modo violasse surdis inclamaret, & iniquos omnes hominum ordines experiretur, ad Deum recti conscia provocavit. Audiit justus iudex, & per spiculatorem suum, Mortem, liberari puellam, ac tribunali suo sistere iussit; ubi auditis accusationibus & responsionibus, quicquid rectum, equumq; erit, pronunciabitur.

10. D V R E R V S.

Albertus Dürerus, Pictorū, & Orlandus Lassus, Musicorum facile principes, quod suprema artium suarum fastigia ascendisse uterq; crederetur, amore inter se fraterno coaluerunt. Unde mutuis colloquijs se se oblectantes, cum Lassus Dürerum percontaretur, quibus gradibus ad eam invidendam penicilli, cœli, styli, pennæ, radij, cultelli, libellæ dexteritatem ingenium suum extulisset, cum singula integros homines deposcant, nec pari alios felicitate respiciant: Cui Dürerus, & quomodo, inquit, mi Lasse, tibi & gravitas, & suavitas, & artificium, & illi vivi affectus, tibi, inquam, uni concessa sunt, quæ singula vix alij attingunt. Respondit Lassus; equidem se nescire, & ad Deum ingenuâ confessione referre. Tum Dürerus: Idem & me facere, inquit, par est, qui nec magistris meis, nec seculo, nec laboribus id debeo, sed Numini, cui placet donaria sua tum subitò, tum cumulatè effundere, quæ

MANIPULUS II. 55

re, quæ dum alij æmulari nituntur, & miserè fatigantur, & hæc, velut archetypa, longo intervallo ante se suspensa intuentur. Proinde nihil expeditius quàm se Deo veluti manum, tradere, ac animi serenitate parere, quibus si ille uti voluerit, nihil jam fatigatione, nihil & magnis ausibus & desiderijs opus; sed facili tractu omnia influunt, ac dimidiato labore perpetrantur. Nempe ubi Deus magister est, facilè discitur, quod docetur.

II. EPVLVM.

CAcoparadigmon, seculi nostri pestis, epulum instruxit Hermaphroditis, cui Christiano masculo nemini accedere fas fuit. Erat autem nec ferculorum, nec mensarum numerus; libet tamen aliqua recitare. Mappa huius Mundi schema erat, cui panis Vitæ generum impositus. Adhibiti dein Luxus Dapifer, Casus Structor, Vertigo pocillator. Primus missus ignorantia, inde ius legum, embammata consuetudinum. Secutæ appetitum carnes, vel Politia elixæ, vel tyrannide assæ, atque specie suâ ferinæ violentiæ, Aprugnæ ferociæ, suillæ lutulentia, bubulæ servitutis, vervecinæ stuporis, hœdinæ libidinis, vitulinæ licentiæ; ovillæ nulla ratio habita. Inter hæc Avium apposita vanitas, pavonis philautia, Meleagridis vindicta, Tetræonis phantasiæ, anseris loquacitas, tum Capus effœminatus, perdix stupens, palumbus vagans, alauda metuens,

D 4

anas

anas uliginosa, & quæ ruspatur gallina, quæque
 nugatur ficedula; una neglecta columba. Poste-
 modum varia piscium sequela, congrui lubrici-
 tas, barbonis tenacitas, lupi voracitas, perca
 mordacitas, salmonis prodigalitas, halecis a-
 cerbitas, nasonis sagacitas: tum Carpio otij, A-
 sellus contusionis, funduli confusionis, cancri
 dubitationum, testudines oblivionis, ostrea ti-
 rillationis, oculata temeritatis. Nec deerant
 pultes commixtionis, minutalia extenuitatis,
 lac credulitatis, butyrum opinionum, ova cogi-
 tationum, farcimina avaritiæ, gelu torporis, si-
 napi curiositatis, lardum æstimationis; sed &
 quod in primis recitandum erat, Sal literarum,
 Vina persuasionum quoque fundebantur, scili-
 cet Creticum mendacij, Massicum Sophistices,
 Falernum jactantiæ, quin & multum æstuum,
 ac Cerevisia furoris; sed aquæ limpiditatis ma-
 gnum odium. Denique bellaria ex seculi mori-
 bus admota, Caseus obstinationis, artocrea
 politionis, tortæ facilitatis, placentæ consensus,
 Itria incurvationis, poma fortunæ, pyra cognati-
 onis, nuces societatis, saccarum impostura-
 rum, quibus Cupediarum struibus convivæ in-
 farcti, dum Christi pauperiem, jejunia, & sordes
 magno clamore strepituque explodunt, laquea-
 ria cœnaculi subito solvuntur, tectumque
 superincidens epulas simul & epu-
 lones contrivit.

12. E R R O.

ERro, capitosum animal, ut valdè miserum sit, commiserationem tamen neutiquam fert. Nam in quascunque devias incidit, sive à Verbo DEI, sive ab humana ratione, sive à naturæ seminis abducant, rectissimæ omnino asseverantur. Si quis fortè moneat, ridet; si periculum commonstret, oggannit; si verioris itineris comizem invitet, reluctatur: si manus etiam iniiciat, recalcitrat: unus quippe cœlum audit, & terram penetrat, marisque fundum adit. Vaticinatur sine eventu, urbes condit sine calce, morbos pellit sine panace, philosophatur sine cerebro, officinam habet sine organis: Uno verbo, ipse sibi summum bonum, ipse Magnesia est, & rerum omnium Compendium, alijs ludibrium: unam habet famulam, cui cohabitat, cui se concredit, cuius etiam iudicium admittit atque imperium, *Consuetudinem*. Huic sæpè conqueritur, quoties falsus sit, quoties impegerit: at illa blandè solatur, & pergere jubet ad perfectionis fastigium. Ita miser in præcipitia & scopulos delatus, qui vates, rex, medicus, sophus, artifex, terrenumque numen aliquod esse cogitaverat, immendaciorum, servitutis, morborum, ignorantia stuporisque sterquilinia decidens cum errorum sociâ, consuetudine, egens & pudens computrescit.

D S

13. E R R O.

13. ERVDITIO.

AVdiderunt Grammatici Eruditionis arcem
 vertici montis superimpositam; ergo, ubi-
 cunque ædes collibus instructas conspexerunt,
 eò cum strepitu appropierant, & intromitti pe-
 tunt; sed falluntur. Nam quæ attollit, verior se-
 mita alijs atque alijs veluti diverforijs distincta,
 non nisi per subordinatas portas intromittit.
 Nempe paulò supra crepidinem montis prima
 domus, magistræ alit, quæ bubulas juventutis
 linguas trifariam findit, inde in alteras ædes
 ascendere jubet, ubi & poliantur & acuentur.
 Postea sublimior arx succedit, ubi corpus uni-
 versum, ac singuli articuli anatomiam quadam
 sagaci examinantur, & ligamenta redduntur a-
 gilia. Inde elevatior alia mensuram, pondus &
 numerum Candidatis assignat, & rebus omni-
 bus facit habiles. Mox aliud Castrum ad rerum
 actionem admittit, & humanis Ordinibus præ-
 ficit, donec tandem ipsum Eruditionis palatium
 cælo planè contiguum suscipiat, & tam circum-
 jacentem in profundo terram contemplari,
 quam vicinam cælorum harmoniam exaudire,
 purioreque monte Divinâ conversatione per-
 frui sinat. A quo sanè fastigio immane quan-
 tum absunt, qui ad nescio quas speculas enixi,
 nihil nisi arborum cacumina con-
 templantur.

14. EXV.

14. EXVLES.

ANti-Christus cum post diuturna machinamenta Ecclesiam expugnasset, ut pleraque inclementer egit, ita in eos, quorum fortitudine impeditus hactenus erat, maximè excaudit. Unde etsi principum urbis vitæ bonorumq; incolumitatem pactus esset, tamen ne quid levitatis intermitteret, in vincula conijcere, & mortem interminari non est veritus. Erant autem Fides, Pudor, Justitia, & Veritas: quibus exutis, & turpiter habitis, post longam vexationis moram, veluti maximè clementiæ loco, perpetuum est exilium indictum. Abierunt itaque mœstissimæ Virtutes, & civibus suis vale supremo cum lacrymis dicto, ad Olympicas sedes sunt reversæ. Inde, tanquam remotis arbitris, cum Superstitio, Impudentia, Iniquitas, & mendacium in civium corpora grassarentur, nihil tam dirum & nefandum excogitari potuit, quod non Anti-Christianis legibus sanciretur. Quod sanè ita malè habuit libero regimini assuetos cives, ut de spontaneo exilio multi consilium ceperint, atq; patriâ terrenâ carere, quam sub Iniquitatis legibus quaecunque civitatis jus tenere maluerint. Sic itaque optimus quisque sentiet, ubi virtutes exulant, ibi, si regnum etiam detur, non esse cupitam civitatem.

15. F A M A.

FAma cum in forum inanitatis, celebrium simul & obscurorū virorū imagines attulisset,
D 6 nemo

nemo alius emptorum plus vel spectatorum habuit. Videre licebat, imò emere viros cœlum apertum vel irradians etiam devotissimè suspicientes, viros Geographicas tabulas acutissimis oculis intuentes, viros circino & perspiciliis omnem naturæ compagem dimetientes. viros clavium copulis omnes mortalium Thefaurorum avidos invitantes, & quid retrogredior? homines armaturæ coruscatione obvios quosq; examinantes, homines Jovis fulmen inviolabili manu vibrantes, homines terram à cœli imperio eximientes, aliosq; indulgentissimâ Apellis manu delineatos heroas vel frigidissimum hominē ad virtutem excitantes. Quos cum fortè, an ex composito adventans Prasentia esset intuita, titulis perfectis, emblematis examinatis, carminibus aestimatis, risum non tenuit: & ad emprores conversa: Aut non novi hos, inquit, aut nisi in tabula tale quid nunquā apud eos vidi. Tum obscurorum etiam miserta: Quàm celebrandos, ait, obscuramus! quàm celebramus obscuros!

16. FVNDVS.

T Varro cum fundum emisset, & rem ibi rusticam instituisse, ut adjuvantibus Numinibus rem suam faceret, duodecim Deos elegit, quos invocaret. Primum, quos omnes fructus agriculturæ cœlo & terrâ continere putabat, Jovem & Tellurem; illum patrem, hanc matrem. Secundò Solem & Lunam, quorum tempora observanda, cum quædam ferantur & condantur. Tertiò Cererem & Liberum, quod horum fructus

MANIPULUS II. 61

fructus maximè necessarij ad victum sint; ab his enim cibum & potionem venire è fundo. Quartò Robigum & Floram, quibus propitijs neque Robigo frumenta atque arbores corrumpat, neque non tempestivè floeant. Item Minervam & Venerem, quarum unius procuratio solerti, alterius hortorum sit. Nec non etià Lympham & Bonum eventum, quoniam sine aqua omnis arida ac misera agricultura, sine successu ac bono eventu frustratio sit, non cultura. Hac operosa superstitione imbutus Varro, cum variè fundum suum exerceret, nunquam nisi surculos Deos & sterilem terram, maximè verò fatigatum corpus habuit. Id ergò Christianus intuitus: ô demum felicem, si sub uno Deo laborare hic disceret! Nec enim fundus felix, nisi in uno Deo fundatus; nec aratio prospera, nisi sub ara unius Dei; nec colitur prosperè; nisi cum cultu unius Dei; nec metitur feliciter, nisi per metum unius Dei.

17. GEMMAE.

Tolerabilior esset impostura, nisi tanto sumptu & gravibus impensis fieret. Nam qui Crystallum ineptis & rusticis fucis imbuunt, & saxa gemmarum colore tecta exponunt, nihil minus habent jactantiæ, nihil prodigalitatis minus exigunt. Sed maximis titulis opus est, nempe ut gemmæ sapientiæ, gemmæ memoriæ, soliditatis, roboris, sanitatis, fortunarum, longævitatis, amoris, securitatis, &c. audiant. Hic videas ementium turbam se prementem, & nummos

D 7 pro-

projectos : hic videas certantem cum nugatorum audaciâ, credulorum stoliditatem : hic videas decipientium risum, & deceptorum confidentiam : hic videas veri tenebras, & vanitatis æstimationem. Cæterum cum se fortè & Christianus aliquis intrusisset, ac, numquid Pietatis quoque, patientiæ, humilitatisve gemmas haberet, esset percontatus, gemmarius effusissimè risit : Et quid ineptè, inquit, apud me saxa quæris, quæ quovis in luto reperiās ? Obstupuit Christianus, & ægerrimè è turba emergens : Apage mihi, ait, hanc vitream felicitatem, quæ dubiâ luce oculos perstringit, & in solidam Petram impingens, comminuitur.

18. INDOCILITAS.

CUM variè suam capacitatem jactitaret Ingenium humanum, una Mors ausa gloriationi obloqui, maximè omnium indocilem culpavit. Nam cum id suis præceptis per aliquot sæpè frustra exerceat, semper minus atque minus proficere. Experiri enim, qui alijs mortem persuadent, à morte abhorre; qui alijs inferant, subterfugere; qui alijs describant, adhuc nescire; qui jam possideant, ad alios velle transmittere. Respondit Ingenium, omnes artes, quas caperet, secundum naturam esse; hanc unam, qua mori addiscendū, præternaturalē. Obstupuit hic Mors Ingenij incogitantiam, & nihil magis naturæ cōveniens, nihil tam ubique in creaturis expressum, nihil denique ad Vitam naturalem expeditius contendit. Quin imò illa non tam præternatu-

naturalia, quàm monstrosa esse asseveravit, quibus homo, dum vitam servare & prolongare satagit, mille morres, supplicia mille subit, facitque mortem vitæ longè optabiliorem. Interea simplicis & ad mortem semper paratæ vitæ homines, quod nec Dei Verbum, nec humana jura, nec naturæ præcepta, nec senij onus ab ingeniosis impetrant, ipsi nullâ scientiâ, nullis regulis addiscunt sponte, capiunt renaciter, patiuntur felicissime.

19. INGRATITUDO.

Charitas Christiana, cum ei cura Proximi injecta esset, omnes inculpatæ tutelæ partes sollicitè executæ est. Nam & adhortando, ac deterrendo, & commendando ac corripiendo, & stimulando ac cohibendo, & alendo ac evacuando, & sopiendo ac exuscitando, quicquid unquam desiderari posset, adimplevit; hoc tamen salario, ut pro singulis amoris officijs colaphos singulos acciperet, & quod maximè mireris, lætâ facie exciperet. Jamque adoleverat pupillus & durioribus ictibus beneficam foeminam diverberabat, cum Impatientia interveniens insanam hanc curam abijcere, & desperatum caput deferere multis verbis est annixa. At illa subridens; id hostibus tuis, inquit, suaseris, ut huius temporis vel potius momenti stipendia accipiant, & æternitatis præmia posthabeant. Hoc nempè est talentum
hum

humī obruere, non dare menfarijs, ut cum fœnore accipias. Mihi verò vel interire certum est, ut hic undique consputa, flagellata, fustigata, irrita quæ nihil omnino terræ debeam, omnia Deo meo grata feram, cui placuit nihil planè merenti infinita promittere, nullo orbis conamine ob inviolabilem Christi veritatem intervertenda.

20. INNOCENTIA.

Innocentia rectè agendo peccaverat. Cumquē in jus vocaretur, nihil expalluit, nempe iudices omnes suo ingenio æstimans, jamque producta cum hunc, illum, alium intueretur, quos viros bonos singulos crediderat, junctos non nisi æquissimos expectavit. Erant autem Athei, qui semper orare; & sanguisugæ, qui jus dicere; & barbari, qui omnia scire; & cæci, qui de coloribus judicare dicebantur, quibus cum sese rudè Innocentia concederet, eheu quàm procul aberravit! Nam cum bonos revera laudasset, culpasset malos, quos optimos putaverat, malorum infamiam in se violenter receperunt, & bonorū famam infamarunt. Non credidit hic oculis suis, posse sanctos improbare devotionem, posse justos adversari æquitati, posse eruditos dedignari scientias, posse vulgus abhorreere libertatem, & secum ipsa colluctata jam diffidere sibi cœpit, posteaquam suo judicio optimis displicuisset. Sed nebulas dissipavit nobilissima virtus, quæ innocentiam solata, latâ fronte iniquissimum judicium expectare jussit, simulque hanc

MANIPULUS II.

65

hanc maximam scire, qui separati singuli nihil innocentiae exprobrare auderent, illos copulatos omnes maxima ei & indigna supplicia decernere.

21. ITA EST.

C*andor ingenuus*, quod vitia malorum liberius increpasset, capitis accersitus est. Ubi convenerunt Iudices, interrogatus Candor, an accusationem agnosceret; fassus est, addiditque: Hic sto, non possum aliter, Deus me adjuvet. Cum igitur colligerentur sententiae primus dixit: *Ita est*, ut garrulus ille ait: sed id scire illum, curiosi; alios, periculi est: itaque tollendum censeo. Secundus: *Ita est*, ait, ut dixit: sed quid, posteritatem nostros natos scire, refert? Tertius: *Ita est*, inquit: sed capita offendere minime tutum est. Quartus: *Ita est*, ait: sed turpitudinem suam nemo libenter audit. Quintus: *Ita est*, inquit: sed oportet audacem esse hominem, qui talia proloquitur. Sextus: *Ita est*, ait: sed cum nihil emendatur, quid blaterare juvat? Septimus: *Ita est*, inquit: sed quin hic sua agit, & haec odiosa omittit? quis enim hunc nobis iudicem constituit? Octavus: *Ita est*, ait: sed privatim potius monuisset, abstinuisset a publico. Nonus: *Ita est*, inquit: sed non nihil exaggerata nostra mala videntur. Decimus: *Ita est*, inquit: sed minus artem veritati admiscuit. Undecimus: *Ita est*, ait: sed livoris nimis quam multum habet. Duodecimus: *Ita est*, inquit: sed quid nunc vulgi

vulgi publica fabula erimus? Ergo conclusum, quandoquidem omnino *ita sit*, nec tamen id proflare expediat, condonandam quidem homini adhuc fortè convertendo vitam; sed os maledicum omninò obstruendum, decretique in pœnam undequadrageni colaphi: quos cum patientissimè ab impuro homine sustinuisset, nihil nisi hoc Christi nostri subiecit: Si malè locutus sum, testificare de malo; sin benè, cur me cædis?

22. IVNCVS.

Riserat juncus vitem, quod & tardè admodum excresceret, & ob humanam gulam perpetuâ sarritione, pastinatione, putatione, religatione, pampinatione, cunctationeque vexaretur, dum ipse à nemine tactus, felicitate sua posset perfrui. At cum paulò post Solis ardore uligo ficaretur, & humore ablato juncus tum emaresceret, tum pecorum pedibus conculcicaretur; Vitis è contrà quæ terræ ariditatem ferre didicerat, uvis & pampinis decora cœlum lætis caprellis aspiceret, ingemuit juncus, & , ô me miserum, inquit, qui exiguo me & fœtenti humori credidi, & scirpiculæ aciem abhorruï, cuius tam felix & perutilis est amputatio. Itaque jam omnes in clamo, quotquot terrenis delicijs uvidi subito assurgunt, nec carnis salubria flagella perpetiuntur, sed honoribus, divitijs, sanitate, fœcunditate, longævitate, pace florentes succo suo virent, ne deficientibus huius orbis lacunis
& exar

& exarescentibus radicibus, quod minimè opinabantur, concidant & conculcentur. Gratulor autem viti, quæ & cœlo vivere, & terrâ acquiescere, & ligonem ferre, & sarmentis exonerari, & frigus vitare docta, tam germina propagat & traduces dimittit, quàm beato liquore nominis famam ruetur, ut omninò pateat, sicca producere succum; succi plena nimis facilè siccari.

23. KECKERMANNVS.

C Plinius, ut de posteritatis studijs optimè mereretur, auspicijs T. Vespasiani, nobile gymnasium magno sumptu instituit, & accuratissima dispositione in classes, sedesque suas distinxit. Ei præfecti sunt Tutores Aristoteles, Cicero & Virgilius; Curatores D. Erasmus, G. Rudovic. & I. Vives Triumviri. Deerat Rector, quem cum quælibet terra offerret, plurimorum tamen votis tandem est electus Barth. Keckermannus, vir clarissimus, qui ut nominis famam & Gymnasij dignitatem tueretur, omnem, quæ homini concessa est, scientiam alumni suis propinavit. Collegam ascivit Joh. H. Alstedium, maximi ingenij hominem, cuius adiumento omnia facili atque eleganti ordine administrata sunt. Unicum tantum homines suspendit, quòd cum Rector sibi multa & crederet, & credi vellet, Deo non omnia credere insimularetur. Id quamvis non agnosceret, aiebant, frequenti admirandorum ac misericordiæ Dei examine cum Aristotele communicato,

nicato, non obscure id colligi. Doluit multis, capacissimum hoc caput Christum non satis capere, & inutiles hæsitacione, vel simplicitatis dedignatione tot præclara monumenta ab Orthodoxis abalienari. Sed & monere juventutem, necesse fuit, ut cætera omnia in hoc viro æstimans, unam incredulitatem Rationis humanæ negligat, cogitetque quàm periculosum sit, ad illam judicij humani temeritatem ascendere, quæ Christi meritum dijudicet: quàm durum ad eam scientiam pertingere, quæ Christi carnem non reperiatur: quàm miserum, eam fidem concipere, quæ Christi verbis liquidissimis, nec credere velit, nec possit credere.

24. L A B O R A T O R I U M.

E S T in mediâ Cosmopoli maximum humanorum operum Laboratorium, quod infinitâ occupatorum varietate spectatores mirificè oblectare, & in multiplicem admirationem dividere solet. Id verò præ reliquis memoratu dignum est, videre ibi anxios & sollicitos homines in rebus planissimè nihili. Sunt enim, nec numero pauci, qui maximâ severitate ineptias imperant: sunt plurimi, qui ingenti supercilio nugas docent: sunt, qui ridiculâ superstitione fabulas aniles explicant: sunt, qui multo sudore quisquiliis coacervant, & inter se haud sine strepitu distribuunt: & inter hæc jurgia litesque oblanam caprinam, ob asini umbram, ob fumum & finum. Sed non desunt, qui cum otiosi videantur,

tur,

itur, maximis operibus perfunguntur, qui laborant quiescendo, docent ludendo, corrigunt ridendo, ineptiendo sapiunt. Non illis anhelitus, nec sudor, nec strepitus, nec jactantia; sed maxima ubique dexteritas, & laborum abbreviatio. Hæc cum ambobus oculis contemplaretur Hercules, Laboratorium egressus, sanctè juravit, res hominum multis hyperbolis, æstuarijs, sumptibus, involucris, crepitaculis, cæremonijs, querelis peragi, re ipsa fuitiles esse, faciles, umbratiles & ludicras.

25. MACIES.

X Anthus cum non tam pallidus, quàm osseus obambulet, & siccata cute indurataque per vias crepitaret, Curiositas, quæ nesciebat Philosophum, sortem miseri dolens: Ehem, inquit, amice, quo tuo flagitio in pistrinum damnatus es? Et Xanthus corrugata fronte, Quem tu verò me, respondit, judicas? tum illa, Certè, inquit, aut qui ad metallum, aut qui in scholam relegatus. Nequaquam, inquit Xanthus. Ergo Diaconus es, ait illa, sub moroso Decano? hic, non sum, subdit. Fortè ad Curia fores, pergit curiositas, famelico ventre jacuisti inter expectantes? At Xanthus: Id Dij prohibeant! Quid ergo te dicam? Curiositas nugabatur; Chymicum opinor fuisse, qui inter aureas spes ad clibanos suos & furnos exaruit. Risit Xanthus, & non vacasse, non licuisse etiam reposuit. Superest, addidit curiositas, ut Aulæ servieris struthionis ad imaginem

ginem capite minuto, collo oblongo, stomacho fervidissimo, pennis inutilibus, pedibus sordidis. Cum & illud Xanthus, pernegaret, institit Curiositas, ut hecticam suam ipse proderet. Tum ille cum gemitu & lacrymis: Eheu, inquit, malè nupsi! Non absolvit verbum, cum se Curiositas cruce signavit, precesque concepit, ne inauspicatum occursum lueret, & ad Martyrem conversa: O te sanctum, inquit, cuius omnia peccata hic expiantur, nihil reservatur Purgatorio reliqui.

26. M E N D A C I V M.

AVgur, Rabinus, Talismantur, & Missifex nescio quo astro coniuncti, ut primum alter alterum est intuitus, mutuam sibi cœcitatē, & monstrosam imposturam exprobrarunt. Cum nullus eorum accusationem admitteret, & falsi crimē pro se quisque pernegaret, Pagano quidem Metamorphoses, Judæo Talmud, Turcæ Alcoranus, Pontificio Legenda, Sanctorum obiecta sunt, libri, quod Sol novit, ad miraculum usque impudentes, absurdi, impurissimi que, ut & confingi potuisse, & credi ab ullo homine supra fidem fuerit. Ita portantis ubique cum auditorum stupore productis, cum omnia humanum pudorem excederent, non intermiserunt tamen singuli sua fragmenta excusare, & verissima asserere Quos cum audivisset Ignatianæ pestis quidam, ausus est omnium patrociniū promittere, homo fide Ethnicus, versutia Verpa, crudelitatem Saracenus, fronte Pontificius. Sed interpo-

fuit

uit se Satan, haud quidem arti hominis attri-
dendens; sed quod metueret ne genus humanum
tot fabularum prodigijs ludificatum, jamq; per-
tæsum sapere, & mendaciorum structores ab-
horrere, simulque ad tartara pestiferum examen
naebulonum deijcere cogatur.

27. MILES CHRISTIANVS.

Desiderius Erasmus cum terram propè omnē
perlustraret, ut variè se accommodaret, nunc
Theologi togam, nunc Monachi cucullum, nūc
Philosophi pallium, nunc Pædagogi colobium,
nunc Morionis etiam larvam, & habitus alibi a-
liolos assumpsit, aliquando etiam armatus cum
machæra apparens, miles Christianus audire
voluit. Cumque rideretur homo nec proceri,
nec compacti corporis, ille torvum videns, &
ensem vibrans, monstravit facilius se contemni,
quàm superari. Et sanè eam monstravit in sacris
armis agilitatem, ut tum expediti, tum cauti mi-
litis munia dexterrimè obiret; neque fortasse fe-
licitas conatibus defuisset, nisi eludere hostem
& declinare, ac nescio quibus pacis induciarum-
que formulis circumducere, quàm debellare &
profligere maluisset. Itaque cum lentior & cun-
ctantior videretur, quàm hostium furor & ma-
chinæ exigebant, Religio Christiana ab aliena-
tor esse cœpit, & ad rogatam Reipub. curam ho-
minem remittere: Exemplo posteritati no-
tabili, ne quisquam contra Dei hostes le-
nior patientiorque esse velit, quàm charitas pro-
ximi requirit; sed fortibus ictibus, cir-
cumsp-

cum spectatque corporis custodia & inimicum frangat, & amicum tueatur. Cæterum Erasmo militia hanc laudem peperit, ut, quisquis robur & cor ingeniosæ dimicationi Erasminianæ addat, is omnes numeros Militis Christiani implevisse meritò dicatur.

28. MOLLITIES.

OLiverius Maillardus, Michaël Menotus, & Michael Barelerus, seculi censores acerbissimi, & amaræ veritatis inter suos interpretes impudentissimi, cum nostri seculi Oratorum civilitatem, & genus dicendi molle, ac Aulicum planè animadverterent, mirari satis & indignari non potuerunt. Itaque in eos acriter inveciti, nullum contumeliarum genus omiserunt. Sed Oratores id flocci facere, & ad concionem remittere, illi sententiam suam paulò post mutare. Nam cum suo seculo auditores habuissent asinini auribus & duris ex corio valvis; hic tenuissimas aurículas & delicatissimæ membranæ valvulas observarunt, quæ vix dulcia verba & ornatu florida admitterent, nec minùs ad quamvis levem suspensionem murmurarent. Unde irâ in condolentiam conversâ, cum seculi huius impatientiam & præteritorum tolerantiam conferrent, linguæ suæ acutissimæ metuentes, cedendum huic ævo, & id circumcisis linguâ, molliq; brachio relinquendum censuere. Hanc namq; ætatem catellos blandos velle, non ferre molossos; & fistulas amare, non tubicines.

29. MVN-

29. MVNDI OFFICINA.

EST inter metallorum fabricas officina ferreis staminibus trahendis inventa, forcipibus malleisque admodum strepera: quæ, quia multorum curiosis oculis invisitur, nostram descriptionem non non præteribit. Principio ubi ferrum debite liquefactum, ad rotunditatem obli-
 gatur, inde foramen intrare cōsultum, cum for-
 nam suscepit, superiore contignatione per an-
 gustius foramen intenditur, postea magister ar-
 tis alius iterum per aliud foramen coarctat, fa-
 citque flexibilis, id alibi repetitum tenuius fit,
 et asperso liquore semper minutiora foramina
 ingreditur: Superfunt denique pueri, qui in cir-
 culos colligunt, & pro densitate, tenuitateq; di-
 criminant, deniq; recondunt. Id sane ut inge-
 niosum; ita, nisi qui viderint, in credibile est, pos-
 se durum metallum usque eo extendi, ut in Cy-
 nara ad plectrum & digitum resonet. Sed cau-
 tione opus est, ne rude metallum, sed jam co-
 rum, & malleis contusum ingeratur. Hos labo-
 res sive tractoriam molam cum speculatorū qui-
 am esset intuitus: Sane, inquit, persimile quid
 apud eos vidi, qui Mundi stipendia capiunt, qui
 si dociles non admittit & ductiles, quos iteratis
 imper angustis, ad miram usque gracilitatem
 extenuat, donec in vanitatis pandura expan-
 si, & consuetudinum manu pulsati tri-
 ste servitutis melos con-
 cinant.

E

30. Nisi.

REbus mortaliū optime constitutis firmatisque
 cum decore ordine pro se quisque stationem
 suam ornarent, una Reipub. pernicies deprehen-
 sa est, quam *Nisi* indigitarunt. Nā cum Princeps
 optime regeret, *nisi* subditos degluberet; & Sa-
 cerdos Veritatē annuntiaret, *nisi* divinaret; & Po-
 liticus bona Civium custodiret, *nisi* cleperet; &
 Juridicus leges explicaret, *nisi* nugaretur; &
 Medicus sanitatem procuraret, *nisi* periclitare-
 tur: & Philosophus naturam indagaret, *nisi* so-
 mentiretur: & Chymicus arcana scrutaretur, *nisi*
 faccum redoleret & Mathematicus Cœlum ex-
 ploraret, *nisi* hallucinaretur: & Mechanicus ar-
 tes excoleret, *nisi* brutesceret: & Maritus dom-
 curaret, *nisi* divagaret: & uxor socias manus ju-
 geret, *nisi* dissonaret: & juvenus in spem exci-
 lceret, *nisi* dissolveretur: summa, *nisi* homo per-
 caret, cætera omnia recte fierēt: Senatus ampli-
 simus decrevit, *Nisi*, Deo invito, terra & aqua
 proscribere. Sed non valuit edictum, quod Deo
 tura intercederet, hancque rebus ac redinem
 lubriter admixtam contenderet, quæ nos am-
 tionem illam, qua hominibus majores esse
 dimus, dedoceret, & quemque donis Cœ-
 litus ornatum, *nisi* terræ vitiis ob-
 situm, evinceret.

31. OMNIS.

Omnis cum numerosam familiam aleret, quotquot bonos suscipiebat, pravo exemplo corruptumpebat. Nam cum & Simoniam exerceret & varias extorsiones excogitaret, & turpissime sophisticaretur, & foedis libidinibus, otiosaq; crapula luxuriaretur, caetera superbus & iracundus, omnes servos voluit & parere mandatis, & conspirare inventionibus, interim & pius dicebatur & justus, tum eruditus, probatissimaeq; vitae: de quo quisquis dubitabat, vapulabat. Unus negavit turpe servitium ex captivis Christianis, qui cum audiret, omnem velle imperare omni, cogere omnem, nihil veritus est cum praesentissimo periculo *Omnis* contradicere simul atque ire. Nam cum libertatis in Deo recordaretur, & nobilissimi Natalis, non potuit infame servitutis jugum, nisi cum cordata exprobratione, sustinere. Id *Omnis* animadvertens, & blanditias minis miscens, cum ad mortem usque resolutum hoc liberrimum mancipium deprehenderet, gloriae invidens non occidit: sed perpetuis tenebrarum carceribus condemnavit.

32. PAUPER TAS.

Exprobrabat Paupertati Nummunia rerum optimarum hujus Vitae penuriam; at illa id animose pernegabat. Haec ut fidem operobrii faceret, pleraque Terrae donaria enumeravit, quae nequaquam gratis, omnia pretio venirent: Religionem quippe vendi, cuius, vendi dignitates, ac summam amicitiam, te-

E 2

sumo-

stimonium, defensionem, opes, libertatem, nobilitatem, ipsam etiam vitam venalia; quibus omnino sit carendum, cui, quo emat, nihil æris, nihil apud nundinatores sit fidei. Paupertas vero cum gloriosæ fatuæ imperitiæ irrisset, ad suos conversa: quid verat, ô mei, nos esse pios, si maxime illi religionem suam sibi servant? & bonos, si jus denegetur? & honestos, si dignitates ab sint? & rationabiles, si literis careamus? & charitate accensos, si amici se subducant? & bonæ conscientia, sine teste? & abstinentes, ubi opes deficiant? & tranquillos in mediis vinculis? & virtute cōspicuos, dum alii nobilitatem jactant? denique mundo mortuos, si nos illi vivere nolint? Certe ita Optimus Creator mentem, nobilissimam nostri partem, absolvit: ut, nisi velit nihil credat, concupiscat, admiretur, amet; nisi consentiat, nemini pareat; nisi se perimat, nulli neci, aut interitui sit obnoxia.

33. *PLVS VLTRA.*

Cosmoxenus cum in rerum omnium contemplationem, & ad Naturæ usque thesauros esset admissus, nihil aut parum admodum visus esse affici. Viderat Voluptatum tabernas, grandiorum instrumenta, sanitatis & agilitatis palæstra nec iis relictus, *plus ultra* petiit. Inde honorum foliâ, dignitatum subsellia, præeminentiæ pulpita, excellentiæ Cathedras contemplatus, nihil extulit, & *plus ultra* petiit. Itaque ad artium amiranda, naturæ rariora, dexteritatisq; specimina deductus nunquam obstupuit; sed velut quotidianis

Adiana dedignatus, *plus ultra* petiit. Unde scientiarum adytis reclusis, & Naturæ lampadibus monstratis, cū ingenii subtilitates & Divinitatis æludia prostant, leviter arrisit, & *plus ultra* petiit. Nihil restabat, quo ulterius deduceretur, nisi obscurum horreum, quo Orbis rejectamentis confuse & negligenter comportatur. Ea cum, sicut per ludibrium, cōmonstrarentur. Cosmopolis inusitato gaudio affectus læto spectaculo oculos diu pavit, nec saturari antiquitatum, similitudinum, roboris, & commoditatis intuitu potest. Id quia mentis parum sanæ indicium creditur, hominē pridem gratum, invisum reddidit, in Crucifixorum contubernium ejecit.

34. POENITENTIA.

Sanctimonia & pœnitentia, cum devotæ peregrinationis sociæ esse voluissent, aliquot statumina emensæ, non satis inter se convenerunt. Nam Sanctimonia admodum properaret. Pœnitentia lente incedebat; illa ex solis calore rubebat, huic pallor in ore ex respirationis difficultate sedebat; illa erecto vultu tum cœlos, tum circumjacentem omnem regionem intueretur, hæc humisso in terram vultu lacrimas spargebat; illa hominum errores & pigritiam ridens sæpe exultaret, hæc mortalium duram sortem lubricamque plorabat: Illa itineris secura, omnes salebras & scopulos ac præcipitia ipsa negligeret, hæc castrorum vulnorumque conscia vel tuta etiam metuebat. Illa mores hominum judicans multis multa exprobraret, hæc imbecillitatem & nequos

excusans, quam fieri poterat, silens præteribat. Illa nullius tempestatis patiens ad quamcunque graviolem auram se involveret, hæc corpus nudum cælo & pedes discalceatos tribulis & spinis exponebat. His itaque moribus disparibus cum ambæ arctiori portæ appropinquassent, Pœnitentia quidem corpore gracili & indurato angustias penetravit, Sanctimonia autem nitido & involuto corpore expectare, dum jugi Crucis exercitio extenuaretur, siccareturque iussa est.

35. * P O E S I S.

Pœsis ex Platonis urbe profuga, cum apud Christianos divertisset, habitaretq; in conductis, haud propriis, ædibus: paulatim petulantius agere, & libidinari cepit. Itaq; in iudicium vocata, cum de religione quæreretur, purioris confessionem testata est: cum de moribus, virtutū leges agnovit: deniq; omnem vitæ rationem sic à maioribus accepisse explicavit. Placuit equidem formosissima puella, visaque est, suavi eloquio, quicquid vellet, impetrare posse: sed rigidiores senes non intermisere de pietate ejus, & pudore dubitare. Quid enim sibi vellet frequens Paganorum invitio, quid lenonum & luxuriantium habitatio, quid os ad maledicendū & laudandum ad ridendum, quam lugendum æque mobile. Respondit illa, Castū solidumq; pectus, quod Deus agat, nihil alieno vitio maculari. Tum Prudentius sic censuit, Cogitarēt Patres, an quem Deus unus verusq; inhabitat, Diis infamibus delectari possit: an cœlum sapiat, cui Venus, quam M

ria: Cupido, quam Immanuel: Musa, quam Spiritus S. Parnassus, quam Oliveti mons: Elyfia, quā cœlorum regnum: fabulæ, quam Verbum vitæ in ore frequentius? an Christianum sit, vel laudibus, vel moribus esse ad ruborem & formidinem usque immodicum?

36. POLYPRAGMON.

Polypragmon, quod in celebri Panosophiæ emporio famam suam, multis phaleris & hyperbolis sparsisset, multorum oculis auribusque expectatus est. Jactaverat enim Catholici Hispanici compositionem, & encyclopædiæ Jesuiticæ subtilitatem, & harmoniæ macro & microcosmicæ concentum, & Magicæ Mosaicæ, Hermeticæ, Thyaneæ, &c profunditatem, & Spargiricæ Paracelsicæ sublimitatem, & linguarum omnium latitudinem, & mechanicæ Archimedææ, speculationisq; Euclidææ longitudinem, tum Orphicæ & Amphionis Lynam, & quæcunq; alia sunt innarrabilia. Sed paucis diebus præsentiam suam mortalibus concessit, cum se universi orbis peragratiorem debere, cum se Universo orbi deberi profiteretur. Vix abierat, cum nūcius claudus appulit, quem aiunt magnum hiatorem perpetuo subsequi. Is monuit longe infra famā omnia esse, & profundissima simulatione rē geri: Minas intra verba, mysteria inter characteres, artificium omne in affectatis tenebris consistere: cetera vana, inania, nec ultra hominum terminos. Id homines induxit, ut legem sibi indicerent, posthac vix centesimam jactantiæ partem credere.

E 4

37. PRA-

37. PRAXIS.

VAcante in Republ. quovis munere, magnus solet esse ambientium concursus, quod sive felicitatis sit seculi aptis hominibus abundantis, sive temeritatis mortaliū, rebus se pares nimium confidentium, sive conductorum socordiae & avaritiae, exinde otium lucrumq; captantium, in medio repositum sit. Certe Praxis circūspectior esse solet, & sollicita magis: unde cum nuper munia Civitatis suppleret, Principem voluit, qui cū *Decio* se salutē civium devoveret; & Ecclesiastē, qui, ut *Martyres* olim, ad palum alligatus concionari posset; & Jurisconsultum, qui *Papinianam securim* minime reformidaret; & Militem, qui, *Cocleis* exemplo, hostes unus sustineret; & Medicum, qui *sævienti peste* sese opponeret; & Philosophū, qui *Vespillonius* officium subire posset; & Literatum, qui intra Syracusas suas instar *mille hominum* esset; & Civem, qui, velut *Curatius*, publicam cladem expiaret; & filium, qui penates, parentesq; supra omnia efferret. Hæ cum audirentur conditiones, turba dilapsa, non abigenda fuit ambientium importunitas: sed exorandus cordatorū assensus, & condignis præmiis decorandus. Actum innotuit, parum esse, quicquid detur strenuis practicis: nimium, quicquid in verbosos theoreticos infumatur.

38. PROCURATIO.

Ecclesiæ cura anxia est: quam cum die solito deposuissent Pammachius sacerdos, & Chry-
sogonus

MANIPULUS II. 81

Progonus quaestor, electi sunt procuratores Philo-
 dippus Mornæus, & Ioh. Spinæus, nobiles Galli.
 Id more suo rodit livor, &, quam, inquit, sagatos
 illos rufos decebit candida stola! quam pro plu-
 mata nobilitate apte stabit infula! Sed illi ob au-
 dientes scommata, in rem præsentem animose
 viere. Et Mornæus quidem, ut vidit Ecclesiam ad-
 venarum cohabitatione maculatam, Paganos,
 Judæos, Mahumetanos omnes, ipsumque Anti-
 Christum expulit: sed & Philosophiæ, quæ ni-
 mium exorbitaverat, frenum injecit: deniq; Pæ-
 dagogium literatissimis Magistris replevit, & so-
 lidæ eruditionis templum instructissimumq; di-
 putandi armamentarium extruxit. Spinæus ve-
 ro moribus consulens, proscripserat avaritia, ambi-
 tione, ira, libidine, Voluptate, aliisque in urbem
 preceptis vitiis, ædes purgavit, & beatissimā tran-
 quillitatē introduxit. Hac animi integritate cum
 Ecclesiam uterque beasset, & jam more solenni
 officia resignanda essent, grata juvenus statuas
 bene meritis ex marmore erexit, cum inscriptione,
 qua uno anno sub his procuratoribus, quam
 sub Sophistica & hypocrisi integro seculo, profe-
 cisse apud posteritatem testabatur.

39. PROBITIO.

Hostis humani generis cum diuturna obsidio-
 ne Politeuma, urbem felicissimam, cinxisset,
 nec vel occupationis, vel deditiois spes ulla ap-
 pareret, à vi ad strategemata conversus, quatuor
 exploratores sive corruptores clanculum immi-
 sit. Primum Xyphin, qui luxuriā & petulantiam
 E 5 Convi-

conviviorum, vestitusque & omnis vitæ cultus doceret. Secundum Koron, qui saturitatem, fastidium, securitatem, impudentiam, contemptum legum & discipline introduceret. Tertium Iphrin, injuriæ, contumeliæ, contentionum civilium obres non necessarias susceptarum, studii alios per ambitionem, fastum, superbiam, aut malevolentiam premendi, odii, simultatum, mortuum intestinorum, seditionum doctorem. Quartum Oletrum, quem omne exitium, ruina, & vastitas consequitur. Quibus poliorceris effectum est, ut, quæ invicta credebatur, Civitas, non tam sui negligens, quam hostis contemnens civium manibus muri haud exiguam partem diruerit, & malorum omnium equum Troianum intromiserit. Unde hostis inde victos sæviens, non sexui, non ordini pepercit: sed virtutum strage ubique facta, & vitiorum foeditate undique dispersa, qui supererant ex iis, quibus in vitissimis malorum illa quadriga intromissa est, oculis & manibus in celum sublaris: Traditi sumus, dixerunt, nos & populus noster, ut conteramur, jugulemur, & percamus.

40. S A M A R I T A N V S.

Quidam adolescens ex bonæ famæ regia ad humanæ societatis oppidum contendens, in rectæ Conscientiæ viâ in Calumniam, invidiam & fraudem, pessimos latrones, incidit, qui spoliata omni ante actæ vitæ fardina, exutisque restin onit vestibibus, mendaciorum & amarulentiorum profunda vulnera inflixere, ac cum infamiæ mor

te confictantem reliquere. Ambulabat forte per eandem viam Patria, multis nominibus saucia-
to obnoxia: quæ, ut vidit, murmurans aliquid, condoluerit, an increparit, incertum, duro pectore præterit. Postea infecura Consanguinitas, quam communis origo movere debebat, nihil mitius egit: sed inclamari metuens, properato gressu se subduxit. Tandem ex iis unus, qui mundo invisi, sacræ stultitiæ stipendia merent, cum incidisset in alienæ sectæ miserum, exploratis ablutisque Christiana charitate & excusatione vulneribus vinum contemnendæ terræ, oleumque Theologiæ infudit, ac tolerantiaæ asino impositum verioris contemplationis diversorio intulit: inde duobus nummis lucem victumque conduxit, & virtuti hospiti quam enixissime commendavit. Dicite, mortales, quis affectuissimo adolescenti Proximus fuerit?

41. SCALA.

Megalander, qui obscuro genere prognatus ad virtutum fastigia ascenderet, cum in gloriæ solio consideret omnibus aspectabilis, multos permovit, ut, quibus ille gradibus ad hanc dignitatem ascendisset, perquirerent. Aliis itaque arbitrantibus seculi sui felicitate uteremur, aliis fortunam nimium propitiam divinantibus, aliis in magnatum favorem causam concipientibus, aliis lociorum fidelitate elevatum censentibus: ubi homini tot vanæ conjecturæ annotuerunt, plurimum risit, & ad curiosos illos conversus: Hem, si cui inter vos scapulæ

pruriunt scalā, qua ego enixus sum, inscendito.
 Ingenium mihi acuit contemptus, cum nemo
 suffulciret, omnia meæ indagationi relinque-
 rentur: artes docuit paupertas, quæ nisi fatigato
 cibum non præbuit: mores formavit Calumnia,
 cum undiq; peteret, & in conspectu centoculo-
 rum versandum esset: labores imposuit invidia,
 ut pudefacerem, quotquot iniquius me censuis-
 sent: Opes servavit ingratitude, cum nemini
 fidendum, credendum nemini: indeque nihil te-
 merè effundendum appareret: Sanitatem dedit
 venenum, cum per tot mortes immortalis, &
 Mundo immortalis Christo redivivus redderetur.
 Hæc cum audivissent delicati. Jam nemo, dixe-
 runt, invideat stationi rux, ad quam per tot Cru-
 ciatus emergendum est.

42. SEPULTA VERITAS.

VNi Deo potestas est mortuos exuscitare, nec
 nisi suprema indulgentia id homini conces-
 sum: at nos honorare sacras exuvias, & donorum
 Cœlicorum habitacula in aliorum imitationem
 decorare fas est. Itaque cum multis indicis *Veri-
 tas sepulta* crederetur, illic effossa terra & post
 dierum aliquot labores sandapila haud magni
 sumptus reperta est. Cumq; ea extraheretur, ti-
 tulus nullus apparebat, nisi paucissima hæc literæ
meo tempore, & effractis asseribus Cadaver muti-
 lum, fœdum, ac rebus haud recitandis oppletū.
 Apparebat autem non balsamo & aromatibus:
 sed multis inquinamentis fuisse conditum: unde
 haud levi molestia est repurgatum, ac tum ta-
 bella ænea ad caput reperta, cum inscriptione

Veritas

*Veritas, Dei filia, Sathana fraude, Mundi infectio-
ne, carnis mollitie, tyrannidis & violentia, Sacerdotū
solicitudiā, Politicorum malignitate, Historicorū le-
uitate. Gramaticorum stoliditate, & plebis stupo-
re perempta, hic inter mendaciorum simeta jaceo,
post centum annos Soli reuifenda. Salve posteri-
tas. Id Epitaphium cum publicaretur, mixtum
cum dolore gaudium excitavit: cum exprobra-
tione præteriti, præsentis felicitatem consigna-
uit. Unde Sepulcro è marmore erecto, & Verita-
te sumptuose recondita, tum Epitaphium ipsum
suspensum est, tum superba hæc subscriptio ad-
dita: *Si Matorum nostrorum temporibus fuisse-
mus, non fuissen. in eorum in Veritatis cade sociis.**

43. SOMNIVM.

SOmnia, quod futura præscire, & arcana
quævis revelare posse non inique creditur, in
antro suo habitans, variè de rerum eventis à cu-
riosorum turba consulitur. At illud plerunq; vel
eludit homines, vel dubiis responsis suspendit
vel obscurissimis oraculis intricat. Nec minus
tamen frequenter ab insanā multitudine obrui-
tur, cum quicquid maxima quæque sibi obventu-
ra polliceatur. Vidi tamen, cum ibi essem, homi-
nem ant quæ virtutis & fidei, cætera simplicem,
à somnio valdè benignè habitum, & multis de
rebus, quæ mortalium ingenium superant, eru-
ditum. Nam & religionis Ecclipses, & Reipubli-
cæ rotationes & Naturæ abstrusiora aperuerat,
quæ homo minimè ambitiosus apud se reconde-

bat Id aliquos movit, ut multis precibus à somnio contenderent, quid tandem ei in hoc homine usque adeò placuerit. Respondit. Somnium, Mentis puritatem. Nam cum alij vino olidi, aut ambitione fumidi, aut avaritiâ fordidi, aut libidinibus inquinati, aut quavis alia graveolentia infecti compareant, nihil minus ab eo veritate, nihil ludibriis citius elici posse: Castis verò, vigilantibus, sobriis, & animo purgatis esse proprium.

44. SUPPLICIUM.

AE Acys, apud inferos iudex æquissimus, ut maleficijs humanis debita supplicia irroget, ingeniosus pœnis esse solet. Nam cum peccantes animæ hic haud rarò impunè abeant, quâ primum descenderint, ex cuticulæ maculis digno scit, quid apud nos iniquè egerint. Itaq; Potentes impatientissimis horis submittit: Sciolos elingues esse jubet, ut artium tumore crepant: ambitiosos multo stercore coinquinari sinit: mēdaces denti fragibulo cruciat: luxuriosos perpetuo gelu obrigescere cogit: calumniatores in visâ luce ambit: invidos felicibus assidere, & bonis eorum torqueri vult: avaros insatiabili fame necat: curiosos densissimis tenebris damnat: duros liberalitatis ignibus coquit: hypocritas veritatis dicacitate exercet, & quisquis suppliciorum genera singula enumeret? satis sit scire, *Contraria contrarijs puniri.* Quæ cum audivisset homo Dei metuens, & proximi amans: Nunc demum, inquit, juvat bona seminare, cum bonitatis amplaseges expectatur. Nam ut illi apud inferos vitiorum

tum contraria metuunt : ita nos in cœlis virtu-
tibus similia colligemus : nempè *ut contraria
contrariis pellantur: ita curantur similia similib.*

45. TEMPERAMENTVM.

Altercabantur Anima, & Corpus. Illa dolebat,
quod pigram gravemq; molem traheret, per
quam nec sursum elevari, nec exoptatâ velocita-
te terras peragrarè liceret; nec minus tamen sagi-
nari velle, & haberi blandissimè. Hoc exprobra-
bat hero suo turbidū & impotens imperiū, curio-
sitate Vertiginem, tēraminumq; temeritatē, quæ
nisi durissimo suo labore, ac perpetuis plagis nū-
quā perpetrentur: nec minus tamē laudari, hono-
rariq; velle, & identidem ad novos errores adju-
vari. Tum Anima in Corpus invec̃ta: Infra om-
nia animalia debile & sensibus hebes, tum nudū
& brevioris durationis, sed & morborum myria-
dibus obnoxium culpavit. Et Corpus audentius
Animam supra Dæmonum malitiam, supra bru-
torum crudelitatem, supra truncorum stuporem,
& supra terrenam omnem insaniam extulit: quæ
illa audiens & exhorrescens: O tu meum, inquit.
Corpus, id agamus potius, ut mutuo tempera-
mento, tu à saginâ, ego à desideriis meis, abstine-
amus: ne, dum tu luxurias, ego evolo, mors insi-
diosa superveniens utrunq; abripiat, sistatq; im-
placatos Judicio Dei intolerabili.

46. TRAGOEDIA.

Tragœdia, quæ humanæ vitæ lubricitatē alio
atq; alio dramate repræsentat, & temeritatē
Ambitionis coercet, cū nuper personas novę fa-
bulæ

bulæ suæ conquereret, ex magno numero sese offerentium pauciores, quam rebantur, admisit. Aiebat enim, non esse cuiusvis ingenii, agere Tragœdiam. Itaque qui Theologum ageret, elegit hominem eloquentem, fervidum, & qui sanctitatem eruditioni conjunctam exprimeret: qui Politicum repræsentaret, hominem industrium, versatilem, laboriosum, affabilem: qui militem, hominem fortem temperantem, patientem: qui Literatum, hominem, ingeniosum, multæ lectionis, variæ experientiæ: omnes nempe egregiis & conspicuis donis ornatos: sed quibus ambitio audendi materiam. & Dei desertio aggrediundi temeritatem indiderat. Nam qui stupent, nunquam assurgunt, nec ab hominibus æstimantur: sed rebus veteribus innutriti facile acquiescunt, nec, si velint, immutandi instrumenta reperiunt. Illi verò, quod aliis & Naturæ beneficio, & fortunæ applausu, & ingenii machinis. & populi consensu attolluntur, quod securius aëra pervolant, eò turpius ad minus notabiles scopulos ita impingunt, ut, qui Tragœdias aliis exhibuerunt, ipsi tandem Tragœdiæ nomen dare cogantur.

47. VAE.

PRæteribant fortè duo homines simplices: unus, qui Hierosolymæ quondam, alter, qui haud ita dudum Romæ tristissimo præsagio *Va, Va*, inclamaverant: quos cum humana curiositas conspexisset, rata futuri concios, & arcanarum rerum gnaros, multa super mundi periodo, super Regnorum vicibus multa percontata est. At illi

rerum

erum omnium ignorantiam professi, nescio quid incōcinnum sine regulis, methodo, & ornatu pro loquebantur: sed quod vel ingeniosissimi conventionem captūve excederet. Visa est res eruditionis examine digna, quam illi non improbant; sed admirari potius videbantur, & libentissimè sese subijcere. Cæterum res suas, siue querelarum impetum nihil ad Eloquentiam vel Diabeclicam quadrare suspicabantur: sed altiori indagagini relinquendum. Erubuit hic eruditio, aliquid supra iudicium suum in terris credi, maxime cum divinitatis quandam societatem præ se ostendit, quæ obscure ferret, & tamen in nullius fuci similes solarios vix aliquid durius ausa, spreto plebeiorum sermone, contentisq; inarticulatis oraculis, ad elegantias suas & vocabulorum nitorem est reversa. Tum interrogati simplices, cur minus cum Eruditione, fæmina Diis hominibusq; gratata, conveniret: responderunt, Non liquere, nisi forte, quæ semper Ave hominibus occinere consueverit, Va inclamare impuro seculo penitus dedidicisse, arbitrandum sit.

48. VALE.

Osmoditus cum molestissimi itineris periculum jam oculis prospiceret, & beatarum mœnium occursum, Patriæque verioris non, ut ille, cernere, sed suave olentiam præsentisceret, non temperavit sibi, quin retrospiciens, comitum exanimen abigeret, & ad facilem ingressum semet excederet. Itaque expansis brachiis, Vale, inquit, Caro: salve flamen, disceratio, doce Verbum, fuge

ge ^{ma} ^a ^{ma}, redi splendor, fide sensus, clama oratio abi-
 aurum, veni satietas, vade ingenium, vige obse-
 quium, cede volupras, adi possessio, peri memo-
 ria, cresce oblivio, dele poenitentia, fige emenda-
 tio, sine manus, cape fides, cave corpus, fide a-
 nima, dormi cerebrum, surge cor, dole praesens,
 gaude futurum, plora error, ride restitutio, luge
 libido, cane puritas, arce gaudium, riga lacrima,
 pave peccatum, ave remissio. Hæc ubi Mundi
 pertæsus, Cœli appetentissimus, dixit, multo in-
 ter Comites oborto risu, multis etiâ eiectionis scom-
 matibus, sed & lapidibus in eum coniectis mul-
 tis, ille dorsum tacitus obvertit, & quod itineris
 erat reliquum placidè peragravit.

49. VTILE DVLCE.

V Tile rerum humanarum saluberrimum medi-
 camentum, ut maximè sanaret agros, tamen
 nescio qua sui amaritudine delicatioribus nau-
 seam faciebat. Nam cum ex morte, lege, ratione,
 Veritate, temperantiâ, patientiâ, speciebusq; si-
 milibus amaris purgans confecisset, quemcun-
 que vel iniquitatis febri, vel ambitionis hemi-
 crania, vel avaritiæ hydropè, vel voluptatum po-
 dagrâ, vel alio quovis vitiorum morbo corre-
 ptum accipiebat, eum evacuatis intestinis non
 sine cruciatibus exercebat. Visum est hoc Æscu-
 latio durius, quam pro humanâ temeritate, & u-
 tili dulce addidit, cuius interventu amaritudo
 temperaretur, melle & saccharo fabularum admini-
 stratis, ac inventionum lubricitate corpus afflicturn
 perfluent. His pharmacis aiebat veteres sæpè fe-
 liciter.

iciter usos, & Christum ipsum, Medicorū Prin-
cipem, ijs multos sanasse, quos tetricus Phariseo-
rum vultus examinasset, cum nec puerorum fe-
stivitas talia abhorreat, nec virorum gravitas de-
dignetur, nec senum morositas abijceat. Placuit
remedium, &

Omne tulit punctum, qui misceuit ut ile dolci.

Nam quoscunque Vitiorum aliquod symptoma
invaserat, ad electuaria, conserva, & condita pro-
perabant, cum viderunt, æquè ridendo verum,
ac increpando, dici posse.

50. ZACHAEVS.

Zachæus cum in publicâ disputatione thesin
proposuisset, *Non remitti peccatum, nisi resti-
tuatur ablatum*: capitis periculum incurrit? Erāt
n. quā multi, qui Ecclesiæ plurimū debebant, nec
tamen agnoscebāt sacrilegiū: & qui Reipub. mul-
tū, nec fatebantur peculiū: & proximohaud parū,
nec furti reos dicere quisq̃ audebat. Omnes quip-
pe nomen Regenitorū sive Conversorum impe-
traverant, quantū vis spoliis alienis etiam nū opu-
lenti & conspicui. Nec minor erat hæredū securi-
tas, qui paternas possessiones quovis titulo corra-
sas, propitio sc. Deo. adibant, nec Evangelio ulla
ex parte contraibant. Itaque non tam publicè ir-
risus Zachæus, qui corrasas opes restituerat, mul-
tā insuper ei impositā, imò & capitis quæsitus
qui pestilentissimam propositionem evulgasset:
Turbari nempè omnes ordines, ac in visum red-
di atque difficile Christianorum nomen, qui-
bus non liceret iniusta possidere. Ita Zachæ-
us quidem obrutus: at non simul bona causa
oppressa est. Nam maledictio, quæ comi-

tari fures perpetuò solet, Publicanorum ædes ingressa, quicquid pretiosæ supellectilis reperit, corrodeute liquore conspergit: Cujus eam vim esse ajunt, ut metalla etiam in pulverem resolvat.

PHOEBI IUDICIUM.

Cum passim querelæ mortalium personarent, quibus hanc Vitam aut ejus administrationem accusabant, spes quidem facta erat Generalis alicujus reformationis, qua hoc universum in integrum, sive primum perfectionis statum restitueretur: verum ea ob magnitudinem & difficultatem negotij paulò post evanuit, ac quæsitæ aliæ particulares viæ, quibus hinc inde refarciendis nostris fissuris lenimentum malorum afferretur. Itaque ad 30. Februarii anni huius currentis Phœbus, globi terreni inspector, diem indixit, ubi comparerent, quotquot hominum societatem haberent intolerabilem, & remedia audirent, quibus occurrere defectibus posse videretur. Id promulgatum varie multos erexit, ut & trépudiantes tam desideratum diem collaudarent, & causæ suæ, ac querelis confidentes, adversantibus suis maia quæque minitarentur. Ergo ubi salutaris illa dies illuxit, non multitudo, sive exercitus, sed propè Mundus universus confluisse visus est, & chaos illud, de quo tot & tanta Poëtæ fabulantur, repræsentari. Quod quia turbatum nimis Phœbo animadversum, in classes divisionem imperavit, quales alioquin humana vel industria, vel consuetudo excogitasset.

Ex

PHOEBI IUDICIUM 93

Ex ijs dignitatem reliquit Orbis terra-
rum Monarchis, & conqueri primos
omnium iussit. Illi per Nic. Machia-
vellum, Oratorem suum, duo gravissi-
mè accusabant, *Verbum Dei, & Con-* *Tyrran*
scientiam: quorum illud foris, hoc intra *ni.*
latraret, & beatam illam omnilicenti-
interpellaret. Iis succinere sanctu-
los aliquos, qui imperiorum arca-
na effutirent, quibus popellus redde-
retur in secreta eorum curiosior. Re-
spondit Phœbus, posse ijs occurrere *Athei-*
simo, & Violentia. quorum ille soporet,
hæc obduret: sed superesse aliud quid
formidabile, *Mortem*, cum quo transi-
gendum sit, ne unquam hac virâ exce-
dere habeant necesse. Post heros ac-
cesserunt servi siue despotikyrii, quibus *Exacto-*
per Sejanum id displicebat, quod, velut *res,*
Erraticæ stellæ, lumine alieno fulgerēt,
ne haberent aliquod proprium, inde
extincto suo Sole, vel obtenebrato, sta-
tim obduci & variis populi vindictis
exponi. Respondit Phœbus, Mirari im-
patientiam: jam dudum enim innotuif-
se, quàm ingentibus opibus se lucente
Sole contra posteritatis minas muni-
ant: Vereri tamen aliud ipsis metuen-
dum, *Maledictionis* scilicet vermes, quæ
familiæ suæ felicem propagationem
erodant. Securi dein Nobiles per Craf-
sum protulerunt: Pessimo exemplo ho- *Satira-*
die *pa.*

94 PHOEBI IUDICIUM

- die tot nobiles fieri, quorū numero opes
exhaurirentur, & sanguis generosus di-
lueretur. Responsū est, adferrent singu-
li suę nobilitatis origines & merita, ac tū
4. *Quæstio- res.* de indignis & pudēdis iudicatū iri. Mox
cōparuerunt quæstores, & per Marchio-
nē de Rosny petierunt liberalius salariū
dari Nam cum minimo alantur, nec mi-
nus tamē brevi pinguescant, invidos ne
scio quæ furta & depdationes suspicari.
Respōdit Phœbus, hūc gryphū ad Gre-
corū literā ꝑ ptinere, q̄ sciat nodos ne-
ctere & solvere. Succedere milites quib.
5. *Milites.* per Therficiē miserū videbatur carneam
massā pilis ferreis opponere, petebantq;
fieri invulnerabiles. Respōdit Phœb. ni-
miū vivaces his morib. esse, quib. tā fa-
cile alij pares succederent. Post hos alia
6. *Sacrifi- culi.* classis audita, quorū primi fuere Sacrifi-
culi, qui ꝑ Sergiū, cui os porci verū co-
gnomētū, avaritiā auditorū vehemēter
funt detestati Sed Phœb. placidē eos in-
tuitus, Acquiescerent, monuit: nā sonū
& fumū maioris equidē vendi nō possē
Secundi Jurisp. quib. Cepolla verba feci
7. *Legu- lei.* contra Partheniū quendā litigiosū, my-
steriorū proditorē At Phœb. respondit
Bono animo essent: nā dū Satanæ folle
spirarent, nunquā illis defuturū halitū
8. *Agyrta.* Tertij Medici, quorū interpretes Iac. Sy-
dolut, lanios ex pecudū sanguine dit-
scere, Medicos post insignis hominum

PHOEBI IUDICIUM. 25

strages esurire. Quos ut solaretur Phœbus, Vespillonum insuper artē exercere pmisit. Quarti Philosophi, qui p Porphyrīū in Christianā religionē debacchātes absurda & paradoxa ei expbiarunt. Respondit Phœb. saperent illi huic mūdo, Christianos alteri sapere Quinti Philomathes, qui magno numero Dialectici, exiguo Mathematici, p Longoliū agrē ferebant, Orbis regimen ipsis minus cōmitti, q soli volitarēt. Respondit Phœb. caverēt culicis Virgiliani fata. Sexti Philologi, Gramaticorū turba quos Priscianus pater, Deorū interpretes esse voluit sed q sacrā illā unius Dei linguā minus callerent, a Phœbo rejecti sunt. Octavi Poëtæ, quos Homer. cæcus ducebat, & Phœbo festivitātū administros offerebat: quos ille cū edentulos, elūbes, claudicātes, & p pudiosos esset contēplatus, alio tēpore redire iussit. Noni Historici, quib. Berosus fidē & authoritatē suā pcurare sategisset: nisi frequentius spectris & lemuribus fuisset territus. Sed & Chymici, genus hominū ultra humanū & hypercolmicū cum Hermete suo apparuere, alioquin invisibiles[†], quibus hoc unum petatum fuit, ut sub salvo conductu, opes suas porrò explicare liceret, neque fas esset, ulli carnificum tam sacrā capita violare, vel nectere. Assensum est libenter, & privilegiū à Phœbo con-

9.

Philosophi.

10.

Artista

11.

Linguista.

12.

Versificatores.

13.

Fabulatores.

14.

Ciniflo-

nes. †
tactiles tamē
ut comprehen-
sibiles

bo concessum: Quisquis philosophalē illam petra conficeret, haberetur inviolabilis: quisquis artē illā mentiretur, pēderet. Tandem nec Typographi, Bibliopolæ Bibliopegi, & hujuscemodi Charographi abfuere, quibus, ut Gutenbergius aiebat, id doluit nunquā posse Mundum veris fabulis fucisq; satiari, se verò adornandis talibus vix sufficere. Quibus Phœbus respondit: Xanthum mare citius ebibiturum, quàm defuturam ipsis

III. mentiendi materiam. Atque simul alia

16. *Præfecti.* Classis advocabatur, quam Urbanam dixere: Ubi se primi intulere Præfecti, quos malè habebat, si Raimero Orco credendum, lex scripta, quam mallent ex pectoris vel cerebri scrinio peti. Respondit autem Phœbus, non fidendum iis scriniis, quæ ex moro fabrefierent.

17. *Consules.* Sequuti Consules per M. Antonium petierunt, quia molitoribus fraudi non sit farinâ conspergi, idem ipsis condonari ex fisci pulvere. Ij responsum acceperunt: videndum, ne dum pulvis è veste

18. *Scripta.* excutitur, corpus simul vapulet. Postea scribæ urbiū per Perezium sunt pēcati, quoniam in intima Civitatis cuniculos egissent, liceret nunc pyrium pulverem substernere. Respondit Phœbus, periculum ingens subesse: nec enim constare,

19. *Senatores.* antè, an retrò vis pulveris feriat. Dehinc Senatores, quorum votum Blesus protulit

PHŒBI IUDICIUM. 97

tulit, Liceret sententias per aleam ferre,
 quando pleraque nescirent. Respondit
 Phœbus, non prohibere, si à vino absti-
 neant: alioquin oculorum nullibi fore
 usum. Inde Institores per Midam in- *20. In-*
 stitire, Bacchanalia quater in anno ce- *stitores,*
 lebrarentur, quod festum emendis ven-
 dendisque vestibus sit exoptatissimum.
 Respondit Phœbus, jam omnia Chri-
 stianorum sacra in Bacchanalia trans-
 migrasse, nec se videre, quod tempus,
 quod festum sit reliquum. Mox Caupo- *21. Cau-*
 nes per Apicium sunt causati, nisi coher *pones.*
 sceantur aliqui sobrietatis & temperan-
 tiæ præcones, nunquam ultra urbi pro-
 futura publica diversoria. Sed abnuit
 Phœbus: & nescitis, inquit, plus vini e-
 dulorumq; absumi januis clausis, quam
 insignibus propendentibus? Insuper *22. Opif-*
 & Opifices prodire, quorum patronus *fices,*
 Plinius inculpavit Seculi barbariem,
 quod nesciret ingeniis artificum uti. Re-
 spondit Phœbus. Mundum verulum
 haud decere mundum, & immundę ter-
 ræ nullam quærendam munditiem: esse
 tamen plures, qui comant, quam corri-
 gant. Porro Agricola per Varronem su- *23. Agr*
 um rationes acceptorum & expensarum *col a.*
 Civibus postularunt: quibus injunxit
 Phœbus suum quoq; religionis & hu-
 manitatis Computum adferrent. Sed &
 Nauræ per Palipurum aquis infidelita- *24. Naur*
 tem *ta.*

F

tem ta.

98 PHOEBI IUDICIUM.

tem, ventisque importunitatem ex-
probrabant: quos omnium hominum
maximè temerarios avarosque Phœbus
25. Car- increpavit. Tandem & Carnifices, si
nifices. fas est proloqui, misellorum sortem
miserati per Cruciarium aurifabrum
magnos fures, magnos latrones, & ma-
gnos adulteros, &c. ad supplicium de-
poscebant, unde lucri maior spes esset.
Sed responsum à Phœbo tulere, sua age-
rent, suos Satanæ relinquerent. Absolu-
ta hac classe, alia, quæ Religionis no-
men gerit, advocata est. Ubi primùm se
IV. exhibuere Judæi, non Abrahami illius
26. Ju- sanctissimi filii, sed Synagogæ spurij,
dai, qui bipartito agmine hinc sub Jeroboa-
mo Samaritanos, Morboneos, Meriste-
os, Phariseos, Saduceos, Essæos, Reha-
bitas, Nazaræos, Galilæos, Idumæos,
Zelotes, Sicarios, Menelaitas, Ammo-
nitas, &c. illinc sub Mahomete Alcora-
nianos, Dernischlianos, Zoffiliaries,
Horifeos, &c. produci volebant, quibus
id unicè quæsitum, ut quando olim sint
meras nuptias habituri, Liceret hic sub
uno aliquo capite earundem prædubia
tentare. Respondit Phœbus, haud facile
id ab angusto hoc loco impetrari posse,
cū nec Mare nostrū Judæorū Besemoth,
nec terra Mahometi Asinā capiat. Suc-
cessere itaq; Pagani, quorū pater Cai-
27. E- nus cum idolorum, dæmoniorum, ani-
thnici. malium, stellarum, herbarum cultores,

99 PHOEBI IUDICIUM.

tum Epicureos, Stoicos, Magos tū Cani-
 balē & ferinos planē adduxerat quib. an-
 xiē requirebat, aut possent æternū hic vi-
 vere aut planissimē mori. Sed respondit
 Phœb., vivere nō posse, ne desit succres-
 sentib. iniquitatibus locus: interire non
 licere, ne illa irregularitas maneat impu-
 nita. *Postea & Christiani, sed quib. Chri* 28. *Chrē*
 stus ignotus sub Simonis Magi condu- *stiani.*
 ctu, & Latinorum, Græcorum, Indiano-
 rum, Jacobitarum, Marovinarum, Ne-
 storianorum, Moronitarum, Armēnia-
 norum, Surianorum, Mosarabum, Mo-
 scovitarum, Bohemorum, Piccardorū,
 Gorgianorum, Pseudoevangelicorum
 nominibus, sollicitē expetierunt, quia
 infame esset, Crucifixum aliquem habere
 Patronum, pro Christo Chrysium li-
 ceret paucis mutatis colere. Respondit
 Phœbus, quando Crucem potius alijs
 inferrent, quam portarent, & Chryso
 Christum inducerent, gratitudinis esse
 in optimē meritum Patronum, ne no-
 men etiam cum re demitterent. *Post* 29 *Per-*
 hos *Persecutores ingressi, quorum Prin-* *secuto-*
 ceptus Julianus valde iniquē tulit Reli- *res.*
 gionis fecunditatem, quæ millies acci-
 sa, incisa, concisa, excisa, semper pareret.
 Respondit Phœbus, eam esse Religionis
 naturam, ut nisi laxata, ditata, & pingue
 facta nunquam exarescat. *Postremo &* 30 *Ha-*
 Hæretici innumero numero, & mon- *retici.*

F 2. strolissi-

100 PHOEBI IUDICIUM.

Atrofissimis appellationibus se statuere,
quorum advocatus Apollyon id ausus
est petere, ut quisque inter eos urbem
quidem suam assignatam solus regeret,
cæterum cum vicinis pax perpetua &
fraternitas sanciretur: impedire enim
mutua odia, honorum & opum simul
ac otii abundantiam, Respondit Phœ-
bus, placere pacem, quæ futura sit, cum
venti omnes ex eodem loco spiraverint.

- V.
31. *Asia.* Hanc classem alia excepit à Nationi-
bus denominata: ubi, quotquot Asiam
insident, Orientis Principes magna sa-
pientiæ suæ jactatione perierunt, quo-
niam exordia & Centra rerum omni-
um in Asia quondam sunt fixa, ipsique
solis oculorum usus concessus, reliquis
Terræ incolis, quibus non nisi dubium
lumen, inutiles oculi effoderentur. Re-
spondit Phœbus, haud videri nimium
pertinaces, quibus Christus per univer-
sum diffusus esset invisibilis. Successit
32. *Eu-ropa.* Europa, quæ ob Ecclesiæ hospitium &
terræ incultæ quondam perutilem cul-
tum, armorumque indomitum usum,
Orbis principatum appetiit. Respondit
Phœbus, Illum jam dudum Philippo
Hispaniarum olim Regi destinatum:
Vereritamen, ne tempus Monarchiæ
33. *Afri- ca.* Catholici defuturum sit. Inde Africa-
ni comparuere, quibus id curæ fuit, pos-
sent ex omnibus religionibus & politi-
is unum

PHOEBI IUDICIUM. IOI

is unum aliquod Simulacrum, quod co-
lerent, fundere, Quibus Phœbus respō-
dit, rarò sic coagmentari æs & lutum, ut
diversarum tempestatum injurias diu
sustineant. Postea America accessit, quę 34. Ame-
reformatores & Apostolos suos omnis rica.
crudelitatis accusavit. Respondit Phœ-
bus, illis C. Cæsaris, his Apostolicam
mortem deberi. Advenere etiam Arcti- 35. Ar-
ci, quibus cum Belgis litigium, quòd ab ctici.
Europa dissecare conarentur: quos bo-
no animo esse & frigere iussit, Nam
Chartam, quàm glaciem, scindere esse
facilius. Sed & Australes Antartici 36. An-
Magellani prodicionem culpavere, quo tartici
niam cum Christianis Christiana im-
manitas esset formidabilis. Respondit
Phœbus, jam terrefactos esse Gigantum
virivotorum picturis, nec facile reditu-
ros, Hos omnes secuta est rerum Me- 37. Me-
moria, cum amanuensi suo Characterē, moria.
conquestaque est de partium Orbis dif-
sonantia. Nam in ortu sinistrorsum, in
occasu dextrorsum, in septentrionibus
deorsum, in Austro fursum scribendum
esse, velle autem ex his unum quod o-
mnibus commune fiat, eligatur. Respon-
dit Phœbus, meminisset Crucis, quam
in Palæstina, Orbis veluti centro, fixis-
set Deus, qua hoc universum carere
nunquam possit. Denique & Politia ad- 38. Poli-
missa est, cui cum Deo ipso non benè tia.

102 PHOEBI IUDICIUM

- convenit. Aiebat enim, ingeniosissimas
structuras, exactissimas regulas, subtilis-
sima strategemata ab ipso disturbari &
dispergi, secretissimaque revelari, pru-
dentissima irrideri, robustissima confrin-
gi: sed & æterna habita finiri. Risit hic
Phœbus, & conciliari cum Deo, inquit,
potes: opponi verò ei, nisi tuo damno,
nunquam poteris. Declinante autem
VI. jam die, Una etiamnum Classis admissa
39. *Natura.* est, Uniuersitatis dicta. Hic prima com-
paruit Natura cum ratione & impetu,
& in homines graviter inuenta petiit,
quando homines omnino brutescerent,
liceret brutis ratiocinari. Respondit Phœ-
bus, non videri: nam si una ratiocinan-
tium species Orbem tantopere affligat,
40. *Ars.* quid de tot animantium speciebus futu-
rum arbitretur? Secunda Ars, cum in-
genio & labore, artificum filios duriter
increpavit, quibus nec capita essent, nec
manus, & officinis tamen præficerentur.
Respondit Phœbus, Naturale id esse,
41. *Creatura.* præmansum cibum pullis otiosis inge-
rere. Tertia Creatura, quæ de senio suo
& defatigatione, ac hominum ingrati-
tudine, importunitatque conquesta
Consolationem à Phœbo audiuit, non
abfore diu supremum iudicii severi diem
42. *Tempus.* Itaque alacrius Tempus erat inquit
quod & ego deplorarem: sed quia immi-
nere audio liberationis nostræ diem
Phœbo equidem Magnatibus furorem &

PHOEBI IUDICIUM. 103

Silentiariis deglubere, & Satrapis insolentia, & Questoribus furta, & Militibus sacrilegia, & sacrificulis hypocrisin, & Leguleijs rixas, & Medicis cædes, & Philosophis vertiginem, & Artistis imperitiam, & linguistis balbutiem, & Versificatoribus grallas, & Historicis nugas, & Chymicis fumos, & chartophilis fabulas, & Præfectis violentiam, & Consulibus peculatum, & Scribis prodiones, & Senatoribus annuere, & Institoribus corrumpere, & cauponibus Vinolentiam, & Opificibus Vanitatem, & Agriculis fraudes, & Nautis impietatem, & Carnificibus barbariem, & Judæis usuram, & Ethnicis cæcitatem, & Christianis blasphemias, & persecutoribus inquisitionem, & Hæreticis labyrinthos, & Asiæ metamorphosin, & Europæ libidinem, & Africæ dolos, & Americæ stuporem, & Arcto gelu, & Austro immanitatem, & Memoræ circulos, & Politicæ somnia, & Naturæ imbecillitatem, & Arti deliria, & Creaturæ lippitudinem. Ego verò vicissitudines passionesque meas sustinebo, dum Deus universi hujus aliquando misereatur. Tum Phœbus: Benè tu meum Tempus, quòd me universali judicio in hos omnes levasti, Cæterum quia hæc dies malis tantum, & qui à verò bonoque degenerant, recensendis insumptus est: Bonorum ve-

F 4 rō

164 PHOEBI IUDICIUM
rō in singulis vitæ Ordinibus non con-
temnendus superest numerus, illis
ad sua cum opprobrio remissis: his diem
in crastinum indicimus, ubi Virtu-
tum condigna elogia atque præ-
mia audiant simul & ac-
cipiant.

DEO GLORIA

MYTHO-

150.

MYTHOLOGIAE.


CHRISTIANA-
N A E

LIBER SECUNDUS.



ARGENTORATI,
Sumptibus Hæred. LAZARI ZETZNERI

M. DC. XIX.



Viro undecunque
NOBILISSIMO,

Dn. V Vilhelmo von der Wense, re.
 Equiti Luneburgico.

*Fautori, & compatri suo ho-
 norando.*



Emo, qui Te novit, Vir Nobilissime, ex me quæret, cur his meis Apologis Patronum elegerim. Nam cum passim Tuis virtutibus, omnibus ordinibus cum admiratione satisfeceris, fatendum est, ad Te, velut exactissimum arbitrum, rerum humanarum ideas dijudicandas merito deferri. Hoc superest, ut sciant etiam benefactorem, & amicum mihi fuisse, ac minus dubitent libertatem eam condonare, vel dissimulare, quam Tu tot nominibus & imaginibus vir nobilitatus foveris & amaris. Accipe

F 6

verò

verò hunc libellum, si alij nolint, Tibi, &
ejus memor esto, qui dum vixerit, nec
oblivisci Tui, nec præclara tua donas
satis collaudare poterit. Vale. i. Ianuar.
An. 1619.

T. E.

officiosiss.

IOHAN. VALENTINUS
Andreas.

SALV

SALVE ITERVM, LECTOR
CHRISTIANE, ET
 candide audi.



*Os fuit nonnullis Regibus terras suas
 dissimulato habitu aliquando circū-
 ire, & quod vulgi de eis esset iudiciū,
 intra libera plebis conclauiā explo-
 rare. Nam cum Veritate nihil sit a-
 que necessarium hominibus imperanti, nunquam
 ea tamen in magna fortuna intuitu adeo libera
 est; quam cum sub casula umbra veluti nugatur.
 Hinc Eclogis, & Bucolicis atque Apologis in Re-
 publica locus datus, quibus pastoralis libertatis sue
 quarela, sua simplicia iudicia indulgerentur, ac
 veluti sub dio emissæ Voces essent innoxia. Sic e-
 nim ab omni aëre magnanimitas sensit: ut cogita-
 tiones hominum constringi nunquam possunt; ita
 non inutile esse interdum linguas relaxari, qua se
 maxime non semper sapientia & prudentia litāt,
 nobiliorem tamen mentem multorum non secius
 admonent quam imperita ægotantis querela sa-
 gacem Medicum. Contra fit a tyrannica pusilla-
 nimitate, qua, quia sub se serilia omnia & re-
 pentia esse vult, angue peius odit, quisquis mutire
 audeat, aut imperii turpitudinem accusare. Vnde
 calamos, fistulas, Versusque ita enervare oportet,
 ut qua nostra aetate fuere turpissima, posteritati,
 compta & sacrata transmittantur. Caterum si
 Deus Veritati identidē iudicium excitat, si se hu-*

manum ingenium infamis silentii est impatiens,
nescio quam contra omnes vires atque minas sub-
inde Tityrus aliquis emergat, qui cum Melibao
suo sub fagi tegmine liberius fabuletur, cantile-
nisque, etsi non satis politis exactisque, circumfu-
sum rusticum genus arrigat, & applaudere fa-
ciat. Cujus hunc usum esse ajunt, quod urbana
continentia, sibilisq; terrefacti, hac ruris laxita-
te sonisque delintri, alacriores durissimis labori-
bus insudant. Idem in castris exire solet, ut, qui
manu sunt strenui, non ob unum alterumve libe-
rius verbum exauthorentur, quin potius Alexan-
drum, Pompejum, Carolum, cognomento Magnos,
& nostra aetate non minores Carolum quintum,
Consalvum, Henricum quartum Gallum, bellato-
res felicissimos, liberis, linguis & calamis de-
lectatos, atque ob id velut ingentis spiritus he-
roas laudatos legimus, dum Nero, Heliogabalus,
& alia hominum feces inter extortarum adula-
tionum, sterquilinia compuiruerint. Quod Ser-
de Magnatibus cum laude atque vituperio dictum
nobis id seculi nostri vitio ad minorum gentium
quos ajunt, Deos referendum est. Nam ut sacro-
rum probati antistites, juris laudati antecessore,
sanitatis felices seruatores, scientiarum ingenii
si thesaurii, literarum periti informatores, li-
benter ac benigne ferunt, si quis de Ecclesia macu-
lis, Republica vulneribus, corporis cruciatibus
ingenti tenebris, scholarum pulvere officiose in-
neat: ita insolens aliqua pestis indasit Sacrifici-
los, Legulejos, Agyrtas, Phantasticos, & Abeced-

rios, ut, quod contra Mahumetem, Antichristum, Phalaridem, Epicurum, Endymionem, Therfitem, Sinonem, & alia orbis inquinamenta pastoralis tibia efflatum est, ferre non possint: sed velut de se dicta, quacumq; Mundus impura habet, vah quam indecora confessione quiruntur, ac quo sunt humana societati inutiliores, ita intractabiliore, neque ullius falsioris dictis patientes reperiantur. Cujus si quis forte causam quarat, nulla est evidentior, quam quod specui suo inclusi, umbrisque rerum occupati, universi orbis compendium, sanctitatis summam, eruditionis ideam, literarum Monarchiam, Natura secreta uni ac soli possidere temerarie sibi, an ridicule, persuadent: quoniam in Veritatis patulam lucem, & scientiarum latissimos campos expatiari nunquam licuit: Vnde de rerum Universitate, velut suo carcere: de orbis bibliotheca, velut Abecedaria tabella: de atrio heroico, velut triviali Padagogio: de lingua, velut Orthographia sua ineptissime judicant, & quicquid utres non resonat, cum Apollinis Cythara fineto suo pellunt. Ac videre est homines obscurissimos nec unquam Parnassi manibus ad missos metuere, ne Hebraeorum anigmata, Gracorum lepores, Latinorum nervi, Hispanorum cothurni, Italorum aculei, Gallorum sales, in se unus incurrant, scilicet quos ingenii acies supra mortalium sortem, ad insidendam summi boni possessionem exisset cum nondum Bibliopolis, nisi valde propinquis, innotuerint. Nec satis est ingenii liberioribus omnibus irasci,

nisi

nisi & panis statuta sit, si qui extra caulas eruditionem requirant, aut forum petant literaturae aliud, quam suum. Hinc Corydoni & Menalca, Mopso & Thestilo non licet alio mercatum ire, quam ubi est opinionum palearium, ibique studiorum herbas commutare, qua si me forte inquisor dicatur, veluti minus Theologica, minus Philosophica aut literaria, fulmen capiti imminet, ac praesentissimum exitium. Nam quis ausit vitam Christi urgere absque fanaticismi crimine? aut iustitiam aliquid exprobare, absque rebellionis accusatione? aut Galeno aliquid addere, absque necromantia suspitione? aut Aristoteli aliquid negare absque Peripat. murmure? aut Ciceroni aliquid obloqui, absque Grammatistarum vindicta? quamvis res vera non hi Eruditionis principes, sed aperi illi Cumani tangantur potius, qui sub leonis exuvio & antecessorum fama territant. Quae vero major posset obtrudi indignitas, quam adorare oportere, qui sub divinum colloquiorum, & S. Spiritus agitationis simulatione, aurum, cupiditas monadesque clepant? & venerari eos, qui inter regni affectatas vigilias, munimenta nostra perforant? & admirari eos, quibus somnia sua, Natura arcana dicuntur? & alere eos, qui nomenclatoribus Sophiam impugnant? nisi superessent libertatis indices, religiosi Patres, integerrimi Politici, acutissimi Philosophi, versatissimiq; Philologi, quorum robore Patria Religio & incolumitas, tum eruditionis flos, servatur, atque defenditur. Unde quicquid illis in visum, his gratum

quic

quicquid turbidum illis, his placidum; quicquid
editiosum illis, his Patria Veritatisq; amans cre-
ditur, nec lide illi tam sunt, quam hi nostri se-
rent. Furunt illi, hi rident; proscribunt illi, hi
uentur; conculcant illi, hi erigunt; & si quid mi-
nus limatum, candiderecensent. Hinc Veritas et-
iam afflicta satis bene habet, si bonis, quantum-
vis paucioribus, non displiceat; & Tyrannorum
abiem minus reformidat, si palam appareat &
nagno consensu accusetur turpitudine. Quis enim
non obstupefeat in uniuersis orbibus fabula, ubi nunc
Romani Praefulis hypocrisis, nunc Tyrannorum
anguinaria consilia; nunc Politicorum inauspi-
cata nugamenta; nunc literarum hypocrisis, in-
ietas, lascivia, dissensio, tenebra, atque permulta
alia non unius climatis, sed hemisphaerii nostri
incommoda accusantur, homuncionem unum at-
que alterum usq; adeo irritasse, ut in publico spe-
tatorum omnium silentio, & tacito iudicio, ipsi
oli non Socratica magnanimitate, sed Xanthip-
pea impatientia assurrexerint, & suam injuriã,
suam imaginem, suam Virgam exclamarint. Bo-
rum factum! Ecquis enim auriculas sordidas, ter-
rum cicatricosum, & caudam olidam agnosset,
nisi asinus ea sibi vindicasset: & tamen huic non
magis deberentur, quam illi, aut alteri, si litigare
um asino liberet. At quia magnis juramentis
sua contendit, patiamur nos vinci: quoniam rem
haud magni momenti perdimus. O insanos, si sa-
rilegia, si Bacchanalia, si lupercales, si sophisticã,
& histrioniam, si hypocrisin, si opinionem, tandem-
que

que gehennam excusare, imo & collaudare ceperimus, & linguas renitentium perforare! Sint sane prodigi, avari, superstitiosi, Epicurei, temerarii, abjecti, adulteri, eunuchi, garruli, elingues, quales scilicet Mundi princeps numerosos habet, sed & sit, qui improbet: quod quia Sarabayta a Rabinis nostri prohibent, nescio an digni sint obsequio. Illud equidem Veritas cum ipso Veri fonte Deo, testatur, nunquam credidisse tanti supercilii, tanta impudentia, tanta stoliditatis homines, quos haud ita pridem literarum procures credit nunc impudentissimos impostores deprehendit. Quid enim, per Deum immortalē, Rempublicam turbare potest, si Ecclesiasten moneamus, Vocationis primum Divinae janua obile Christi ingrediat, non parietes munusculis aut consanguinitate perforet: dein exemplum doctrinae addat, & imitatione Christi praluceat: Crucis Christiani ligno potius, quam Mundi crepundis delictetur. Ecclesia lumina & Martyrum robur potius, quam terra mercimonia aestimet? Quid improbum ejus populorum pastorem orare sui gregis, quam exticorum, potiore curam habeat: sudorē & crurum suorum parcius expendat: tentoria Dei sacra aulaa spoliari, majorumque pietatem & obiri non patiat: Israelitis Aegyptiacos quastionem non imponat: Patria succū sanguisugis non permittat? Quid absurdi, literatis exprobrare Historiam fucatam, Physicam incertam, Ethicam inutilem, Mathesecos, ignorantiam, Rhetorices mendacia, Logica supercilium, linguarum imperitia.

AD LECTOREM. IIS

am, atque inter hac tam innumeram adolescen-
 tem perniciem, intolerabiles sumptus, & ridicu-
 lus graduum indifferenter venalium gesticula-
 tiones, denique chartacei regni se veritatem, li-
 torumque chaos quibus sane nec Christo, nec hu-
 mani ingenii nobilitati aliquid confertur? Et
 quis tandem impediatur, vulgus admonere mortis,
 admonere animæ, admonere iudicii, admonere
 veli, vel, si hac sublimia nimis sunt, admonere
 rationis, laboris, temporis? Nec tamen effugimus,
 cum patiamur phaleras è cathedra, minas ex cu-
 cia, stilos è schola, saxa ex foro, & id genus alia,
 quibus, quos lucis ob malefacta in mortales, pudet,
 mo qui mortalibus subputent. Nam si collecta ve-
 nimus, quam turpibus factis permulta talium fun-
 ctiones, ordinesque suos macularint, quam sordide
 numusculis & nummis alienis inhiarint, quam
 libros, si quos habent, situ & squalore obductos ab-
 conderint, non centuriæ, sed chiliades exprobratio-
 num scribenda essent: quamvis nec ipsi sibi vel lin-
 gua vel calamis pariunt, unde permulta ac, ut in-
 genue fateamur, prope omnia ab ipsis didicimus,
 cum illorum dedecore ac indignatione iterum re-
 petenda. Agno scitisne vestra verba, Morosophi,
 vestras querelas? vestra murmura? qui aliquan-
 do Pasquinum vobis optabatis, vel Marpho-
 rium, cui id liceret: quod liberet vobis? Nunc
 ubi pulverem aliquantum deterfistis, aurea vo-
 bis sunt, qua plumbea & ficulnea paulo ante
 vocitabantur, ut appareat, non lucem aliorum,
 sed vestram obscuritatem: non imperium alio-
 rum: sed impotentiam vestram vobis displicuisse,
 post-

postquam subito, ubi emerfistis, & vobis & illi
deteriores facti estis. Nonne ego Grammaticae
tyrones viginti annorum novi, & concionatore
unius? et iurisperitos vidi, qui, velut necessitas
legem non habuerunt? ac Medicos, quibus nollet
canem scabiosum conceditum? Nunc rebus no-
stris pretiosissimis sunt praefecti, anima puta, cor-
pori, honestati. Moderatius itaque mecum age-
re sapitis, ne duriora extorqueatis. At quid in sa-
cum surdis fabulari? Hoc agamus potius, ingenu-
& equanime lector, ut, quas tibi exhibeo fabula-
se & verius virtutum vitiorumque, ideas a suspici-
num & coniecturarum pulvere detergeamus. Quis
quis es ergo, virtutis & veritatis studiose lector.
& si sacra cum devotione tractas, si & Germanum tu-
integra fide administras, si & ad res publica gi-
bernacula conscientiam alligasti, si & humani co-
poris incolumitatem natura sedulo petis, si & ti-
ventutem artibus ingeniosissimis, linguis elega-
tissimis, moribus politissimis fidelissime informa-
noli unquam sycophantarum praeigiis persuad-
ri, ludicrum hocce in tuos labores & studia esse &
unico verbulo iniurium, aut lingua nuptiarum cu-
alicuius boni infamia coniunctam. Nec enim ta-
pietura velim videri ignarus, qui asinum delinea-
re volens equum effinxerim, aut pro lupo canem
presserim, aut cuculi loco penicillus aquilam re-
diderit. Meliora Christus, & accommodatiora, q-
sacri Evangelii, sacra iustitia, ac optima Philo-
phia sum reverentior, earundemque custodiam ama-
rior, quam nigro sale quidquam polluam. Alii sui-

per quos Apologus oberravit, non uni loco inclu-
 sed per Europa plagas, per Bibliothecarum pul-
 a dispersi, nec nisi vastissimo Satana regno con-
 . Vnde nec nomen quidem habent, nisi Platonis
 imus ideis nomina quarere, neq; ulli hominum
 is exacte competunt sed multis, & ut dignus
 aliger nequaquam homines nos esse dicere con-
 sit, sed partes hominis, eo quod ex omnibus ali-
 id fieri possit, idq; non magnum, ex singulis pe-
 minus, quam nihil: ita nec Vitia siue Titii, siue
 pronii hic prostabunt, sed inhumanitatis, qua
 per homines occulte serpit, & huius membrum
 um, alterius plura, aliquorum medietatem,
 nullos totos occupavit, & Christiana societati
 didit indecoros. Quod si Verba hirsutiora ali-
 entum, aut hispidiora videbuntur, impruden-
 m dices, & rusticitatem, nunquam affectatam
 alitiam: quo quisq; autem melior, mitius inter-
 tatur aliena, etiam dubia Verba: quo nequior,
 lementius. Et hac nota boni lectoris mihi esto,
 la fabula delectari: maligni, arcanum sensum
 hoscide eruere, eruditi, Veritate & integritate
 Grammatici Virgulis, & literulis aestimare,
 le. Vah Augures, aruspices, extispices, sortile-
 somnatores, hieroglyphicos, Zipherarios, ana-
 mmatistas, nasutissimos, quos nihil latere po-
 & queis terra mater gremio suo nihil satis
 condit, quorum calculationibus radices bis sur-
 da extrahuntur, deniq; oracula, enigmata, gry-
 que omnes facile dissoluntur: Sublime genus
 ninum, si curiositatem aestimes: sceleratum, si
 ani-

118 AD LECTOREM.

animum. Nam his scrupulis aliena innocentia &
 simplicitati insidiantur, ut si quid Venenatis ma-
 lignis destillationibus extraxerint, habeant, quo
 candidioribus imponant, & saluberrimas herbas
 culpent. Fuge, mi lector, hoc Vermium genus, o-
 mnia erodens: Fuge talpas, omnem terram fodi-
 cantes: fuge anguillas, omnes fissuras perreptan-
 tes, ac animo sereno, fronte exposita, ore li-
 bero, oculis ridentibus, auribus vacuis,
 manibus plaudentibus, fabula
 nostra assideto. Vale.

APO

APOLOGORVM
CHRISTIANORVM MAN-
nipulus tertius.

Seneca.

*non magis mihi potest vitiosus prodesse præ-
ceptor, quam gubernator in tempestate
nauseabundus.*

I. AC-

I. ACCOMMODATIO.



Ir diu in Aulis regum versatus, & qui vulgo multæ exercitationis, multiq; consilii habebatur, audiens alios suadentes Polypi mores imitandos esse, qui se rerum & locorum colorib. accommodat: alios hortantes, ut sepiæ actum sequeremur, quæ aquas atramento obturbat, atq; ita delitescit: alios monentes, ut in vitæ cestreum ducem haberemus, qui deprehensus saltu retia transilit: alios itē suggerentes, ut more glani a versi escam voraremus: Contententes etiam alios, moribus labracis obtemperandum, qui obversus furtim sese nassa liberat. At ego, inquit ille, acipenserem vobis appono, huic præpositas natura squamas dedit, ut fluctibus parendum, & secundo flumine natandum intelligat, nam illi plane Fortuna solet arridere, qui (ut ait Poeta) nunquam direxit brachia contra torrentem. Id consilium in regulam versum, quia tuta, & cum lucello omnia virtutis tentamina enervavit.

2. APOTHECA.

Cum urbs nostra variis morbis affligeretur, magna fuit medicorum cum diligentia, tum sedulitas, & medicamentorum copia undique adhibita; sed sanitatis nulla data recuperatio. Id vel aeri, vel loco, vel tempori tributum. Cum tamen civibus ferre grave esset, conquistati sunt.

unt & alij Medici. Ij cum & morbos & medica-
 mina examinarēt, prater admirationē nihil opis
 iæ attulerunt. At Æsculapius senex, ut primum
 accessit, pharmacopolium omne excussit. Erant
 nē pyxides satis ornatæ, titulis liberales, rum
 medicamentorum imaginibus plenæ, color,
 pondus, precium, cum veris medicamentis ea-
 dem; at degustanti Æsculapio, vitiosæ falsæque
 reprehensæ. Nam ubi liberalitas promitteba-
 tur, profusio erat; ubi parsimonia, avaritia; ubi
 gagnanimitas, furor; ubi humanitas, abiectio;
 ubi veritas, opinio; ubi eruditio, loquacitas, &
 similia his dissimilitudinibus. Tum comprehen-
 sis Pharmacopola, Medicos accusavit, qui di-
 tingueret nunquam docuissent; hi mercatores,
 ni alias merces non adferrent; hi terras, quæ a-
 & meliora non progignerent. Itaque subri-
 gens Æsculapius: Nunc tandem vobis consta-
 nt, mortales, cur tor, totiesque ægrotetis, cum
 istam terram, matrem vestram, quid pro quo
 vobis subministrare audiat.

3. A V G V R.

Vgur in Augurem inciderat, hic exporrectâ,
 ille caperata fronte. Cui ille, Quid rugas, in-
 quit, contrahis apud me, cui æquè nota sunt no-
 ra sacra, nostra mysteria? Quoniam, inquit
 nusquam satis secreti sumus. Nam si quis-
 nam inopinatò interveniat, quî potero vultum
 tempore sumere. Et alter, laudo te, respon-
 det, sed id nescio, quàm alibi nimis superbum
 est,

est, cum socios etiam arcanorum multi volunt vulnere terrere, & nescio cuius maioris divinitatis & sublimitatis credulos facere. Ita AntiChristus de pectoris scrinio nugatur, ita Tyrannus de plenipotentia, ita Sophista de omniscientia sua fabulantur, idque apud suos, apud æquales, id est, rerum optimè conscios, quasi qui iconculis sub velaminibus ludunt, quos Magistros Malleolos vocamus, socijs suis, & post aulae æquè absconditis, persuadere conentur, vivere suas ac loqui pupulas. Tum alter, Non video, inquit, quid sublit, nisi imposturarum consuetudine nos tandem omnino occupari. Sed alter integrior: Hæc à Deo pœna justissima, inquit, est, qui omnibus volunt imponere, semetipsos tandem ludificare turpissimè.

4. BILANX.

IN huius nostri orbis nosocomio, quod publicis sumptibus est fundatum, iusta & æqua habebatur alimoniam in singulos distributio. Nam ut laboris omnibus sua quantitas erat decreta, eo tamen artificio alteri lanci vel imaginatio, vel voluptas, vel ars, vel potentia, vel aurum, vel honos, vel somnus, vel appetitus, vel vanitas, vel simile quid appēdebatur, ut libenter sua forte acquiescere, imò & gloriari, ac cum nemine commutare velle, plerique visi sint. Dux tamen vetulæ, Invidia & Curiositas, minus hoc æquilibrium approbabant; sed hinc inde discurrentes sua cum alijs, aliorum cum alienis variè librabant, & haud contemnendis iniectis scrupulis

omnia perturbabant. Hæ cùm in Christianum incidissent, cui præsens malum, futuro bono erat adæquatum, riserunt ambæ; ac altera quidem: Hic nihil est, inquit, quod homini misero in videam, qui tot vitæ bonis se sponte abdicavit: & altera: Hic nihil est, inquit, quod in homine stolido inquiram, qui pulcherrimarum rerum ignorantiam sponte affectat. Sed Christianus longè suavius risit, & ô miserrimas, inquit, & stolidissimas, quarum portio, modo, tempore, mensurâ, casu, figurâ, declinatione terminatur!

5. CAVPO.

Imulaverat aliquis bonorum amorem. Itaque quoscunque rarioris ingenij & studij audiebat, multis blanditijs sibi conciliare satagebat. Nec unius sectæ homines ambiebat; sed diversissimarum: ut capitales inter se hostes ex æquo diligeret, & omnium opinionum secretissima perscrutari videretur. Id datum erat insigni aliqui mentis temperaturæ, & ingenio multarum rerum capaci, & iudicio ad intima quæq; penetrante, tum liberali animo, qui tot homines sibi non vinceret. Hic nempe erat, quod omnibus placere posset: quod displiceret, aberat, vel elebatur. Inter hæc verò ditescere homo, & ex omnium spolijs, sive exuvijs ædes laetare apparebat, quas ille tamen opes contemnere, nec nisi amicorum nomine dispensare videri volebat. At Integritas, cùm hospiti-um eius aliquando sub paupertatis ha-

bitu exorasset, sordidè habita, & in ipso, velut Avaritæ sive prædæ, domicilio in rerum turpissimarum contemplationem admissa, cum infelicibus valvis egrederetur: Hic equidem, inquit, Caupo: non Philosophus habitat.

6. CEBETIS TABULA.

Justus Velsius in forum literarium tabulas attulerat eleganter pictas, & nescio quid sapienter propinantes. Eæ permultis voluptati cum essent, aliquibus & admonitioni, iusto ære coemptæ, & parietibus passim affixæ sunt. Videre erant mulierculas vario habitus discrimine discursantes, quas imperitior aliquis choreas agere dixisset. Sed literati ex libellis, sphaeris, numeris, alijsq; hieroglyphicis, suas Deas, sua numina interpretantes, Pantheon aliquod literariis designari sunt arbitrati. Tandem nescio quid impudentior titulos apposuit, & secretum omnium pretiosissimarum opprobrium, & abiectissimum æstimatio prostabat, idque unum quod apparebat, bonum; quàm eruditum esse, præstare: sed & negabatur ingenij monarchia, quæ si in bonum incidere, nihilo nos rerum superiores redderet. Hæc ut seditionis accusata, ita gravi interdicto deleta sunt.

7. CYTHAROEDVS.

CYtharædus, qui arte suâ quæstum faciebat, ad aulam avari, & præcupidi Satrapæ peruenit, optabatq; illius aures demulcere quo ipse nonnihil lucelli emulgeret. Itaque adiens prudentem, & benè doctum hominem, qui moribus suis promeruerat esse Satrapæ, & civibus suam charissimus, ab eo percunctabatur, quo modo homo (ita cantilenæ legem vocant) posset aures Satrapæ tenere: Se enim nuperrimè Phrygijs modis mellitissimam cantionem parasse jactabat. At vir ille singularis prudentiæ, volens tantè admonere, Satrapam parùm hoc suavitatis tenere oblectari: Nolo, inquit, te, bone vir, falli; noster enim herus minimè Phrygios modos amat, sed Doricos tantùm, hos si sub manu haueris, non hominem natum magis allexeris. Hic ille ad Italos, & fidibus suis iratus, Midam regem imploravit: sed nec dum ad nos beatorum dii.

8. CONATVS.

Conatus & Effectus magno calore altercabantur, quòd hic nimium se offerret, & illum solum imbecillum irrideret. Conatus è contra quondam auxilium, & veterem societatem exprobrabat, quam nunc dissimularet, postquam fortunæ temerario beneficio emerferit: non vires etiam conferre secum non timeat, dum rem optimè decidi posse. Notatum est Effectum, quantum vis streperum, minus animi ad

G 3

con-

confligendum præ se tulisse, tamen quòd fortunam haberet propitiam, plerique ad effectus famam, quæ robur eius jactitaverat, inclinarunt. Tandem ad arbitros negotium devolutum: ubi mirum, quàm cordati, quàm selectissimi ex hominibus flore conatui faverent; è contra fortunati quique effectui blandiebantur: Judices vero, re optimè pensitatâ, sic pronunciarunt, famosissimos effectus persæpè ignobilibus & sordidis parentibus natos; Conatus celebriores non nisi à generoso, & nobilissimo animo gigni ac persæpè unius cordati mortis plus debere, quàm multorum timidorum vitæ.

9. CONCILIATIO.

Conciliatores, quos urbis reformatio dedecrat, ut insigne aliquod facinus ederent, quocunque dissidentes noverant, ad unum omnium diem convocarunt. Nec abfuerunt illi; sed magno numero confluxerunt, Thomas cum Scotto, Bartolus cum Baldo, Reuchlinus cum Hugostrato, Erasmus cum Hurteno, Lutherus cum Zvinglio, Castellio cum Beza, Galenus cum Theophrasto, Aristoteles cum Ramo, Scheccus cum Fuxio, Bodinus cum Wiero, Scaliger cum Cardano, Crusius cum Frischlino, Melanchthon cum Weigelio, Chemnitius cum Bellarmio, Flaccius cum Baronio, Cuiacius cum Roberto Sleidanus cum Surio, Hilligerus cum Fabio Bachovius cum Treutlero, Bartasius cum mone, præter infinitos alios, quos singulos excusationes, defensionesque mutuas, quàm p

cissimis verbis comprehensas exhibere voluerunt. At dum pagellas illi, & breves sententias expectant, hi vasta volumina offerunt, quibus perlegendis sex annorum millia non sufficerent; petierunquē, ut hanc suæ sententiæ summam, explicare illis fusiùs aliquando liceat. Quæ ubi in prægrandem struem congesta sunt, conciliatores sumpto vultu benè sperare singulos, & ad indicendum alium diem redire iusserunt, ipsis interea hæc ut dijudicentur, curæ fore. At ubi primum partes diffluxere, nemo conciliatorum posthac unquam visus est.

10. DEPOSITIO.

Heraclitus cum aliquando invisere Academiā vellet, hæc respondit, non vacare, quòd aliquot juvenes sacris initiandi essent; licere tamē, si placeret, solennibus interesse. Ille rem feriam & religiosam ratus, multis suspirijs precatus est, literas haberent ad optima quæque huius vitæ propitias: nam, veluti linguam, & boni & mali instrumenta esse, nec omnibus ad beatitudinem proficuas. At cum paulò post in atrium, nescio quot, larvati moriones erumperent, voce, gestibus, & strepitu nescio quid furiosum representantes, unumquē aliquem, velut ceremoniarum magistrum, ijs imperare; ad suam iniuriam introductos hos arbitratus, vix se continuit, quin, inter singultus & lacrimas, omnes spectatores palàm execraretur: Prophanum oportet vitæ genus esse, inquit, cuius hæc sunt initia: Nam literæ & erudi-

tio, sacrae magis & seriae mihi habentur, quam in qua bacchantes & infani per stultitiae fores irruant.

II. D I O P T R A.

Quidam è literatorum grege cecitatem suam ægrè ferens, multis premijs ophtalmicos invitavit; quòd autem delicatior esset, acidum liquorem nullum, ne dum acum ullam, admisit. Repertus tamen est impossor, qui dioptra naribus imposita videre jam, aut paulò post visurum, credulo persuasit. Nomen vitris suis dedit Dialecticæ & Rhetoricæ, iussitque sine ijs in forum nunquam aut publicum prodire. Paruit homo miser, & jam manu ductoris non ultra patiens, quoquo se vertit, impedit. Nam ut maxime speculis nihil defuerit, tamen auribus aut linguæ admotæ idem præstitissent. Tandem misertus, Joh. Lud. Vives & acutioris visus alij: Redde hæc perspicilia, inquit, venditori, aut oculato alicui trade. Nam dum Phisices & Mathematicos oculis cares, non mille crystalla, tibi tantillum lucis adferent.

12. D O M V S.

UNo eodemque in foro Cosmopolita & Cosmoxenus ædes exstruxerant; ille sumptuosas, hic frugales: ille speciosas, hic necessarias: ille ludicras, hic utiles. Namque usus ille Politico architecto palatium in sabulo erexit, multo contrignationibus fastigiatum, Corinthiacis columnis conspicuum, fornicatis peristylijs per
mea

neabile, tessellatis contabulationibus pretio-
 ram, conspiciliorum artificiosa serie lucidum,
 modijs & ambulacris decorum, cancellis muni-
 um, emblematis pictum, omnibus tandem
 ornamentis aspectabile Cosmoxenus verò con-
 sultâ religione, ipse sibi, ubi non incommodè
 habitaret, domicilium fabricavit, Fidei funda-
 mento substrato, Spei columnis erectis, Patien-
 tiæ tecto superimposito, Charitate lucem infe-
 rente, Simplicitate parietes contegente, Labore
 conclavia distribuyente, Precibus fores occlu-
 dentibus. Ita in præsens immigravit Cosmopo-
 litæ ridiculus, spectatoribus neglectus. At cum
 post halcyonia variæ tempestates ingruerent,
 non illæ Cosmoxenij casam quidem perdide-
 runt, sed palatium illud vanitatis penitus pes-
 undatum est, ac tum primum deprehensum,
 materiam omnem ex pice, cerâ, cretâ, lino, pa-
 leis & similibus fuisse omnibus iræ divinæ ele-
 mentis obnoxijis.

13. EXEMPLAR CHRISTI.

[Audabatur Christiana Religio, quòd anti-
 quissimam omnium sapientiam, prophetias
 atque oracula in se contineret; quòd secum ipsa
 undique conveniret; quòd simplicibus juxta &
 acutissimis esset persuasa; quòd divina planè
 doceret, quòd alias omnes opiniones facile re-
 felleret; quòd denique inter tot persecutiones
 invicta permansisset: quæ omnia verum Deum,
 eius autorem, rectorem, servatoremque evince-
 rent

G. f

rent. At cum eam sibi sinceriores sex diversissimi ingenij & sententiæ homines singuli vindicarent, Græcus, Romanus, Africanus, Armenianus, Nestorianus, & Evangelicus, & dissentientes Orco, gehennæque traderent, quidam Evangelicæ veritatis affecla ingemiscens: Nunc tandem liquet, inquit, quàm necesse sit ipsum Religionis principem habere, doctrinæ vitæque exemplar, posteaquam primatum sequela impuras, impuriore, impurissimas opiniones progenerat.

14. F A B V L A E.

JO. Camerarius, vir exactæ eruditionis, Ethicam Physicam instituerat, qua virtutes & vitia in animalibus, volucribus, piscibus, & terræ nascentibus exhiberet, hominiquæ vastum illud universitatis volumen explicaret. Id Guilh. Postello, Jo. Portæ, præter Eudoxum, Plinium, & veteres Philosophos alios, valde probabatur, ceperantque emblematis omnes undique parietes depingi. Jam nemo erat, qui non symbolum sibi ab animalculi genio & naturâ affingeret: addebantur & arguta verba, ac dimidiati versus, & quicquid ad abstrusam scientiam facere videbatur. Unus repertus est, qui admirationem rei mimuit, Ge. Rollenhagius, cum fortè Auditorium hoc hieroglyphicum præteriret, adscripsit: *V E R A F A B U L A*: Id ipsum multos exercuit, cum alij hunc, alij sensum alium divinarent; sed emunctissimæ naris Camerarius, Hoc, inquit, rideat, quòd, quæ in animalibus maximè miramur

& imi

& imitanda proponimus, effecta sint, & tamen pro veris undique vendantur: itaq; posthac ur̄æ informibus catulis parcius utemur.

15. FIDICEN.

OBerrabat veri fidicen, & humanæ gentis errores in classes suas distributos aculeatis numeris insectabatur. Erat, quod magnatibus; erat, quod sacerdotibus; quod legisperitis; quod eruditis, quod viris pariter ac mulieribus, quod senibus & juvenculis cantillaret. Ac ut quemq; judicabat; ita membro aliquo cationis perstringebat. Id à multis benignè susceptum, à pluribus neglectum; haud tamen paucos habuit, quos irritaret: qui a minis ad iniurias, indeq; ad vera accensi, miserum hominem undique dedolabant, fides dissecabant, chelyn perfringebant. At ille Deum hominesque inclamare, quod & integrè nulloque affectu cecinisset, & artem aliam non posset. Tum accurrentium quidam: Stulte, inquit, qui artem tuam intempestivè perdis. Nam si placere vis, apud hos illi, apud illos hi, apud alios nos, apud nos alij increpandū sunt.

16. FONS.

FONS quidam abundantissimæ aquæ, cum in publico scaturiret, in varios usus hominum abductus est, hinc quidem in splendidi-

ciſſimum aliquod palatium, illinc ad ſanum aliquod, alibi in forum: nec erat ullibi aquæ deſectus, ſed plenis fiſtulis eijciebatur. Qui Palatium inſederat, artificum perſuaſu ſumptuoſiſſimum fontem exſtruerat, qui arcanis meatibus aquam hinc inde per varia animalium ſimulacra ſpargeret: quod ut fieri poſſet, primum diminuti ſunt ſacræ & publicæ aquæ tubuli, dein ablati. Sed tum abſurdum aliquod, vel mirum potius apparuit. Nam quæ jam juncta, minus, quam pridem diſiſa, aqua copioſa erat, & fons ipſe exiccabatur, cum cauſam nullam vel terra vel cælum præberet. Interrogati Phyſici, reſponderunt, hanc eſſe aquæ ſacræ naturam, ut alijs admixta eas abſumat, quin imò prophano ore hauſta, bibentis inteſtina corrodat.

17. FORTVNA.

Fortuna ollam aperuerat, è qua, ſpei & laboris denario depoſito, liceret cuiſlibet vitæ huius fortem extrahere. Cumque ingentes theſauri humanæ felicitatis promitterentur, facile impetravit, ut ingens multitudo fortunæ periculum facere vellet. Itaque admiſſi varias diuerſiſſimasque ſchedulas extrahebant, hic crede, ille dubita, hic ſequere, ille fuge, aliquis da, alius accipe, aliqui patere, alius ſeri, unus diſce, alter neſci, unus dormi, alter vigila, quidam ſape, proximus brutesce, quidam aude, proximus time, nonnullus ede, ſocius eſuri, nonnullus impera, ſocius ſervi, & talia permulta, quæ effectus & ipſum fortunæ munus

ut vel iniuria sequebatur, eratque ridiculum
germanos fratres haberi dissimiliter; eiusdem
ingenij non æqualiter æstimari, imò & multo-
rum prodigalitatē uni⁹ persæpè unicum num-
mum adæquare non potuisse. Hæc videns homo
Christianus, recluso loculo: nolo, inquit, æs
meum a Deo concreditum, in rem tam lubricam
& iniquam profundere; sed Christo potius fi-
delitatis principi asservare.

18. FUMVS.

I Ncessebat hominem ambitiosum incredibile
desiderium attingendi sydera, cumque varijs
lud scalis, & funibus, congestisque aggeribus, &
alijs, frustra attentasset, tandem è spiraculo cu-
linæ principis, magnam vim fumi ad cælum e-
vehi animadvertens, consilium cepit erependi
per regulas, sperans vi erumpentis fumi, ut in-
terdum abripi solent nube ranunculi, ita & se in
cælum pertrahi posse. Sed cum post longas, Ja-
nitorum, coquorum, custodumve exorationes
ille progressus, præter aditum præcipitij pericu-
lum etiam fumus oculos contra spem invasisset:
(existimabat enim Principum fumarium non
modò ἀρετῶν, sed meras delicias:) pertæsus
consilij sui, longè maiori periculo, & infamiâ
descendens, spem omnem in lacry-
mas commutavit.

19. GALLVS.

Gallus multis verbis jactabat, quod cantu suo non minus esset admirabilis, quam perutilis. Videbantur hæc vero proxima. At cum quidam ex jugi morbo pervigilio affligeretur, antelucanis horis vix impetratam quietem ne inturbaret, ad paucas noctes, quam poterat, humaniter exorare gallum satagebat, quin & suavis escis pastum, & benignè habitum huc velut conduxerat. At Gallus in cubiculum ascitus, quò propius agebat, hoc licentiùs & alarum plausu, & intempestivo occentu interstrepebat. Monitum iterum atque iterum, sileret jam, & morbi inducias non abrumperet, vigilias paulò post soltâ diligentia obiret, cum Gallus naturæ suæ impetare non posset: Apage, inquit heus, importunam bestiam, cuius conclamatio vitium est, non iudicium.

20. HEBRAICA LINGVA.

Rabi Moses, Ben Maimon Ægyptius, Hebrææ linguæ professionem ambibat, simulq; cum veteris Reipublicæ arcana, tum Pythagorica Philosophiæ seereta, edocere pollicebatur. Placebat id Pico Mirandulano, J. Reuchlino, Sebastian. Munstero, Jos Scaligero, Joh Borelio, Jo. Drusio, Petro Cunæo, viris undiquaque eruditissimis, quibus dolebat linguam divinis colloquijs

MANIPULUS III.

138

facratam, mysterijs coronatam, elegantia flo-
rentissimam, denique omnis sapientiae & pru-
dentiae matrem, veritatisque unicam custodem
hoc sumptuoso literatorum otio minus frequen-
ter addisci, minus curiosè requiri, minus solici-
tè adhiberi. Sed obstabant semi-latini, semigræ-
culi, & semisanctuli aliqui, quibus Hebræorum
argutiae adeò sordebant, vel suspectae etiam e-
rant, ut nisi magno Reipublicae Christianae pe-
riculo audiri minimè possint: facere enim lin-
guae sanctae curiosius studium, non in Aristote-
le tantum, & Ciceronem, ac Demosthenem
homines iniurios, sed & Juris Romani negli-
gentiores, usitatae eruditionis examinatores,
denique in rebus flaminum diligentia vulgo
persuasis dubios. Vicit hæc iniquior sententia,
& paucis admodum Hebraica degustare li-
cuit.

21. ICONES.

CHartophorus in forum nuper venerat, &
icones virorum celebrium magno numero
exposuerat. Pendebant hic veteris & novi
Mundi homines, ac, quod mireris, multi,
quos vixisse & scripsisse nesciveris. Grata
hæc merx omnibus fuit, & ut quemque suus
genius afficiebat, ita eum possidere propera-
bat. Hic nempe eruditionis & virtutis sti-
mulus est, post mortem vivere, & per ima-
ginem velut loqui, Itaque hic suum J. Cæ-
sarem,

farem, hic suum Augustinum, ille suum Justinianum, iste suum Galenum, alius suum Theophrastum, alius suum Aristotelem, suum Ciceronem, suum Virgilium, suum Euclidem, suum Tychonem, suum Dürerum, suum Orlandum, & quid verbis opus? suum quisque delictum properè abripuit. Erant &, qui dubiæ ac noxiæ famæ emerent; erant, qui amicos, notos aut etiam novitios; erant, qui monstra hominum vellent & sexcenta huiusmodi alia. Supererat Christi imago viliori, quàm reliquæ, pretio; at ne sic quidem emptoribus concilianda. Quam ut vidit pauper, cui haud pluri superfuit: Quando suum, inquit, Deum quisque abstulit, da mihi, bone vir, meum Christum.

22. I N G E N I U M.

Venerat in Naturæ emporium Socrates, ut, quæ maximè vulgo probarentur, merces annotaret, indeque argutandi materiam aucuparetur. Fortè aliquot adolescentes ingressi erant empturi ingenia, cumque è magno fasciculo feligerent, quod cuivis opportunum videbatur hic quidem extemporaneum, sed inane; illud densum & streperum, sed parum solidum; aliud exactum, sed minus aspectabile elegit. Supererat, qui Socratem, quid è re esset, consuleret, illi suavit, ingenium emeret, nec planè scholasticum, nec planè neglectum, sed cui modica infusum, & tantum cum opus est, eloquentia, &, si tempus studiumque accedat, venustior, in familia

usu vitæ, prompta & nitida, non hærens & turbata oratio, vis iudicii non multum involuta, & nunquam acris, subita tamen post moram, & consilium validior, cui, si sedulitas etiam addatur, omnibus id numeris fore absolutum. Tale cum quæreret, repertum est unum, sed minus literatum. Ob id cum doleret adolescens: Nihil dubita, inquit Socrates, hoc emere: An enim sapientiam Græcè tantum, aut Latinè, ac non potius arcano impetu, & omnium linguarum, sermonumque conscio, suis alumniis loqui existimabis?

23. INSOLITA.

A Zothille (quocunque tandem inter nos nomine appelliteretur) orbis monarcha, apud nos aureo currû, eoq; radiante ingressus, haud paucos insolitæ eruditionis homines secum attulit, quibus hi pauci, ac vix nomine nostris innoverunt, Paulus Scalichius, Jac. Brocardus, Paulus Lautensaccus, Julius Sperber, Valentinus Weigelius, Ægidius Gutmanus, Henricus Kunradus, Sebastianus Franck, Guilhelmus Postellus, Martinus Cellarius, Simon Studion, reliqui etiamnum nobis conciliandi sunt. Ijs, iunt, datum, res nostras omnes medicare, auri- os nos, oculos, vocales, volatilesque facere. Est tamen aliquid quod felicitatem nostram impediat, quoniam non illi nos, non nos illos intelligimus. Nam quæ illorum est Persica, Chaldaica, Brachmannica, Druidica, Fessana, Damcarica lingua, quæ picturæ sunt divinationes,

nes, triplicitates & paradoxa, ex haud prius nobis vitam reformabant, quam artis terminos capiamus.

24. ITALICA PRAXIS.

Verrumnus, Arithmeticus exquisitissimus, cum magnis sumptibus algarithmos doceret, neminem tamen, nisi ingeniosissimum quemque, discipulum admisit. Id aiebat exigere praxin Italicam, qua magna sagacitate, & per exquisita compendia quaesitum esset indagandum. Eodem tempore Eusebius, homo haud magnae famae, pueros vulgari, seu simplici Arithmetica instituebat, exiguo salario conductus, quod crederetur ad communes tantum & perfaciles supputationes sufficere. Qui jam utrinque edocti erant, Mundum experiebantur, & casuum quidem exempla haud deerant. At quod minus expectabatur, temporum, aulae, scholarum, societatum aenigmata sic eludebant omnes Praxis Italicæ regulas, ut nunquam magis nescire acutissimi calculatores visum sint: Contra qui unam *de Tri* regulam, Fidei, Spei, & Charitate, adhibebant, omnes gryphos, & Mundi ludibria facile dissolvebant. Tum ingeniosorum illorum aliquis. Quid juvat, inquit, nos tanto sudore politiæ subtilitatibus acui, cum una Christianorum hebetudo omnia penetret.

25. LAMIA.

Lamia perspicacissima omnium, maximeque dicacula habebatur. Nam quoscunque obvios habebat, eorum vel individuas minutias scrutabatur, indagabat, examinabat. Hinc multis erat formidini, quod nollent sua secreta patefieri, & mordacissimis dictis perstringi. Itaque congressum omnem declinabant, qui si forte evitari minus poterat, quam fieri licebat, blandissimis verbis abrumpebatur. At cordatus quidam, quod minus alienum, quantumvis iniquum, iudicium reformidaret, non tantum se libenter frequenterque Lamiae obiecit, sed adhærere etiam, ac domum usque comitari ausus est, ac tum res mira apparuit. Nam oculos, aures ac dentes Lamia exemptiles habebat, quæ domum reversa omnia in thecam reconderebat, eratque rum cæca, surda ac edentula suis ædibus, nec agebat aliud, quam quod lanam faciens cantillabat. Tum ille cum risu egressus: Nihil periculi, inquit, in Lamia est: nam quæ foris rigidissima, domi maximè tractabilis est.

26. LIBERTAS.

Ingenium liberale cum primis suis annis elegantissimum simul, ac flagrantissimum florem mitteret, omnium passim amorem, & admirationem sibi conciliavit. Erant tunc,

tunc, qui foverent, qui putarent, qui obseperent, qui suffulcirent, qui irrigarent; ac omnium prompta erant, & paratissima officia. Interea sagacitate, agilitate, lepore, & varijs delicijs omnibus grates referre, & adæquare veluti merita videbatur. At cum paulò post adolesceret, & curiosius in rerum interiora inquirens, soliditatem hinc inde desideraret, neque persuaderi, abduci, subici, terreri, falli, emi, vendi, soporari, saturari, affici; ut reliqua animalcula, posse appareret, tum odio ac formidini esse quàm maximè cepit, consultatumque, qui frangi hi spiritus, heberari acies, accidi alæ, tepe fieri fervor, enervari robur possit. Id variè minis & blanditijs quæsum postquam frustra esset, cum calumniæ monstro commissum est. In posterum verò cautum, ne quis unquam ultra ad rerum humanarum penetralia admitteretur.

27. L O N G A E V I T A S.

Medicina cum rescivisset, Johannem, Caroli Magni armigerum, jam annum ætatis 360. excessisse, suspicata in artis alicuius secretæ beneficio fieri, amicos suos Hippocratem & Galenum subornavit, ut quibus possent, modis id arcani elicerent. Cum verò hi frustra essent, quòd homo simplex nullum naturæ subsidium, nisi corporis sui crasin, agnosceret; illa Paracelsum exoravit, tentaret hanc insolitam longævitatē, anne ab illo fortasse prænobili Philosophorum Lapide contigisset. Id ubi curiosè juxta
ac in-

MANIPULUS III.

141

ac ingeniosissime inquisivit, ultra admirandam vitalitatem nihil mysterij reperit. Tum Medicina non fidem habens familiaribus suis, ipsa hominem adivit, & blandissimis verbis ingenium spectus examinavit. Ille verò & curiositatem risit, & artem suam omnem aperuit, Temperantiam atque Exerectium, quæ cum Medicina & alijs observata diceret, longè tamen inferiori felicitate, Joannes subiecit: Nempe hoc illis decernat, quod mihi perpetuum symbolum: **FIDE-RE DEO.**

28. MANCI.

Convenerat Thomæ Schvveickero, Scribæ Hallensi, cum Conrado Schotto Stutgardiano Organopæo, ut Naturam accusarent, quæ illi brachia negasset, huic abstulisset oculos, instrumenta humanæ vitæ planè debita. Id ut movere citius rerum omnium arbitrum posset, Thomas querelas suas omnes eleganti picturâ in tabulâ pedibus suis delineavit, quam ligneo margine subtili dedolatione Conradus vestivit. Hæc ubi in Judicis conspectum venit, cum admirationi cunctis esset, planè alienam, quam expectabant, sententiam elicuit. Nam benignissimam omnino Naturam audiebant, quæ pro brachijs & oculis cuius contingentibus, famam, ingenium, victumque contulisset, rara inter homines donaria, ut posthac & Deum exactius agnoscerent, qui mancis & murilis in hoc Mundo, secretiora & feliciora Sacri spiritus dona concrederet.

29. MER-

29. MERCVRIVS.

Viderat quidam ex sambuco Mercurium fabricatum, ac ad socium conversus; Vah! quam vanum, inquit, est illud, *non ex quolibet ligno fieri Mercurium!* Tum alter; vide, inquit, lignum benè cognoscas, qua terra natum sit. Nam si Orientalis fortè Sambucus sit, ubi omnia aiunt esse nobiliora, quid vetat statuum inde posse fieri? Cumque curiosius Mercurium examinarent, vident & communem esse sambucum, & multis partibus vitiosum: ac alter: nempe fortunæ hoc est mysterium, inquit, quæ inepta, vacua & vermiculata jubet aliquid esse, atque adorari. Nam quibus heri nec cerebrum fuit, ne cor, hodie ad fortunæ edictum res omnes ingeniosè simul ac masculè expedire dicuntur. Sed alter: Nonne verò apud Christianos, inquit, expulsa est Fortuna? Nomen, inquit alter: at res ipsa palàm regnat, neque meritum ullum Fortunæ antecedit. Idque Deus indulget, ut palàm testetur, quam nihili faciat hæc Fortunæ temporariæ missilia.

30. MODESTIA.

Conradus Strichius Francus, faber ferrarius & rei militaris peritissimus, cum aliquoties Acquiettentiaæ ades ingredi, & familiarem eam habere visus esset, multorum cavillis petitus, & absur-

MANIPULUS III.

143

absurdissimæ societatis notatus est. Maximè
 Serò Philosophia de homine iniquè censuit,
 qui Acquiescentiam importunè compellaret, &
 modestissimæ virginis patientiâ abuteretur,
 hanc conversationem Philosophis suis deberi,
 non vel ferocibus militibus, vel rigidis fabris.
 itaque ut primùm Acquiescentiæ occurrit. Quin
 mea domina, inquit, impudentem illum Vul-
 num abigis, vel è cynicis meis molossum in-
 tas; qui moribus hoc brutum fuget? Sed Ac-
 quiescentia leniter renidens: O soror, nescis,
 inquit, quem hominem increpes. Hic post Con-
 diti, Suevorum Ducis ultimi, prodicionem
 uniuerso exercitu Dux electus, à Papa ad
 regnū Siciliæ vocatus, facie & robore Conra-
 do similis, fortitudine sua exercitu per me-
 os hostes in patriam reducto, cum milites
 perpetuam fidem & obsequium offerrent, ad
 eundem rediit, & militibus suis eandem mo-
 raliā persuasit, hisque Germanis facinori-
 sis omnem propè palmam tuis loquaculis er-
 uit.

31. MVLT A PAVCA.

Vidam generosi animi adolescens felicitatis
 regiam ascendere suscepit, itaque
 oscunque viæ, clivique peritos fa-
 uerit, eos omnes sibi consulen-
 s est arbitratus. Et sanè non defue-
 runt

runt, qui magnâ confidentiâ iter ipsi delinearent, Philosophi, Politici, Monachi, Eremitæ, denique Magi, & quicumque divinitatis prægutum somniant. Itaque chartarum undiq; satis; at dum eas sequitur, immane quàm subinde impegerit, quàm deflexerit, quàm ad præcipitia sæpè sit delatus: ac tum maledicere cepit omnibus illis umbratilibus indicibus, qui in testâ suâ, nescio quas cœli terræque vias metiuntur. Fortè autem præeuntem aliquem longè prospexerat, hominem minus affectati cultus vel scientiæ, quem ut magno anhelitu est assecutus, cumque vix exorasset, ut dū respiraret, ac infelicitatē suā conquereretur, subsisteret, obstupuit homo ad tot temerarios indices, &, hætenus, inquit, vel oberrasti, vel es retrogressus: Me verò si volueris sequi, *multa* vide, *pauca* admirare; *multa* audi, *pauca* crede; *multa* scito, *pauca* loquere; *multa* lege, *pauca* scribe; *multa* examina, *pauca* tene; *multa* patere, *pauca* proba; *multa* vita *pauca* time; *multa* admitte, *pauca* ama; *multa* expecta, *pauca* spera; *multa* tege, *pauca* odi; *multa* communica, *pauca* posside; *multa* excusa *pauca* indica; *multa* tenta, *pauca* persequere; *multa* delibera, *pauca* conclude; *multa* negliges, *pauca* ride; *multa* solare, *pauca* dole; *multa* conque, *pauca* ede; *multa* arce, *pauca* feri; *multa* labora, *pauca* jube; *multa* ora, *pauca* doce.

Paruit adolescens, ac felicissimè
peregrinatus est,

32. FR. NICOLAUS.

R. Nicolaum Undervvaldenſem, quidam nitida cutis & robuſtorum laterum homo ſollicitabat, ut ſe vel individuum unius cellę ſocium, vel alterius vicinum ferret, quando utrique Deum idem Mundi odium, ac ſolitudinis deſiderium indidiſſet. Sed Nicolaus alterum negavit, ſerum diſſuaſit, quòd hæ vires, hoc corium undò deberentur, neque tam facile eſſet apud exulare, quàm inhabitare ſpecus. Nam cum annis, inquebat, Deum, ut me mihi expellat, hiſceam, nulla interea corpori meo gratia facienda, neque tamen me, prout decet, exuam, quid mihi in hunc indomitum & ferum carnis equum mihi eſt, quem quotidie vanitatis & mutabilitatis avenâ paſcis. Itaque tutius eſt, te aſtutis Mundi frenis cohiberi, calcaribus pun- virgis caſtigari, quàm ſeceſſus libertate tibi varia animi præcipitia relinqui.

33. NOMENCLATOR.

Eregrinus cum in Eruditionis urbem veniſſet, eamque quotidianis deambulationibus luſtraret, ſubinde alios atque alios habuit homines obvios, anguſtâ facie, cultu elegantioribus lectiſſimis: quos quia non noſſet: ac intuitu æſtimaret, proximum quemque orat, diceret, hic quis, vel ille vir clarus eſſet. At cum illi non noviſſe identidem reſponderent, ac cum civis aliquis veteranus ſubjeciſſet, peregrinus inſiſto colapho: Non te pudet, inquit, con-

H
cives

cives tuos ignorare? Re & lite ad Senatum delata, Peregrinus adventus causa exposita, quanto labore, quo desiderio urbem petierit, quam minus cives, sed peregrinos plerisque hic reperit; voluisse decentem cuius honorem exhibere; at defuisse nomenclatorem, minus ergo posthac sentire de urbis fama quæ congeries potius hominum, quam civitas esset. Id benigne acceptum est & gratiæ peregrino actæ, decretaque nomenclatores, ac Princeps eorum Conradus Gesnerus, ne se posthac eruditi inter se minus agnoscerent.

34. ORACULA.

Fama erat, Apollinem in Religionis antro responsa dare, haud ut olim perplexa & ambigua; sed plana, vera, certissima. Itaque confluebant, quibuscunque vel futuri erat desiderium, vel præsentium dubitatio, vel præteritorum oblivio. Dona offerenda erant, pro cuiusvis opibus, & ære, nec abjecta nimis, nec admodum sumptuosa. Oracula certè, si quis minoris sortis interrogabat, aperta erant, & humanos errores insectantia: addebantur & minæ, nisi vita corrigeretur, apponebantur exempla, quibus vitæ dissolutio proximi neglectus, iniqui possessio, & perfimilis quid nocuisset. At cum splendidioris fortunæ cum splendidissimis donis accederent, jam nuntiare Mystæ, & Verba torquere, nævos abluere, & mollire facinora, castigationes melleas sibilare. Id animadvertens ex libertinis aliquis: Non jam

olim, inquit, nasutissimus Demosthenes
doratus est, Philippisare Apollinem.

35. PANACES.

Anitas humanorum morborum miserta, Pa-
nacem ex saluberrimis vitæ Christi speciebus
confecit, cujus beneficio quotquot, sub precum
jeiunii applicatione fuissent usi, oppidò quam
infecè convaluerunt. Eius hæcerat Virtus:
caput à vitiosis illis humanæ scientiæ spiriti-
bus Vertiginosis purgaret, & Christianum ne-
scire, quod omnes tamen artes in se & infra se
continet, excitaret: dein cor inter mundi vicissi-
tudines palpitans roboraret, & cum Deo firma-
te uniret: mox pulmonis angustias sub Mundi
golo laxaret, & libertatis respirationem redde-
ret: postea hepatis crapulam, & immodicam si-
tem temperantia restingeret: lienis etiam ulce-
rum otium labore congruo & laudabili sti-
mularet: sed & fellis iracundiam humili patien-
tiâ placaret: & renum inquinamenta castitatis
ritate detergeret: Manus tortas liberalitate
abigeret: pedes vagos constantia figeret: cu-
sordes pœnitentia abigeret; Mito utique
is, minus apud sciolos æstimate experimento,
in ferocissimi cicurarentur, fanatici resipe-
rent, nummularii elemosynas urgerent, idiotæ
curam examinarent. Ac tum demum ani-
mæ adversum, hominem intra se omnia possi-
le, quæ, si negligantur, situ & squalore in-
cant; si excitentur, & externorum con-
templat-

contemplatione, pristinisque observationibus provocentur, tum maxime elucere: id verò artis esse præcipuæ, ut depulsis vitiosis symptomatibus, quæ corpus aggravant, occupant, & fallunt, Vera crasis, & omnium Organorum tranquilla sanitas, cordis securitas, oris silentium, cerebri ratiocinatio, reliquorum motus introducantur.

36. PANEPISTEMON.

PAnepistemon, vel nomine saltem homine terretaciens, quoquò gradiabatur, officioso omnes & reverentes obvios habebat, Ac erat illi profectò tum sumptuosi cultus, linguæque & morum affectatissimorum, tum instructissimæ suppellectilis. Domus contignationes & conclavia accuratâ methodo distributa erant, & disciplinarum artiumque omniû instrumenta continebant. Videre erat Bibliothecam, globos, sphaeras, circinos, mappas, picturas, statuas, anatomia sceleta, tum chymicam officinam, hortum Medicinæ, capsas mirabilium, simul & voluptatis cælogana, insuper machinas & poliorcetica variorum, quin imo & mechanicæ industriæ compendiorum Venationum aucupiorumque fallacias, ignis quæve ludibria, & quæ alia hæc nostra brevitas non admittit. Et hæc omnia tuebatur ambirentis silentio, quod multis certe imposuit. Ait autem, qui familiarissimè norunt, plerarum rerum usum nescivisse, idque deprehensum ab astutissimis artificibus, quorum instrumenta cum mutuata vel emptæ vellet, ineptissimè deducaverit.

37. P

37. PHILAUTVS.

Hilippus Beroaldus, quod litem inter *Ebriosum, Scortatorem, & Aleatorem*, quis illorum tolerabilior, dextre decidisset, maximi habitus fuit. Itaque si quid fortè dubii incidat, ad eum, ut felicissimum arbitrum refertur. Accessere super loquaculus impatiens, & Philautus inter de præminentia contendentes, mutuumque accusantes. In loquaculo desiderabatur, quod numerè omnia esset rer, intemperantius luderet, impudentius judicaret. Impatiens accusatus est perpercilii, fraudulentæ occultationis, rigidioris examinis. Philautus cum utrosque improbasset, & nevos ad vivum refecatos, virulentissime agitasset, usque adeo sibi placuit, ut iudicem non partem exhibuerit. Tum Beroaldus offensus: Nugetur sanè hic, inquit, ille increpat, quod utrumque est animi medium excedentis: qui sibi in omnes homines iudicium sumit, pestilentior est, quod sacra prophanaque suorum, & vitiosissimo ingenio metitur.

38. PROPHETA.

Ulla solet suæ quemcunque artis peritissimum invitare, & habere liberaliter, cumque famam claudatus esset homo vates, singularis spiritus, presentium arbiter, futurorum præsciens, suum quibuscunque impensis voluit. Itaque multo benignissimis verbis accitum, animæ corporeque custodem vigilemque constituit & numinis prope loco coluit. Placebat ingenium,

H 3

placc-

placebat incorruptus animus, tum zelus etiam, & divinus calor. At cum Aula suo genio vivere vellet, & molestæ fierent tot vatis admonitiones, frontem contrahere, & minus audire importunum magistrum cepit. Ille verò instare crebrius, urgere fortius, & pessima quæque augurari, precibus Dei minas addere. Tum Aula hominem pertæsa, cum nec vitare, nec terrere posset: Ex esto, inquit, maledice, & difficilis, qui nihil nisi mihi semper mala, varicinaris.

39. SANCTA SIMPLICITAS.

Cum fortè Diogenes forum verreret, & asportandis fimetis occuparetur, intervenit Simplicius, cui superstitione boni publici cura, & in tempesteria rerum æstimatio est. Is quod Diogenem è publicis sordibus suum lucellum quærere, & agellis suis stercus suffurari suspicaretur, nescius scilicet, Diogeni nec domum, nec prædium, nec argenti æstimationem esse, duriter illum investus: Quis tibi, inquit, audacule, animum fecit, media luce urbis nostræ opes deprædari, ut, quod omnium bono servire debet, a grofque publicos pinguefacere, id tibi vindicare aulis? Risit adhæc Diogenes, & nullo durior verbo regeſto, impuro labori insudavit. Simplicius iniquè accepit, parumque abfuit, cum ves inclamarit, & manum deprehensò & convicto furi iniecerit. At cum fortè Hypocritæ accessisset, abegit quidem Simplicium, Diogeni verò suavit posthac, ab eo opere abstinere, quod

quod non omnes caperent. Tum Diogenes solito irritator: Quin tu mihi Simplicium meum, inquit, reddis, cuius ego candidos errores malo, quàm opera operata tua, atque meritoria officia?

40. SAPIENTES.

Quidam sapere cupidus, ab Academia consilium supplex petiit. Illa in Græcæ sapientiæ atrium misit, ubi aut nusquam erudiretur. Cum intro missus esset, & varios vultus, actionesque tum diversissimas tum admirabiles intuitus, plane obstupuit. Hic enim Homerus modulabatur, Hesiodus arabat, Thales euolabat, Solon sanciebat, Cleobulus vaticinabatur, Periander imperabat, Chilon fulminabat, Pittacus pugnabat, Bias mendicabat, Anacharsis peregrinabatur, Epimenides dormiebat, Socrates nesciebat, Xenophon erudiebat, Archefilaus bibebat, Bion sordidebat, Aristoteles disputabat, Theophrastus colligebat. Antisthenes rodebat, Diogenes mordebat, Menippus ganniebat, Menedemus lattrabat, Chrysippus turgebat, Epictetus serviebat, Pythagoras filebat, Empedocles ardebat, Epicharmus ludebat, Heraclitus flebat, Democritus ridebat, Xenophanes opinabatur, Zeno resistebat, Anaxarchus tundeatur, Epicurus deliciabatur, Timon iocabatur. Viderat et Misonis simplicitatē, Pherecydis lendes, Anaxagoræ chaos, Phædonis Hypocritamores, Platonis ideas, Euripidis cothurnos, Maximii Tyrii cicadas, Cleantis arma, Timæi signaturas, Parmenidis ignem, Eudoxi naturam.

Melissi astutias, aliorumque delicias alias. Cum-
 que dubitaret, cui se traderet, tum Paulus Thar-
 tenfis, & ipse Græcè doctus, abductum homi-
 nem negligere hos iussit: addiditq;: ἡ πρὸς δοκῆ σο-
 φὴς εἶναι ἐν ὑμῖν, ἐν τῷ αἰῶνι τοῦτο, μαρτὺρ γενέσθαι,
 ὅτι γίνηται σοφός. ἡ γὰρ σοφία τοῦ πρόσμυκου τούτου,
 μαρτυρία παρὰ τῷ Θεῷ ἐστὶ γέγραπται γὰρ. ὁ δὲ ρα σὺ-
 μμῃ τὸς σοφούς ἐν τῇ πανουργίᾳ αὐτῶν, & πύλιν,
 Κύριε, γινώσκει τὸς ἀλογισμὸς τῶν σοφῶν. ὅτι
 οἱ οὐκ ἐπίσταται.

41. SAPIENTIA.

IN conventu Olympico fortè Sapiencia Stulti-
 tiæ occurrerat. Quod diu optatum bonis, ut
 publicâ stultitiæ infamiâ ac imbecillitate roboti
 mortalium confunderetur. Nam, quæ magna Sa-
 pientiae erat existimatio, omnes in eam ocu-
 los verterant, persuasissimum habentes, ab ea ad-
 versariam uno ictu allisum iri. Itaque applau-
 dentes & complodentes, luctam maturari appe-
 rebant. Sed ibi præter expectationem res eve-
 nit: nam, ut audax est stultitia, in sapientiam irru-
 it, quæ probris & pugnis malè habita, vix tandem
 evasit. Interrogata verò, cur vim vi non repu-
 lisset, respondit: Quid si me asinus percussisset?
 Rogata etiam, cur probra probris non retudis-
 set: πάντες καὶ μαρτὺρ, inquit. Vulgo itaq; illusa atq; u-
 risa abiit. Et ex eo tempore stultitia promptior
 melior existimata est, pluresque inde
 & fortiores habet secta-
 tores.

42. SIGALION.

Ornienti mihi tale quod nuper spectaculum oblatum est. Sederat humana Felicitas interrupto & confragoso monte, ac juxta eam uimq; Prudentia ac Fides: ad radices verò montis astabat quidam totus auritus, totus oculus, ad astomus. Is magnam vim mortaliū ore obulco ad reginam suspicientium circum se haerebat, quosque putabat dignos, ijs lorum, quod prudentia dimittebat, & cujus in termino lapis obsidianus trajectus erat, ori inserebat. Tum Diogenes sensim trahens in montem provehebat: quod dilapsu qui ora resignassent, o infelices homines! quibus praesentaria ruina imminebat, & quicquid eo usque itineris exantlarant, deperierant. At si fortuna meliori suffragante, eo pervenerant, tum demum corona à Fide cingebantur, & magno plausu ex oblivionis poculo, quod Regia famina propinabat, porabant. Hæc videns Diogenes post expergefactus animadverti Deo hominibusque nihil omnino gratius atque optabilius silentio: nihil ad rerum humanarum fastigia, summam mentis tranquillitatem certius atque expeditius.

43. SOPHIA,

Ophîa cum fidissimis suis Alethea, Parrhesia, Sophrosyna, & Eleutheria consultabat, quo maxime remedio distractis & intricatis rebus mortalium confuleretur. Tum Alethea suasit, nihil remere crederent: Parrhesia, nihil serviliter

H 5

sub-

subtricerent; Sophrosyne, nihil inconsultè aggre-
derentur; & Eleutheria, nihil lugubriter pate-
rentur: quibus Sophia addidit, nihil admiraren-
tur. Inde consilium hoc omnium consensu coa-
luit. Tutissimum videri, nec principia rerum al-
te, nec fines exquirere, & ultra, quàm satis est,
non sapere, pauca laudare, nihil ipsum moliri,
omnium spectatorem esse. Paucorum homi-
num, & iudicii alieni negligentem videri, risuq;
quàm irâ potius dimicare, satiari eâ voluptate,
qua constet, nihil solidum, nihil pulchrum, nec
rectum quidem tantæ concertantium molitioni
inesse: cum hoc unum certum sit, pleraque no-
stra haud esse certa.

44. STATVARIVS.

Quidam, qui se Statuarium dixerat, jus civita-
tis nostræ petierat, & ut id facilius impetra-
ret, non tantum artis suæ specimina exactissima
aliquas sculpturas ostentaverat; sed peritissi-
morum etiam artificum testimonia in membris
na conscripta, & sigillis roborata exhibuerat,
asseverabant, horum exhibitorum omnium scul-
pturæ membrorum, symmetriæ, lineamentorum
Physiognomiæ, Perspectivæ, Chymices, ecto-
poeos, cælaturæ, plastices, proplastices, par-
digmatices, tomices, colaptices, &c. peritum
instructumque esse. Id & pergratum Reipubi-
cæ visum, & artifice honorificum fuit: cui & jus
civile datum, & ex publico subsidium decretum.
Eam famam verò cum aliquandiu coëmperat
aliunde statuis, sustinuisse, nescio quàm im-
pud-

prudenter se tandem, nihil præter cæmentarium
esse prodidit. Id ægrè admodum Respub. tulit;
sed prudentissimorum, ac Pomponii Gaurici ma-
ximè, consilio, Magistri imperitiam utcunq; dis-
simulavit; illos verò Magistrifices & nullitatis
reftes vrbe expulit.

45. TRES LINGVAE.

Indignabantur eruditi, nimiâ censorum facili-
tate ingentem turbam civitate donari, quæ
mente non sanâ sapientiam profiteretur, & line
pulpita ascenderet: Non nasci tot fungos
una pluvia, quòt nunc libros uno die, eosque nu-
mero & mole æstimari, non genio; qui maxi-
mè sapere videantur, omnem industriam in-
tra contortulas captiones possidere: Sordere
nunc literarum & prudentiæ parentes, & hoc
infelici pulvere obrui: Ingeniis liberalioribus
injuriâ fieri, quæ aut subiunguntur & proscri-
buntur: Multos unius anguli Sophistas erudi-
tionis monarchiam iactitare. Hæc & alia cum
D. Erasmus, H. Barbarus, A. Politianus, I. Reu-
chlinus, I. C. Scaliger, P. Melancton, plures-
que renatæ literaturæ principes graviter con-
querentur, dolerentq; exactissima sua opera, sub-
stitutis nugacissimis libellis, iuventuti excussa:
quoniam res maximi momenti videbatur, tot ad-
missos cives urbe pelli; rursumq; durum, eruditos &
imperitos iuxta haberi, sic in præsens decretum
est: Cogitarent patres, qui in unum aliquem ob-
scuriorem urbis locum indigni contruderentur;

H 6

cæterum

cæterum nemini posthac eruditionis portas ingredi liceret, qui Christi Crucifixi titulum legere atque intelligere non posset.

46. V A G A N S.

O Berrabat quidam animo & corpore, vagus ita tamen ut longè sublimius quid erroribus suis obtenderet. Nam ad Apostolorum similitudinem circumire, Evangelium urgere, Mundo adversari: & optima quæque periscrutarì volebat videri: nec paucis, ac optimis quibusque eo nomine imposuit. Namque bonorum nomina, mores & studia in numero habebat, eratque velut de manu ad manum, ab alio alteri transmissum. Non sefellit tamen Rectitudinem. Ea enim examinatum hominè reperit, sublimitate turgere, sub paupertate parasitari, sub reformat. deformib. & in formib. vitiis scatere, insuper fabellis nugari, labores subterfugere, fugillare unūquemque: denique sic puriorem religionem desiderare, ut nullius religionis sit certus, atque ita abstrusiora jactare, quæ ipse nunquam in limine conspexerit. Ergo hominem vagum stigmatizatum laborare & servire pro illa temeraria libertate iussit.

47. V I N V M.

M Inabatur cœlum vitibus nescio quid malum. Id ab aliis Nationibus neglectius habitum Germania non parvi fecit: sed supplicatione in diebus, quibus potuit, precibus & blanditiis cœlum placare decrevit. Quæ sita, quo insigni in commo-

commodo vino carendum esset, quod fortissima
 alia Regna planè eiecissent. Tum illa: Si vinum,
 inquit, pereat, perdita sum. Nam hoc sacro li-
 quore fœdera, leges, conjugia, sancio; natales,
 exequias perago; magistratus, cives instituo,
 ingenia acuo, milites animo, lites dirimo, Vene-
 rem enervo, amicitias necio, linguas solvo, arca-
 na denudo, dolos habeto, tempus fallo, Hospi-
 tes demulceo, subditos saturo, & quæ sunt alia
 publicæ quietis instrumenta, quæ sobrios fre-
 quenter destituunt. Tum quidam: Non mira-
 bor, inquit, posthac, multos præ Christo Bac-
 chum colere.

48. VITAE.

PRæceptio nacta Juvenem generosissimæ in-
 dolis, cum diu varijs regulis, axiomatibusque
 exercuisset, usque adeò nihil acuit ingenium, ut
 hebecere indies, & nauseare, denique diffugium
 meditari visum sit. Consulta Philosophia, quid
 rei absconditæ subesset, quod docilis alioquin,
 sagax, & versatilis puer, tam parùm sub optimo
 Magistro proficeret, jussit ad se duci, & aliquan-
 diu libertati relinqui. Excurrebat fortè, & urbis
 insigniores structuras perlustrans in Jovium,
 Pantaleonem, Miræum, & aliquos alios atrii he-
 roici curatores inciderat, ij lineamenta liberalis
 vultus approbantes, in exemplorum Palatium
 celebre introduxerunt, cuius intuitu juvenis ac-
 census non lacrimas præ ardore, & imitationis
 desiderio cohibuit. Tum ad suos remissus so-
 mnis, otio, epulis, ludicris invisus, admirabili

nifu divina humanaque penetravit. Ac tum innotuit, virtutis unum exemplum præstare multis præceptiunculis.

49. V M B R A.


O Derat quidam umbram suam, quod se velut arbiter & coryceus sequeretur: quare illam quoquo modo præcedebat; sed cum reluctan-tem, & motus omnes referentem animadvertisset, cepit plurimum extimescere, nec aliter, quam hostem, reformidare. Quare adversus Soli aut lumini procedere recusabat; sed perpetuis tenebris delitescere. Id nimis durum videbatur: quare, habito cum amicis consilio, eam mole aliquam iniecta elidere decrevit, secretissimo in loco, & ut ipse putabat, umbræ impervio. Cumq; in infidiatum loco umbram haberet, signo dato momentum præcipitari iussit, atque ipse, ne eadem ruina allideretur, subito saltu se subtraxit, respiciensque à tergo, umbram, quam mole oppressam existimabat, secum evasisse intellexit. Quare re absumpto omni frustra consilio, æger animus esse cepit. Tum Umbra: Quid me, inepte, reformidas innocentem? quæ sum comes tibi, ne hostis addita; nec sine tua interneciōe abigi possum, aut aboleri: te prius perire necesse est, quam peream.

50. Z O I L V S.

Zoilus, Momus, Aristarchus & cōsimiles bestiarum Mastiges, quod Poetarum epigrammatibus passim proscinderentur injuriam committunt.

questi, caveri sibi posthac, & refrenari Poeticam
licentiam petierunt. Nam quod multa ipsi re-
prehenderent, hominum peccata mereri: quæ si
impune transmitterentur, in publicam perni-
ciem essent eruptura. Nunc ipsorum castigatio-
ne cohiberi, & pude fieri; quod eis tamen in Rem-
publ. beneficium virulentissimis dictariis & di-
stichis rependatur. Respondit Litis arbiter, Ve-
ritati & Integritati licere, humanos errores no-
tare, ac benigne emendare; livori & petulantia
nunquam. Id vero in ipsis deprehensum, cum
omnia insectentur, non substituere meliora;
dein inquinamenti hominum non secus, quam
porcos delectari; denique suo ingenio dicta,
factaque omnia metiri, & pessime contorquere.
Id ab invidia profectum, monstro pessimo, cum
bonis semper displicuerit, malos correxerit nun-
quam, etiam hodie Reipub. intolerabile,
& omnium ingeniis vindican-
dum videri.

APO-



APOLOGORVM
CHRISTIANORVM MA-
nipulus quartus.

Seneca.

*pusillus ille, ac degener, qui Deo obluetur,
& de ordine Mundi male existimat, & e-
mendare mavult Deum, quam se.*

ΑΥΤΟ-

Α ΑΥΤΟΣΧΕΔΙΟΝ.



Vt oschediastes, quod ingeniosissimus, videri vellet & extemporaneus, passim inter symposia, & hominum congressus epigrammata effutiebatur. Id multis eruditi capitis, & ad singula instructi creditum, non parum extulit & commendavit hominem. At cum die quadam. Musæum egressus, id non occlusisset, Curiosus irrepsit. & præter reliqua Poetarum spolia, Ravissimum ac Smetium catenales reperit, sortem suam indignam deplorantes. Excoriari enim ab hoc tyranno querebantur, quotiescunque casus aliquis carmen poscat, flagrisque cedi, ut suggerant, quod in rem possit velut extemporaneum dici: simulque ostentabant, chartarum lituras, inductionesque: quæ omnia ipse solícite absconderet. Id ubi in publicum est elatum, captivi quidem libertati sunt redditæ; extemporaneus vero ille Poeta vulgi fabula factus.

2. BACCHANALIA.

Deambulabant in circo aeræ Christianæ Natalitiæ, Circumcisio, Epiphania, Pascha Ascensio, Pentecoste, & reliqua Christianorum solennia sacra, & inter se de Salvatoris nostri honoribus & memoria conferebant. Placuit id piis omnibus: sed hoc maxime displicuit, cum intermixta conspiceretur Bacchanalia. Et plerique ita sentie-

mentiebant, invitis illis hæc irrupisse; expecta-
 rantque, ecquādo abigeretur, sed cum id frustra
 expectarent, & Bacchanalia sumptuose culta,
 in magno furore, & strepitu debaccharēt, ausi sunt
 quidam minari bestia, & adversum ire, quod, ut
 ex clamore bruti innotuit, immane quam infa-
 nis Christianorum armis defensa, & conspicuo
 inter solennia loco reventa sit. nam & Curia, &
 Universitas, & Civitas hanc suam Divam agno-
 scebant, quam annuis feriis colerent; voluerunt-
 que testatum, ad commessandum & feriandum,
 nec infaniae numen abhorrere.

3. BEATI.

COLlegium duodecim linguarum, quod Elias
 Hutterus magno sumptu instituit, opinio-
 ne pauciores auditores reperit. Itaque spectacu-
 lo potius hospitibus advenis fuit, quam pro fun-
 datoris voto, usui. Habebat autem duodecim
 Auditoria, ad quorum, ingressus hæc inscriptio-
 nes prostabant:

1. אשרי עבדי כי למו היא מלכות תשמים:
 2. טרבותיך לאבלא דרתבך רתבי איך:

3. Μακάριοι οἱ πεινῶντες, ὅτι αὐτοὶ κληρονομήσουσι
 τὴν γλῶσσαν.

4. Beati, qui esuriunt Justitiam! quoniam
 ipsi saturabuntur.

5. Selig sindt die Barmhertzigē/ den sie wer-
 den barmhertzigkeit erlangen.

6. Bla

6. Blahoslavwenny cistecho / rdece / neb oni Boh
wideti budau.

7. Beati i. Pacifici perioche essi sarano chia
mati figlioli de Dio.

8. Benaventurados los que padecen perse-
cution per causa de la Justitia : porque d'ellos
es el Reyno de los cielos.

9. Vous serez bienheureux quand on vous
aura injuriez & persecutes, & on aura dit toute
mauvaise parole contre vous à cause de Christ
en mentant.

10. He that endureth to the ende, he shal be
saued.

11. Salige ere de, som hore Guds ord, oc be-
vare det.

12. Blogeslawienis Rectoris nie widzieli au-
wierzili. Hæc cum aliquando Dodecaglottus
legisset, quæsiuit, an hæc conditionib., his præ-
ceptis crederet, studiosos provocari posse; respon-
sum est, ita. At ille: Erratis, inquit; nam si ad
hanc normam erudiendi sint homines, alios præ-
ceptores, alia præcepta, alios discipulos, & disci-
plinam aliam requiramus.

4. CASTRUM HISPANICVM.

INter alias picture & architecturæ delicias, quæ
vitæ humanæ forū quotidie spectandas emen-
dasq; exhibet: Vix quidquam vendibilius allatū
esse, aiunt, quam fasciculū delineationū aliquot
Castrorū Hispanicor. Nā cum ea Natio præ re-
liquis imaginatione, & phantasiis valeat, credi-
bile

Te fuit, Variæ artis specimina uno opusculo esse
 comprehensa. Tituli erant *Castrum pro Consilia-*
to, castrum pro Nobili, castrum pro Abbate, pro
ecano, pro Praefecto, pro Professore, pro Senatore,
pro Diserte, pro celebri, pro artifice, & centum alia,
 scilicet qualia constabat, ingenia sibi placentia,
 non optare tantum, sed magna spe concipere. Ac
 ne non deerat, quo Suffeni acquiescere posse fa-
 cere videbantur, cum nescio quis fabulam omnem tur-
 bavir. Is, locorum peritus, asseverabat, Hispa-
 niam arcem nullam, sive, quod vocât, castellum
 habere, aut ferre etiam; itaq; pro aureis somniis,
 liberalibus nimium ambitiosi cerebri pollici-
 tationibus numerari Lee chasteaux en Espagne.

5. C O R.

Tempore sereno, & mitiorib. astris dominan-
 tibus, cum lingua licenter multa blateraret,
 cordata libertatis, & infractæ integritatis nomē
 affectavit. Nec abfuerunt adulescentes, quib. pla-
 cebat impudens in omnes & omnia dicacitas.
 Non tulit id tamen cor masculum, jam olim dif-
 ficiliorib. annis & sub tyrannidis terribilimen-
 tis exercitatum, scilicet quo tempore religio fri-
 gebat, Justitia rubebat, pudor exulabat, ingeniū
 esuriebat, virtus succumbebat; illud, pyramidis
 instar, quoquo jactitatum, terræ basin, cælo acu-
 men obvertebat. Id linguam effrenem coher-
 cens: Maeste, inquit, strepitu tuo, postquam in-
 caluisti! at nonne te memini haud ita pridem,
 & adulatam & mentitam, & supplicem, ac cujus-
 vis sordibus servam? cum ego te peterem inter-
 pretem,

pretem, exhorruisti, nunc absque corde viri, fœmineum mutuata, non Zeli impulsu, sed cœli beneficio bonorum auribus abuteris: sed fallor, an redeunte hyeme cum ranis omnibus denuo obmutesces. Erubuit lingua, & posthac solidioris cordis occursum omnem vitavit.

6. CORRECTIO.

Voluntate & mandato Superiorum, varię machinę & instrumēta excogitata sunt, quibus curvitates hominum corrigerentur. Nec caruit successu multorum laudabilis conatus, qui seculorum aut consuetudinum vitio incurvata, haud exiguo numero dirigebant. Redierunt in rectitudinem feroces, scioli, prodigi, loquaces, mobiles & alii juvenili fervore peccantes, quibus maturitatis instrumentum facile nervos incidebat, & experientię machina arcum reflectebat. Duo tamē genera maxime incorrigibilia reperta sunt: Chymicorum phantasia, & Mulierum vanitas. Nam ut Chymicus & solutus & coagulatus, & contusus & conflatus ad spes inanes ac laboriosas semper redit: ita Mulierum vanitas in corporis cultu, comptu ac mundo nullis regulis coercetur, nulla ratione moderatur, nulloque ludibrio ejicitur; sed id habet proprium, ut in hanc partem flexa, quam primum in alteram se reflectat, citiusque circuli quadratura reperiat, quam muliebris amictus rectitudo.

7. DI-

7. DISCIPLINA.

Heophilus cum in Schola Christiana eò profecisset ut jam Tolerantiæ & Acquiescentiæ didatus audiret, ingentes gratias Præceptoribus dixit, & merita singulorum conquisitis e-tilis extulit, præ reliquis vero invidiæ, quam perpetuo habebat infensissimam, pro fidelissima obsequione grates persoluit. Id nonnullis admirationi, sed sagacioribus voluptati fuit, cum animadvertenterent, hujus stimulis & aculeis, Theophilum ad optima quæq; & rectissima impulsam. ut, ut maxime sub amicis discamus, nemo nos non circumspectos, modestos & integri tenamagis reddit, nemo ad nostri cognitionem factius adducit, quam malevolentis inspectio, præ creberrimis increpationibus, & donorum ex-uatione, tum voluptatum impedimentis inter terminos nos tenet: dum amicorum facili assensu, nimioque applausu, undiq; diffuimus, non-que oblivione soporatur. Unde R. Acqui-iam rectissime pronuntiassse intelligimus, cum ait: multa à Præceptoribus meis didici, plura à sociis meis, plura à discipulis; sed ab inimicis meis plura quam à reliquis omnibus. Nam hi docuerunt minus sentire de me, & universa terra, magis de deo, & celorum regno perfectissimo.

8. EVCLIDES.

N vaserat Euclidem lubido terras peragrandi, quod crederet nominis sui fama jam orbem completum, velleretque ab hominum applausibus volu-

voluptatem capere: sed longè falsus est. Nam v
 millesimus quisque nomen eius inaudiverat, in
 que sordidè habebat: quod etsi momordit Euclides
 dem, tamen vulgo id condonandum judicavi
 didicitque id clanculum, nos extra fines nostrorum
 non usque adè, quam putamus esse celebre
 Itaque ad Pædagogum divertens, cum nunciatus
 jussisset Euclidem adesse, & pompam ex studio
 sa juventute obviam, ovantemque expectare
 Pædagogus duos crucigeros eleemosynam mi
 sit. Quem veluti ulturus, in arenâ, Euclides scho
 ma unum alterumque descripsit, abiitque se
 mnians, si ea Pædagogus intueatur, dolore, quod
 tantum virum neglexerit, ruptum iri: sed tur
 maximè aberravit. Nam Pædagogus, cujus stultit
 poris erat, ex illis circulis Magum ininterpretatus
 insequi hominem, & in carcerem conijcere ju
 sit. Id ubi literati rescivere, doluit quidem inju
 ria Euclidi facta: sed tamen gloriosulum homin
 nem increparunt, qui se temerè bestiis exposue
 rit.

9. EXACTIO.

Q Uidam homo Dei cum vidisset delicta Mun
 danorum argento expiari, & taxam Pœnitentialem præscriptam, quæ singulis peccatis sua
 pœnas imponeret, ratus id è re quoque Ecclesiæ
 fore, si nimia peccandi facilitas & licentia aliqu
 exactione coherceretur Unde & ipse in blasphem
 mos, periuros, impuros, mendaces, calumniato
 res, temulentos, aleatores, ardeiones, parasitos
 & id genus sordidatos alios taxam præscripsit
 qu p

haec homini Christiano indecora cum pau-
 rum usu castigarentur. Sed res sequius cessit.
 Nam cum Mundi exactores ex levissimis cere-
 moniis, titulis, gesticulationibusque neglectis
 sensus ingentes contraherent, Ecclesiae quæsto-
 nis undique à flagitiosissimis etiam exhibitati
 ant: Adami nempe, non nostram culpam esse,
 inductæ labis, atque hæreditariæ imbecillita-
 tis, quam quoties Deo objiciamus, tum facile o-
 nem turpitudinis notam elevari. Hinc Eccle-
 sia ingemuit, &: ô admirabilem, ait, & versati-
 m Adamum, quem Prætor cohibere potest, sa-
 cerdos cohibere non potest!

10. FIDES.

Chola Mathematica, quod ingeniosissimis
 adinventis quotidie inclaresceret, pro se ne-
 cio quos titulos, immunitates, & privilegia im-
 petrauerat: unde insolentior reddita, nunc se
 erram locomoturam, nunc Solem anteverfu-
 am, nunc omne cœli systema vitro representa-
 turam jactitabat, & populi admiratione, haud
 evi supercilio, perfruebatur. Discurrebant pas-
 sim Ephemerides, rerum cœlicarum internun-
 tiæ, & stellarum itinera, conventus, consulta-
 tiones, minasve recitabant, ut jam prope fue-
 rint Mathesi divini honores decreti. Nam quæ
 um cœlo commercium haberet, & ad Superum
 rcana admitteretur, quæ omnia metiretur, nu-
 neraret, ponderaret, inter mortalia inique cen-
 eri. At restiterunt acriter Moses, Josua, ac Eze-
 chias,

chias, obtinueruntq; , nisi Solem vel obtenebreretur, vel sisteret, vel retraheret, nūquam ultra humana ascendisse; sed Fidei robori longe postponendam esse.

II. GARTIANVS.

Alanus Gartianus Gallus, morum incompositorum censor acerrimus, cum duas propositiones temere effutisset, conjectus est in carcerem. Una erat: *Qui ditroit, que signeurie fi entreprise par la violence des plus forts sur les moindres, peu de merveilles seroit voir subvertir ou muer chose fondee sur si petit & inique commencement.* Altera: *Les seculiers par ausmon se sont descharges, pour monter vers Dieu en Esprit plus legerement, & le clerge en a pris si grand fais, et si grosse charge sur ses espaules, qu'il courbe tous vers la terre, et le destourbe à regarder aux ciens.* Cumque discutiendum esset negotium, à sacro simul & civili ordine; ille quidem primam veram, alteram hereticam asseruit: hic vero posteriorem veram, priorem seditiosam contendit: ita divisim animis contra utrumque statum durissima quæq; sunt pronunciata. Hæc cum animadverteret Alanus, non alios sibi in terris iudices exoptavit; ita tamen, ut à Religiosis ad Politicos, à Politicis vero ad Religiosos appellaret: Ita lis pendet, æternumque pendebit.

12. GE

12. GERYON.

Geryon, monstrum pugna; & multis Olympici certaminibus coronatum, optimum quemque magno supercilio provocaverat. Nec sane tutum erat, cum eo congredi, quod sex manibus pugnaret, tricorporeum. Caput unum Coniunctio dicebatur, cuius manus educatio & institutio, pedes, domus & officina erant. Caput alterum persuasio dictum, manus ratiocinationem & legem, pedes vero scholam, & forum habebat. Tertium caput, Vis insignitum, manibus servitute & furore, pedibus Aula, & castris conspiciebatur. His membris qui se opposeret, in universo Mundanorum exercitu repertus est nemo. Tandem Christianus comparuit, minus ad hanc pugnam spectabilis, qui ad Davidis templum, neglectis Sauli armis, Fidei, charitatis, patientiæ, pœnitentiæ, precumque selectis levibus filicibus, Gigantem aggreditur, unoque Fidei actu cum spectatorum admiratione prostrernit, atque exemplum memorabile Christiano gregi reliquit, ne se unquam vel immanibus mundi periculis prostrerni, & in lethales vitiorum carceres abduci patiatur.

13. IDEA MUNDI.

Mutus multis verbis Cæcum orabat, si quem forte vidisset cytharædum, artis peritum, demonstraret quod filio surdo, pro temporis sollimento adducere eum velleret. Cæcus haud ita dudum abs se conspectum Musicum sapebat; atque conquirendo puerum suum claudum offerebat.

rebat. Ita propere emissus puer, dum urbem per-
currit, in Cytharædum manibus mancum inci-
dit, persuadetque homini, ut Surdi voluptatibus
servire velit. Ita adductus Musicus, tacitis som-
nifur dum oblectat, cæco se probat, & muti applau-
su stimulat, claudus interea tripudiat, & edes qui
roto insolito gaudio perstrepunt. Id animad-
vertens homo fatuus, violenter irrumpit, ac ad-
mirabilem chorum intuitus lugubribus cachin-
nis colophonem addidit. Non latuit id Sapien-
tiam, quæ rei spectandæ accedens, cum magna
voluptate omnes fabulæ personas contemplare-
tur: En vobis, inquit, Mundi absurdi ineptique
verissimam Ideam!

14. INFELICITAS.

Cum Infelicitatis nomen multi & literis &
virtute celebres honorarent, & famam suam
omnem eidem gratam referrent, non tulit id æ-
quo animo Fortuna; sed stuporem hunc mor-
talibus exprobravit. At Petrus Abelærdus, vir
sui ævi maximus, suo & infinitorum nomine de
Infelicitatis felicitate solenni conventu decla-
mitavit, evicitque, ut concio omnis fateretur,
nihil citius hominē ac perfectius evehere, quam
adversam fortunam, qua jactitati homines, &
mundum & sese, ac Deum ipsum agnoscere inci-
perent, indeque ad veriora certioraq; elevati, in-
lubrica malignaque hæc inferiora imperium ar-
riperent. Assensere viri principes, viri Theologi,
Viri literati, viri fortes, quibus carceres, exitia,
injuriam, vulnera ad perennem gloriam servierunt.

Unde

Unde in his terris nihil eque monstrosum, quam homo perpetua felicitate faginatus; è contra quem varii casus exercuerint, omnibus rebus accommodatissimus est judicatus.

15. LABYRINTHVS.

A Junt hujus Mundi Labyrinthum miris ambagibus homines circumferre, ac plerumque post longam fatigationem iisdem cancellis redere. Cujus specimina quidam nobis nuper exhibuerunt. Simplex in Curiositatis caveam delatus, postea contemplationi junctus, cum jam omnia dijudicaret, paulo post vertigine correptus ægre & anhelans ad simplicitatis confessionem rediit. Indigus jussus laborare, direfcebat, ex quo insolescens cum sua prodigeret, ad indigentiã reversus est. Nescius disciplinæ admotus, rerumq; admiratione exceptus, jam omnẽ scientiam jactabat; sed temerariè omnibus involutus, post longos errores nescire se reperit. Servus liberatus factus, ac mox herus tyrannidẽ exercuit, quem excussus & sauciatus servitutem reperit. Hic animadvertens sagacior aliquis: Jam demum, inquit, liquet, quid illa labyrinthi hieroglyphica velint. *punctum, linea, figura, corpus, irregularitas, punctum.*

16. LIBELLVS.

Iber & libellus sibi obviabant. Ille, cujus erat insolentię, pusillum despiciens: unde & quomodo, inquit, immanis: Libellus sarcasmo irritatus: Ego tu inanis, respondit, quorsum? Ita mutuis aculeis stimulati, cum ille mole superbiret, hic ingenio

L 3.

confi-

confideret, facile ad injurias verba reciproca invenerunt. Doluit tamen libro, exprobrari tot authorum spolia, & impudentes descriptiones, ac plebeiam verborum, quod non nisi congestum acervum rerum quotidianarum referret, sine structuræ ullius artificio. Contra libellus audiebat extemporaneus & præcipitatus factus, qui, unico ceu fulgure, oculos perstringeret, ac mox evanesceret. Tandem re ad arbitros devoluta, cum pro utrisque laude multa adferrentur, id tandem improbatum, quod liber libellum temere irrisisset, cum rerum Historia, id dudum innotuerit, nihil ad movendos, informandosque homines, ac causam novam insinuandam aptius, convenientiusque esse minutis, sed ingeniosis, libellis.

17. M A G N E S.

In cordis Christiani fodinis repertus est magnes insolite speciei, qui cū Guilhelmo Gilberto Anglo exhibitus esset, homini magnetis cognitione & examine exactissimo, non satis admiraturam lapidis potuit. Nec enim ad ullam terræ plagam vergebat; sed sursum nitebatur, & quas cūq; fricasset acus, elevabat. Unde Gilberti suspicio, astri alicujus hanc esse sympathiam; sed cum Zenith ille unice respiceret, nec cœli motu moveretur, judicium suum omne suspendit. Jucundum erat videre, acus diversis & sejunctissimis locis, quas terigisset, erectas & tenui cuspide stare: quod cum vir quidam, divinarum rerum sagax indagator, esset intuitus: hic equidem amoris

ris

is Divini magnes est, qui attracta humana cor-
a erigit, neque ad ullam vel voluptatis, vel uti-
tatis partem respicere finit; sed uni charitatis
lenith Christo obvertit: unde diffusa inter se lo-
is, officiis, honoribus, bonisque pectora idem
amen sentiunt, & cœli recto appetitu conspirāt.

18. MICRO-KYRII.

Colebant eundem Patronū duo ejusdem me-
riti & conditionis amici, & benevolum uter-
que sibi pollicebatur. Alter quidem ipsum He-
rum observabat, consulebatque neglectis servis
ejus, ratus, ab hoc primo mobili inferiora omnia
rotari. Alter servos ambiebat, & munusculis si-
bi frequenter conciliabat, hoc medio universam
Patroni familiam sibi devinciens. Hinc accidit,
ut, quicquid annueret Patronus, ille statim im-
petraret, ac opportunitatem etiam captare pos-
set, dum alter in vitis servulis vix nummū unum
aut alterum extraheret. Doluit homini, tam pa-
rum utilem sibi Patroni gratiam, nec tamen, ani-
madvertit, servorum dolo omnes liberalitatis
tubulos averti, vel obturari itaque mali causam
inquirens, cum forte in hominem simplicem in-
cidisset, laternam manu gestantem, ac de his re-
bus colloquerentur. En tibi, inquit, ocularem
demonstrationem, quam eadem distantia hæc
lamina ferrea non nisi minutis puncturis lucem
transmittat, cornu vero pleno lumine resplen-
deat; tantum interest, quales inter te & Patro-
num habeas interpositos.

I 4

19. MO-

19. MONAS.

Monas nec sorte, nec sanguine, minus vero ingenio excellentior, Heri nimio favore omnib. rebus præficiebatur, adeo ut cerebrum, cor & os Patroni sui nō tantum vocari per adulationem gauderet; sed re vera id omnibus probaret. Nam, quæ pluribus debebantur, consulendi, dirigendi, dispensandi; officia, quodq; unius hominis nunquam esse poterat. id ille unus absolutis oraculis expediebat, simulq; redituum succū & medullam ad se pertrahebat. Jamq; magnitudine hero formidabilis, amicis fastu molestus, servis tyrannide intolerabilis factus, cum perenne fortunæ solum insidere & posteritati id stabilire sibi videretur, non animadvertit stolidus suis imperiis Patriæ fulcra erosa, quibus inopinato concidentibus, ipse præceptus dejectus, omnem futuri spem, & præsentis possessionem perfregit, præteriti vero delictis cruciatus, pro brevi fama, perpetuam tulit infamiam.

20. MONSTRA,

IN Hyberboreorum plagis insula haud ita pridem reperta est, quam suo nomine Anticyram vocant. Eam admirabiles incolas inhabitare ajunt & inter se dissimiles: quosdā enim linguas prælongas habere, cor nullū, quosdam cor absq; lingua, quosdam oculos acutos sine cerebro, & cæcos quosdam esse cerebroso, auritos videri alios sine naso, nasutos alios sine auribus, manus multorum non habere nervos; & quibus nervi,
carere

arere manibus: stomachum nonnullos implere
 bsque egestionem, & egerere alios absque re-
 detione: dormientes haud paucos ambulare, &
 igiles lectulis sepultos: & hos tamen inter se
 non incommode vivere, atque rem administrare
 publicam pacate ferunt, ut credendum nobis sit.
 es humanas non nostra monstrare; sed su-
 periori aliquo imperio regi, quod præscire divi-
 num, æmulari temerarium, sequi pium, evitare
 datum sit & pestilentissimum.

21. MULIEBRE ALPHABETVM.

Quidam Gynæcomastix, homo prophanus, ita
 muliebrem sexum contumeliosum Alpha-
 betum excogitaverat, quo *avidissimū animal,*
bestiale barathrum, concupiscentiam carnis, duel-
lum damnosum, astuantem astum, falsam fidem,
garrulū guitur, herinnum armatam, invidiosum
ignem, Kaos calumniarum, lepidam luem, men-
dacium monstrosū, naufragium. Vita, odit opifi-
cem, peccati austericem, quietis quassationem, re-
gnorum ruinam, sylvam superbia, truculentam
tyrannidem, Vanitatem Vanitatum, Xarxiā
Xerxis, Yroniam immodicam, Zelum Zeloypū,
 proclamaverat, hoc uno moderamine addito,
 quod non nisi pessimas feminas velit exagitaras.
 Id vero prudentioribus haud placuit, quod bo-
 narum mulierum tam variæ, tamque frequentes
 essent virtutes, quæ optimo merito malarum fa-
 cinora obtegerent; & hanc reverentiam Divinæ
 Matri debere, ne ob aliquarum vitia, ipsi sexui
 I J ulla

ulla infamia inuratur. Itaq; aliud Alphabetum est
 oppositum, qua bonæ fœminæ *Amabiles, benefi-
 ca, casta, devota, elegantes, fideles, grata, humiles,
 jucunda, lenes misericordes, negotiosa, obedientes,
 prudentes, quastuosa, reverentes, sapientes, tacita,
 vera Xenophila* & Zenobia sunt publico decreto,
 & bonorum omnium applausu pronunciatae.

22. N A S U S.

ERat, cui nasus insolita mensura excreverat:
 quo etsi perfectius olfaciebat, tamē deformi-
 tatem oderat. Dumq; medicinæ inquirendæ ob-
 errat, & amicos consulit, per multos exprobrato-
 res, & temerarios iudices, paucos admodum æ-
 quos & Physices peritos reperit: Hic nimia re-
 pletioni, ille curiosiori indagationi, alius vitioso
 humori, alius inflationi, & nescio quis incanta-
 tioni causam adscribebat; & latibula ac tenebras
 nasoni persuadebant. Sed nō deerant tamen qui
 gratularentur, quod innoxia illa, nec egra defor-
 mitate, & minus molesta turpitudine ad multa
 vitæ commoda esset admissus. Nam & nido-
 re & varia suaveolentia, supra reliquos affici
 posse, & impuriora facilius ejicere, deniq; quo-
 cunq; in loco risus materiam suppeditare. Tum
 ille, finite mihi nasum meum, quem vel ob id u-
 num diligo, quod amicorū & intimorum meorū
 ingenia lubrica, & infidelem fidē est odoratus.

23. N O M I N A.

Proximis Comitibus, quæ multæ erant, querelæ
 non auditæ sunt tantum, sed etiam reprobatae,
 & seve-

& severissimis edictis proscripti rei, tyrannis, simonia, ambitus, hypocrisis, barbaries, impunitas, otium, & cōsimiles mortaliū tortores: quibus magno strepitu & infamia expulsis, immane quantum populus ad perennis felicitatis spem sit erectus. Sed cum paulo post homines non mitius haberent, & sacra prophanaque tacitis insidiis affligerentur, neque constaret, quibus cuniculis hæc mala sese occultarent variè contra sese mentes distrahebantur. Nam qui rebus præerant, accusabant vulgus, veluti semper querulum nec unquam acquiescens: qui serviebant, suspicabantur, vel superesse aliquos expellendos, vel rediisse expulsos: nec tamen id exprobrare Reformatoribus suis audebant. Tandem sagacior aliquis: Nescitis interdictis illis, nomina proscripta esse, rebus jus civitatis neutiquam ablatum?

24. OBEDIENTIA.

Temporibus difficilissimis, cum passim homines contabescerent, & maximè impatientias exaresceret, una obedientia nitidiori cute, & fronte serenâ conspecta est. Id multi ad tuipe obsequium, vel illiberale servitium referentes, cujus beneficio illa victum sibi pararet: multis devoratis calumniis, se omnium approbatione purgavit. Est, inquit, unum mihi, quod nec capi, nec cogi, aut vinciri potest, Cor, Deo jam dudum traditum: reliqua servitutem hujus terræ

non effugiant. Nam ut pessimi imperent, & inepti doceant, & indigni opibus abundant, nec ego neque mortalium quisquam prohibebit: itaque pati eos, dum conscientiae non vim faciant, tum decet, tum maxime oportet. Non enim nostrum est aestimare, quos supra ceteros, & quibus de causis extollat rerum arbiter: illi summum rerum iudicium esto: nobis obsequij gloria relicta est.

25. OECONOMIA.

Agricola, homini rerum Oeconomicarum peritissimo, Sophista nescio quam barbarie, & sordes exprobrarat, quae omnes politiores offenderent. Ille, ut humanitatem suam probaret, bellum sophistae indixit, quo, suis & amicorum viribus collatis, uter hac luce dignior esset, constaret. Nec nunc, ad primum nuntium apparuerit Physica, Ethica, Astronomia, Geometria, tum Ceres & Bacchus, Pan item ac Diana, imo & Aesculapius ipse, magnis adductis ex quadrupedibus, volatilibus, natatilibus, reptilibusque copiis, quibus & suo, & totius felicissimae Antiquitatis nomine Agriculturae decus, incolumitatemque contra Sophisticas ineptias fartam rectamque voluerunt. Altera parte Sophista, cum diu anxie discurrisset, vix Grammaticam, Dialecticamque exoravit, liceret in regnis ipsorum non optimos fortissimosque milites conscribere, sed rejectamenta ex Anomalis, Heteroclitis, defectivis, & cornutis, fallacis contingentibus colligere, quos cum lustraret, & numero non

con-

contemnendo crederet, aciem instruere ausus,
nocturno viso Agricola exercitu; pudore ac invidia
percutus, suis desertis & proditis, turpiter dispa-
ruit.

26. PAPYRI-PERDA.

Cum ex Polygraphis quidam merita sua in
Rempublica impudentius jactitaret, non tulit id
Minerva, & cum risu unguaste papiers vocavit,
quasi papyri-perdam diceret. Id homini intole-
rabile visum cum de injuria, undique conquere-
retur, tandem obtinuit, ut Minerva audiret. Illa
ut cavilli sui testes haberet, Bibliopegos, Merca-
tores, & pharmacopolas convocavit, quasi vitq;
quanam maxime papyro res suas involuerent, &
qua mappas suas potissimum conficerent. Re-
sponsum est uno ore, unum polygraphum hoc
tempore omnes officinas occupare. Quasitus
Bibliopola, quo prae reliquis abundaret libro,
Polygraphi vasto volumine; Typographus etiā
cum gemitu, nimium se hujus pecoris divitem
fessus est; denique & ædium abscondita hunc
scriptorem agnoscebant. Hæc ut audivit, Judi-
ces accedens: Fateor equidem, me huius viri fa-
mam nunquam satis agnovisse, ut qui de omni
hominum genere optime meritus est; itaq; oro,
veniam meæ imprudentiæ det, ac ipse porro ta-
lia opera scribat, quæ si non Bibliothecis, certe
humanis usibus sint dedicata. Id unum metuo,
ne, dum infinitorum manibus teritur, tan-
dem absumatur, librisque suis.

vivat superstes.

I 7

27. PA-

27. *PATELINVS.*

Petrus Patelinus, impostorum antesignanus cum eodem prope momento tres diversissimos nec stolidi capitis decepisset, mox à simplicissimo quodam turpiter delusus est. Id cum plerique admirarentur, unus Patelinus, nihil absurdi nilque inusitati esse, asseruit. Dolis namque & fraudibus nihil æquè obstare, ac simplicitatem Veritatem, candorem, imò & stuporem, secus quàm magna pars hominum arbitretur. Id audiens Monarchia ingemuit. Nam cum olim invicta crederetur, tamen ruina sua probavit, nihil hic esse insuperabile. Itaque ad proximos cōversa: Non me vis, non industria, subegit, sed minutum ad speciem animalculum peccatum, quod me clanculum ita erodit, ut, cum maximè mihi valere viderer, planissimè corruerem. Exinde id cum ingenti dolore didici, nihil æquè Deo consuetum, quàm maxima & validissima nostri orbis, abjectissimis & neglectissimis rebus deicere.

28. *PIETAS*

Viderat Pietatem hypocrisis, illa tetrici vultus sanctula lætam & subridentem, tumque nimis doloribus veluti ablaram, aut extra se raptam arbitrata: Hem, inquit, misella, ridere etiam lubet, rebus undique afflictissimis? Tum Pietas: Atqui id meum, inquit, proprium est, semper in Domino gaudere. Et hypocrisis: Nonne enim crucem, te ferre decet, id est, dolores? Pietas

letas: Absit à me gloriari, nisi in Cruce Domini
 nostri, Jesu Christi. H. Et casus varios subire?
 Dominus dat, Dominus aufert: sit nomen Do-
 mini benedictum. H. Et inopia premi? P.
 labentes alimenta, & quibus regamur; his
 contenti sumus. H. Et convicia audire? P.
 Christus cum maledictis incesse-
 rit, non recessit. H. Et atroces injurias accipere? P. Mihi
 indictam; ego rependam: inquit Dominus.
 Et morbis cruciari? P. Justus es, Domine, &
 rectum judicium tuum. H. Ab amicis deferi?
 P. Pater & Mater dereliquerunt me: Dominus
 autem suscepit me. H. Et graviter tentari? P.
 Mira, Domine, misericordiae recorderis. Hæc
 audiens Hypocrisis erubuit, ac se subduxit:
 pietas verò hilari fronte, Deum sequi perre-
 git.

29. PSYCHE.

Psyche, invito patre Jovâ, Cupidinem mani-
 tum admiserat, ex eoque voluptatem pepere-
 rat; cumque prolem & indulgentius educaret,
 & flagitia alia committeret, Apollo rationis
 præses, apud patrem graviter accusavit, & ut
 causam dicere cogeretur, obtinuit. Tum Psyche
 timida Hypocrisin conduxit, quæ adhibitis falsa
 religione, & ficta disciplina causâ tueretur. At cū
 ea multis & fucis & involucris Psychē excusaret,
 tandem judicis jussu denudata turpis & purulenta
 apparuit. Hinc vinculis hac adjudicata, Psyche,
 misericordiæ intercessione salutē invenit; si quidē
 per Metaneæ humilē casulam ad lites perreptaret
 & divor-

& divortio cupidinis jurato, perpetuam castitatem calicæ sapientiæ addiceret. Fecit id Psyche doctore profigato Cupidine, abdicatâ voluptate, auditâ Meranzâ, exoratâ sapientiâ, quæ pessimæ quondam erant, in optima commutavit.

30. PUGILLARES.

Cum in forum venisset, qui Pugillares Venundantem exposuerat, multos emptores reperit: ij tamen cum sapientum examine Vitiosi deprehenderentur, mox prohibiti sunt & confiscati. Erant autem ita confecti, ut, quæ inscribebantur, non obliterari tantum possent; sed sponte evanescerent, nescio qua corrodeute specie infecta. Unde qui res sacras & divinas inscripserant, qui rationis & naturæ præcepta, qui optima vitæ consilia, & morum correctiones; cum opus erat repetere, planè ea amiserant. Hinc Deus, cælum, honestas, pudor hominibus subinde excidebat, & boni verique memoria, siue reminiscencia interibat subibatq; in locum incompota & temeraria vitæ tumultuatio, siue chaos. Tandem repertus est aliquis horum usus, scilicet si quis Mundi huius pollicitationes simul & iniurias iis inscribere velit, esse accommodatissimos: Sic enim res Christianorum ferre, ut res, spes, opes, fumos, dolos, bolosque huius terræ ex animo delere, ac æternum oblivisci expediat.

31. PVMEX.

Inter rerum humanarum institores, tempus etiam locum aliquem sibi petierat, cumque crederetur

eretur, res pretiosissimas expositurum, preter pur-
puras in praesens nihil pro stare voluit. Cumque
curiosis interrogaretur, quo singulari Reipub.
suemi deberentur; maximo respondit. Nam
is pumicibus fricandos levigandosque esse,
quotquot novitiorum asperitatem ad functio-
es suas afferrent; scilicet novos Theologos, qui
omnes haereses uno anno eradicare, omnes con-
scientias concatenare; Novos Politicos, qui o-
mnes mores corrigere, omnes consuetudines re-
formare; Novos Literatos, qui omnem barba-
riem expellere, omnem eruditionem absorbere;
Novos Maritos, qui omnem Oeconomiam per-
colare, omnem disciplinam rectificare; Novos
Artifices, qui omnem elegantiam introducere,
magnis minis & spiritibus aggrediantur, quos
omnes rerum tractatione fatigatos, & experien-
tiae pumicibus deterfos reddi posse ex asperrimis
& scabrosissimis maximè tractabiles.

32. QVAESTVS.

Liberalitas & Tenacitas cum aliquando sibi
occurrissent, illa quidem nitida, & corpulen-
ta, hæc sordida & lurida; atque se invicem salu-
assent. Liberalitas: Ecquando tu, inquit, fame
toreris? Ego fame? respondit Tenacitas, quæ
eluti, Midas ex omni, quod contingo, aurum
facio: tu vero quando tua concoxisti? Cum Ma-
re, inquit illa, siccabitur. Nam, ut Mare liberali-
tate sua omnem terram, humectat, & vicissim ab
ea undique gratiam recipit; ita liberalis ani-
mus dando, recipiendoque omnibus bonis suffi-
cit.

cit. Tu verò quod inuitis abradis, id agrè custo-
dis, ne repetant; ac ob id nec tuo corpusculo sa-
tisfacis, cum tibi ipsi plurima suffureris. Et Te-
nacitas: Quàm verò, inquit, absurdum est, colligendo pauperari, dispergendo ditescere? Nihil
absurdi homini Christiano, respondit Liberali-
tas; imò id maximè congruum, dando dantes
accipiendo accipientes provocare. Nam qui
hæc terrena ad tempus nobis commodata sunt
nihil est liberalius, quàm ea cum multorum usu
& voluptate commutare. Disces igitur posthac
in sumptu honesto faciendo quæstum consi-
stere.

33. RABULA.

Cum duobus potissimùm modis homines pe-
reant, *Abundantiâ Opum, & abundantia*
Sermonum; utrisque à malo genio præfectus est
Rabula. Nam quia Opum cura varias lites mo-
vet ac deposcit, non potuit speciosius ei subsidio
mitti, quàm streperum ac verbosum aliquod jus,
sub quo omnis iniquitas comprehenderetur.
Huic Rabula serviens, & omnes spiras, lubrici-
tatesque, edoctus hoc unum agit, ut linguæ vo-
lubilitate ac impudentia fœditatem rei obtegat:
interea tamen verba auro commutet. Ita Jus fit
injuria, Leges laquei, Sententia seductio: neque
quidquam est tam Christo adversum, quàm liti-
gii & loquacitatis infautum ministerium. Un-
de cum Rabula fortè præteriret, Vir veteris ævi,
infame nummi, linguæque mancipium conspi-
catus, palàm expuit, addiditque idiomate suo

Quis

quod multiplicat Verba, multiplicat mendacia:
 qui multiplicat mendacia, multiplicat furta: qui
 multiplicat furta, multiplicat condemnationem.
 quod audientes multi, Rabulam, velut certum
 conductum Satanæ organum, exosi sunt.

34. RATIO STATUS.

Um plurima subinde, præter communem vi-
 tam rationem, decernerentur, nec illa tuiò im-
 probari possent, multos admiratio subiit, cuius
 eodem consilio hæc talia essent instituta. Nec
 nimis credibile erat, usque adeò maiorum leges
 consuetudines nobis excidisse, ut in momen-
 tum prope nostra decreta mutare, transformare
 ne cæco quodam arbitrio velimus. Tandem
 notuit, aliunde advenisse novam regiminis
 formulam, quæ se *Rationem Status* dicitur: Ei
 prætere divina humanaque iura pro arbitrio in-
 gingere, dum eum, quem sibi servandum pro-
 posuerit, statum consolidet, nec pudori, iura-
 menti, aut, uno verbo, conscientiae quidquam
 rationis debere. Obstupuit ad hanc inviden-
 tiam licentiam populus, nec iam, quid agat, quò-
 placeat modo certus, ad horas singulas se, su-
 as, sua exposuit, nescius quàm æquè, inique ve-
 ratio status sit decretura. Et certè dies diem,
 consilium consilium, lex legem elidebat; cum
 divini iuris peritissimus quidam rationis huius
 rationalis interitum præfagiens: Confidite
 inquam, cives: nam hæc Cœlici status ratio
 est, omnes statuum impias, iniustasq;
 rationes cum horrore
 deiicere.

35. Re-

35. *REPRAESENTATIO.*

Comœdia, quæ patrum memoria Vitæ humanæ varia representatione animos populi eruditiverat, ac juventutem imprimis, morum decentiorum nitore, incompositorum deformitate, mirum in modum formaverat, quod hodie plerisque in locis abiecta forderet, graviter conqueſta eſt. Ei ſe oppoſuerant homines retrictos, quos ſui imago, velut baſilifcos, enecare poſſent, ſi videant dolos intimos, vultum ſimulatum, verba fucata in theatrum producta. Nam quæ ingeniorum ſagacitas ſit, & libertas, nunquam evidentius apparet, quàm ſi eorum mores liceat repræſentare, qui ſe credunt extra omnium hominum iudicia & examina poſitos. Auditis utrimque partibus, cum nec temperare linguæ ſua Comœdia, nec ferre hypocritæ libertatem poſſe viderentur. Comœdia quidem decoris, pudoris, ac Veri eſt admonita; his vero conſeſſum quotieſcunque tacitos conſcientiæ ſuæ morſus repræſentari animadvertent, aures oculosque obturare, fore licitum.

36. *RUSTICVS.*

Prometheum conſtat artis Chymicæ peritiſſimum eſſe. Is cum ludere aliquando veilet, Barbariæ maſſam ſumſit, addiditque crudelitatis & impietatis, ana tantundem: ingrati tudinis & impuritatis ana dimidium: denique calliditatis & ſuperbiæ ana, quantum ſatis; atque conſtatis in unum his ſpeciebus imaginem fudit, produxit

quod

in conspectum Deorum Quem ut Mercuri-
us est intuitus, robustum, & terræ patientem
lineamentis dijudicans: Hic, inquit, ad o-
mni nostrum nihil, nisi perpetuas turbas veli-
mus: sed in terras demittatur, ut corporis animi-
que robur inter sublunares concertationes exer-
cat. Obtinuit Mercurius, & abegit Rusticum:
qui cum jam demitteretur, Momus, Aut fal-
sitas, inquit, aut hic quadratus omnes mortalita-
tis leges, earumque ingeniosissimos admini-
stros, dolis & duriâ sua fatigabit,

37. SATYRA.

Atyram nescio quis malignus divinator Ma-
jestatis ream fecerat, quæ maledica libertate
instigiarerum humanarum tetigisset. Illa nul-
lus livoris conscia, & de judicum æquitate ac-
cudentia optimè sperans, haud timida compa-
ruit, & rerum humanarum accusationem cum
nullius boni injuria factam, liberè passa est. Sed
iudices haud ex opinione aut voto habuit. Nam
quod plerique mala committere, quam audire
malunt, & verborum, quam rerum major turpi-
tudo ac culpa habetur, durissima plerorumque ob-
urgatione est excepta, è quibus Princeps ordi-
nis Tiberius Cæsar necem, nisi posthac obticef-
ceret, est interminatus. At Augustus, itidem Cæ-
sar, ingenuæ libertatis amator, & correctionis,
etiam suæ, patiens, neutiquam Satyræ opprobri-
um rulit, attulitque in medium, optimos quos-
que ab omni ævo & virtutibus conspicuos cala-
morum libertati indulgisse, quod parū ab iis sibi
metuerent;

metuerent: pessimos è contrà & flagitiosos Sc.
ptorum ingenuitatem odisse, quòd eam vivere
vitam; quam omnibus futuris seculis extingui
& obliterari, è re famaue eorum foret.

38. SCIO THERICVM.

T Heophilus, quod nuper invenit, sciothe
cum horologium magna amicorum volun
te appendit. Erat autem huiusmodi: Religio ho
rizontem repræsentabat, Vita hominis Meridi
num, Christus Salvator æquatorem; centr
horologij corde votum erat, stilus Verbum De
nodus sacer Spiritus, umbra obsequium Christi
num. Declinabat autem ab integritate versu
peccatum; Unde linearum obliquitas. Horas
distinxerat, ut prima quidem Baptismum des
gnaret, secunda Fidem, & reliquæ consequent
Preces, Legem, Eucharistiam, Ministerium
Crucem, Charitatem, Exercitium, Revelatio
nem. Renunciationem, & Mortem. Porro Zo
diaci Providentiæ signa sua, non minus anno
tata erant. Nam Aries Creationem indicabat
Taurus Redemptionem, & quæ in ordine se
quuntur, Incarnationem, Passionem, Resurre
ctionem, Ascensionem, Judicium, Sanctificatio
nem, Ecclesiam, Remissionem, Reviviscentiam
atque Æternitatem, suo quodque loco, præfigu
rabant. Id Horologium cum Trinitatis Sol esse
intuitus, mira rerum cælicarum repræsentatio
ne fuit illustre, docuitque mortales, nihil esse
in rebus nostris perfectius, quàm superiora cum
inferioribus jungere, & veram cæli imaginem
corporis nostri tabella exprimere.

29. S E

39. SEIANVS.

Seianus, cum apud inferos audivisset, Con-
 chinum Conchini, Ancræ Marchionem,
 allia nuper Mareschalcum famosissimum, ad-
 entare, mediis in tormentis caput erexit, & far-
 ismo novum hospitem ac socium excepit. Mi-
 r Marchio cum non haberet, quod responde-
 ret, id unum subiecit, subsecuturos paulò post
 ios. Paucis inde diebus Leonoræ Galeaygæ,
 xoris Conchini, adventus nunciatur, cui Philip-
 a Catanensis Sicula, quæ quondam Neapolita-
 um regnum sub Johanne. I. turbaverat, obvi-
 m missa, cum excepisset sororem, infernali pom-
 a eam introduxit, & orbis aliis pestibus socia-
 it. Apparuit tum, multa viris imputari, quæ re-
 era fæminis debentur: Fortunam enim sum-
 nam haud rarò pudendam habere originem, ne-
 ndam sedem, & turpissimum regimen; quæ
 uia lucem non ferunt, Virorum larvis incrusta-
 : hinc maximas terræ commotiones ob puden-
 i ortas, gloriosissimis trophæis, & fucatissimis
 iscriptionibus ornari. Ingemuit tum Ancrius,
 ; O nos miseros, inquit, qui per infamem janu-
 n ad lethales, & pœnitendos honores sumus
 imissi!

40. SIGNATI.

Um boni maliq; nullo vultus discrimine, ef-
 sent intermixti, visum est huius orbis Princi-
 bus sive verius Tyrannis, nota aliqua sive
 caractere suos distinguere. Et Satan quidem
 yoris suis literam S. fronti inscripsit, per-
 suasitque

suasque Sapienciam significare. Mundus clicen-
tibus suis M. impressit, & Magnificentiam deno-
tare docuit. Caro verò C. inussit, veluti Charita-
tis indicium. Hoc facto, mirè cristas erigebant,
quibuscunque hoc veluti excellentiæ humana
testimonium contigisset, & inter se de præemi-
nentia dimicabant: Christianorum verò gregē,
quod nullius sublimitatis nota insignitus esset,
habebant despiciatui. At Christianus quispiam,
cui Crucis figura impressa, cum signatorum tres
fortè obvios habuisset: Vah stolidos, inq̃t, quos
non pudet Superbiæ, Mendacii, & Crapulæ insi-
gnia in fronte gerere! Id ubi animadverterunt
illi suas literas aliter, quàm fuissent persuasi, ac-
cipi, & infamiæ potius, quàm honoris, signa cre-
di, promissa coma in posterum stigmata obte-
gerunt.

41. SIMONIA.

Iam diu Simonia est Ecclesia sub gravi pœna
interdictum. Illa dum exulat, nescio quo atro
spiritu consulente, habitum mutat, & alia facie,
moribusque aliis se sacris immiscet, atque eo se
moderatur artificio, ut brevi ad rerum guber-
nacula ascenderit. Non licebat palàm mercari
sacerdotia: sed, si quis benignus sub alio titulo es-
se volebat, non eiciebatur. Gratulationes, stre-
næ, salutes & alia amoris officia perplacebant, &
memorem Patronum spondebant. Id cum forte
Antiquæ fidei homo examinaret, Simonia sibi me-
tuens, ignem contra novam hæresin poposcit, &
vindicias undiq; conclamavit. Has Satanæ insi-
dias in herba extinguendas, non ferendum Ec-
clesia

est opprobrium, non tolerandas illas pesti-
lentes exprobrationes. Quod ut audivit ho-
mo integer, & nullius hæreseos vel conscius vel
suspectus: Itane, inquit, etiam sacri homines
contumeliantur? quis enim unquam audivit, esse
hæresin, si omnibus Fidei articulis salvis, una
errorum arcana nundinatio improbetur? at sa-
ne si ita velit Simonia, fateor me hæreti-
cum.

42. S I N E.

Respublica cum multos videret officiis suis
imparum decorè, parumque dextrè defungi,
monem inijt, qui meliores minus appositis
constitueret. Dumque singulorum acta exa-
minat, videt unam particulam *sine*, haud pau-
ca maculare. Notavit enim Sacerdotes sine
purificatione, Patronos sine charitate, Judices si-
ne experitiâ, literatos sine judicio, laboriosos sine
moderatione, opulentos sine conscientia, & confi-
des alios, quibus una vocula nocuit. Itaque
verba aliquam multas conscripsit, quibus ijs
conformitatem exprobraret; e quibus hæ pauca
transcriptæ sunt: Imperator sine justitiâ,
(nequebat) est fluvius sine aquâ: doctus sine ope-
re est nubes sine aquâ: dives sine liberalitate,
arbor sine fructu: juvenis sine pœnitentia,
domus sine recto: Mulier sine verecundiâ,
cibus sine sale: Logicus sine scientiâ, est ca-
vus sine atramento: Christianus sine patien-
tia,

K

tia,

riâ, est equus sine freno : cognitio sine praxi, et
 fumus sine incenso : donum sine silentio, et
 thesaurus sine custodiâ : conatus sine viribus
 est volatus sine pennis : ingenium sine patrono
 est terra sine rore : propositum sine constantia
 est rota sine pondere.

43. S V R D A S T E R.

N O N nova res est, cum fictis hostibus decen-
 tare, idq; maximè animadversum, in severo
 quodam hominum censore, qui, quòd surdaster
 esset, nec nisi ex nutibus dijudicaret, quoscunq;
 apud se concepit hominum errores, eos acriter
 castigavit. Unde factum, ut pietatem subinde
 hæreseos, probitatem seditionis, eruditionem
 barbariei accusaret, & figmentis suis impoten-
 ter irasceretur : si quis abusus rerum reprehenderet,
 ille res omnes tolli ; si quis graduum per-
 facilem & indiscretam distributionem ridere
 ille chaos introduci ; si quis titulorum prolixitatem
 perstringeret, ille vertiginis spiritum oleum
 inclamabat. Itapassim molestus disputator,
 larvarum impugnator, cum in solidum aliquando
 incidisset, & rem nunquam vel dictam, vel
 cogitatam, vel creditam ei exprobrasset: creditum
 le est, inquit, hunc semper vincere, qui,
 non nisi absurdissimos, sibi hostes
 fingit.

44. TAVLERVS.

O. Taulerus cum rarissimè in publicum prodiret, ac domi se semper quasi contineret, tamen vix ullius rei, quæ foris contigisset, ignarus expertus est. Quod curiosis occasionem dedit, ut inquirerent, haberétne exploratores, an vi magicâ rerum omnium notitiam acquireret. Alma enim spargebatur, possidere illum domi neculum, in quo omnia Mundi acta liceret inheri. Id ubi Taulero, viro sanctissimo, innotuit, noluit simplicioribus imponi, & mysteriû omne interioris hominis explicavit, quam ille intra se rediens, & exterioribus renuntians, omnium artium, actionumque origines, semina &ernas possideat, & in quietis sacræ centro omnia contempletur, denique vastissimum animæ amplexu theatrum reperiatur, cui, si sacer spiritus incurrit, nihil in hoc universo æquiparari possit. Quod ubi in vulgus est sparsum, paucos aliquos ex Mundi turbinibus ad beatum sabbatum collegit, quàm plurimis verò streperis & inquietis fuit ludibrio.

45. TESTAMENTVM.

¶ Homo quidam opulentus cum mortem propinquam haberet, testamentû condidit, quo familiaribus omnibus suis voluit consultum. Ac primum omnium conscientiæ, concionato-
suo privato, legavit argenti signati
K 2 sum-

summam, eiusque duplum pedibus servis, sum huius duplum manibus artificibus, acuplum eius memoriae praeptori; tum porro duplum succu villico, & sic consequenter gulae, rasito, verendis concubinae, stomacho oecomo, affectibus cognatis, sensibus amicis, utac ad filium cerebrum, cuius duplum cor viduaciperet. Hac ratione sedecies mille, ter cratum octoginta quatuor floreni divisi sunt quibus exiguum sanè conscientiae cessit, & tot laboribus in defunctum impensis minime comparandum. At conscientia alacri vultuscepit, gratiasque ingentes egit. Ob id irrisa stuporis accusata: Nescitis, inquam, Mundi tutis cautum esse, ne quis de suo supra Deo legare auit?

46. VESTIS.

Peregrinus dum terras obiret, interdum sumptuosissimè, interdum frugaliter vestiebat. Hoc autem animadverterat, quoties pretiosae veste compareret, omnibus esse observationibus omnibus voluptati, nec unquam quæri, quibus meritis aut virtutibus hunc splendorem passus set: Contrà vestem neglectiorem, omnibus neglectum & invisum reddere, nec unquam manifestas animi dotes in vili involucro amari. Reversus in patriam, cum crederet nihil opus esse ad amorem conciliandum fuisse abiectis phaleris, nudum se veluti, propinquis

ais exhibuit. At illi non minus, quàm exteri, corporis cultum desiderantes, non prius honorarunt hominem, quàm fortunæ lacinijs iterum amictum intuerentur: cumque iterum ornatus amicos circumcirca officiosos omnes contempleretur, depositâ in medium veste: Apage mihi, inquit, eos amicos, qui vestem pro viro æstiment.

47. VIA.

VIA, qua ad veræ Beatitudinis sedes itur, planè admirabilis est. Nam quibusdam properantibus longa videtur, & fatigationis plena; quibusdam cunctantibus brevissima, & cum spirituali voluptate. Nec etiam in eâ, qui jugiter ambulant, semper promovent; sed remotiores se nonnunquam post longum iter experiuntur: alij interim sedendo, quiescendoque appropinquant, & quod mireris, nonnulli turbinum impetu velut inviti in salutis portum eijciuntur. Unde nondum repertus est quisquam, qui Itinerarium omnibus conveniens delineare fuerit ausus. Id aiunt fieri superbiæ dolo, quæ etiam sanctis & religiosis conatibus se insinuet, & deceptos viatores vanâ beatitudinis imagine deducat; revera autem multis milliaribus retroducat, nec prius prodatur, quàm Christiano nihilo, unico oculorum collyrio, visus noster corrigatur. E contra quos pœnitentiæ sacre nebula obtegunt, & à perniciosis obiectis immunes servant,

vanr ijs per facile est, patiendopotius, quàm an-
gendo; quiescendo, quàm currendo; imitando
quàm legendo ad perfectæ libertatis portam ap-
pellere.

48. W O L F I V S.

I Nter alios Regni Antichristiani turbatores, o-
mnium gravissimè Joh. Wolfius J.C. per du-
lionis accusatus est, quòd seditiosorum integro
exercitum conscripsisset, & quindecim turmas
in Status perniciem eduxisset. Itaque pretium
capiticius vel vivo vel mortuo, *tria millia* coro-
natorum impositum. Id amicos habuit solici-
tos, quòd auro Romano omnia essent venalia.
Ille velò suaviter risit: Aliæ sunt, dicens, Anti-
Christi minæ, alia opera. Dum iniquitatis My-
sterium viguit, hi mei fortissimi milites partim
musitabant, partim capitis periculo proloque-
bantur: at detecta hodie Excommunicationis
larvâ, accisisque imposturæ viribus, exclama-
re, quod cogitare olim non tutum; & asserere,
de quo dubitare haud integrum; tandem
aggredi, quod optare minus fuit securum. Ita-
que laudandos eos omni modo, & exercitandos
censeo, qui seculorum suorum errores animas
vertunt, ut audacter Veritatem testentur; quæ
si maximè ad tempus invisa & ingrata habetur
mitigatis temporibus & sublato Tyrannidis ji-
go, liberam confessionis arcem, cum sin-
gulorum conferentium debito ho-
nore constituat.

49. X R I S T I

49. X Y S T V S.

Ystus, in quo Athletæ Christiani hac Mundi hyeme exercentur, varia colluctationum spectacula exhibet. Hic enim congregiuntur religio cum Atheismo, regimen cum tyrannide, eruditio cum barbarie, integritas cum hypocrisis, ratio cum opinione, spiritus cum carne: ubi nonnunquam & variâ victoriâ. Achis quidem diebus, castitas cum libidine, parsimonia cum prodigalitate, vigilantia cum socordia acriter concertarunt, visaque sunt vitia prope modum superiora, nisi supernus favor subinde oxas vires inspirasset. Ea quippe Dei in virtutes inclinatio est, ut validissimis etiam vitijs, & cum omnia deiicientibus haud rarò virtutes impetecilles opponat, quarum arcano & invisibili obore, invicta ad speciem monstra perdomentur. Ita tyrannos vicit patientia, hæreses simplicitas, gigantes humilitas, scilicet Leonem Galus. Lupum canis, hircum ovis, equum asinus, ut discamus, terram quidem mali contra bonum, cælum verò boni contra malum fuisse, esse, ac perpetuum fore favorabile.

50. ZIZANIA.

AGER terræ nostræ maximis simul sumptibus & laboribus cultus, non respondit hoc anno expectationi. Nam Zizaniæ passim is fuit proventus, ut fruges prope omnes suffocarit. Ea verò non uniusmodi reperta est: sed pro cuiusq; se-
 K 4 menti

200 APOLOG. MANIP. IV.

menti naturâ transformata. Nam qui opes seminabant, cuitas in agellis suis videbant; qui voluptates, dolores; qui famam, ludibrium; qui scientias, confusionem; qui favorem, labores; qui potentiam, metum; qui spes maximas, elusionem; qui tyrannidem, ruinam; qui hypocrisin, denudationem; qui imposturas, flagella: atque ita sexcentæ aliæ species vanitatis laboratores frustabant. Paucissimi supererant, quibus hæc Metamorphosis felicior contigit. Qui enim Simplicitem seminabant, sapientiam collegerunt; qui paupertatem, saturitatem; qui lacrimas, solatia; qui charitatem, retributionem; qui crucem, gloriam. Actum palam innotuit his nostris agris nullum aliud semen, quàm Mundo spretum adversumq; competere.

META-

[METAMORPHOSIS.

GRATIAS ago immortales Deo meo, qui me Hominem nasci voluit, & ab hominibus educari, & erudiri per homines. Nec enim minor ulla est *genitura*, quam eorum, quos clementi propagatione benedictio Divina exci-
pit, & fovendos omni tempore obiectum cum
maioribus fœdus suscipit. Nec exactior
educatio, quam quæ assiduis precibus & vir-
tutum exemplo fit, ac prudenti sedulitate adhi-
bitur. Nec perfectior est *institutio*, quam quæ,
clementis ferini impetus scopulis, veritatis ratio-
nis, & bonitatis exercitio instillatur simul, ac im-
munitur. Nam cum ita plerunque terra ferat,
infami traduce prodeamus, indulgēti perversi-
tate excreamus, & pestilentissimis concepti-
vitiis imbuamur, indeque amissa humani vultus
elegantia, in varias bestiarum larvas transmi-
nemus, nihil æquè deplorandum nobis est,
quam tor bonorum, cuius una facies humana
repax est, neglectus atque jactura. Sic enim
ipsa clamat, & optimus quisque mortalium
confitetur, Deum non tantum à nobis negligi, qui
proliora pretiosissimis inepto judicio præfera-
mus; sed expelli, qui affectatâ temeritatis pro-
fusione, quidquid hîc turbidum, miserum, la-

K s bono-

honorosumque nostris humeris imponamus: Ut
de nisi nos iterum Deus nobis violenter eripiat
esseque ipsum, tot vanitatum loco, admiranda
sine medijs intrudat, pessimo & infelicissimo loco
inter perpetuos Mundi cruciatus relinquit.

Et si verò Divina in me beneficia planè in-
gentia fuere, non tamen ita deleverunt irrationa-
bilitatis omnem apud me sensum affectum-
que; quin derelictâ humana origine, cura & di-
ciplina ad inhumanitatis conversationem, in-
infausta curiositate contulerim, & labyrinthum
commisti seminis minorum intricarum.
Scilicet in rebus humanis nihil adeò est arctè se-
ptum custoditumque nihil tam firmiter persua-
sum, quin domita carnis luxuries effringat, &
nescio cuius felicitatis imaginaria spe, præsentia
bona, ita dedignetur, ut, quæ maximè optata esse
debent, vilescant; quæ fugienda maximè
omni nisu & periculosis ausis appetantur.

Ita ego, repertâ alicubi rimâ, me perfectissi-
mâ custodiâ eicio, & stolidâ libertate, in terram
omnium inauspicatissimam excurro, *Thessalia*
am, quæ veneficijs & incantationibus infami-
mis, vel hoc nomine placuerat, quod displice-
ret bonis. Sic enim nosmet paulatim perdimus
cùm primum vitamus bona consilia, postea odia-
mus, denique oppugnâmus, & adversa fronte
dissensum palam jactitamus. *Thessalia* certe
saluberrimis monitis mihi olim culpata, cùm
spem

pem fecisset omnium transmutationum, non
implius accusatorem apud me habuit, nisi hoc
os meum hostem. Jam meâ imaginatione
quila sublimis evehebar; nunc delphinus pro-
funda maris perscrutabar: nunc leo omnibus
bestijs imperabam, nunc Salamandra in medio
igne deliciabar, & sexcentis alijs somnijs alio-
rum supersticiosos carceres irridebam. At cum
a servitute & disciplinam incantatorum me-
am dedissem, utut speciosæ promissiones non-
nihil sustinerent, longè alia tamen fors mea re-
verta est. Nec enim licebat, in quam ego vel-
lem, formam transire: sed Magistrorum erat,
discernere aliquam, in qua durissimos labores
perferrem. Nam qui se Mundo concedit,
landissimis licet verbis invitatus, jam sui juris
posthac non est: sed libertatem omnem atque
arbitrium vendidit. Interim quidquid impone-
retur, prima supremæ quondam felicitatis palæ-
stra dicebatur, paulò post cum longè splendi-
dioribus commutanda, considerem directori-
bus meis, quorum favor nihil in sublime, & su-
pra reliquorum conditionem polliceretur.

Prima igitur facies, sive verius larva, quæ mi-
hi imponebatur *Simia* erat, ridiculæ bestię, sub
qua cogebar, quidquid obiectum videbatur aut
prescriptum, imitandum, credendum, sciendū,
agendum erat alieno exēplo, nec turpis ulla ge-
sticulatio, aut salt⁹ periculosus absq; mea repræ-
sentatione præteribat. Jubebar emulari, quidquid
ab cælo se movebat, quod minus dextrâ a me
K 6 expref-

expressum, plagas inevitabiles minabatur. Nec ullum fatigationis, & tentaminum apparebat præmium, quam ficta adulatio, qua Naturæ Æmulum me ineptissimus quisque ementiebatur. Et persuaseram equidem mihi habere artus ad omnes motiones, agiles, credideramque vel universi huius machinam exprimere posse, cum me identidem manuum industria, capitisque sagacitas destituit. Heu mihi cum apud me repeto ingentis Bibliothecæ possessionem, quam ego infano labore versabam, absque nullius literulæ intellectu, & literas ipse depingebam, quas ne mente quidem poteram exprimere! Ita omnibus spectatoribus voluptati, mihi oneri ipse eram, nec nisi aliorum irritu spectabilis: tædebat jam dudum molestæ conditionis; at, quia vox humana aberat, non licebat, nisi cum dentium stridore & amarissimâ indignatione, vultum priorem repetere, cuius loco mox durissima verbera sequebantur, usque dum illis meis tortoribus visum, mutare, non auferre miseriam. Nam dum mihi vel in hominem reditus, vel nobilioris alicuius animalis libertas spem facit, ego, ô scelus! in lurulentissimum *Porcum* transinigo, nullius equidem vel tolerabilis conditionis capacem. Hic turpissimâ voluptate unice occupabar, ventris, inguinisque mancipium, & fœditatum omnium receptaculum. Quidquid orbis insani habet, in voluptatibus sentinâ confluit, nec ullus tam est gravis fœdator, quem voluptuarius non redoleat. Haurire,

vora-

orare, stertere, exonerari, furere inter flores
int, præ alijs inquinamentis, quæ caput & inte-
rum corpus opplent. O vos beatos, quicunque
illi nihil estis experti, & illibatum candorem
ervastis! O ter beatos, quibus macula nulla
uius luti est aspersa! Nam ea est fœtoris perti-
acia, ut intimam conscientiam penetret, &
erpetuâ purulentiâ, graveolentiâque hospitis
ui nares feriat. Væ mihi! qui incantatoribus
neis credidi, quibus resistere post primum pa-
tum jam integrum non fuit; quorum carmini-
us abreptus nisi grunnire & saginari non de-
uit; quos increpare & detestari per rostrum
non licuit. Ita alia vitæ pars inter fimeta perdi-
a, cum jam præter mortem nihil appetere, ipse
ue mihi invisus quam maximè essem, haud
erte veneficorum commiseratione, sed varia-
ionis libidine setas exuere, ac *Lupum* paulò li-
eralius animal, induere iussus sum. Quæritis,
uod tum mihi exercitium fuerit? rapere. Nam
upina hæc forma hoc unice exigebat, ut terre-
is inhiarem, alienis insidiarer, prædas agerem,
& inutili rerum copia antrum meum adimple-
em. Nec ea res vel labore caruit, vel periculo.
Nam & difficilis est terra deprædatoribus suis,
& haud rarò se opponit, ut vita ipsa sit pericli-
anda. Quot divagationes, vigilias, insidias, ea
mihi imposuerit & canum persecutiones, inuti-
e est referre; id tantum fateri libeat, omnia in-
ia spem & imaginationē accidisse. Qui enim e-
quum integrum animo devoraveram, vix ca-

K 7

pellam

pellam impetrabam; & qui penarium adimplere faterer, vix in unum alterumve diem finem expugnabam. Usque adeò nihil est, quod sudoribus, concupiscentijsque nostris respondeat, quam primum cum ijs negotiamur, quorum ars una est atque certa decipere. Quot vanæ lactationes, tot turpes elusiones: quot blandæ oblationes, tot acerbæ reiectiones: quot largæ promissiones, tot sordida salaria: neque tamen hanc inanitatem vicissitudinem, ullum tempus, morare terminat. Interim contra fas, æquumque multa fiunt, & de corio imbecillior luditur: quod etiam quisque est ferocior, eò conscientia vis maior fit, & conculcatio. Nisi enim iniquè agas, & virtutum obliviscaris, haud unquam prædas agēs; cuius tanta est necessitas, ut DEI, naturæque reverentiâ facile excidat, quam primum accumulandis rebus nostris animum appellimus: ac tum lupo non sunt tot dentes, quot avaro instrumenta rapinæ; mendacia scilicet, doli, simulationes, adulationes, servitia, & sexcenta alia, quæ vel enumerare molestum fiet. Inter illas meas ululationes & lanienas, alia ætas deperditur, nec ea est animi mei voluptas, quam appetieram. Præterquam enim, quod offensorum vindiciæ extimescendæ perpetuum erant, id sanè, quod adquirebatur, tanti non erat, nec eius saporis, qui ante maleficiū linguam nostram imaginaria voluptate perfundebat. Quis credimus, huius vel alterius rei possessione beatos nos fore, cum impetravimus, ringimur, ut

antè;

ntē ; nec minus tamen ad novam spem , cona-
umque accingimur. Liberatus tamen sum vel
andem, ab hac insatiabili molestia, siquidem li-
berari est, in *Asinum* transmutari. Hæc mea
quarta forma impostorum meorum malignita-
te : vah quam honorifica, quam jucunditatis
plena ! Sic tamen datur, quisquis ob humanam
conversacionem nauscat. Sapite meo exemplo,
quicunque temeraria curiositate titillamini.
Præstat enim, Mundum nunquā vidisse, quam
cum tanto dedecore. De me sic habete. Caput
tot rerum confusione hebetatum fuit, lingua ex
multiplici gustu insipiens, vox ingrato ruditū
rauca, tergum verberibus occaluit, pedes labo-
ribus tremuere, corpus universum stupuit.
O Munde nequam, quam durus es servis tuis,
quos olim blandē invitasti, fovisti, atque am-
plexus es, eos post diros servitij annos cogis,
conculcas, abijcis ! Credendum est, ferendum,
laborandum, habendum, delirandum tuo planē
nutu & imperio, & tolerandi, quoscunque asinis
tuis stimulatōres decreveris Pungit iniquus he-
tus, impius sacrificulus, injustus legirupa, ine-
prus literator, inhumanus cerdo, importuna
mulier ; nec recalcitrare licet nisi præsentissimis
flagellis. Hæcine est voluptuaria mea liber-
tas, quam in Thessalia quæsi, ob quam
divini hortuli septum effregi ? hæc illa æ-
theris magnique Oceani pervagatio, & Na-
turæ universæ perscrutatio, quam nescio

quod

quod vanitatis somnium persuaferat? Sed benè habet, posteaquam id satis exploratum, nihil tam esse immane, quod à Mundo non sit expectandum. Me fanè sub asini formâ hæresibus, exactionibus, opinionibus, tentaminibus, alijsque vitæ sarcinis adedò oneravit, exercuitque, ut recordatione, eorum exhorrescam, & in tuto etiam flagra metuam. Hoc quippe nobis illa Mundi familia relinquit, ut licet restituta D E O, vibices tamen & callos retineamus, tum palleamus, trepidemus, ac veluti insomnijs veteris jugi terrefiamus. Ego, tantum abest, asinum quondam meum dissimulem, ut Arcadiam jam prope patriam meam agnoscam. Unde tot mihi quotidie nascuntur conterranei, una hac distinctione dispescendi, quòd alij homines, se asinos agnoscunt, tolerabiles utique; alij asini, se homines jactitant, omnium bestiarum maximè intractabiles. Sed ut ad me redeam, cuius errores, multorum directioni servire velim, non habeo, quod dicam, Simiam, an Suem, an Lupum, vel denique Asinum esse præster: usque adedò inauspicata sunt omnia, quæ, loco Christianæ libertatis, coëmuntur. Nam & sciendi est insignis vanitas, & luxuriandi infamis turpitude, & habendi miserum desiderium, & ferendi durum jugum; quæ tamen permultos ita detinent, ut suaviter sibi vivere videantur. Ceterum cum me D E U S liberatum vellet, submi-

Et Si m-

Simplicium, hominem unâ rerum omnium
 proiectione, sive renunciatione opulentissi-
 mum. Is abductum me, sive verius ereptum,
 transmutandi miro & aliquando prolixius ex-
 plicando modo, non ausim dicere, qualem me
 fecerit; sperarim tamen, homini propiorem.
 Nam si hominis est, Divino potius verbo,
 quam literariâ loquacitate, augisq; tam ab-
 onis, & contrarijs delectari; si regni cœle-
 stis peritiâ, quam orbis huius actionibus eru-
 tum esse præstat: Si hominis est, in Deo po-
 tius, quam ullis carnis nostræ desiderijs deli-
 tari, & gustare æternitatis fructus, quam tem-
 poris huius tribulos præstat: Si hominis est,
 bundare thesauris divinis potius, quam Mun-
 dum universum possidere; & cum Christo ege-
 re, quam sub Mammone saginari præstat: Si
 hominis est, jugum Christi potius suscipere,
 quam tyrannide Antichristi mancipari; & mer-
 edem Christi, quam ingratitude Mundi
 experiri præstat: certè quicunque ad hanc
 iam, vitæque verioris semitam redeunt, hoc
 oso humanitatem contestantur; cuius si mi-
 ora sunt & pauciora, quam decebat, experi-
 menta, nos hominis nobilitatem inde dimeti-
 mur, cuius ea est etiamnum excellentia, ut
 exigua humanitatis dosis supra bestia-
 um, brutorumve sortem, possessorem su-
 m extollat. Nam ut Tiberij Cæsaris ævo

summæ

summæ pietatis fuit, impium non esse : ita hoc
barbaro seculo, quò quisque à pecudum natura
remotior, eò convenientius inter homines nu-
meratur.

Cæterum quod uni paucisvè efferum ingen-
um subegit, & rationabiliori vitæ reddidit, in
Christiano debito quàm plurimis servire, & in
consideratis juventutis appetitibus succurren-
debet. Nempe ut qui maris tempestates, & in
finita alia incommoda est expertus, libenter na-
vigaturientium pruriginem coercescit ; ita qui
literas fluctuantes, voluptates impetuosas, ope-
furentes, & functiones Mundi violentas sat
diuturna molestia pertractavit, nihil in ore fre-
quentius, quàm *procul hinc, ab procul omnes*
inexpertis! habet, & aurea illa imaginationum
flamina dissecat. Id quod, si pari felicitate exci-
peretur, qua inculcatur, dubium non est, plus
veri, minus ficti ; plus solidi, minus vacui ; plus
firmi, minus nutantis ; plus certi, minus dubij
inter humanas meditationes, actionesque re-
pertum iri.

Itaque inter alios rerum nostrarum inelama-
tores, pios juxta ac disertos, & ego quoque om-
nium extremus ausus sum progredi ; sed, quod
delicatae huius ætatis aures veram libertatem
liberamque veritatem minus benignè ferunt, et
forma, quæ omnibus, vel iniquissimis, possit esse

tole

interabilis. Nam si molestum est, seria ferre, hinc
berales joci sunt: si singulares personæ expro-
nationes non ferunt, hinc mera, ut vocant, ab-
tracta sunt; si vivis non licet obloqui, mortui
icertè non irascuntur; si proluxa objurgatio
edium adfert, hinc momentaneo transitu icon-
ilæ virtutum, vitiorumque prætereunt. De-
ique, nisi manifestè lividus, non audebit tan-
im rerum varietatem, & totæ aquas multorum
busuum accusationes, uno præiudicio omnes,
ondemnare. Si aliqua placeant, liceat aliqua
isplicere: si placeant multa, pauca dolerentur:
multa displiceant, aliqua pauca habeantur pro
noxijis. Quid enim in hominum turba aliud
ppetimus, quàm è diversis ingenijs & à nobis
ciam a versis voluptatem capere? nostrum ve-
d ex omnibus, quæ videntur nobis convenire,
ormare, ut homo in Mûdo versatus, sit velut ex
aultis hominib. unus cõpositus? Unde spes mihi
aud dubia animum infedit, siquidem pro or-
is uniuersi quantulacunque imagine, non ve-
d singularis alicuius agelli pictura hæc mea ad-
nittatur nihil fore amplius, quod scrupulosa in-
genia exercere, ambitiosa irritare, impatientia
atigare, literata provocare possit. Nam ut
omnes, prope ordines suam habent apud De-
um laudem, ac custodiam, suum inter ho-
mines usum atq; decus; ita omnes nescio qua
carie infestantur, quam medicare vel detergere,

nemini

nemini vitio est vertendum. Sunt tam-
 caperati aliqui, nescio an conscientiae mo-
 fibus inquieti, an invidiae stimulis agit-
 ti, qui omne genus libertatis in universum
 damnant, & arreptâ hinc inde voculâ su-
 livore & odio interpretatâ, potentiorum
 aures circumsonant, horumque viribus ve-
 ritati innocentissimae vincula iniiciunt. Eg-
 certè ut bonorum observantiam ex animi
 restor; ut malorum tolerantiam profiteor
 neque unquam mihi in hominem ullum ju-
 dicium sumo; sed quod res litera-
 ria ingenuos lusus admittit & orbi
 terrarum plenus est ijs rebus, quae vel rideri
 honestè, vel improbari jure possunt; ita mi-
 hi ad paucas admodum pagellas indulgi, u-
 pra reliquis meum illud internum tot aberra-
 tionum receptaculum exprimerem; dein
 palliatos aliquos sive involutos explicarem,
 simul & multarum persuasionum inanitates
 retegerem; denique omni conatu simplici-
 rum animos à rerum vanissimarum curiosi-
 appetitu, atque imperitâ admiratione pra-
 munirem. Id si apud nonnullos verioris in-
 genij & nobilioris animi Candidatos impe-
 travero, gratias equidem agam Deo, cuius
 manu per orbis huius ambages circumdu-
 ctus, ac ad pristinae custodiae claustra redu-
 ctus sum, minimè dubius parentum Chri-

stianam

ianam propagationem, devotam discipli-
nam, & optimorum quorumque conversa-
tionem, multis erronibus vel serò profuru-
ram. Nec enim intereunt piæ vel preces vel
lacrimæ: quibus si ad tempus nos indignos
reddimus, non desunt utique huic Mundo
flagella, quibus nos imprudentes & lascivi-
entes procos excipiat, ac repetere patrios la-
res jubeat. O saluberrimam Mundi impie-
tatem, si nos planè à se alienos reddat! ô fe-
licem ingritudinem, si nos fideliozem Do-
minum quærere cogat! O utinam hîc quàm
creberrimè vapulemus, ut exosus reddere-
tur, quem pessimo nostro damno deperi-
mus, Mundus! Sed ut amor amaritudine
suâ stolidos amantes minimè arcet; ita
Mundus immunditie suâ minùs multos Cos-
mophilos fugat, ut, nisi maiori ac insigni
quadam iniuriâ, haud facilè divellantur.
Cuius rei unus ac optimus artifex D E U S est,
qui id mundo velut imperat, ut, quibus il-
le benè vult, hîc varijs indignitatibus à se
abalienet. Ita iterum satis lufum esto, ac
hoc unicum additum, nos risus nequaquam
immodicè appetentes esse, ne dum calamita-
tibus mortalium insultare: cum ridere sit
cuiusvis sannionis; medicare hominum ulce-
ra, non nisi eius, cui D E U S Sapientiæ &
prudentiæ suæ pharmacopolium aperuit, ut,

quo

quo tempore nostri ille vult misereri, prodeat
qui rebus judicandis, corrigendis-
que sunt sufficientis-
simi.

MYTHO


215.

MYTHOLOGIAE

CHRISTI.


ANAE.

LIBER TERTIVS.



ARGENTORATI,

Sumptibus Hæred. LAZARI ZETZNERI
M. DC. XIX.



*Clarissimo & Consultis-
simo Viro*

D. N. CHRISTOPHORO
Befoldo &c.

Patrono & Compatri suo suspiciendo

S. P. C.



Um multis pauca, paucis mul-
ta debeam, Clarissime & ex-
cellentissime vir, omnia tibi
debeo. Nam quæ in me, & pro me tot
annis feceris, jam vel invidia ebuccinat.
Quidem fateor, apud me nec numerum
beneficiorum tuorum esse, nec mensu-
ram, nec satis dignam æstimationem.
Nunc novum aliquod exigo, ut his lu-
dicris meis præfideas, quod à morosis &
difficilibus nunquam impetravero. Non
potui autem à te abstinere, cum, si sanè
aliquem infinitâ eruditione parem; faci-
litate tamen & candore vix ullum simi-
lem

L

lem

lem habeas. Hinc pudebit nescio quos
 cholericos irasci, si videant in præclarâ
 juris divini & humani scientiâ posse et-
 iam habitare humanitatē, & indulgen-
 tiam. Sin etiam tibi succensere audeant
 qui meas ineptias feras, Lugebo sortem
 meâ, qui invidis sim invisus, & amicissi-
 mis molestus: quin potius illam tuam
 raram tranquillitatem, si potero, imita-
 bor, qua ad universum Mundum surdus
 & mutus, Deum unum audis, eiq; lo-
 queris. Vale Patrone optime, & Patri-
 am tuam tot bonorum applausu ornare
 perge. Christus nobiscum. 1. Ian. 1619

T.

officiosissimus

IOHAN. VALENTINUS
 Andreæ.

LEE

LECTOR, TERTIUM

SALVE, ET BENIGNE

asside.



Onstat sanè, nos omnes, quotquot hanc infelicem terram incolimus, duro premi iugo, & servire servitutem turpissimam: sed quo vultu, quosque humeris onus quisque suum suscipiamus, non venit. Nam cum alij perpetuo luctu, profundissimisque suspirijs atatem trahant, sibi & alijs cades, alij ex adverso non tam terram, quam cœlum ipsum negligere videntur, & supplicia sua ledere. Virumque meâ opinione, non sine vitio: quip- quum nec omnia huius Vita nostræ intolerabiles sint, ut querela illorum accusant: nec abijcienda, quod horum risus persuadere nititur. Quod enim Deus Opt. Max. presentiam suam nostris exercitiis, & terrena societati pollicetur, eamque evidentissimis testimoniis exhibet, id quin ratio nobis esse, & adfertam conversationem facere debeat, ecquis dubitet? sunt autem præter jam citatos duos ordines alij, qui ut propriam habeant hanc terram, si ve servitium facilius omnibus se insinuant, ad nutum eorum, quibus humanarum rerum habena in manibus sunt, quoquoque volunt: quibus iterum alij contraeunt, haud eadem impetui obnitentes, sed malorum torrentibus declinantes, & velut in Epidemicis morbis contagionem evitantes. De quibus quid fiat, si exempla intueamur, id memoria proditum est, omnem tam multiformis & versipellis Vita esse,

esse, quem non humana lubricitas interdum p
sternat, nec quenuquam tam subterfugere & e
tare mundum, quin repertus aliquid injuriarum
patiat. Ac illos quidem Deus illaqueare gesti-
cum conscientia identidem & facere, dum
niculos agant, non dubitant hos terra amaritu-
nem experiri vult, ne vacasse hic & otiosos
unquam audiant. Non ignota loquor. Nam cum
à mea prope pueritiâ mirarer, quâ nullus er-
tam enormis absurdusq; esset, quem non nume-
sa omnium & ita ordinum sequela comitaret
quemq; pigmenta, fuci, ceremonia & consimis
gesticulationes non simplicioribus propinare
non potui tamen credere, serîo id ab ijs a-
quorum dotes aestimare debebam, & de pro-
tate optima quaq; sperare. Itaque inuitos hac
fabulam agere credidi, & tot vultus sumen-
ut quoquo modo impotens & importunum vulgus
pacatum placidumq; teneant: Vsq; dum ani-
adverit, Deum haud rarò histrionibus hisce le-
vam detrudere, ac ejulantes vel certè furen-
risui bonorum exponere. Itaque ad diverticu-
& secessus conversus cum serenam tranquillitatem
& liberale otium expectarem, quos non tu-
bines, quos vertices non sum, Deus bone, perpeffi-
Ut enim omnia cetera omittam, una Calumnia
bestia ferocissima simul & virulentissima, cu
multiplicibus me moribus invasisset, haud pa-
cos equidem annos exercuit. Quid enim, ô De-
calumnia ausus est, quid facere non voluit
nempe hæreticum sine articulo, Chymicum sine
furno, decoctorem sine are, curiosum sine cura
fratrum

utrem sine societate, magistrum sine discipu-
lo, Satem sine oraculis, denique nihil absonum
in infame terras nostras vexavit, cuius non
arte aliqua, impetierit? Interim amici rife-
rent, an doluerint, incertum: certè non suc-
urrerunt, sed latratu territi, ad sua abierunt.
a Calumnia Ecclesià arcuit, Republica ex-
clusit, literis interdixit, quippe tot figmento-
rum reo. Et cuius fabula obnoxio. Vna ta-
men præ reliquis culpa maxima fuit, haud qui-
em culpasse imposturas humanas, sed non lau-
asse. Testes apud me supersunt exprobrationes,
expostulationes, sarcasmi, sed quos oblivioni li-
uore identidem conspergo. Nam ut ipsam Ca-
lumniam, nescio quo stupore meo, semper neglexi:
a catellos eius floccifeci, nisi quod unum do-
uit, pauciores esse bonos (nisi fallor) quam puta-
m. Sic enim speraſeram, rerum absurditatem
emini persuaderi posse barbato & togato: sed er-
rorem agnosco & revoco. Nihil tam ineptum est,
quod non multis imponatur: nihil tam monstro-
sum, quod non sectatores maxima fama reperiat.
Ne me tamen hic inutili Philosophiâ detineam,
hoc ingenue fateor, me plurimum calumnia de-
dere. Nam ex credulo diffidentem fecit, ex ad-
miratore rerum humanarum negligentem. Cre-
dere amicis & admirari humana, insania proxi-
mum est: cum maxime ijs opus habes, deserunt,
nec ratio, vel Veritas tuetur: omnia indisa sunt,
& indigeas. Inde hoc bonorum summum, ut
ab hominibus desertus, ad Deum redeas, &
terris proscriptus, ad cælum properes. Hac illa

artium ars est, quam nemo discit, nisi dediscat illas omnes, quibus hominum fauor paratur. Haec illa soliditas est, qua Calumniam fatigat & hebetat, ut, cum Vehementissime maledicat, benedicere nobis credatur. Nam quia iam displicere & culpari gestimus, gloriosum est, quoties aliquid in nobis Mundo dissimile calumnia reperit. Obrigimus scilicet, & injurias malorum inter trophaea nostra numeramus. Perge, perge, quisquis es, & ingenium exerce, ut, non dicam patientiam, sed negligentiam augeamus. Non dolet, nisi quod te ipsum perimus, & manes innocentia ultrices in te concitas. Caterum ut de Mundo aliquid differamus, cuius carceres, dum carnis sarcina est, ferimus, nemo, opinor, negaverit, & fuisse semper dura tempora, & nunc esse durissimum, nempe sic omnes conclamamus, Tempus malum est: prudens tacebit. Nam quis non videt Religionis teporem, Reipublica gelu, literarum frigus, & vulgi nives videt inquam, & obticescit? Improbare enim aliquid est caelum terram miscere, vel, quod credibilius, irritare crabrones. Nulla fuit aetas impatientior. Hinc est, quod aliorum libertatem & dicacitatem non amulor: sed fabulis potius & figmentis tenellas auriculas circumsono. Non est genus aliquod dicendi lenius, quam abstractis imaginibus concretos mores notare. Sunt tamen, qui omnino tacere consueverunt, quibus si vocem porro auferas, nihil differunt a statuis. Laudare bona, & improbare mala qui nobis eripit, Solem & Lunam terris subdunt. At cuiusvis non est? Concesserim: sed ejus, qui Veritati sacra, qui bono publico, qui iuventutis eruditioni &

com-

modis proximi iurabit, quiq; inter mille Baalistas, Machiavelistas, Sophistas, & impostores coram
quam nunquam iniquitati obligabit. Quod si tu
epidas non item alius? Quod se tu misistas, non
em alius? nec quia tu consentis, jam omnes obse-
ri debent? Vis ne calius vocari, ut pie credas,
tegrè sis, vera dicas? hac dudum vocatio pe-
tori tuo inscripta est, quā. Vae tibi! si dissimulas, si
ano metu subterfugis. Idem mecum sentis sed idem
roloqui non audes. Anne ut Deum non offendas?
usn potius ne homines ladas, quorū offa sit a tibi
barior est? Idem conquereris: sed in aurem: anne
uò minus Deus audiat? quin imò ne, qui terreni
ibi Dii sunt, parum velitationibus tuis aspirent?
Dicam ego, quod res est: optimè mecum actum est.
Quacumq; vita tolerabilis est, ea beata mihi credi-
tur: quicquid contra genium meum fuit, id imputatū
est, ut discerem nihil facilius esse, quam divina-
iones & suspectas lectiones negligere. Nunquam
n mentem venit, quod illi accusant, ut jam post-
hoc crederem, maximos clamores ob gallina lac
excitari posse. Aliena peccata lui, ut erudirer, ho-
mines sua verba, sua axiomata nec credere, nec in
aliis ferre, sed per cōsuetudinem effutire. Vno ver-
bo omnia absolgam: Optimus praeceptor Calumnia
est: si id notes, facienda, qua carpit, qua laudat, fu-
riēda. Ad fabulas Verò tandem revertamur, quas
quia tertium propino, conjuro te, lector magnani-
me, per candorem tuū, ut innocentī festivitati ali-
quid indulgeas. Imitare maximos Viros, qui iocis
innocuos, imò et mordaces, tulere: imitare hos ipsos
quos vides sine omni sua indignatione in arenam

nostram protrahos. Habet enim hoc ingenuit.
 proprium, ut parum excandescat: qui animo pu-
 silli sunt, semper bile agitantur. Non ita diu es-
 cum ira pœnituit & puduit, qui paulo post synco-
 pen perpetiebantur. Homines sumus, nec nati a-
 dærruncanda omnia mala, nec supra omne dīte-
 rium. Id potius cogita, quem dīs alium, quā tibi
 tangi, quantum dīs, qui tibi proximus & simili-
 mus, notatus sit. Nec enim tanti sunt hæ nuga, u-
 tu illi dīs tantus modèaris, nisi ex te famam &
 pretium inopinatum ludicris adferas. Sine, i-
 se recipiat ius ventus, qua nihil ex te didicit: Ve
 Pater, cui filij eruditio magni constitit: Vel liti-
 giosus, cui iudices non ex voto responderunt, Ve
 quisquis alius, qui inter sacra verba & prophan.
 opera non bene distinguit. Excusatus mihi esto
 nisi te ipsum accuses, nec te alius condemner, ni-
 tute. Reliquum vulgus oculis apertis non videat
 nec audiat auribus vacuis. Id tantum ne agamus
 ut superbiamus in mendacitate nostra, aut tripu-
 diamus inter pietatis & virtutum funera. Lin-
 gua absunt, & loquimur: artibus caremus, & of-
 ficinas aperimus: iustitia delinquit, & judica-
 mur: de otio infra omnes religiones languet, &
 supra antiquitatis sollicitudinem se jactitat: Chri-
 stus nempe ubiq; promittitur, & xullibi apparet
 imò & x caput protendens à Christianis conculca-
 tur. Non puto, nos hac nescire: ita enim cum infi-
 nitis alijs ex Præceptorib. meis didici: sed an emen-
 dari quicquam possimus, id est, de quo & video am-
 bigi. Mihi persuasum est, sed cum nullius injuriā
 posse. Quid enim prohibet, Lutherum sequi, cum

Ue Cnipperdolingum ad unguem repræsentet: aut
 quid setat, Iosephum Arimatheum imitari, cum
 Capinianus ex gentilibus integritatem invidiam
 servavit? Sed hac nimis seria. Quid impedit,
 virtutem nostram & linguarum peritiâ &
 virtutum notitiâ imbui, cum sumptuum nihil sit
 apud nos minus ac fastidij, quam alibi, temporis
 minino amplius? Enimvero ita est: nolumus mu-
 tari, ne quid durius dicam, & diuturnâ putrefa-
 ctione nosmet absumimus, generosiores etiam spi-
 ritus retundimus. Exinde, ne quid peccatum
 videatur, multis ambagibus res exaggeranda
 sunt, ut gaudeamus rei tam abstrusa minutulum
 quid scire, quam quilibet alius juraret titi & litio
 non emendam. Appello vos testes, quotquot dole-
 tis, post tot annorum fustigationes nunc calum in-
 tueri, ut boves, & terras premere, ut tauros, & res
 humanas nosse, ut vaccas: denique omnia liberalia
 dijudicare, ut vitulos: cum tamen Archimedes,
 Aristotelem, Solonem, Plinium, & nescio quæ ter-
 rena numina haud frugali sacrificio coleretis. At
 in promptu excusatio est: Nihil in rebus perfe-
 ctum. Certe, nobis verò liceat per vos vel imper-
 fecta scire, nec in secula detineri facilius &
 quotidianarum Commentariis. Non capitis bre-
 viaria, inquitis? Itane, quid si clam vobis, quin
 potius invidentibus aliqui emergant, qui vix sibi
 credunt potuisse ineptijs territari? Apparet, quæ
 vobis serviunt, ingenia liberaliora vel nimis elogijs
 inebriari, vel coartari nimis odio. Fugitiva
 salva sunt: sed & illa, quæ ad librorum exactiorum
 dilucula crapulam edormiunt. Relinquamus ta-

men illis sua iuscula & forbitiunculas: Ignoremus
 quoniam illiteratis calum non clauditur: Id con-
 queramur, quod nimia peccandi cōsuetudine, jam
 vitium videtur non peccare. Repertum enim est,
 quo nos excusemus, Adami culpa: hunc quisquis
 non accusat desipit. Nempe maxima libertas, alie-
 na vox a libidinari. Si leges urgeas saltem Evan-
 gelicas, si Adamo etiam crucem mineris, jam tur-
 basti beatam dissolutionis nostrae licentiam. Si ex-
 emplum etiam aliorū, qui nō bene, sani sobriē vi-
 dentur opponas, jam te transfuga prodidisti. Scilicet
 ut qui Papam depraedantur, non corrigunt, sicut si-
 bi Christiani videntur, ita qui Deo fidere dicunt,
 sed eundem subterfugiunt. Religionem irreligiosē
 tractare, non Pontificium tantum est, sed & no-
 strum, & leges exleges habere, cum Barbaris, no-
 stris cōmune est. Deliteris quid opus est aliquid ad-
 dere, ignorantia professis? Et hac cuncta velut ne-
 cessitate maxima, ac nemini emendanda fessimus,
 succensentes puta nostris ē tenui filo tenacissimis
 vinculis. Sic ergo optimi quique sentiunt, fatali nos
 lethargo teneri, ut nisi venenata mella nihil ad-
 mittamus, amarum pharmaca omni impetu respu-
 amus. Deus est, Deus, qui religionis, pacis, tranquil-
 litatis, ingenij & virium munera irreverenter ha-
 bita ad se revocat, & umbrarum ludibriis nos fla-
 gellat, somnijs rerū & felicitatis simulacris ridet:
 quae quisquis non liquido animadvertit, stupet. Ut
 autē qui sua prodigunt ad cytharas & Musicum
 melos, tristissima paupertas nubunt: ita qui Caeli
 donaria eijciunt, plerumque hominum sunt festi-
 simi: tripudiandum prius est, ut paulo post ejule-
 mus:

num. Et castigandi monitores importuni, ut jacta-
 re possimus decreto infelicitate occurrisse. Quid
 però agat vir bonus, ubi bono esse non licet, si fortè
 iuvaras, paucis respondeo. Si animi satis habet ve-
 ritatem profiteatur, si minus, suā libertatē ne pro-
 lat. Illud certè paucorum hominū est, nec nisi Deo
 firmatorum & consolidatorū, qui presentibus suc-
 currunt, fumā posteritati, pramium calo commist-
 unt. Fuere tales, sed plerunq; infeliciſſimi: Vnus
 propè Lutherus completi miraculi est, qui inſictus
 triumphavit. Sed ut libertatē tuam serves, nec se-
 cula morib. Vel vitijſ abripiaris, id cū multis alijs
 facile præstabis. Nemo te, opinor, coget Ecclesiam
 mercari, tribunalia corrumpere, Litteras nundi-
 nari: si negligaris, tuus esto. Sine, alijs faciant: sine
 multi faciant: sine sic jam tempus velle, ac consci-
 entia tua cohabita. Si satis est, exemplum se-
 qui, nemo unquam in Deum peccavit: sed con-
 stat rebus corruptis, uti reſera nunc est, pau-
 ciſſimos Deo placere. Piè, juſtè, ſobriè, liber-
 aliter, patienter vſito: quod multi equidem
 ridebunt, nemo, niſi fallor, prohibebit: Aut
 ſomnino fiat, itane terra anguſta eſt, ut
 nuſſiam liceat in Deo acquieſcere? Hoc illud
 eſt, quod multis Velim perſuaſum, & quo per
 tot ambages penetro, ut relictā turbā, quæ con-
 ſerta diſcinā indignatione non poteſt, nullam
 turpiter agendi neceſſitatem confrugant, aut
 Deum deferendi. Nam quæ nos maxime ter-
 rent, fallacia ſunt, quaſi inſito Deo nobis Vel
 prodeſſe Vel nocere etiam Mundus poſſit, qui
 cum omnia ſe viciſſe credit, terrā liberatos nos


Cælo reddit: quem si aestimamus, parum est, quicquid ille neget, cum nemini gratis benefaciat. Neque verò sic Deus immitis est, ut suis in terra semper malefaciat. Absit, credamus, omnes scelera hic emergere. Est, cum pietati, cum integritati honoris stat suus. Est, cum veritas triumphat. Sed nec sine sociis es. Multos crede anhelare: multo crede plurima desiderare. Intra conclaſſia sunt qui cor suum effundunt, quibus conſeſſari, neſci qua ſit dulcedo. Illi liberas voces amant, & ut plurimum perficiant, ſerio precantur. Tuum eſt, ut cum Deo aliquid tentes, quod anima ſaluti, corporis libertati conſulat, bonis placeat. At hic ingens moles ſeſe interponit, quod non malis ſed rebus optimis adſeſſari diceris. Sordere tibi inſeſſent, puriſſimam religionem, diſſplicere politiſſimam, utramque perfectiſſimam: elegantissiſſimas literas inculpare. Quis non dubitet hic? non trepidet? Sed bono animo eſto, nihil perimunt. Vimonetarum hodie pretium creſcit, pondus & bonitas deſicit, Imago eadem eſt, ac plerumque elegantior: Ita nos priſcam deſotionem, antiquos mores, artium excellentiam crepamus, qua apud nos cuprea ſunt, tituli non deſunt & inſcriptionum pompa: at nec libellam, nec catinum ferunt. Quia ſi id conſtanter negent? Eho, an tu credis ſub Achabo Baalitas impoſturam ſuam faſſos, cum aſſanguinem uſque ſe laniſſent, niſi calicus igni conſicciſſet? Aut Phariſeos Chriſti accuſatione admiſſiſſe, niſi Veſpaſianus obſtinatos ad mortem uſque conſreſſet? Aut Pontificios Lutherocceſſiſſe cum is ſcelera illorum increparet? Specioſa re.
impo

impostura est, nec unquam deterior, quam cum bonum se simulat; nemini tamen citius, quam simplicissimo cuique detegenda. Verum bonumque est planum & patulum, ut impostores lucis videat. Tenebris opus est & Umbraculis, ubi parum ludibria exhibeant: Si velum subtrahatur, sordet gesticulatio. Hoc certum tibi esto, non credere illos, quod tibi persuasum volunt; non fateri, quod tibi imponunt, non scire, quod iactitant: Idem tamen plerosque in adytis suis adorare, fores rucis imagine pingere. Ingredere & arcana sacra contemplare, redibis, scio, & obstupescens, & humanis erroribus iratus. Hac fusius, nescio quomodo abreptus, sed ut fiduciam tibi faciam, benivissime Lector, nullam hic haresin, perduellionem vel barbariem reformidandi. Liberales ioci sunt, quavis materia petiti, ut videas, omnia nostra posse cum delectatione proponi. Neminem, quod ego sciam, tetigi, nisi cum de humanis agitur, res nostra agitur: Tu si scis aliter, noli id in fraudem meam scire. Stylus Rhetorica nihil debet, ne opus habeas Criticorum face: omnia infra divinacionem tuam sunt. Nam dum alij colus tornant, aut virgillos fabricantur, aut muscipulas indeniunt, alia excidunt, ne quid metuas serijs contemplationibus. Non aleas tibi indideo, non latrunculos homini speculationibus fatigato: da mihi, ut per te meipsum rideam. Debeo id Calumnias, gratiam certe debeo, ut, qua nihil iniuriarum contra me omisit, profecisse me sub sedulo exercitio videatur; quoniam ei displicio, incipiam mihi non place-re, & planè quam sim illius laudatis dissimilis.

apparere. Vide aut, qui me prophanū dicunt, quā
 Cœlici sapiant; & qui arcana statim mihi invidi
 quam Deo recti sint; & qui in ignorantia in sul
 deportarunt, quid supra mortalitatem gloriantur.
 Respondeant posteritati, quā non erit tam obe
 naris, ut, quid mali, quo tempore, quibus admin
 stris invaluert, non odoretur. Imprudens Hist
 ria est, quā nec Regibus, nedum impostoribus, pa
 cet. Optime meriti, cū semel impegunt, pro
 duntur: tu vita totius inquinamenta pro mosci
 venditabis? Vt omnia visus impetres, Mors pud
 faciet, cū ad DEI reverentiam, & proxim
 Charitatem, & ignorantia multiplicis confessi
 nem erit accurrendum, cū deserent omnia qui
 bus te hīc credidisti: cū trepidabis, ne idem tu
 experiantur, quod in alios commisisti; cū illa ri
 dicula & stulta simplicitas amica, contubernaliū
 benefica erit, & terrarum hactenus delictum, ne
 tibi ipse sapias. Illuc te relego, si iniquus mihi e
 nec prohibeo, ut, dum comperendinare tibi liceat
 quicquid vel ipse tibi in buccam venerit, vel bom
 bycinus aliquis per invidiam ingessit, id liberè ef
 ficias, & cordatis te omnibus deridendum dedas.
 Nec enim tam coarctatum, est humanum genus
 ut uni tibi impunè liceat accusare, quā nemo in
 animum induxit, aut extollere tua sterquilinia
 quibus Veritatem inquinasti. Sed cum quo loquor
 nempe semper somnians. Te potius mihi exorem
 benignissime Lector, ut facilitate tuā has meas si
 ve fabulas si ve mythologias admittas, quibus ho
 unum quasi ut post Christi seriā imitationem
 & humana vita rationabilem conversationem
 scientia.

Entiarum terrenarum decora & Variam dele-
tationem possideamus: quæ sanè nobis non merce-
dij unus alterq; sermo, nec exactoris importuni
nec nugatoris epitome glossata, sed seria veri-
tatis communicatio atq; cura, maximè Verò
DEI nobiscum conversantis auspicia dabunt.
In hac adorabimus, mi Lector, ut quod utrisque
est; supplere ipse, & in omnem Veritatem de-
scendere velit. Nos Verò inter nos amabimus,
ut hoc erit non postremum opus, ut quæ mi-
nus dextrè, minus convenienter dicta sunt, non
solum & avaritia & atrocitate sed Christianâ Charita-
te emendemus, diluamus, interpretemur, atq; ad
mutuam adificationem conferamus. Discipulum
habebis, si non satis docilem, certè patientem
& Veritatis avidum. Ignoscas autem simul opero-
rum excusationi, quæ si tibi procul à me remoto su-
er vacua fortè videbitur, memineris, qui nocere
volunt, plerumq; in propinquo esse, per quos si De-
us noster me quiescere ac Christi regno servire per-
miserit, non intermittam, post hac ludicra & sacrè
vidij intercalaria, serium aliquid tecum commu-
nicare. Seruet te Dominus IESVS, instituti nostræ
princeps, quem ut pro me adores, etiam, atq;
etiam qua possum, in te animi
propensione precor.

Vale.



POLOGORUM
CHRISTIANORUM Ma-
nipulus Quintus.

Seneca.

quemadmodum radij solis contingunt qui-
dem terram, sed ibi sunt unde mittuntur:
Sic animus magnus & sacer, & in hoc de-
missus ut propius quidem Divina nossemus,
conversatur quidem nobiscum, sed hæret
origini suæ. Illinc pendet, illuc spectat ac
nititur: nostris tanquam melior interest.

I. ANTI-

I. ANTIPODES.



NDICTO Oecumenico Concilio cum remotissimæ nationes ex altero eodemque Mundo comparuissent, advenerunt tandem, contra Lentuli & Cornelii opinionem, *Antipodes* Dicitur vix potest, qui hominum tum concursus, quæ admiratio fuerit. Incedebant enim non ut in versæ arbores; sed capitibus ad terram, ramis sublati: unde facile colligere erat, esse plures nobis diversos, nobisque oppositos. Admissi in sessionem, & de *Religione* interrogati, responderunt, *Diligere se Deum toto corde, totâ Animâ totis Viribus; & proximum, ut seipsos.* Quæsit de *Politiciâ*, dixerunt. *Se honestè vivere, neminem ladere, jus suum cuique tribuere.* Examinati de *Philosophia*. *Mortem se meditari* agebant. De *Matrimonio* compellati, *Quæ Deus*, inquiebat, *coniunxerit, homini non separanda.* *Labores eorum* inquisiti. *Sudorem & cultus* subjecerunt, *quæ panem* quærent. Postremo *Scopus totius Viræ* petitus, *Æternæ cum Deo Vitæ*, indicatus ab illis est. Hæc cum Patres concilij audivissent, surrexit in medium Præses, & Viri Fratres, inquit, *quid mirum est, multos dubitasse, sintne Antipodes?*

2. AR

2. ARTIFEX.

Plator cum artis excellentiâ omnes superaret, liberos tamen planè deformes, identidem superat. Interrogatus ab Amico, quid infaus-
 beffer? Nihil, respondit, nisi quod illud didici,
 hic non didici. Quid enim, quòd Magnares cle-
 enter, Nobiles fortiter, Consiliarij prudenter,
 læfecti temperanter, subditi decenter, quid
 od Religiosi piè, Jureconsulti justè, Medici
 dubriter, Philosophi sapienter, Philologi ele-
 enter loqui omnes didicerunt, agere pauciores,
 quàm, quod facilius est, rem novisse ac peragere?
 ius enim scholæ passim prostant & magno su-
 nentur: hujus nescio quàm quisq; sibi Doctor,
 suo periculo relinquitur. Hinc Aristoteles ve-
 ter sollicitè & anxie inter virum bonum & Su-
 rem bonum distinxit, ne posthac crederentur
 ter se reciproca; sed omnibus constare posse,
 nebulonem calceos optimè consuere, & inte-
 rrimum virum pessimè. Hæc ut audivit Æqui-
 as: Laudo te, inquit, qui animadverteris. Id e-
 m lugeo. Harpyias maximè omnium solícite
 religiose tributa exigere, & furunculos suspē-
 à furacissimis.

3. AVGVSTINVS.

Augustinus, Hipponensis Episcopus, ad My-
 steriorum Delmare expatiatus, & Confessio-
 num suarum libellos obiter relegens, in hypocri-
 tum invitiſſimus inciderat, qui blando ore virū
 candidissimum salutans, Ecquid legeret, percon-
 tabatur.

rabatur. Cui Augustinus, Meos errores, inquit simulq; libellum porrigit. At ille, amarum quid subridens, Quid opus erat, Sanctè Pater, semet inepulis prostituere, cum Deo omnia pateant. Quid verò? respondit fervidum pectus: si in prodones inciderim, conquerar; latrones animæ meæ non accusem, non prodam? pueritiæ inobedientiam, adolescentiæ ardorem, juventutis temeritatem, ingenii ambitionem, linguæ vanitatem, laborum vilitatem, religionis tenebras, societatis pericula, dein matris lachrimas, scripturæ fulgur, Doctorum roboratio^{nem} Veritatis dulcedinem, carnis conflictamina quibus sauciatus & sanatus, quibus circumactus & solidatus, quibus submersus & elevatus sum, non aperiam. Et in Dei mei sanctuario velut veteris hominis exuvias, novi stolam, & arma gratus suspendam. Tunc Hypocrita, Tuum hoc, inquit, Exemplum esto; sed quod aliis imitari non incumbat. Apparet, respondit Augustinus; at quanto cum simpliciorum periculo, qui, quæ vos simulatis, credunt; quæ tacitè improbatis, verbis decepti magni faciunt? hinc lucrū vobis, illis fumus; vobis fama, illis damnum; vobis otium, illis labor, donec jubente supremo iudice, id, quod diu & callidè suppressistis, cum gemitu & dentium stridore erit proloquendum.

4. BIBLIOTHECA-

Proximis Eruditionis comitiis supplex advenit fœmina quædam brevibus giaris & comipedibus

libus vineta. Quotquot aderant, ex squalore
 & vinculis aliquam e Turcia captivam & lytrum
 inquirentem conijciebant. Sed illa, opinio-
 omnium literatior, se Bibliothecam nomina-
 & judicium ob rem non contemnendam ex
 titit. Vivere se, aiebat, nō liberam; sed ad pauco-
 rum perspicilia, corrodi tineis, cohabitare ve-
 terilionibus, & id tolerabile: includi clatris, ob-
 mari feris, nunquam inspicere, nisi in spectato-
 ludibrium. Nec id intollerabile: servire ine-
 riorum informationi, & suggerere beanis Ma-
 stralia vi in tenebris coactam, id noluisse post-
 ac, & cum capitis periculo effregisse. Cui pro-
 zeres: ira te, responderunt, præcipitat: nam ut stu-
 filosoforum est curiositas, nimium ex te quererēt:
 temeritas, nimium te abuterentur; ut est cu-
 ditas; nimium tui auferent; ut est inæquali-
 tas, nimium te macularent. Sed Bibliotheca jam
 fervida: Quis credat, inquit, Cauponas, taber-
 nas, lupanaria tutò patere, Bibliothecas in stu-
 filosoforum securitatem abscondendas esse?

5. BOCALINVS.

[Rajanus Bocalinus, ingeniosissimæ dicacita-
 tis homo, cum ex Italia in Germaniam esset
 xpatiat, & cum erudit, & perspicacibus ali-
 qua de strumosis, gibbosis, calvis, luleis, simis,
 balbis, truncis, & similibus corpore vitiatis con-
 terraneis suis differuisset, possent ne sanari, ac
 insaniabiles, anne in Nosocomium potius ab-
 ducendi, quam inter recti corporis homines to-
 lerandi sint? magna cepit laborare invidia. Nam
 erant

erant, quibus hos naves hypocriseos pallium
hactenus obtexerat, vel sanè non omnibus per
miserat esse conspicuos; quibus Bocalinus mor
daciore habitus, post crescente odio res paca a
turbare, prodere patriam, insultare bonis dictu
est. Bocalin. ut audiit insipidam accusationem, tamen
ne haberetur importunior hospes, sanctè juravit
Germanorum vitia nunquam novisse, nunquam risisse, ac
omnino accusatorum suorum vultus aspexisse neu
tquam, famam audivisse nusquam; Dolere, non
potuisse aliter, sibi innotescere, quam per vi
tia: Dolere, hæc vitia non suæ gentis sola esse
paratum tamen publicè testari, nec Asinum
Quadratum, nec Cornelium abs se tactos esse.
Hoc cum risu acceptum, & sententia lata est.
*Mundum tam sibi undique similem, & quæ de altero
narrarentur, huic quadrare: itaque acquiesceret.*

6. CANES.

Iussi erant bonæ mentis Agricola, ut Lucianum,
Merlinum, Rabelasium, Fischartum, Bocali
num, Barclajum, Pasquinum, Gentilem & cõsi
miles satyricos canes, quod feras undique conse
ctarentur, loribus, catenisve alligarèt, vel sanè fusti
bus ad colla appensis impedirent. Id quia durum
agricolis visum, quod fruges feræ cum depalce
rentur, tum conculcarèt, supplici libello quæ ne
cessitas canum apud ipsos, quæ importunitas fe
rarum, ac exinde publicum damnum, exposue
runt. Depopulari enim segetes ab ambitionis
cervis, voluptatum apris, violentiæ lupis, im
pusturarum vulpibus, imitationis leporibus, adula
tionis cuniculis; idque tanta frequentia, ut ad de
bitum

Christianum exolvendum posthac pa-
 sint suffecturi. Responsum ijs est, jam du-
 appositos illis esse vigiles, qui clamore &
 iculamentis arcerent. Tum replicarunt, ni-
 esse dormitantijs his vigilantij. Sed tū duri-
 increpati, ac sub rebellionis, pœna canes vin-
 iussi, cum murmure abierunt, hoc inter se
 ssitantes, Generosos canes vinculis ferocio-
 fieri.

7. CLASSIS.

Lassis illa ingens & formidabilis, quàm Rex
 atq; idem Ecclesiastes Salomon in Moria lon-
 tempore instrui iussit, tandem publico Orbis
 ore solvit. Erat enim rumor, subjugandū hu-
 manum genus, & ad Catholicam tum religionē,
 om politicam sub quinta Monarchia cogendum.
 miralius sive classis præfectus designatus Joh.
 ilerus Kaisersberg, ejusq; legatus Des. Erasmi
 terodamus, additusq; qui corū vices nonnun-
 obiret Corn. Agrippa, ac præterea Navar-
 rorum gubernatorum, remigum innumerus
 merus. Visi ē sunt An. Seneca, Thomas Mo-
 Sebastian. Franc. Fr. Rabelais, navib præfecti
 cretum erat nemini parcere, nullo sexui, etati,
 gnitati, quisquis obsequium & Sacramentum
 lectaret, interiret. Ita appulit deniq; in Narra-
 nia & publico luctu expectata, solenni plausu
 risu excepta est. Nihil enim armorum, nihil
 hale secum vehebat, sed ludicra, chartas, fide-
 s, lyras, crepundia, campanulas, specula, talos,
 id genus infinita alia. Una lex erat, qui se
 dede-

dederet, cucullam, quæ ingentibus onerariis a
vectæ erant, quisque indueret, auricularam, v
riegatam: nolis appensis sonoram. Ita Orbis f
sanguine subactus est.

8. C O M O E D I A.

Feriis Saturnaliis Comœdia magno appla
su acta est, cujus hoc argumentum est brev
simum. Primo actu Adolescens voluptatis & f
mæ contubernium ingressus, varias Scientiaru
& Artium puellas adamaverat, cum quibus v
rio ineptiarum genere se delectabat. Secundo
ctu vitam civilem in foro sibi adsciscens, mor
bus diversissimis & consuetudinibus imbueb
tur, temporis & ingenii admodum prodigu
Tertio actu humanarum controversiarum c
stra invisens, armatus totus ex omnibus comp
ruit, & furiosè cum totius orbis sententiis co
flictavit. Quarto actu ad alendam vitam co
versus, Mare huius mundi infidele periclit
conatus, cum jam tranquillitatis & Sapient
opes collectas possidere sibi videretur, & in P
triam reditum pararet, truculentissimâ corpor
humani tempestate agitatus, labore fessus, op
bus ejectis, fractâ nave vix tandem pœro
tentia assere in terram enatavit. Ea in *Quin*
to actu Resignationis insula reperta, sub simpl
citatis Christianæ Principe, & levamentum
laboris dedit quietem & acquie-
scentia hospiti-
tium.

9. D E C I O

9. DECIMATOR.

Mbra quædam circumvolitans Arithmeti-
cum afflaverat. Is, qui ad calculum omnia
æcare, & fumum etiam ponderare didicerat,
in acquievit, quàm per æquationum omnia
opera examinaret. At opus haud erat ulla sub-
tate, quin ipsa potius umbra, ut liberaret an-
um & radicibus tessera contaenneagonalibus
mentum: Heus, inquit, ad vulgares calculos
li. Nam quòd extenuata sum, primum Sim-
citatem decimavit Curiositas, dein indolem
ademia, mox mores peregrinatio ac prope eã
conversatio, postea sanitatem luxus, inde
tempus vanitas, porrò conscientiam Satan, post
bertatem mulieres, postremò resipiscenciam
onfuetudo, denique cum moriendum esset, de-
mavit Sacerdos, cui exinde poculum tot num-
is, quot Christus venditus, emptum. Tu mihi
ex societatis regula dicito, quantum mei sin-
alis impenderim, quantum supersit. Logi-
a cum subduxisset numeros, ac exiguum planè
us. quod primum divino beneficio congestum
at, superesset: Heu, inquit, quo numero esse
otuisses, cui Deus addidisset? at tu temerariè
multa subtraxisti, inde infamia tua multi-
plicata, & reliquæ inter tur-
pissimos hæredes
divisæ.

M

10. DE-

O Borta erat in Reipub. regno periculosa se-
tio, subditis ad civilia impatientiæ arma
clamantibus, & credulitatis exactiones deo-
stantibus: Cumque subitò ac intempesta non
convocati essent remediorum architecti, infu-
stum aliquid & periculosum accidit. Nemo enim
ex omnibus erat, qui non in tanta festinatione
alicujus maximè necessarij membri sit oblitus.
Hic aures quibus subditorum gravamina & quæ-
relas audiverat; Ille nasum, quo Politicorum
dolos & quæstorum furta olfecerat; Tertius
culum, quo Patriæ acta, privilegia, contributiones
inspexerat; Quartus linguam, qua pro integri-
tate subditorum contra iniquitatem exactorū de-
fereret: sed maximè, qui Cor, aliusque, qui manu
domi reliquerent, conventum omnem turbave-
re. Nam illud ad prudenter constituenda, hæc
fortiter defendenda Patriæ jura, Publicamque fe-
licitatem desiderabatur. Itaque ut quàm citissimè
domum redirent, & hæc imperii insignia se cu-
ferrent, conclusum est.

II. DELICATI MARTYRES.

S Olet Religio Christiana die Passionis Domi-
nicæ processionem ex Martyribus instituere
cujus hic est Ordo. Ipsa præcedit alata, in purpu-
ra semilacera, cum Cruce & habena, altera manu
Biblia aperta gestitans, & Mortis simulacrum si-
cum trahens. subsequuntur terni & terni Marty-
res albis stolis, lauro coronati, & palmis deco-
incred

credibili numero, vultu hominis augustiori,
 quibus ea cantilena ingenti iubilo & divina mo-
 latione canitur: *Halleluia, salus & gloria, &*
nos & potestas Domino Deo nostro, cuius vera,
itaq; sunt iudicia, qui magnam illam meretri-
m (qua terram impudicitia sua corrumpibat) da-
na verit, & ab ea penas sanguinis suorum repe-
serit! Id spectaculum cum multis arrisisset, &
 inter eos animadvertissent, qui non sanguinem
 profudissent, sed vitæ saltem miseria, & persecu-
 tionum patientia eam virginitatem essent asse-
 cuti, spem certam concepere, fore, ut quia cum
 omnibus frequenter essent co-actati, gloriâ
 inde inter Martyres impetrarent At Religio, per-
 picacissima Matrona, cum ambitiosos, turbidi
 capitis, delicatos, impatientes, polypragmones,
 innovatores illos reperisset, & ob id undiq; expul-
 sos, & intolerabiles habitos: Ite, inquit, ad vestri
 ingenij Martyrologos: nam hic chorus meus de-
 dicatis Martyribus non patet.

12. DISPUTATIO.

Belial, sumus ille Sophistarum, cum processum
 contra Christum absolvisset, nec voto succes-
 sisset, aliud est aggressus, sc. annē cum eo reconci-
 liari, aut certis pactis vel induciis convenire pos-
 set. Itaq; ad Academiâ se conferens, mediis Bac-
 chanalib. thesēs affigebat, quas ob id negotiū vel
 let ventilari. Cūq; disputationis dies advenisset,
 ipseq; defēdēde suę opinioni paratus staret, cōpa-
 ruere Metaphysica Logica Rhetorica, & reliqui
 eruditionis studiosi & acri cōflictu Belialē aggres-
 si, ad ravim usq; sese exercuere. Sed ille lubricus

M 2 nimi-

nimiū, & distinctionibus undiq; armatus, in superq; linguæ volubilis nunq̃ minus tacere, cum victus crederetur, audiebatur. Tandem c fortè ingrederentur duæ puellæ rusticæ, simpliciſſimi cultus, altera Fides, Charitas altera expalluit: quāprimū Sophiſta, dein ſudās, & ad omnes ſeſe angulos cōvertens, deniq; obmutescens arreptis cum indignatione chartis ſuis, cum deſcenderet ex pulpito, murmurare auditus eſt: Arbitrabar, cum ſuco rem mihi fore; at nunc ecce Veritas.

13. E L E E M O S Y N A.

S Olet Eleemoſyna ſingulis menſibus benedicere ijs, qui de ſe optimè eſſent meriti. Id ſanctè diu habitum, tandem opulentorum ambitioni ſervire cepit Conſuebant enim, qui in hiſtriones, moriones, ciniflones, magos, cupedinarios, lenas, & alia Orbis putamina prodigi, pietatem dicerent; ſed deprehenſi ab Eleemoſyna, multum pudere & abire ſunt juſſi. Dein annotati, qui pictoribus, ſculptoribus, chalcographis, phrygionibus, & artificum inventorūque cætero gregi nimiū ac inſanè faverent, & pietatem dicerent; ſed & hi recedere ſunt moniti Poſtea reperti ſunt, qui Sacrificos pinguefacere, Politicos ſaginare, literatos infarcire, plebem ſaturare ſunt conati, & Pietatem dicere: quos & ipſos valere ac ſapere Eleemoſyna voluit. Tandem quæſtorum exactorumq; turba expulſa eſt, quæ tota vita deglubendis, excoriandisq; miſeris occupata, imminente morte quadraginta plus minus florenis ſcelus omne vult expiarum. Ac tunc
Eleemo-

elemosyna: Euge, egregiam, inquit, pietatem
 erari capitale, devovere censum.

14 EVANGELIUM.

Vangelium cum in fidem aliquot Candidatos
 recepisset, quorum magnus se numerus ob li-
 bertatis famam quotidie offerebat, paucis post
 diebus, quid fieri ab ipsis vellet, aperuit: I. Pau-
 citatem induerent, *Matth.* 19. & 21. II. Semet
 negarent. *Luc.* 9. & 23. III. Castitatem cole-
 rent. *Matth.* 19. & 12. IV. Malum bono referrent.
Matth. 5. & 44. V. Injurias tolerarent. *Matth.* 5. &
 39. VI. Plenam liberalitatem exercerent. *Luc.* 6.
 & 30. VII. Linguam compescerent. *Matth.* 12. &
 26. VIII. Occasiones peccandi vitarent. *Matth.*
 5. & 12. IX. Hypocrisin fugerent. *Matth.* 7. & 21.
 X. Facerent, quod docerent. *Matth.* 23. & 4. &c.
 XI. Non solliciti de victu essent. *Matth.* 6. & 31.
 XII. Fratres errantes corrigerent, *Matth.* 18. &
 15. Hæc & similia cum aliquibus duriora vide-
 rentur, & observatu difficilia, quidam ex ijs, quæ
 præterem habebat sive Amicum, sive Præcepto-
 nem, Sophistam, quid agendum censeret, consu-
 luit. Is subridens, Quid te torques, homo sim-
 plex? res salva est, & una distinctiuncula expe-
 diunda. Quædam præcepta sunt Evangelica, ut
 accipere decimas, curare domesticos, bibere vi-
 num: quædam consilia, qualia hæc duodecim,
 quæ non imposita tibi sunt, si nolis; nec prohi-
 bita, si velis. Tu tamen observabis, quid ex usu
 tuo sit, & loci consuetudine. Id posteaquam in-
 notuit, merum Evangelici imperii omnem su-
 tulit, & ingentem Pseudoevangelicorum tur-
 bam acceleravit.

M 3

15. EVCHARISTIA.

Intervenerat fortuito Paganus Christianorum
 sacrae Communioni & trepidam hominum d
 votionem admiratus, submisit ex proximo qu
 siverat: Ecquid rei tremenda hic ageretur? Tum
 Christianus: O homo prophane, inquit, res sac
 sancta hic peragitur. Nam Deus noster singulo
 quos hic vides, ingreditur, & divina inhabitatio
 ne vacuatas aedes occupat. Quibus vacuas? rep
 suit ille. Et Christian: Superbia, ait, Avaritia, Lu
 xuria, Ira, Gula, Invidia, Accidia, quae nup
 nes possederat; at seria confessione atq; fidei p
 tentia ejectae, nunc locum dederunt Divino re
 gimini. Tacuit ad haec Paganus, & notatis dilig
 ter, quotquot Deum suscipere viderat, quoq; po
 tuit, ea die atq; altera est subsequutus. Nec mor
 multis interposita, cum ad luxu, ad praedas, ad li
 res, ad epulas, ad insidias, ad pulvinaria est re
 ditum. Paganus vero vix oculis suis credens, no
 prius acquievit, quam rem turpem ita se habere
 certo deprehendit. Tum in forum progressus, ac
 publice exclamans: Vidi Christianos omnium
 hominum maxime inhospitales, apud quos no
 Deus quidem biduo commorari potest.

16. EVSEBIUS.

Eusebius cum quadam die visus esset retrogredi
 & dorsum Babylonicæ Reginae obvertete, in
 vincula coniectus, ac exinde causam dicere iussus
 est. Vocatus in Sanhedrium, & iudices intuitus cu
 singuli displicerent, rejecit oēs, & ad æquius judi
 ciū provocavit, Illi fremere, alij obstupescere ho
 mini s

his infantiā, qui nesciret hujus planè exactissi-
 mæ iudicasterii æquitatem. Erant quippe Herodia-
 Cæsaris amici, Nazarei Deo devoti, Pharisei
 sumperiti, Saducei eruditionis exemplaria, Es-
 sæ humanissimæ vitæ homines, & parum omni-
 Babylonica Regina favere credebantur. At
 Euseb. in sententia perstitit, Nolle hos iudices.
 Nam Herodianos esse ambidextros, Nazaræos
 tonsos & ebrios, Phariseos traditionib. occu-
 ri, Saducæos prophanos esse & immortalitatē
 animæ negare, Essæos sub stolis inquinatos & hy-
 percryseos candidatos, quorū omnium consensu
 Christus olim innocentissimus sit cōdemnatus.
 Sed negabatur. omnino Eusebii appellatio, &
 agtis intrudebatur. Tū illi; vim vestrā ferre pos-
 sum: approbare verō iudicium nūquam possum.

17. EXEQUIÆ.

7 Is fuit nuper spectrum, quod erat hujusmo-
 di. Caput nigris albisque fasciis obvolutum
 habebat, manus ardentes pedes equinos, corpus
 amptuosis crepundiis amictum cætera emble-
 matibus pictum, arma inversa gerebat, & lugu-
 re aliquid ridebat. Accersiti Exorcistæ, cum diu
 stragissent, nomen extorquerunt esse Exequiis.
 At Mors interveniens sanctè jurabat, pro socio
 non agnoscere. Vivam enim esse vanitatem,
 non emortuam, & evidens animal, non cada-
 ver. Tum Spectrum conclamare sacrificulos,
 & spiritualitatis testes convocare, imò & sa-
 crosermōnes, queis collaudatum esset, disper-
 gere. Verū interrogatum, an Christi & Apo-
 stolorum, an Sanctorum heroum funeribus

M 4

inter-

interfuisset, obmutuit. Tum è Christianis aud-
culis quisdam:—Heus tu, inquit, cum ea pomp-
ijsque laciniis aliquando resurges, & tribuna
Christi appropinquabis, Tum te Christian-
moris comitatum, non ambitionis vanæ ludib-
um credemus.

18. EXVII AE.

T Rajanus, & Plinius; ille Cæsar, hic provin-
ciæ præses in Reipub. theatro juxta confede-
rant, insolito plane spectaculo. Nam Trajanu
palliolo græco involutus erat: Plinius purpur-
& fascibus nitebat. Cumque curiosius inspec-
rentur, annotatum est, inter se vestes commutaf-
se. Id animadversum ab histrionibus, ac in joci ma-
teriam arreptum, ac indutus asinus leonis exuvi-
is, ac in Scenam protractus. Non fefellit utrumq;
scommma, at Trajanus Magnanimus Princeps fa-
cile cōtempnit, Plinius ad animum revocavit, ac
dissimulata ad tempus injuria cum fortè in pro-
vincia sua Mimos esset nactus, fustigatos & illu-
sos urbe eiecit, quumque quærerent delicti gra-
vitatem, responsum est, Majestatis reos esse, &
duriora meritos. At illi Trajano supplices facti,
cū asseverarent, nunquam ipsi esse illusum sal-
tem locatos in Plinii purpuram. Respondit Tra-
janus per se non stare, quo minus umbra sua ter-
ram obfuscet: saperent posthac: nec enim oblo-
quendum esse ijs, qui possent facere; nec luden-
dum cum seriis; nec scribendum contra
eos, qui possent proscri-
bere.

19. FI-

19. FISCELLA.

Lethes, homo integri cordis, sed liberæ lingue, quod aliquoties Hypocrisin increpasset, elatus ad Politicorum iudicium, iussus & fiscella capi strari. Id ut durum erat, ita plerisq; creditur, Alethen id laturū quā impatiētiissime. Ille nihil commotus prompte admisit, tum quod temporarium esset, & in loco haud ita ce- bri minus infame, tum quod masticationē nil impediret, & liberalitatem commiserantium provocaret. Sed maxime, aiebat, quia ad dedecus horum est, meum decus: nisi enim notassent, la- visssem; nisi obstruxissent, tacuisssem. Nūc quot- quot fiscella insignitū intuentur, curiosē de me inquirunt, & Veritatis odium execrantur. Hoc meum optima quisq; optat, apertam esse eorū animam & invidiam, quos dignum est invidere bonis, quā si tectam gerunt, lethalius nocēt, cum replicant, facilē hominib. sordescunt. Bonis bene dixi, malis malē; an malis bene dici volunt, ut bonis malē; an bene omnibus, malē nemini? At cui nemo malus est, quis bonus esse potest?

20. FVRIAE.

Congressæ sunt haud ita pridem quatuor Reipubl. pestes. Blasphemia, Usura, Libido, & E- rietas, ac inter se de præsentis rerum statu collo- utæ: Blasphemia, vos meæ, inquit, jam dudum est, quod honesto loco habemur, & in Virtutum alarium admittimur. Sed nobis nescio qui sacri- culi, vel audaculi alii, quos viros bonos nomi- ant, obganniunt, cōsulo igitur, quando hac æta

M s te No-

te Nobilitas minimo venit, ut & nos Equestre
dignitatem emamus, quæ scutum nobis erit co-
tra latrantes illos catellos, & dos insignis ad o-
tinenda splendidissima matrimonia. Allubuit
cæteris, & conflato, quantum opus erat, argēt-
multis verbis & argumentis Nobilitatem peti-
re. Sed virtus, quæ insignia solet impertiri, quo-
dignum premio, aut Patriæ perutile præstitisse
olim, aut præstare possint, percõtata Blasphemi-
Ego, inquit, Deum expello, ut terram relinqui-
ret filiis hominum, pòit Usura: Ego Plutum. in-
quit, effodio, irritamentum malorum. Indé Lib-
do: Ego terras inquino. Deniq; Ebrietas: Ego, in-
quit, hominem exuo, & brutum induo. Tum vi-
tus: Cum perdenda erit terra, respondit, vestra
pera utemur, ac tum Nobilitabimini.

21. GENVINI.

Felicitas cum instruxisset lautissimum Epul-
& quā plurimis, qui se Convivas fore somnia-
bant, salivam movisset, illa non nisi unius Patri-
conterraneos invitavit, & multis opulentia, co-
cordia, roborisq; dapib. erexit. Cōvivæ erant R-
ligio, Lex, Imunitas, Historia, Mos, Fruges, qu-
bus cum Felicitas frontē undiq; & pectus ipsius
exporrexit. Cibi aspectabiles erāt. Pelicanus, cr-
ore pullos conspergens cū symbolo *Dum & &*
Canis sepulcro domini insidens, cū emblemate
Usq; hu: & Alveus apib. plenus cū inscriptione
Suum quisq; Doluit Exoticā, quæ omnibus aliis
conviviis interesset, & inventiones pomparum
reliquis impertiret, hic exclusam, & cum sarcas-

Quid præclari tandem egit, inquit, quæ uni-
 Pagi rusticellos convocavit? Quod ut inno-
 cit Felicitati, illa nihil cōmota: Didici, inquit,
 à prudentissimo sine tempore, tã diu mihi be-
 & beare fore, quam diu colerem Religionem
 Patriæ, & uterer legibus patriæ, & ruerer privile-
 gia patriæ, & novissem historiam patriæ, & ac-
 commodarem me moribus Patriæ, & vescerer
 legibus patriæ. Nam gēuiniis securè fidendū,
 ex privignis, rarò adoptivis, nunquam spuris.

22. HENRICVS MAGNVS.

† Henricus IV. Galliarum Rex invictissimus cū
 æternæ Memorix templum decorare vellet,
 statuas duas per nobiliss. Thuanum ei consecra-
 vit, Veritatis, & Liberæ linguæ: quod quia non
 ullis displicuisset, qui Victoriarum & oblivio-
 nis tū magnanimitatis simulacra malebant, ille
 nihil motus suaviter arrisit: Jovius, inquiens, q̃
 multa est vel in gratiam, vel in odium mentitus,
 etiam ea, quæ vera dixit in dubium vocavit. Mei,
 cum omnia effutire licet, tantum absunt ab adu-
 rationis & livoris suspicione, quantum absunt à
 necessitate. Itaq; hanc legem ijs indixi, ne quid
 falsi dicere auderent, ne quid veri non auderent,
 atq; hac ingenuâ rerum mearum recitatione ca-
 put supra seculi mei Monarchas extuli, Voloq;
 hanc vivam mei imaginem, cui Pictor nihil fu-
 ci addiderit, publicè prostare, ut si me hominem
 fuisse homines subinde deprehendant, magis mi-
 rentur, tot admiranda mea non ab aliquo Poëta-
 tū invulnerabili. Deo. sed mortali & carnea mas-
 sa, quam inimitabilis spiritus inhabitavit, esse
 perpetrata. Hæc audiens Posteritas: Hoc

nempe, inquit, impetravit, ut quicquid scriptores dicant minus dixisse credantur.

23. HOMO.

Natura, opulentissima vidua, filium, quem prae omnibus indulgentissimè dilexerat, & solícite educaverat, Animum, cum maturæ esset ætatis, virgini lectissimæ, Corpori, desponsavit, dotemq; amplissimam, Rationem, addidit, cui sponsa voluntatis non contemnendas opes contulit. Oeconomia vitæ inchoata, & addito expensarum magistro Memoria, conductisq; ministris sensuum quinque; agilib & laboriosis, admirabiles undique Concordiæ redditus colligebantur, erantq; ingenii, virtutumq; promptuaria undique plena. Iis tres singulæ prudentiæ præfecti dispensatores Honestum, utile, atq; jucundum. nihil quod ad Harmonicam opulentiam faciebat, intermittebant, Imperabat amico domino, obsequebatur illa libera subjectione: serviebant ceteri fideli opera; dispensabat Oeconomus liberali parsimoniâ, consulebant Senes paternis monitis. Sed haud diuturna fuit matrimonii felicitas. Cùm Dominus superbire, ille heuluari cepisset, & ministri paulatim dissolvi, oconomus securius & licentius agere. Unum honestum diu quidem reluctari, tandem verò abigi, ac mox malorum Pandora ingredi visa est. Cessit paulò post sua sponte Utile. Jucundum senio & podagra confectum elanguit. Exhaustæ opes, perempta fama turbatum caput, excisum Cor. conculeta conscientia, sublati pudor, extincta felicitas. Interea meretricum & Mæchorum domus plena, histriorum turba frequens, tum creditorum

itorum divexatio perpetua, donec, cui prae-
 aliquis debebat, desperatio obrorto collo vin-
 cens prodigum, Gehennæ carceribus intrusit
 æternis suppliciis castigandum.

24. INCENDIARIUS.

Convenerant in Prytaneo Boni publici Pro-
 ceres, Veritas, sagacitas, vigilantia, Sobrie-
 tas, Robur, Parsimonia, labor, &c. ut de salario
 bonorum augendo, & minuendo malorum con-
 trario, inter se conferrent. Allatus enim erat ex
 Egypto annulus cum inscriptione: *Al Virtuo-
 poca paga le es ser señor de toda la tierra, y al
 vicioso poco castigo es que tarle la vida.* Ea regu-
 la, quia ex usu Regni videbatur esse, Principis
 mandato erat discutienda. Hoc cum animad-
 vertisset Malignitas, & vereretur, ne præmiis
 provocati, bonorum numerus cresceret, mali
 mediâ & contemptu extenuarentur, submisit
 hominem subdolum, qui Curiam jam dudum
 cuniculis suffossam, & pyrio pulvere fascibus
 substratam incenderet, ratus hoc uno fulgure
 boni publici nervos omnes & fulcra incidere
 posse. Fuit homo nequam & occasionem undi-
 que captavit; sed notatus ab aliquibus, quod
 meticulosius & suspectius se gereret, tandem ap-
 prehensus & excussus est, nec aliud repertum,
 quam stupæ, cum chalybe & filice. Inde pro in-
 cendiario habitus, & ad tormina raptus omnem
 tentati sceleris ordinem exposuit, tum repertæ
 subterraneæ infidiæ, & periculi magnitudo cum
 præsentia, æstimata: ita supplicium hic invenit,
 illi salutem retinuerunt, ac in publico tabula au-

ratis literis suspensa, cujus inscriptionis summa,
Deo curæ esse publicam salutem, alioquin Sata-
næ fraudibus intereundam.

25. LANGVIDVS.

L Anguebat Integritas, atq; cum summo totius
familia, ac vicinitatis dolore. Itaq; nihil in-
termisum, quod sanitati reddendæ posset con-
ferre. Vocatus Vesalius Anatomia Princeps, ut
intima scrutaretur, reperit in ægotante colorem
autoritatis, vivum & rubicundum, Calorem bo-
næ famæ temperatum & sanum, vocem honesti
animi sonoram & nullibi raucam, anhelitum ob-
sequii facilem nec impeditum, Gustum ludica-
rum nihil infectum, sed sapidum, Pulsum con-
tributionum satis ac æquabiliter mobilem, Uri-
nam sumptuum non letalib. maculis signatam,
Somnum fidelitatis germanicæ, non ullis terri-
culamentis abruptum. Cumq; alia atq; alia so-
licitè examinaret, nec pateret tanti languoris
causa, ac puderet jam tandem Anatomia suæ ef-
se impositum. Hic morbus inquit est ex ædo-
ricis vulneribus quæ occultata necant, resecta
facile sanantur.

26. LINGVAE.

Pædotriba quidam Hæbraicæ & Græcæ lin-
guæ occurreret, &, ut est genus hominum
Philautum, recto capite præterierat, At illæ jam-
dudum homuncioni offensæ, veluti occasione
data subito insequabantur, & medium arreptum
colapsis

clapfis & pugnis miserè dedolabant. Tum Pæ-
 triba vociterari, Deos hominesq; inclamare,
 qui accurrere, sed præ risu manum nullam
 movere. Tandem Latina lingua, ut audit ty-
 monem suum vapulare, tulit suppetias, & facile
 amicis linguis impetravit, ut dimitteretur.
 Quæsit autem ex illis, quid peccasset homo.
 Answer, audiensq; cum inurbanitatem stolidi ca-
 ritis, tum quod nunquam Auditoria ipsarum
 invisisset, nunquam adduxisset vel admisisset
 melios, sed inutilibus præceptiunculis juventu-
 tem adimpleret, quam econtra solido auro &
 argento emungeret, capsulasq; vacuas sub spe-
 ciosis titulis vèderet, risit Latina Lingua, & Meæ
 orores, inquit, Nulla est hujus hominis malitia,
 sed imbecillitatis conscientia. Nam qui possit
 vobis etiam centenario major sufficere, qui qua-
 draginta integris annis ex me latinè discit, nec
 Latinè loquitur.

27. *LVSVS.*

COnvenerant diebus feriatis Lusus & Scurri-
 litas, cumq; hæc sibi mirè placeret. & illum
 amicissimum crederet: Opportunè, inquit, mi-
 frater, ut in scenam mecum humanarum ine-
 priarum eas. Tum ille, tecum, inquit, faciam,
 maledica, quæ bis per omnia mihi adversaris.
 Nec enim rectè judicas, nec consilium verè
 das, nec autoritate polles. Dein quæ non didi-
 cisti, audes; quæ audes, ad amorem utilitatemq;
 non accommodas, tum honesto lepore nihil
 condisi:

condis: hinc doctrina, benevolentia & libertas penitus cares, ac ingenio, oratione & moribus planissimè delinquis, saltem in verecundia & mordacitate apud malefieriatum vulgus risu aucuparis. Mihi verò præterquam quod Religio, Respublica, Eruditio est curæ, ita tamen eandem non undiq; perfecta administratio, toleranda creditur, ut si virtutes vitia, merita sumptus, dotes næ vos præponderent, planissimè acquiescam; si æquales sint, dissimulem, si minores moderatè moneam; si nullæ, ac imposturis, barbarieq; penitus extinctæ falsè perstringam, ut omnino pateat non esse Libidinis & latratus Satyram scribere, sed animi religiosi, integri, moderati, cordati, & in posteritatis usus intentissimi.

28. MACULA.

DEambulabant per Voluptatis hortos incurii aliquot, & capri rerum elegantia, dum singula perlustrant, tandem ad subterraneos fontes, quos grottas vocant, descenderant. Quod animadvertentes, qui in insidiis stabant, aqua per tubulos & fistulas emissa, interclusos hospites non conspergebant modò, sed totos madefaciebant. Tandem emissis illis, cum ad cubicula & focos omnes properarent, non eadem siccandi & abstergendi ratio reperta est. Nam quos vanitatis. Socordiae, loquacitatis, contentionis opinionum, aqua resperferat, facilè siccabantur, haud magno vestium damno: quos avaritiæ, ambitionis, crapulae, invidiæ aqua madidaverat, tardius

ardius siccescebant, & nitorem vestes amiserant, Deniq; quos Libidinis & sanguinis aqua macularat, magno labore fœditatem detergerant, & ad pudoris ignem sedulò diuq; vestes immovebant: illæ vero & corrugabantur, & insidia macularum retinebant. Tum quidam innotuit: Hæc, inquit, Conscientiæ inquinamentum smegma nullum detergit, lixivium nullum solvit.

29. MATHEMATICA.

Mathematica, illa omnium artium Regina, quòd sordidè haberetur, & amicis propè omnibus careret, his diebus ab Academia missionem petierat. Hæc vero non tam æstimatione Nobilissimæ matronæ, quàm ne ob ejus dimissionem minor videretur, & malè audiret, benignis verbis placare illam, & si quàm accepisset injuriam vindicias promittere cepit. Tum illa: Qui possis, inquit, Domina, cum hinc Latina lingua, illinc Dialectica tibi dominantur? quas quisq; habet propitias, impunè nobis reliquis illud. Græca vilet, Hæbræa alget, filia meæ esuriunt, & soror mea Physica quàm est contemptui, nempe omnes exoticæ credemur. Solus latinus syllogismus inquilinus est, & si quid nostri civitate donat, ita pascit, ut fumo vivere necesse sit. Quid enim non de fraudibus conquerar? Nuper Grammaticorum manipulus quidam amicorum meorum perfectissimo, & ingeniosissimo persuasit, ut oblitus famæ suæ illius ordines detergeret, quasi is ipse quoq; esset maculatus,

latus, nunc nobilem spongiam nacti, in sinum rident. At Academia ut sedaret indignitatem: Bono animo esto, tu mea & hanc rem mihi committe: faxo enim hoc adipe grammaticorum macies non pinguescat.

30. M E R I T V M.

Meritum cum numerosæ prolis Pater esset, visus tamen est omnium hominum securissimus. Quem cum Genus & Opulentia frequenter admonerent, exemplo illorum saperet, quæ spe suâ magnificâ decidissent, ille subinde maiora sua merita, quàm quæ in posteris obliterari possint, jactitavit. Proflare non nominis saltem decus, sed laborum, ingenii, utilitatis testimonia & ea ad perenne suorum subsidium satisfacere. Risit ad ea Politica, & Nescit, aiebat, hic simplex, nunquã deesse tempori sua organa, nunquam organon non usurpare tempus, & hos calculos laborum lineis æstimari, non metalli nomenclaturæ pretio. Id annotarum ab aliquibus Meriti liberis, qui quoquo alio nomine, quàm Patris respectu operam obtulere, reliquis id inane & gloriosulum, imò pigrum & invisum plerumque nomen aëra hiantibus. Tum ex senioribus quispiam: Quis possit homo, inquit, de Mundo unquam bene mereri cum Christus ipse tam pessimè sit meritis?

31. M O N S T R V M.

Natus erat Mundo partus, sive monstrum verius, oculis aullis, naso adunco, ore rostrato, auribus

tribus promissis, digitis uncinis, pedibus un-
 glatis, sexu hermaphroditus. Is cum usq; adeo
 dominabilis esset, mirè tamen parentes delecta-
 batur: tum quod fata hujus sui deliciis curiosè
 concupiscerent, convocati futurorum peritissi-
 mi magistri, Abbas Joachimus & Trithemius
 Cardanus & Garcaus Astrologi, Picus
 Mirandulanus, & Reuchlinus Cabalista, Tycho
 Brahe, & Regiomontanus Astronomi, Taisne-
 is, & indagine chiromantici, Hageccius & A-
 pollonius, Meloscopi, Paracelsus & Turneise-
 us arcanorum scrutatores, Peucerus, & Agrip-
 pa divinatorum collectores, qui in annos, stu-
 dia, fortunam, lathum inquirerent, magnis mu-
 neribus, si fausta prædicarent, cumulandi. Illi ut
 sibi bene, Mundo satisfacerent, annos Nestoris,
 ingenium Aristotelis, fortunam Alexandri, ro-
 res Herculis, opes Cræsi, famam Augusti, mor-
 tem Romuli unanimiter præfagiere, inde donis
 honorati tacito risu ad sua redire, Quod ut ani-
 madvertit Cosmopolemus: Quid opus erat, in-
 quit, tanto indagine, cum per rerum naturam,
 non liceat ex Basilisci ovis Aquilas excludere?

32. NUNDINAE.

Cum nuper imposturæ haberentur Nundinae,
 dici non potest, qui Mercatores, qui Em-
 ptiores confluerint. Erant enim inter lite-
 ratos, qui libros Esdræ 40. & Salomonis ma-
 gno numero exponerent, qui novam Hiero-
 solymam delinearent. Prostabat Mathema-
 tici

tici Circuli quadratura, Arithmetici coſſa perfectæ, ac ſupra omnia numeri myſtici, Prophe-
 tici, Iudiciales, ac concentus temporum, Medi-
 cis venalis Microcoſmus, ſignaturæ creatura-
 rum, harmonia Cœlica, Cabaliſtis portæ intel-
 ligentiarum, & acroſtica, anagrammata, litera-
 rumque figuræ & combinationes veniebant.
 Grammaticis ars memorię, cubilinguarum, ſte-
 ganographia, didacticæ novæ, linguæ mutæ, &
 nutuum merx erat. Mechanici perpetuum mo-
 tum, æſtus marinos, ſphæras mobiles, Machina-
 paneraticas, cornu Alexandri, volandi alas, uri-
 nandi capſas, transfretandi terram naves, pene-
 trandi Septentrionem canales attulerant. Hiſto-
 rici monſtra Auſtri, Gigantes, pygmæosq; &
 conſuetudines miras, tum miracula Jeſuitarum
 advexerant. Sed maxime operoſi Chymici lapi-
 dem Philoſophicum, Medicinam Univerſalem
 Panaceam, lumē perpetuum, aurum pellucidum
 vitrum ductile, rejuveneſcentiam, longæ vita-
 tem, tranſmutationes rerum, monetarum fuc-
 tionem, & quinteſſentiationem, anatomiam
 Univerſi, Baſamum incorruptionis, reforma-
 tionem ſcientiarum magno clamore, multis ju-
 ramentis offerebant. Nec deerant, qui ſpecula
 Philoſophica, perſpicilia Lunatica, ſpecula cō-
 ſurentia, & qui ſigilla, characteres, campanas
 conſtellatas, Spiritus familiares, annulos her-
 meticos, virgulas divinas, radices conſecratas
 jaſtitarent. Sed & gemmas facere, & inviſibili-
 tatis, roboris, linguarum, divitiarum lapides
 vendere, Fortunati loculos, optandi pileolos
 con-

ansuere, videre erat, & qui effodiendis thesau-
 ris, interpretandis brutorum linguis, explican-
 dis insomniis, prædicendis futuris, applicandis
 medicinis & sacrificiis, illustrandis mythologiis
 æram addicebant. Omnes hi obsidebantur à
 avarosorum, credulorum, prodigorum, &c.
 verba, & multo ære obruebantur. Unus supere-
 rit institorum, cui nolæ, auriculæ, virgæ, flagel-
 latorum, scuticæ, laquei venales erant, is paucos, nec
 si sapientes, emptores pro coercendis furio-
 sis reperit.

33. OECONOMVS.

Economus cum è famis & Paupertatis vin-
 culis ad Ærarium confugisset, subito intu-
 it, & meris opibus diffluxit. Visus à Ratioci-
 natione, & vix agnitus: Nonne tu is es, inquit,
 qui biduo antè hic & luridus obambulabas, nunc
 utis tua vix pinguedinis capax ecquid habet
 ingestum? Tum ille: vah convictus, ait, quam
 ab ærario laboribus emo, non nutriat? Ratio-
 cinatio vero: Immane oportet esse, quod expe-
 diendum tibi quotidie est. Haud ita: respondit
 alter, ac minus etiam, quam aliis apponitur.
 Cæterum hic cibus nescio quam sapidus est,
 quam facile nutrit. Sed caput concutiens Ratio-
 cinatio: O Scelus, inquit, si orbes, patinas, ca-
 cinos, cacabos, & integros focos cum cibis de-
 corares, non posses citius pinguescere, & audes
 ordinarium victum jactitare. Nam & quotidie
 epularis, & ædes infarcis, & census colligis, &
 familiam numerosam alis, & superest, quod pro-
 digas,

digas, idq; à tenui salario. Itaque qui te fir-
rem & furciferum nescit, eum ego fatuum; qui
tecum participatur, eum scelestum; qui te Chi-
stianum agnoscit, eum prophanum; qui
non suspendit, eum injustum credo & pro-
nuncio.

34. O P E R A R I I.

DEcreverat Respublica munitissimum al-
quod castrum in finibus Felicitatis contra
tenebrarum principes extruere, sumptibus ad
sufficientissimis congestis. Cumq; id innotui-
set, confluerunt ex terra Sinear varii artifices
homines, qui operam suam offerrent. Dabat
Politia fabros lignarios. Curia lapicidas, Philo-
sophia arcularios, Philologia tectores, Jurispru-
dentia cæmentarios, Medicina figulos, Theo-
logia vitriarios. Dabat Aula fusores tormento-
rum, Forum fabros ferrarios, Castra fabros ahe-
narios, Civitas laterarios, Officina statuarios:
nec deerat vel varietas, vel numerus ad erigen-
dam memorabilem aliquam structuram. Ca-
rum cum jam opus ipsum aggrediundum esse
decerant operarii. Nam quotquot convenerunt
non assuevisse laboribus dicebant; sed operarum
fuisse præfectos. Unde delineationibus, & sche-
matis occupabantur, iis tam diversis, tam dissi-
mis, ut temporis nihil fuerit satis, eaq; tanto æsti-
mabantur ut thesaurus ille non suffecturus cre-
deretur. Tum irritata Respublica & desperata
bunda: Ite omnes, inquit, in rem pessimam
malo quippe operarios centum & Architen-
ctum

nam unum, quàm mille Architectos cum uni-
operario.

35. PALLAS.

Allas cum inter deambulandū, libellum quen-
dam seridè evolveret, literatorem habuit ob-
rum, cui id visum ridiculum, quod armatam
super conspexisset. Hem, inquit, quid tibi cum
literis & libris? Illa obstupescens barbæ infan-
tam, nunquam sordidius habitæ sunt literæ,
it, quàm apud te; nunquam liberalius, quàm
apud me: tibi enim meri sunt bajuli sive faquini,
qui vocabularia comportent, mihi iudices, qui
perrena cælicaq; omnia dijudicent. Tum ca-
cula ingenii tui quàm angusta est, quàm curtæ
supellectilis, quàm araneorum telis & pulvere
obsita? Mihi & contemplationis palatium, &
lectioum prædia, & inventionum silvæ sunt,
quibus hospites meos magnificè soleo excipere.
Si nescis aut dubitas, quære ex Scaligeris, Dou-
is, Ranzoviis, Huttonis, Braheis, Mornæis,
Thuanis, Welsaris, Enenckeliis, quos è magno
numero tibi nomino. Reges autem & Princi-
pes jam omitram, ut interroges, anne apud
me minus lautè vixerint, anne tuam famelicam
monrositatem concupiverint? Tu itaq; posthac
ex me disces, Summæ nobilitati cum summa e-
ruditione optimè convenire, ac per multum
interesse, literæ in animam ge-
nerosam, an abjectam
incidant.

36. PAV-

36. PAUPERITAS.

A Vtarcia cum solenni die donaria amicis distribuisset, aliis alia, his potentiam, illis sapientiam, aliquibus vires, multis opes, nonnullis Famam, unam paupertatem visa est diutius suspendisse, denique, quod in fundo erat, omni ei adjecit. Quæ illa hilari vultu accipiens, acti pro more gratiis abiit, nec sua munera ostendit. Quæsitum inter sophos, ecquid nacta fuisset, aliopificium, alii laborem, alii spem, divinavere. Sed illa solito hilarior & securior faciliè has conjecturas elusit. Ambulabat enim securè per sacra prophanaq; conclavia, & nullius ceremoniis sumptibus nullis astringebatur. Deinde mensa adhibita, omnia avidè & cum voluptate depascebat, nulla superstitiosa civilitate impedita. Deniq; vitæ dimidium requiescebat somno tanta confidentia captato, tanta perennitate traducto, ut Mundi hujus anxiiis & scrupulosis fuerit miraculo. Hæc ubi Socrates curiosè annotasset, nonne colligitis paupertati libertatem, appetitum & somnum dono data esse? quæ quia nobis defunt. inter mera vincula, nauseam & vigilias vivendum est.

37. PEREGRINATIO.

Peregrinatio, quod mirè orbis terreni intuitu esset accensa, nihil prius habuit, quàm iter aliquod cyclicum instituere. Id audientes Christophorus Columbus, Americus Vesputius, Ferdinandus Magellanus, Franciscus Dracop

Thomas

Tomas Candisius, Olivarius Anortius, tum
 Sebastianus Delcanus, Franciscus Piccarus,
 Ferdin. Alanagrus. Hugo Villobei, & alii
 his inventores, expugnatoresq; experti via-
 rum rædia & pericula, id unum egere, ut à sto-
 rio proposito averterent: Esse quippe jam o-
 mnia cum literis, tum pictura prodita, neq; tan-
 tum differre Novum à Veteri mundo, ut insanis
 sumptibus, & animæ dispendio sint conferenda.
 La verò hanc humani ingenii excellentiam eos
 videre, & orbis pulcherrimi integram imagi-
 nem suppressere velle rata, quam primum
 chantaia nave conscensa æquor tentavit, e-
 mensisq; Oceani latissimis, infidissimisq; spatiis,
 terram Australem hætenus incognitam appe-
 dit. Ibi reperta Crapula & Hambronia, yuronia,
 Setenea, Viraginia, & Nabalonia, Moronia,
 Guotiseaphta, Lavernia & Suffrinia, terris
 populosis, & ad Europæ modum, legibus,
 consuetudinibus, moribus, ceremoniis, cultuq;
 institutis, cum tam difficilimæ indagationis pæ-
 teret, & neglectorum monitorum puderet. La-
 tera tandem nave in Patriam rediit, hac una con-
 fessione carè empta, Mundum quidem nō plane
 iterum & eundem, nuspiā tamen bonum esse.

38. PRACTICA.

Practica cum bono publico bellum post si-
 mulatam diu amicitiam, indixisset, milites
 non quotquot confluebant, sed arcano dele-
 tu conscribebat. Nec enim animosus quis-
 quam, sed subdolus: non sonorus, sed sibilans;

N

non

non erectus, sed repens, & uno verbo, abjectissimi pectoris quisq; admittebatur. Quæsitum ex illis in tenebrâ caveâ: An scirent immunitatibus subditorum quintam essentiam extrahere, an ollas sacras despumare, an ex peccatis pinguiorum aurum tacite conflare, an liberas Civium alas prodicionis visco illinire, an inventiones prodigalitatibus suppeditare, an cuprum album, pro argento expendere, an loquaculis os obstruere, an voluntatis Divinæ vinum cum Mundi consuetudinum aquâ diluere; denique, an supremum iudicium declinare possent? Quales cum opinione plures in cryptâ illâ approbati & bonæ gratiæ sacramento armati, tum sigilli testimonio honorati essent, quæsitâ ab intimis Practica, ubi aciem instruere, & explicare phalangem vellet, risit illa intimè, & satis mihi esto, ait singulos & separatos in officiorum diversorum statione stare.

39. P R A E B E N D A.

VAcabat olim pinguis aliqua præbenda: quod ut, nondum frigido cadavere, innotuit, plurimos, pessimo exemplo, excitavit. Accurrit primus cum munusculis, & emptam voluit: Alius quod Dioceseos Metropoli hætenus serviisset, eam sibi deberi credidit. Tertius præclari generis spem in Parentes cognatosq; suos posuit. Quartus secretum aliquod Chymicum, quod aperire vellet, jactavit. Quintus intercessionem tum aliorum, tum ipsius loci attulit. Sextus pupillus Patri succedere

ere & suorum pauperiem sublevare voluit. Secundus jam diu promissis lactatus, & domesticâ angustia pressus se tandem exaudiri petiit. Octavus eruditione pollens, locum, ubi se explicet, proposcit. Nonus ex conjugio affinis, Uxorem legatam misit. Decimus, alibi profugus, Eximiam miseriam interposuit. Undecimus commutationem obtulit, quod cum suis sibi minus bene conveniret. Duodecimus haud comparuit, nec operam obtulit; sed ab aliis laudatus, quod vigilanter, patienter, laboriosè, sobriè, servidè & liberaliter gregem Christi jam multis annis rexisset, familiæ suæ honestè præfuisse, illicitas usuras, & infames negotiationes abhorruisset, indeq; famâ, quàm nummis; cruce, quàm argenteis poculis esset opulentior, atque huic Divina Vocatio Ecclesiam Dei cum benedictionis voto commisit. Quod ut publicatum est, quidam obstupescens: Nunc tandem servat Deo integro corde servire.

40. PROSCRIPTVS.

ERat ex malè contentorum castris aliquid liberius emissum, quo de soluto iniquius stipendio de Ducum & præfectorum malignitate, de dissolutionis deformitate, & gregarii militis erubescendâ conditione, querelæ continebantur in consilio æquanimorum discutendæ. Ea res mali exempli credita, & non tam remonstrantium multitudo, quàm belli scriptor exosus, indeq; curiosè inquisitus cum nuspam proderetur, pretium capiti, qui vivum aut

N 2

mor-

mortuum afferret, est impositum; Proscriptio etiam dira & tragica undiq; affixa, ut detestabilis & humani generis perniciēs, disciplinæq; omnis dissolutor haberetur. At Philippus Mar-nipius, Aldegondia Dominus, hanc inclementiam improbavit, & ad impatientes Veritatis conversus: Quæ hæc, inquit æquitas est, Publicam vocem, privata colloquia, singulorum querelas, deniq; ipsam rei evidentiam, & vestram conscientiam, & æquissimorum murmur, uni imputari. Vicit Aldegondius, & suspicionis inquisitionem impedivit.

41. RELIGIO.

EXultabat Religio ob senium suum, & artus suos etiamnum vegetos, faciem nondum rugosam ostendebat. Tum Devotio fortè præteriens, cum esset ex animo gratulata: Est equidem mea soror, quod gaudeas; est etiam, quod tristeris. Nam post tot hostiles conatus te superesse, id mirum, esse verò te ejus, ut quondam vivacitatis id noli tibi credere. Tunc enim poteras increpare magnates, qui id nunc minime ferunt, & alere egenos, qui nunc esuriunt, & dare leges, quæ jam sordidissimo quiq; excutit, & imperare Philosophiæ, quæ nunc dominium affectat & commovere plebem, quæ nunc obtrahit, & repræsentare Deum, cujus nunc vix reverentia superest; & debellare Satanam, cujus satellis omnia sunt plena. Suspiravit ad hæc Religio, & mea Soror ait, quàm me dejecisti? Tum Devotio: confide, & repete, quantula ante cen-

centenos annos fueris, quanta brevi à Deo fa-
 tis; qui idem si pristinas illas vires, quod faci-
 potest, reddiderit, tum demum seriò in Do-
 mino exultabimus.

42. SECTAE.

OKuit Ecclesiæ, inter tantas AntiChristi in-
 fidias ac vires ingenia fratrum contra se mu-
 quo facilimè incitari, & crescentibus odiis in-
 fausta Philippistarum, Majoristarum, An-
 tinomorum, Flaccianorum, Ubiquistarum,
 Brentianorum, Osiandrinorum, Sturmiano-
 rum, Huberianorum, Schekianorum, discin-
 di, populo hinc inde magna offensione di-
 stracto. Itaque negotium dedit Georgio Cas-
 sandro, Philippo Melanchthoni, Martino Bu-
 cero, & Jacobo Andrea, viris eruditis, & mo-
 deratis, ut convocatis partibus, quæ dubia,
 explicarent, quæ dura, mitigarent, quæ inso-
 lida, corrigerent: quæ odiosa, sepelirent. Pa-
 ruerunt illi, & insigni patientiâ clamores ut-
 rinque & jurgia audiverunt: at cum reconci-
 liandi essent, & utrinque quædam dimittenda,
 mirum dictu, quàm acerbè singuli propè in Pa-
 cificatores insurrexerint. Ac tum patuit, Am-
 bitionis potius, & eruditionis certamina esse,
 quam Religionis, & appellationes istas non
 tam quæri, quam imponi, quæ primum du-
 ræ, post, cum applausum impetrarunt, glo-
 riosæ habeantur. Ita cum frustra dirigendis ca-
 pitibus laborarent, id tandem effectum, ut qui-

bus modestia cum pietate curæ esset, sub verbi
Dei Concordiæ formulâ convenirent.

43. SINGULARIS.

Indulgentia, fœmina superstitiosa, puellum
pepererat, quem Singularem appellari voluit.
Eum cum Quinta essentia ablactasset, & novis
machinis docuisset ingredi, Voluit supra com-
munem Mortalitatis sortem & educatum & in-
stitutum. Itaque conductus coquus, qui ex
meris destillatis cibos pararet; tum morum
Magister qui ex Microcosmo, & arcanis Re-
rum publicarum puerum formaret; & Præce-
ptor sive à literis, qui novis præceptis, novâ
methodo, & per abbreviaturas, tum imagines
erudiret; & Mysta qui per revelationes atque
Prophetias ad Divinam conversationem ele-
varet: denique additus confabulator, qui per
otium Mundi ceremoniarum & humanæ fa-
bulæ gestuum commonefaceret. Et hætenus
quidem montes parturiebant. Cæterum cum
jam in Reipublicæ lucem illa perfectionis Idea
producenda esset, erepit animalculum corpo-
re Sphinx, oculis noctuæ, gestibus Simiæ,
lingua Psittaci, corde leporis, auriculis asini.

Risit Plurale, ut vidit, & Quam, in-
quit, præstitisset, hunc inter
meos fuisse factum ho-
minem?

44. TALIO

44. TALIO.

Is inter fucos & scarabecos his diebus acriter agitata est. Fuci querebantur pulsos se violententer alveis, quos aliquot centum annis pacifice possederint. Scarabei ignavum pecus accubabant, quod flores depaverit, melle sit luxuriam nullo suo labore, nullo aliorum usu, & murmure fuisse vicinari molestum, aculeis formidabile. Quæsti fuci, quando, à quibus & quo jure alveos acceperint, responderunt multis retro seculis inhabitasse apes, imbecille insecti genus, & laborum strepitu intolerabile. Id jure belli, & compositione expulsum locum dedisse fucis usq; ad Scarabæorum violentiam. Tum scarabei: Laudamus, inquiunt, confessionem vestram, nempe nos apum innocentiam & injuriam vindicavimus. Ergò ne, subiciebant inquisitores, ad Apes rediit alveorum possessio, & mella sunt restituta? Haud ita respondent Sacraei: sed hoc laborum & reformationis est pretium, ut, quod iniquæ prædæ repertum est, nobis cedat. Tum senior quidam: Hoc vobis, inquit, affirmo, non defuturos aliquando vestræ reformationis reformatores.

45. THRASO.

Venerat in forum sumptuosus Agyrta, & magno tubicinum clangore ad contemplandas & emendas admirabiles medicinas suas homines convocaverat. Erant autem pictæ

N 4

pyxides

pyxides cum speciosissimis titulis, Christiano-
cabalicum, Divino-Magicum, Phicochymi-
cum, Tertrium Catholicon, Hallelui-Iah,
Chaos Magnesiae, Pyramis Triumphalis, bo-
num Macrocosmicon, Arx primaterialis, An-
trum Naturae, Gymnasium Universale, Porta
Sapientiae, Speculum legis, Oratoriolaborato-
rium, rejectio binarii, & similia Orbimperipor-
tendificuncta, undiquoquo versum bombitara-
tantarantia, verbocinatoria, &c. Quae cum
multos alicerent, nummosq; elicerent, quod
plurima pollicerentur, tamen quibuscunque
vendiderat graviter injunxit, neutiquam ape-
rissent: Esse enim hanc mysticam Catholici-
vim, ut clausum per transpirationem operetur,
ad apertum expiret. Non cohibuit tamen cu-
riosum unum & alterum, qui cum capitis, ut
ille aiebat, & sumptuum dispendio pyxidem
suam aperiret. Eam plane vacuum, nec ullius
medicinae vestigia reperit, itaque in forum re-
currens, & de fraude exoptulans, mox empto-
ribus reliquis, ut suas inspicerent, animatis, de-
prehenso ubique dolo, & clamore in impo-
storem suborto, ille nihil commotus. Hoc,
inquit, secretorum secretissimum est, res meas
nisi filiis disciplinae invisibiles esse, tactiles ex
millibus vix uni.

46. TRIUMPHVS.

O Peræ pretium est scire, quo triumpho Ty-
rannus post devictos innocentes urbem
Babylonem ingressus sit. Dies erat homicidio
sacra,

sacra, cum obviam processit Politicorum turba
rætextata, prælatis Druidum, & Assassinatorum
maginibus. Tum primum advenere noctis
anbartholomæanæ, concionis vassiacenæ, spe-
taculi Valedolienfis species contis elevatæ &
egmata Albani prægesta. Dein spolia inno-
centium, conscientia, sacramenta, verbum, &
crassa innocuo cruore plena ostentata. Mox An-
dichristi dona, & infernales Coronæ sublimes
nonstratæ. Post acti obvium greges, & co-
mumbarum cavæ prælatæ. Subsequebantur hi-
storiarum tubicines & munimentorum tympa-
na, magno strepitu mendacium resonantes.
Tunc animosi Leones, pervigiles canes, labo-
riosi tauri, obsequentes equi Dæ Meticulofita-
ti immolandi adducebantur. Exinde de tyran-
nide optimè meriti, Cordubenses, Lotharingi,
Atrebatenses, & magno numero alii truculento
vultu se ingerebant, minio picti: post quas tra-
hebantur captivi bini & bini, Devotio cum ju-
dicio, Libertas cum honestate, victus cum æ-
qualitate, Scientia cum liberalitate. Inde ince-
debant victoris honorari Ratio status, Interes-
se, Exlex, voluntas, consuetudo, Vis, purpurati
omnes, & buxo coronati. Succedebant adula-
torum, Lenonum, artificum cytharædi, ac mox
servitii, atq; consensus lictores. Ipse demum
immanis & multimembris Princeps humano
sanguine ebrius, toga Atheismi amictus, æter-
nâ infamiâ coronatus, sublimi busto insidens à
tigridibus vehebatur, circumfusus publico
odio, mandatis, proscriptionibus, exactioni-
bus:

N s

bus:

bus: quem sequebantur fraudum, inventionum, simulationum hypocriseos liberti. Quo ordine cum in Cruditatis Capitolium ascendisset, missilibus licentiæ & libidinis undique projectis, & acclamationibus hæreson exceptis, sacrificio Martyrii peracto, & Epulo prædarum exhibito nefandus ille triumphus finitus est.

47. TYPOGRAPHIA.

Iam diu conquesta erat tota vicinitas, Typographiam ædibus suis alere inutile & pestilens ex otiosis, nugivendis, curiosis, hæreticis, Machiavellistis contubernium: id quia & urbi indecorum, ita non absq; periculo & proditiōis metu esse. At Typographia, quod Urbis tum sacros, tum prophanos Principes convivās identidem haberet, & ex variis terræ partibus hospites exciperet, prævalebat gratiā, & facilè hos fusurros neglexerat: Orabat autem interdum vicinos, non succenserent ipsi, aut imputarent, si inter tot bonos aliqui mali ex fece hominum attraherentur. Sed non evitavit, quin publicè fuerit respondendum. Itaque se excusare, vel emendare, cujus accusaretur, iussa: Excusare me poterant, inquit, tot in urbem nostram merita, ut, quando ea vilescunt, nihil est quàm emendatum hoc, quicquid est, velim, faciamq; id lubens, cum Aulam absq; equisonibus, & castra absq; prostibulis, & Curiam absq; munusculis, & Academiam absq; fabulis, & Civitatem absq; dissolutis, & rus absq; fraudibus videro. Ita bona cum venia domum rediit.

48. VIR-

48. VIRGINITAS.

Anctus quidam Pater tale quid commentus est, Diabolum quadam die cogitasse de uxore ducendâ, & filiabus procreandis, quas maritaret, ut elatos & malos homines ita secum ad inferos detraheret. Duxit ergo injustitiam, ac filias 7. genuit. Prima Arrogantia erat, quam maritavit Nobilibus & magnis hominibus. Secunda, Avaritia & sordes, quam vulgò maritam dedit. Tertia Falsitas & fraus, quam agricolis conjunxit. Quarta Invidia & Æmulatio: eam opificibus uxorem dedit. Quinta Hypocrisis erat, & cum Ecclesiasticis eam vivere voluit. Sexta Elatio & Superbia: hanc & ad fœmineum sexum amandavit. Septima Scortatio erat: eam nemini uni collocare voluit; sed domi suæ vivere, & esse meretricem, ut, quicumq; hominum neum appeteret, ibi inveniret. Tum juvenum quidam: Hic demum præstabit, cælibem esse, neq; cum fœminis pollui; sed illibatam servare. Agno virginitatem, ac sequi, quocunq; vadat.

49. VIRTUS GERMANA.

Nobilis quidam, ex Majorum pietate, disciplinâ & Oeconomia, divitiis passim celebris, paucis annis res suas decoxerat. Cumq; iret mendicatum, in Germanam virtutem fortè incidit. Ea accuratius hominem intuita: Nonne tu, inquit, Pandorus ille es, quo vix terrâ nostra habuit felicior? Ille, *Fuimus* respondit, *Trois*. Tum hæc: Ecquis te, ait, N 6 perdi-

perdidit? Nec enim vel hæresis, vel Mars, vel E-
rinny, vel sterilitas, quod quidem audiverim,
populavere? At ille cum rubore: Amicorum,
respondit, conciliabulum, institor, coquus, Lu-
dio, artifex, Guatho, ac nescio quis alius. Sed
virtus: Anne tibi, ait, Mater familias fuit, an mo-
nitores, an liberi sunt? Utiq;, inquit hic: sed il-
lius parsimoniam sprevi, horum consilia subau-
divi, liberorum salutem neglexi. Aterat, inquit
Virtus, quod amiculis tuis dares, & supererant,
si rectè opes tuas computavi? Vah nescis tu, re-
spondit Pandorus, quam carè hodie vivatur,
postquam exoticis utendum est? Tunc Ger-
mana virtus excandescens: Cato, inquit, pessimam
Rempublicam dixit, ubi piscis carius ve-
nirer, quàm taurus: at nunc si pretia rerum
cum antiquis conferas, si luxum præsentem
cum parsimonia veterum, non mirum est, mul-
tos exarescere, hoc potius mirum, aliquos fron-
descere posse.

50. ZODIACVS VITAE.

EXoraverat Christianus Justitiæ Solem, ut,
dum Orbem Ecclesiæ circumiret, comitem
se in viæ beatæ Eclipticâ admitteret. Cumq;
îrent, primùm inciderunt in *trierem Liberali-*
tatis, cujus vellus & ipsi sufficiebat, & la-
nam cum proximo communicabat: Dein in
Taurum Laboris, cujus ministerio functionis
terra oraretur; Mox in *Geminos Charitatis*,
qua conversatio vitæ redderetur tranquilla;
inde in *Cancrum Resipiscentiæ*, qui retrogredi
pecca-


peccatores & incrustare molles doceret; Post
Leonem fidei, cujus robore & magnanimitate
 æsentia frangerentur, Proxime in *Virginem*
probata & casta vita, quæ moribus imperaret:
 Porro in *Libram* Æquanimittatis, quo judicium
 dorsum formaretur: Ultrà in *Scorpium* Anti-
 poti contra venena & ictus Mundi; insuper in
sagittarium, qui ad Cœli scopum cordis oris-
 sue sagittis collimaret: postea in *Capricorum*
 existentiae & luctæ carnalis, qua miles Dei ar-
 naretur: Paulò post in *Aquarium*, cujus sacro li-
 quore universum vitæ curriculum à sordibus
 humanis ablueretur. Denique in *Pisces*, munda-
 ni maris incolas, quæ inter tot cetuum & lupo-
 rum rictus, declinandi ambages, & securitatis
 vittora edocerent. Hæc cum vidisset Christia-
 nus, & exoptato spectaculo esset abreptus, dedi-
 gnatus Terram: O Sol meus, dixit, uti-
 nam sic ætatem meam tecum ter-

ras ambire li-
 ceat!



N 7

APO-



TAPOLOGORUM
CHRISTIANORUM Ma-
nipulus Sextus.

Seneca.

Rem dicam ex qua mores aestimas nostros: vix
invenies, qui possit aperto ostio vivere. In-
nitores conscientia nostra, non superbia
opposuit. Sic vivimus, ut deprehendi sit,
subito aspici. Quid autem prodest reconde-
re se, & oculos hominum, auresq; vitare?
Bona conscientia turbam aduocat, mala
etiam in solitudine anxia & sollicita est.
Si honesta sunt, quae facis, omnes sciant: si
turpia, quid refert neminem scire cum tu
scias; O te miserum si contemnis hunc te-
stem.

I. ACA

I. ACADEMIA.



U M *Respublica* in *Academia* per incidisset, commoto vultu minitabunda sic est eam allocutus: Egregium verò tu mihi Magistru submisisti, cui res meas curandas committerem cum rubore respondens Academia: Bona verò inquit: nempe qui tibi serviant, posthac Prometheus finget, aut Vulcanus fabricabit, aut Jupiter cerebro concipiet. Sed *Respublica* vix ab iniuria sibi temperans: Hem eruditionis ideam ait. Jussi Philosophum tuum numerare, non potuit: jussi mensurare, non potuit: jussi ponderare, non potuit: jussi ratiocinari, non potuit: juxta tandem legere ac scribere, non potuit, denique factus est nescire cœlum, & ignorare terram. Per primo equidem fato, respondit Academia, in hunc incidisti, cum centum alii tibi egregiè satisfecissent. Nempe diplomati credidi, subjecit illa, quo Magistru testabatur. Aberrasti, mea *Respublica*, inquit Academia: nam ut fortunæ munera ita eruditionis testimonia missilia sunt. Tur illà in cachinnum soluta: Hæc jam primum, in fit, disco, post decem studiorum annos, & sumptuum talentum, & lectionū struem, & testimonii sacramentum, & renunciationis strepitus, & togæ Philosophicę venerabilitatem querendum ex tuis, an aliquid didicerint. At Academia hilarior facta: Quid mirum, inquit, cum vendo Ma

gistro

estros Doctoresvé, esse aliquos, quos dono
em in auctuarium? Hæc verò auctuaria, re-
sondit illa, non minoris veneunt. Itaque arca-
um aliquod tuum subesse oportet. Habent
nim illi tui hoc cum D E O commune, quòd
on, quid sint, sed quid non sint, definiri possunt.

2. ARMINIUS.

A c. *Arminius*, homo integer, urbana pertæ-
fus, prædiolum sibi in Philanthropiæ Divinæ a-
ris exstruxerat, ad quem confluebant amici, sal-
endi temporis animo. Id ægrè intuita *Invidia*,
& nescio quæ, conventicula suspicata, impetra-
it ab *Importunitate*, eâ re ut civibus interdice-
retur. At illi sæpius etiam & numerosius excur-
ere, denique ædes suas Arminii prædio addere,
c villam non contemnendam facere non sunt
veriti. Id exemplum secuti mox plures alii. Opi-
nione citius oppidum succrevit: quod in securi-
tatem muro & fossis fuit muniendum. Conspica-
rus novam urbem suam Arminius, & admiratus:
Testor D E U M, inquit, nunquam tale quid mi-
hi in mentem venisse: sed gratias agamus *Impor-
tunitati*, quæ, ut olim Reuchlinum, Brahmum,
Lutherum, & alios athletas stimulavit, & ad fa-
stigia rerum evexit; ita nobis intemptivo &
cæco zelo, hanc novæ civitatis necessitatem in-
tulit, ubi de *Divinâ in nos Voluntate* mitio-
ra, & Scripturæ analogæ magis exau-
dire valeamus.

3. ATHE-

3 ATH EISMVS.

A *Theismus*, cui igni atque aquâ interdictum credebatur, nuper deprehensus regio planè amictu & phaleratus, atque à *Simplicitate*, interrogatus: Qua fiducia auderet lucem intueri De hominibusque invisus? respondit. publica approbatione. Quid enim porro lateat, qui tot munda sculis quotidie ditescat. Accipere enim ab aude crapulam & blasphemiam, à curia dolos & avaritiam, ab Ecclesia somnum, & consensum, à Academia mendacium & vanitatem, à foro infamiam & disparitatem, à nobilitate insolentiam & siccitiam, à plebe libidinem & stuporem, à omnibus larvam & ventrem, atque sic ingens contra Deum, contra Scripturam, contra animam, contra naturam opes colligere: ut mori ruendum non sit, ut legibus illis frigidissimè adhibitis expellatur. Hæc ut audiit *Simplicitas*, ingemuit: & O tolerabilia illa tempora, cum nullus id *Impietas*, quod jam pleno ore ejecit!

4. BARBARIES.

I Ritaverat aliquis *Barbariem*: illa sumpto venenato stilo sui encomium coacervavit, & Rationis torsionem inscripsit, rata sub muta concertatione ne posse inclarescere. Sed cum & inimicus mortis stium dedignaretur, & amicorum ejus pudere undique neglectum est. Rediit ergo ad matrem multum plorans, ac situm olens: quæ, ut vidit dolore convulsa: Abi, inquit, filiole, ad pedes

culis

calviriei, podagræ laudes, & cum iis inter
 trenii lusus ævum beatè degitò. Paruit mi-
 ser: sed vix pedem ludicrorum ædibus inrule-
 as, cum sibilis aculeisq̃ue Satyricorum omnia
 streperent, ac Diogenes quidem baculo cor-
 to, capitiq̃ue aliquoties illiso: Quid, tu terri-
 pecus, & fellis amphora, inter jocos & sales ver-
 beris? alibi, vel ingenti malo mactabere. Hæc
 adiens cum retro pelleretur: Eheu, inquit, er-
 go ego nec amicum habeo, nec inimicū. Cum-
 de ira æstuans & furore cæcus procurrisset, in-
 dit in fatalem lapidem, & in terram prolapsus
 cepuit, nec auditus est aliud moriens proloqui,
 quam *Qualis artifex pereo.*

§. BILEAMI ASINA.

Ileami, mali Prophetæ, *Asina* inter cœlestes
 imagines locum impetraverat in Cancri side-
 re; id haud æquabiliter à literatis acceptum (qui
 ost ineptam, an ineptiæ depositionem ab hoc
 animali non secus, ac Judæi à porcis, abhorrent)
 & dictæ est perstrictum, At *Ecclesia*, cum id
 escivisset, mirè in *asinam* propensa: Quas vobis,
 inquit, vultis imagines? An Noachi corvum,
 Iambsonis vulpes, Davidis leonem, Roboami
 corpiones, Elisæi urfos, Babelis draconem? Et
 hæc *asina*, quæ Synagogam & Antichristū invita-
 vult cum Dominū a versari hoc iter, & flammam
 minitari vidisset, cessit Deo, ob id duriter legib.
 & interdictis habita: donec, volente Numine,
 lingua soluta, & cæcitas simul ac iniquitas
 infectori

insefflori exprobrata est. Quid enim non tu
 Nonne Ægypti lateres, Babylonis buccinas, h
 manorum census, Pontificis bullas, Aristot
 retia? ut lapides denique loqui, si parum est
 nas, necesse fuerit. Hæc cum audivissent
 ratores, obmutuerunt; at non sine stomacho.
 Tum *Ecclesia*: Heus, quia hæc vocalis *A*
 vobis tædio, conducite vobis mutas; sed eã
 ge, quam Fridericus Ænobarbus quondam
 victis Mediolanensibus imposuit.

6. CALENDARIVM PER-
 petuum.

A N N O à deserto D E O 5579. repudiato Cl
 sto 1619. imperante Antichristo, Indictio
 decimâ, Aureo numero V I X, Cyclo Solari is
 nario, litera Dominicali Ah. ad elevationem
 bis Babylon Domini anni reperti sunt Tyra
 nis & Sophistica. *Annus* partes ambitio, libid
 crapula, avaritia, Luminarium defectus, hæres
 & impietas, Philosophiæ & Barbariei vicissit
 do, Bacchanalia dodecamestria, Abelis & Cad
 oppositio perpetua, Herodis & Pilati conjunctio
 frequens, Trigonus Sathanæ, Mundi & Cars
 haud rarus, Quadratus Monarchiarum formid
 bilis; à capite Draconis multæ minæ, à caud
 Jesuiticâ vix minores: pestis voraginis sæva,
 mes Verbi D E I dura, bellum lucis & tenebrar
 funestum, ventus vertiginis insoliti, grandin
 persecutionum intolerabiles, siccitates cor
 um noxiæ, sterilitas charitatis luctuosa, sanitas
 spes nulla, morborum examinum numerosa, mor

missi

misterium assiduum, malorum fodinae imper-
citabiles, Christianorum robur insuperabile.

7 CATALOGVS HAERE- ticorum.

In Iebus canicularibus ab amplissimo *Hypocri-
tarum Senatu* decreta est proscriptio & abo-
lio *librorum Hæreticorum*. Itaque prius è li-
geo podio ad id in foro erecto *Catalogus libro-
rum prohibitorum* & pestiferorum recitatus: de-
pyra accensa, magno applausu omnes sunt
combusti. Fuere autem inter illos, quantum me-
rioriæ subvenit, *De rationibus Principum Deo
addendis*, *De elusione consiliorum Achitophelis*,
De immanitate maledictionum Rabsacis, *De con-
gentiosis revelationibus Doegi*, *De sublimatione
amani*, *De loquacitate Iohannis Baptista*, *De
pideis argumentis contra Stephanum*, *De polluti-
tate & colliquescentiâ Hypocritarum*, *De
nubio fidei & charitatis*, *De aequalitate Chri-
stianorum honorum & bonorum*, *De bono pauper-
tis Christi*, *De studiosorum sumptibus defalcantibus*,
De æstimatione humani sanguinis & sudoris,
De Medicina laboriosa temperantia, *De curricu-
& lucta Ecclesiæ*, *De lubricitate & erroribus
humana rationis*, *De neglectu verarum scientia-
rum*, *De amphitheatro humana fabula*, *De strate-
matibus Antichristi*, &c qui omnes, quòd pa-
adoxii essent, & methodo carerent, aboliti sunt.
Cum quidam astans, qui fortè Biblia in sinu ge-
nebat: Quin etiam hæc comburunt? inquit;
ex

ex quibus talia ingrata omnia & invisa habent
sunt.

8. CIVILITAS.

Audierat *Civilitas Rusticum*, innoxiiis manibus ad cœlos sublatis, vocentem: *O, DEUS, tolle me mihi, da me tibi; da te mihi, tolle me tibi*. Tum propius accedens: Non te pudet, inquit, insulse, *DEUM*, supremum illum Monarcham, tam in urbanè alloqui? Quomodo ergo? respondit *Rusticus*. Et *Civilitas*: Nonné *DEUM* singulari numero compellasti, ait, quasi tui aliquem? *Da, Tolle?* Et *Rusticus*: nempe sic edoctus sum *Pater noster* nobis Christus præscripsit. Vah inquit, ptule! ait ille: illo tempore ita quidem licebat, nunc ut alia sunt secula; ita decoris alia observatio. Nam & Regibus, & summis viris non is tuus honor habebatur, qui nunc scribis, & famulis mulionibus. Itaq; injurius in Deum maximè si honores ejus post omnium hominum reverentiam velis intermissos. Sed *Rusticus*: *DEUM*, inquit, dum vixero, humiliter honorabo, nec meum *Pater noster* unquam mutavero. Quod *Civilitatem* tuam attinet, longo usu didici, potius quam singularis fides, singularis clementia, singularis dignitas, singularis excellentia, singularis generositas, singularis reverentia, singularis nobilitas, singularis humanitas desierunt, multas quidem & plures numero successisse minutas, nullas notabiles.

9. CORRUPTIO.

9. CONSVETVDO.

Consuetudo, cum in fidem sub juramenti sacra-
mento plurimos acciperet, magno id egit
effortio, & fronte planè corrugata. Jurabant *sacri*,
puritatem, viræ exemplum: jurabant *justi*,
civili aequalitatem, munerum nauseam; *Vigiles*
vigilantiae curam, luxus odium; *Sapientes* scien-
tiam, otii exilium; *Historici* juventu-
rum æstimationem, posteritatis usum; *Politici*,
optimi selectum, pessimi proscriptionem; *Labo-
rantes* vite commoda, curiositatis contemptum;
Religiosæ obedientiæ delitias, linguæ silentium;
Et res habebatur momenti maximi, tranquil-
litatis perfectissimæ. Inter eos verò *Simplicius*
quidam in id juraverat, nolle se ferre Divini Ver-
bi contemptum, vitiorum torrentes, Dei bla-
sphemiam, deniq; etiam salarii sui diminutionē.
Postremum cum arctius adhæsisset, & primum
animum Quæstorum improbitati ac durtiei oc-
curreret, ille sacramenti nimum observans ad
legislatores suos recurrit, &, quàm iniquè habe-
re, multis verbis est conquestus, nullo dubio
hanc violationem suæ integritatis magna seve-
ritate vindicandam. At illi, cum risu propè corru-
perant: Credidistine, inquiunt, ineptule, hanc rem
id agi?

10. DIPLOIS.

Epocrita, cum in tabernam vestiariam descē-
disset, petiit palliū: qualia cum multa essent,
nulla placuit. Volebat autem ejusmodi,
quod

quod ex uno eodemq; panno una parte album altera nigrum esset, & utraque posset circumvoluti. Admiratus *institor*, quid sibi vellet hæc Verumni vestis, & virum bonum ex facie & mansuetudine judicans: Quis ille, ô bone, ait, qui unius vestis vicissitudines quærit? Tum hic leniter & capite demisso arridens: Simplicissime homo, nescis, quo ævo; inter quos degas? Nam eodem vultu esse volueris, periisti. Nescis et aliud pallium sumendum pro fugestu, aliud extra Ecclesiam? & aliud in curia, aliud extra cancellos? & aliud ad pulpitum, aliud extra auditorium? & aliud in ædibus, aliud extra focos? denique, prout in hominem incideris, vertendum esse pallium? Nisi enim eodem ore orare & blasphemare, eadem bucca buccinare & sibilare, eadem lingua lingere & pungere, eodem spiritu spirare & respirare possis, nullus his quidem terris tui usus est. Tum *institor*, vir candidus Quod si te atrum, inquit, Diabolus abripiat, ecquis albedinis erit usus?

II. DISSIMVLATIO.

PRæviderant loci alicujus *Astrologi*, magnam imminere patriæ suæ rationis perturbationem ex infelici astrorum concursu vel inauspicata constellatione: itaque, inde discedentes eodem consilio sibi sanam mentem servare, & afflictis civibus reddere sunt conati. Nam cum præterisset Planetarum vis stultifica, reversi sapienter exactissimis præceptis pristinos rationabiles mores, consuetudines, habitus, victus, studiaque

revoca-

occare, & sanare fanaticos homines satégere:
 li tanto furore contrà insurrexere, ut *sapien-*
es vix vita superfuert, nec aliâ conditione,
 um ut *stultiorum* mores exacte imitarentur.
 inde sapientiam suam occultare, nec, nisi clau-
 um, inter se de ea conferre; foris verò ap-
 budere, tripudiare, nugari, & stultissimo cui-
 ve velut Reipublicæ primario, sese submittere,
 idemque actiones omnes ineptissimas pleno
 collaudare habuerunt necesse.

12. EXCOMMUNICATIO.

Excommunicatio, quæ in Ecclesiæ terra censo-
 foris officium gesserat, Regibus quondam for-
 midabilis, cum rigidiùs aliquoties, quàm par e-
 gisset, increpata, paulò pòst plerisq; habita-
 tibus despiciatui: unde, introducta dissolutione, bla-
 memare, mœchari, inebriari, deprædari impunè
 cebat, nec quicquam inclamante & exprobran-
 te Excommunicatione: Et jus civitatis Christià-
 ne promiscue dabatur, quicunque nomen civis
 profiteretur. quântumvis legibus omnibus oppo-
 nitur. Si quem forte carceribus coercere cona-
 tur, vel effractis repagulis, vel ereptâ vel deni-
 que surrepta clave, facile liberabatur. Itaque ad
syncretismum re delatâ, cum illa imminutam suâ
 auctoritatē, prostitutum clavigeræ munus con-
 uereretur; hi fœminam morosam, scrupulosâ,
 et moræ omnis impatientem accusarent, minas
 tiam, nisi cohiberetur, adderent: iudices veriti,
 e salva *Excommunicatione*, cives plerique vel
 insurgerent, vel aufugerent, re omni pensitata,

O

desce-

decreverunt, videri e re civitatis, ut, retento s
rio, unicam syllabam nominis dimitteret, & p
hac cum civibus *communi. aret.*

13. FRATERNITAS.

Fraternitas illa admirabilis, quæ per Euræ
Comædias agere solet, cum Eleutheropoli
nuper, invito etiam *Lebasio*, se contulisset. ac
more, per plateas inflatis buccinis, spectatos
convocasset, multos equidem excitavit, & va
fortis; primum quidem *bonos* aliquos, qui, *σφ*
ματα humanæ fabulæ annotantes ac pertæsi,
quod lenimentum quæsi vere. Dein *decoctores*
ve eruditionis sive nummorum, ut suæ miseri
solatium acciperent. Postea infelices *Chymici*,
qui Naturâ omnem fodicâtes, nec nisi lippien
& claudicantes reddit, hic suave aliquod so
nium sibi conciliare satagere. Sed & *Podagri*
& desperatorum morborum alii, temporis & d
lorum fallimendum sunt aucupati. Denique
impostores quàm plurimi, quibus is unicus fin
ut confictis monstruosis ænigmatibus, sim
lata arcanorum possessione, jactitata Naturæ
terpretatione, emérito silentii, temperantiæ, o
scuritatis sacramento, Magnatum aures circ
sonare, atque hinc aurum aliquod portabile co
ficere possint.

14. GNATHO.

Res ludicra accidit. *Gnatho* in *Momum* incidit
homo tetricus in festivum, quem ut vidit, e
palluit, &, Tu, inquit, quid *cornicum* oculos co
fig

g, & omnia carpis? Tum hic: Mallem, ait,
 pigerum dixisses: nec enim auceps ego sum,
 te subsequa, nisi vis mulionem. Vah, asine, mi-
 ser, respondit ille, nescis, quam te unum in-
 iuriaris, te ipsum depinxeris carbone tuo, tuam
 carceritiam prodideris. Tum *Momus*, magno
 gemitu: Quid tu ergo irasceris, inquit, ob
 tantam injuriam? Sed quia Dialecticus es, solve
 mihi: Si mea culpa unius est, quid id ad te? Si
 tua, quid id ad me? Si nostra, quid id ad alios?
 Si aliorum, quid id ad nos? Si aliquorum, quid
 id ad ceteros? Si ceterorum, quid id ad aliquos?
 Si omnium, quid id ad paucos? Si paucorum,
 quid id ad omnes? Sed ille, vultu averso? Rhe-
 tor sum inquit, non Dialecticus. Dic ergo re-
 spondit alter, an *vir boni dicendique* sit subdice-
 verum, proloqui mendacium? Nescis, tu fa-
 cie, subjecit ille, prudentis esse, ne vos tegere, do-
 ces extollere, & commodis verbis rerum aspe-
 ratem perpolire? Tum abiens *Momus*, ne ir-
 taret hominem; Hæc commoda verba, inquit,
 ventus posthac ex te discet, & Nomenclato-
 bus inseret: *Arheus ein Christ, Asinus ein Dr-
 st/Beanus ein Gelsyrter/Animadvertēs ein Ver-
 rter/Corniger ein Gefreiter/Gnatho ein Ober-
 rter.*

15. HERACLITVS.

Democritus & Heraclitus, cum uterq;, diver-
 sa licet via, ad *Contemplationis* templum pro-
 perasset, in medio fani convenerunt: qui cum
 O 2 sacra

sacra sua peregrissent, domum reversuri: Quod frater, inquit Democritus, te affligis od humanæ vitæ cœcitatē? Nempe hoc humanum est, respondit ille, condolere homini tot modis & non opere laboranti. Sic enim optimus quisque publicum luctum luxit, & lachrimas suas ejulatus addidit. Tum alter: Nimis tu mihi videtur æstimare res humanas, & lachrimis dignas iudicare. Ego verò tam viles & sordidas res, ac in tanta cunctorum gesticulatione ridiculas, ut prævalere stultitiam nostram miseræ omnino arbitrer. Nam quæ hujus orbis maxima sunt, honor, opes, & voluptas, mera insaniam ludibrio constant. Est ita, ut dicis, respondit Heraclitus: sed inter nostra ludicra tot pati seros, nonne miserandum? Unde hæc mihi sententia sedet: Deum potius res nostras miserari, quàm ridere. Nam & Christus flevisse aliquies legitur, risisse nunquam.

16. HERCVLES.

Hercules, cum terras reviseret, tria efferatissima & perniciosissima monstra reperit, Tūtidem, Sophisticā, & Hypocrisin; quæ Potentia Scientiæ & Amoris loco imperiū occupaverant. Ea cum debellanda sibi omnino sciret, & armum sponte viresque offerret, ac jam variis nutritioribus bestiis, quas illa trima mala produxerant, extinguendis laudabilem operam præstitisset, non potuit tamen ea ex latibus suis extrahere, ne dum in luctam & certamen provocare. Nam ignorantia vallo ita sese miverat,

verant, ut, quicquid egerit aut impugnarit, Hercules frustra fuerit. Ab eo tempore nunquam arce sua egrediuntur, nunquam veram lucem aspiciunt: sed nec dum Hercules obsidionem solvit, ac legatum Thomam Campanellum civit. Nam, ignorantia infracta, nihil est, quod de Monstrorum interitu speremus: ea verò diruta, nihil tam infirmum erit, quàm violentiæ, mendacii, & simulationis imperium.

17. HERODOTVS.

Herodotus, homo decrepitæ ætatis, malæ fidei reus agebatur. Ejus causam cum plerique desperatam crederent, Henricus Stephanus & animose & ingeniose in se suscepit. Auditus à Judicibus, id maximè egit, nihil tam dictum absurde ab Herodoto, quin alii monstrosiora dixerint, quibus tamen fides habeatur; & addidit exempla usque adeò recentibus auribus incredibilia, ut iam non Herodotus, sed Stephanus vanus audire ceperit. Neque jurare poterant vel producti testes, vel asseverationes constantes: donec Martinus Chemnitius, stupendæ eruditionis vir, publice testaretur, tantum abesse, ut juvenus nostra veterum absurditatum sit capax, aut credula, ut, si quis è mortuis resurgat, & seculi sui acta veriùs & liberiùs recitet, fidem neutiquam sit habiturus: se verò infinita lectione & accurata rerum nostrarum observatione esse certum, non tantum olim facta, sed hodie fieri, quæ posteritati sint futura incredibilia; unde suspectos nobis esse debere, quotquot rationabilia saltem

recitent; commendatos, qui monstrosa etiam
vulgo vix credibilia non reticeant.

18. HISTORIA.

Historia, quæ patriæ fastos hæcenus summi
fide annotaverat, ob nescio quod liberio
verbum officio mota est; cumque alibi ob fu
ctionem impetrandam homines ambiret, co
venit omnium primos *proceres*, & operam suam
am obtulit. Quam? inquit illi. Eam res
spondit, ut de Majorum vestrorum robore, de
coris & libertatis patrocinio ex me audiat.
Tum illi: Malumus, ajunt, nescire, ne imitatio
sit necesse. Itaque in Parlamentum abiit, & *Senato*
ribus se obtulit. Quo usu? inquit. Eo, re
spondet, ut de antecessorum vestrorum pruden
tia in sanciendo Legibus, integritate in exe
cendis, libertate in servandis ex me audiat.
Tum illi: Malumus, ajunt, nescire in hac umbr
tili nostrâ toga, quàm Molesta memoria fatiga
ri. Ita ad *Academiâ* concessit, & se eiden
commendavit. Quo fine? inquit. Eo respon
dit, ut quæ veterum fuerit eruditio, quod inge
nium, quæ per orbem diffusa fama, ex me audiat.
Tum illi: Malo, ait, nescire, & hodierna opinio
ne clarere, quàm inspecta illorum excellentia
erubescere. Ergo ad *urbem* migravit, servit
parata. Quo nomine? inquit. Eo, respondi
ut prioris ætatis opulentiam tuam & composi
tione

nem ex me cognoscas. Tum illa: Malo id
 scire, quam vacuas jam cistas cellas, æraria,
 anaria mihi exprobrari. Denique ad *Rustica*
 abiit, & labores promisit. Quos? inquit.
 respondet ut, quæ quondam incultorum
 corum subactio, quæ solitudinum populatio,
 æ frugum multiplicatio fuerit ex me audia-
 . Tum illi: Malumus nescire: quando & o-
 n nostris laborandum fuit, & nobis laboran-
 um est.

19. IMAGINES.

I *Ipocrisis*, cum aliquando *Deotionem* invi-
 feret, nescio quid sacrarum *imaginum* repe-
 it, ac imprimis Christi crucifixi. Id arripiens
 uasi superstitiosum & idolatriam redolens:
 Quin tu, inquit, sanctula, Christum in pectore
 eris, has amoves anicularum ineptias? Ego ve-
 d & *Iesum* meum, respondit *Deotio*, in cor-
 e & fibris inscriptum habeo: his verò monitio-
 ibus oculorum divagationes coerceo. Nam
 quoties forma, ingenium, opes, epulæ, vindicta,
 reliquæ vè carnis blanditiæ titillant, roties hac
 miserabili facie, & vibicum, sanguinisque gut-
 arum repræsentatione iniquitatem mihi expro-
 oro. Tu verò, dum Deorum Dearumque gen-
 ilium simulacra, Jovis adulteria, Veneris fur-
 a, & universum Paganorum Pantheon undi-
 que affigis, quid agis aliud, quàm ut per oculos
 venenum concipias, quo tandem infectus
 consumeris? Dum tu igitur *Lucinam* su-
 O 4 spendis

spendis, ego Mariæ Deiparæ imagine me oblecto. Tu raptum Proserpinæ habes, ego Ascensionem Christi: tu tres Parcas, ego Mortis per mortem conculcationem: tu Deorum convivium, ego supremum Judicium. Unde hæc est nostra differentia, ut, dum tu extra te Sanctorum imaginæ tollis, intra te idolarum Ethnicorum sacellum geras. Ego foris sanctis picturis me oblecto: intra me unum verum DEUM possideo.

20. INDIVIDVVM.

Inter gravamina fucatæ Religionis hoc fervide agitatum est, non ferendum, quod *Ecclesiæ Ministris* liceret impune ijs obloqui, qui contra Decalogum apertas inimicitias suscepissent: id enim per jus naturæ licere, ut cum quo litem habes, eidem adverteris, nec esse cuiusvis nugatoris, interpellare, aut sententiam interponere: agerent id potius, ut DEI misericordiam, Christi mansuetudinem, Spiritus sanctus suavitatem, hominibus deprecarentur, mores hominum iis relinquant, quorum est negotia & actiones mortalium dijudicare. Hanc esse publicam & intolerabilem exprobrationem, quam vel singuli ad se sponte trahant, vel ab aliorum oculis in se conjectam invicti suscipiant. Tum quæsitum ab accusatoribus, inter se blasphemos, adulteros, latrones, fures, heluones agnoscerent? responderunt, non deesse quidem; sed id ad Sacrificos nihil pertinere, quorum sit orare, non increpare.

prepare. Tandem sententia lata est: Quando non pueret scelerata facere, discerent etiam vera audire: illud enim nullo ævo licitum; sic Prophetarum, Apostolorum, & Christi ipsi-
re exemplo approbatum.

21. INVENTORES.

Volent in Politix theatro præmis provoca-
ri, quibuscunque ingenium nobile aliquod
eventum suggestisset. Unde haud ita pridem
obtulit Patriprodotus, & artem promisit, qua
oditorum publicus succus nullo eorum sen-
evacuaretur, in privatum laxum derivandus.
tant autem perspicilia, quæ oculis adhibita re-
cuplo majorem redderent, ut, quæ filamina
sent, funes; qui obuli, meri coronati crede-
antur. Dein aqua fortis sive liquor sapore
alciissimus, qui haustus internè omnia corro-
deret, non imminuta corporis superficie. At
tegritas, Politix certissima Consiliaria, acer-
è hanc belluam intuita: Nemo, inquit, in præ-
sentes sævit: hic scelestus posteritatem omnem
erit. Carnes nempe vult depascere, cutem
s, qui subsequenter, relinquere. Augustus
æsar urbem, quam lateritiam accepit, reliquit
armoream: hic, quam auream nactus est, cin-
eritiam relinquat? Applausum est subito *Inte-*
ritati, & mira allusione in furnum ardentem
equâ conjectus, cinisq; reverberati ad expian-
am pestilentem inventionem in aëra disper-
us est.

22. LITERAE ET ARMA.

DImicabant inter se *penna* & *gladius* de p
 rogativa. diversis omnino judicum senten
 tiis. Nam, quæ *literatorum* est loquacitas, faci
 quod volebant, persuadebant: quæ *armatorum*
 ferocia, vota pro se extorquebant, Neque tam
 definiri aliquid potuit, ac in eo erat, ut inter
 comitterentur, & duello lis finiretur. Tam *Bu*
otheca passim perstreperet, *armamentaria* resce
 re, deniq; animos hominum spe metuque m
 tim suspendi. *Penna*, ut ut *Deo* religiosa, tam
 multæ prophanationis sibi conscia; *gladius*
Dei minister, innocenti tamen sanguine co
 spersus, sic utrimque cœli auxilium sibi pollic
 bantur, ut pœnas tamen metuerent. *Respublica*
 quod utriusque opera necesse haberet, mores
 men improbareret, nec deseruisse alterutrum, i
 nimium favere conflictui videri volebat. Corp
pennæ haud validum, sed agile, lubricum
exercitarum, tum satis furiosum, si stimulare
Gladii durum, implacabile, cæterum minus
 ambidextrum aut versatile: ita ut nusquam
 storiæ conjecturæ certiores paterent. *Hic*
Salus publica, ut utrisque caveret, ita decre
 ejusdem dignitatis apud se per vices essent,
 inter se convenirent: nam esse beatas illas terras
 ubi uterq; serviret fideliter; infelices & per
 ditas illas, ubi alteruter impera
 ret impotenter.

23. LVDI.

Christianorum natio à Religione petierat, ut more gentium sibi liceret, publicis impensis theatrum extruere, ut ludos ibi scenicos pom- alque opulentiorum spectare: id magni usus ore ad circurandam juventutem, erudiendum vulgus, acuendum ingenia, delectandum senes, exercendum viros, deliniendam mulieres, reficiendum pauperes. Consulti Justinus Martyr, Tertulianus, Hieronymus, Augustinus, & alii rigidioris animi Patres palàm sunt id abominati: Christiano, inquires, non tantum à colluctaminibus cum tenebrarum principibus vacare, ut dies voluptuariis spectaculis terant. Recen- tiores pro Comœdia, quæ mores sive decentes si- ve indecoros simplicioribus ob oculos poneret, aliquid interpellare: sed novitii quidam haud se alienos ab illa larvata & Ethnica delectatione, nisi quod sumptuosior crederetur, ostentarunt. At Religio ferventior ex horum tepore facta: Ne- scitis, inquit, tum demum Hierosolymis supre- ma fatâ instituisse, cum desertis patriæ legibus per Ascalonitas ludi Romani introduceretur? Quod itidem vobis prælagio, nisi majorem Angelici Chori, & beatorum in cœlis pompæ, quam lar- vatorum fatuæ & pudendæ turbæ æstimationem habueritis.

24. LVTHERVUS.

D. Lutherus, seculi nostri Hercules, Reformatio- nis Christianæ agros invisens, obvios habe- bat insoliti vultus, Prædonē, Sophistā & Dissolutū.

O 6

Quos

Quos, quid rerum agerent, qui essent, cum esse percontatus, prior: Tui sumus, inquit, sancti Pater, tui liberti & unice devoti. Mei verò, a Lutherus, quos nunquam agnovisse memin- Tum *prado*: Ego Monachus quondam fui, tuus confrater, qui in sacra, vasa, in libros, in pauperes multa infumere necesse habui; nunc per te liber factus in aula *sa&ster* vivo. Lutherus capite nutans: Quis tu es quærit. Et alter Quondam Simplicius, auditor tuus, infirmus qui in verba Doctorum jurare quondam coactus, nunc per te scientior factus, in Academia *molliter* vivo. Iterum abnuit Lutherus, & tertii nomen quærens, ille: Ego Bonifacius olim vocabar, concivis tuus, qui ad humanitatem, liberalitatem, modestiam erâm adstrictus, nunc per te liber factus in urbibus *licenter* dego. Ingemuit Lutherus, & Ego vos liberarim, inquit, degeneres Majorum bestia? qui Monasteriorum opes Ecclesiæ reddidi, Thomam & Scotum relegavi, bonis operibus libertatem & decus adstruxi. Abite hinc ocys, qui Latiores, Literiones, & Latrones estis, non Lutherani.

25. M O E C E N A S,

M *Ecenas*, cum in literario foro appricaret, reperit *Scholam*, mulierem pallidam, & ut plurimum famelicam; sed quæ iam ex compotatiuncula frontem & animum diduxerat. Eam cum ad se vocasset, & de artium linguarumque salute esset percontatus, illa ex vino petulantior,

lor, impudentem pleraque est jocata, scur-
literque membris mota. Admiratus *Mæce-*
as tam frigida alioquin foeminae calorem, &
niferatus cerebri imbecillitatem, placidis ver-
is & munusculo addito, iret domum, & edor-
nifet fumum, est hortatus. At illa, ut erat Bac-
cho afflata, foemina masculum, temeraria pru-
dens, temulenta sobrium carmen eleganter effu-
lit, ac Meccenatem, & qui adstabant, planè ab-
ipuit. Tum ille, aureo porrecto nummo: Ca-
pe, inquit, Schola mea, quæ desipiendo sapis, &
erviendo dominaris. Et ad amicos conversus:
It oderim Scholæ mores, ingenium non amare
non possum, & Scholam, dum vivo, fovebo,
Scholasticum tolerabo.

26. MIMI.

Rumor erat, S. Augustinum, Papinianum,
Hippocratem Aristotelem, Euclidem, Ta-
citum, Ciceronem, Virgilium & nonnullos alios
eruditionis principes à cœna domum redeuntes,
à lasciviente Satyricorum turbâ esse turpiter ha-
bitos: & res magni momenti, insigniq; suppli-
cio digna credebatur. Sed in risum tragœdia
mox abiit. Convenerant enim *Mimi* aliquot,
qui, ut illuderent civibus, an macularent illos
heroas efficto eorum habitu & vultibus, cum
tædis per plateas incedebant, & temulentiam si-
mulabant. Id mirati aliqui boni, quod insuetum
esset, hos homines bacchari, propius accedere,
& deprehensâ fraude, convocatis aliis, distur-
bavere larvatum chorum: quod subito in vul-

Q 2 gus

gus sparsum, cum veri haberentur literarum
 procures, variis & acerbis judiciis est agitarum
 Nec potuisset facile præsumptio illa plebi evelli
 nisi illi procures palam, nunquam se læsos, & ha-
 bere Satyricos amicissimos, essent testati: ac
 Lex in Mimos lata, qua, quisquis alienam eru-
 ditionem suam fingere flagris, prius cæsus urbe
 literariâ ejiceretur.

27. NIHIL.

LAVERNIA celebre emporium est, quo solet
 confluere *opificum* genus, quod sub magi-
 stris meret. Eo cum venisset robustus juve-
 nis, & magistrum quæreret, jussit exclama-
 re, Esse, qui posset *ex aliquo nihil facere*. Id
 publicè irrisum, quod id à *prodigiis* & *Chymicis*
 imperitis quotidie fieret: tamen cum *Politicis*
 nasuri homines, nescio quid subolfacerent,
 homo non contemnendus judicatus est. Ita-
 que vocatum ad secretum colloquium, cum
 ille in sententia perstaret, quæ vivere in arcano
 Possetne ex magnis prælagiis nihil, ex magnis
 sumptibus nihil, ex magnis munusculis nihil,
 ex magnis gravaminibus nihil, ex magnâ pro-
 fanatione nihil, ex magnâ imperitiâ nihil, ex
 magnâ dissolutione nihil, ex inferno deniq; &
 supremo judicio nihil facere? Ubi cum ille ma-
 gna confidentia conatus suos obtulisset, & de-
 lineationes in medium non sine industria ad-
 ferret, habitus est tum benignè, tum sum-
 ptuosè, ac tum irrisores suos ridere cepit,
 ac publicè jactitare, hoc tempore esse; qui
 sciret

sciret ex aliquo facere nihil, ex nihilo facile facere aliquid.

28. NOBILIS.

Pietas in contubernium suum, Guilielmum à Wense acciverat, hominem *nobilem*. Id conspicatus *Sycophanta*, quasi absurdum aliquod commisisset, turpiter irrisit, & ad *Pietatem* conversus: Ecquem tu vidisti *nobilem* absque ambitione? Tum Pietas: Ecquem tu, inquit, vidisti *Sacrificulum* absq; avaritiâ, aut literatorem absq; stoliditate, aut *Gymicum* absque fabellis, aut feminam absq; mutabilitate? Hic verò: Vidi, respondit, aliquoties. Cui Pietas: Et ego illud vidi. Testis enim esse possum & castitatis, & sobrietatis, & liberalitatis, & devotionis & fidelitatis, & exactæ disciplinæ, deniq;, quod tibi incredibile, humilitatis: quæ usq; ad eò in *vero Nobili* insolita non sunt, ut quàm sæpissime cum sanctulis tuis, & iustulis, & politulis certare possint. Ergo posthac, inquit *Sycophanta*, religiosos dicemus, quibus tot sunt vanitatum & phalerarum appendices? Nescis tu, respondit Pietas, sub lacero palliolo haud rarò hospitare ambitionem? Memineris autem, quàm multos simulare Curios, & Bacchanalia vivere, nonnullos Bacchos simulare & vivere Curios.

29. NVDA VERITAS.

Veritas, simplex & ingenua Dea, nuda circumibat, & obvios quosq; errorum & deformitatis admonebat. Id iniquissimè acceptum, &

non

non tam verbis contumeliosissimè regeſtum,
quàm verberibus & plagis vindicatum eſt. lam-
que univerſum ejus corpus maculatum erat, &
vibicibus plenum, cum in *Æſopum* incidit, ve-
rerem amicum & congerronem. Eam ut vidit,
& miſeratus eſt: Miſella, inquit, quid hîc ob-
ambulas inter cercopithecos & ſimias, non ho-
mines? quibus ſi fœditatem pergas exprobrare,
non corpus tibi ad diem unicum ſuffecerit. At
Veritas cum gemitu: Quid agam? inquit, ami-
ciſſime. Si taceo, ſtimulat D e u s: ſi loquor,
verberant homines: ſi muſſito, torquent ſcioli:
ſi lugeo, rident pueri. Tum *Æſopus*: Licebit
tamen, opinor, inquit, non planè nudam ince-
dere: itaq; hoc tibi ſume apologi & fabularum
pallium, ſi nullo uſu alio, ſanè ut minus verbera
ſentias. Neſcis tu divinatorum, inquit, illa,
genus, qui è ſilice etiam ſcintillas eliciunt?
Sed *Æſopus*: Scio, inquit: at tu memineris,
paucos eos eſſe; ſupinos verò & ſtupidos quàm
plurimos.

30. OCVLV S.

Iuſſus erat ab Univerſitate *Galilæus de Galilæis*,
omnem vim atq; artificium Optices per ſpe-
cula illa nova ſive perſpicilia exprimere. Con-
fecit igitur varii uſus & ſubrilitatis tubulos, qui-
bus ſive quæ proxima erant veluti remotiſſima,
ſive quæ remota velis proxima, ſive prægran-
dia minuta, ſive minuta prægrandia, ſive alba
nigra, ſive nigra alba, ſive deformia pulchra, ſive
pulchra deformia, ſpeculorum adminiculo poſ-
ſis im-

npererrare. Ea postea variè divendita variæ
 conditionis hominibus inservire, & mundi in-
 utilinis summæ voluptati fuere. Unum super-
 nit, cui omne scientiarum artiumq; punctum
 clulit, quod novo nomine *Oculum iudicii* ap-
 ellavit: cuius beneficio mundi universi imago,
 & actionum humanarum omnium effigies, tum
 absconditorum artificiorum anatomia jucundo
 spectaculo repræsentabatur, simulq; visus ad res
 punctas accuratè æstimandas, subtiliter dijudi-
 candas, curiosè examinandas, & artificiosè re-
 solvendas acuebatur. Constabat autem tribus
 omnino vitris, *Contemplatione, Lektione, & Ex-*
perientia: quæ quia paucorum oculis conve-
 niebant, ita minus est, quàm reliqua instrumen-
 ta, æstimatum. Quod animadvertens Galilæus,
 irâ ob stuporem humanum percitus, *Telesco-*
pium ingeniosissimum planè perfregit.

3^a. ORDO CRVCIS.

Ecclesia natali suo aliquot *Equites* creaverat,
 appensis pro more *Crucis* insignibus: cumq;
Ordinis leges recitarentur, humilitas, paupertas,
 castitas, patientia, sobrietas, charitas, labor, o-
 mnes libenter dedere sacramentum, & sangui-
 nem suum obtulere. Et hactenus quidem, dum
 induciæ cum hostibus erant insignia ex auro iu-
 tilabant serico filo suspensa. Cæterum cum
 Satan, Mundus, & Caro ex improvviso irruissent,
 & Equites novos conculcarent, flagellarent,
 conspuerent, irriderent, stimulant, cum jeju-
 nandum, vigilandum, laborandum esset, cum
 suspi-

suspiciendus inferior, exorandus illiberalis, vitandus blandiloquus, tolerandus importunus, olfaciendus vomitans, diligendus hostis, perforandus saxeus esset; nec jam ultra Ordinis aestimatio, sed risus merus & stultitiæ summæ infamia apparet, multis hic honos onus, ac nonnullis planè intolerabilis est habitus: itaq; abjectis insignibus, ad hostes profugere. At quidam, cum sub ordine anhelaret, nec cedere vellet: Nunc demum mihi liquet, cur S. Christophorum gigantem, non communis stature hominem, Majores nostri depingere voluerint.

32. P O S T E R I T A S.

E Rat *Scriptoribus* gravi & severo mandato injunctum, ne quid ponò, præter Facultatum & Artium seria & sublimia, cum Posteritate communicarent. futurum inde, ut his subtilitatibus abrepta *Politra* somnia & *Historiarum* nugæ facile dediscat & contemnat. Id magnâ religione observatum: neq; de *monstris* porro quicquam, nisi clanculum & cum trepidatione, est annotatum. Cæterum *Posteritas* ubi rescivit, quo dolo humanæ actiones perperam commissæ sepe- lrentur, qua incertitudine & tenebris ipsi post-hac sit vivendū, qua turpitudine impia pro sanctis, crudelia pro justis, stolidi pro ingeniosissimis sint suscipienda; invitatis ad se cordationibus aliquot anxie oravit, sui misererentur, & incorruptas merces masculinâ veritate & decorâ libertate ad se transmitterent: si quod exinde odium sube-

beundum, non fore id diuturnum; sed unius
 atis: post verò, oblitteratis circumstantiis, cum
 onatus in re laudabili prosteret, & utile dulci ad-
 ixtum appareat, suum cuiq; decus Posterita-
 m repensuram.

33. PRAECEPTOR PRIVATVS.

H Yems erat, & Atropo feriæ, cum *Obscuritas*
 opportunè egressa, hominem reperit jam ca-
 lescentem, faucibus aridis, vestibus laceris, cor-
 pore versatili, libellis à latere dependentibus,
 qui propius se, ac ad aures usq; insinuans, aut sti-
 mem, aut, si fieri posset, convictū per misericor-
 diæ viscera petiit. Eum illa accuratius intuita:
 aut valde fallor, inquit, aut vidi te aliquādo ho-
 mīem, ebrium, equitantem, trahā pictā per
 plateas circumvectum, cristis literarum, armis
 discipulorum, fasciis admirantis vulgi amictum,
 Penelopæ insidiantem. Tum hic obortis lachri-
 nis: Πολλὰ μετὰ ξὺν πέλει κύλικος καὶ χεῖλος ἄνευ,
 inquit. Sed malè sit *Spei*, quæ me *Candidatum*
 ium perdidit! At obscuritas: Qui potuisti, sub-
 ecit, autoritatem tuam credere, quæ aliena erat,
 & epulas tuas, quæ alienæ, & vestem tuam, quæ
 aliena, eaq; perpetua sperare? Eheu respōdit mi-
 ser, putabā hanc esse scalā, quæ nullo hiatu ad vi-
 ctus, eruditionis, amicorum, experientiæ, matri-
 monii, opum, functionum, famæ, quietis afflu-
 entiam attolleret, cum ego chartaceas ædiculas
 reperi, qua unā afflatā reliquæ omnes dejice-
 rentur. Tandem obscuritas: Etsi sapientis, in-
 quit, non est, dicere, *Non putaram*, & decuisset
 te, non

te, non plus expendisse literarum, quàm tui alēdo superessent, nec virtutes prodegisse omnes, ut Reipublicæ iis sit carendum: tamen quia me tuis miseret, diverte hīc apud me. Tum subsequentium aliquis cum risu inquit: Et hic hiator factus est unus ex nobis.

34. P R O B A.

P *Proba*, animal tricorporeum, & *Ratio* simplici sagacitatis cum aliquando ob casum nonnihil dubium altercarentur. Quid tu, inquit illa, naso tuo fidis, ego sex oculis non præpoleam? Tum hæc: Quasi verò oculorum, ait, ibi usus, ubi tenebrarum est imperium? Fur noctu aufert: surgunt de nocte latrones: mœchus quàm diligit umbras? At hos haud rarò nullo tuo indicio plectit *Justitia*. Ergo, inquit *Proba*, conjecturis potius, quàm testibus fides habebitur? Non conjecturis, respondit *Ratio*, sed evidentibus argumentis. Qui enim credam hunc *Dei* legatum, qui *Satanæ* stipendiarius? & *Juris* administrum, qui carnificinam exercet? & nobilitatis specimen, qui in bestiam demigravit? & eruditionis doctorem, qui omnia nescit? & prudentiæ œconomum, qui semper desipit? & fidelem servum, qui uno anno ditescit? deniq; Christianum, cui nunquam cœlum, bonum, verum curæ est? Hos certè, si centeni aut amplius testes approbarint, nunquam admisere. At *Proba*: Moderatius, inquit, mea *Ratio*: nam & nostris oculis sedet, unde distinguant. Vah oculis! vah tactui! vah publico testimonio!

subjecit

subjecit Ratio. Nam cui bene vultis, illud so-
 lenne *Proba* subvenit; cui malè, verum sive fal-
 sum tortura exprimit.

35. PROPHETIAE MULIEBRES.

Et erat proximis comitiis sexus muliebris
 magnâ instantia, ut quas noctibus hybernis
 inter fila collegisset Vitæ humanæ *regulas, pro-*
phetica, Medicinalia, sub titulo *Prophetiarum*
Muliebrium ea canone & approbatione Supe-
 riorum condecorarentur. Id audaculum multis
 risum, quibus ignota fœminarum pansophia; &
 multo consensu denegatum: reperit tamen, qui
 vellent publico confessu recitata. Auditis itaq;
 cautuunculis de cunis fasciis, crepundiis, femo-
 talibus, precatiunculis contra tempestates, fa-
 scinum, philtrea; divinatiunculis ex fumo, aliis,
 tripode, nigris rubrisve Calendarii notulis, me-
 dicatiunculis per cruces, ceram, herbulas, sal, pa-
 nem, admonitiunculis ex somniis, gallinis, le-
 poribus, & similibus argutiunculis & Physicun-
 culis: alia rerum facies est oborta, cum permulti
 virorum sua arcana, sua mysteria agnoscerent.
 Ac præ reliquis enitebat feminarum sapientia in
 iusculis sorbitiunculisq; parandis, ut omnino in-
 signis ingratitudinis appareret, hanc, veluti vi-
 tæ virilis Panaceam, non digno elogio corona-
 re. Probatus est ergo liber, & majusculis literis
 primæ paginæ inscriptum: *Quando multe*
Furi hac credunt & faciunt, im-
primatur.

36. QVERVLVS.

Querulus, quod diu minatus erat, matrem *Patriam* deserere, & iam sarcinas colligere ceperat. Cui *Pholopater*, homo patientissimus Quæ tandem illa tua, inquit, molestia est, quam matri condonare, quam dissimulare non possis? Tum Querulus: Rogas verò? inquit. Mater delirat, opes effluunt, fundi sterile scunt, nugigeruli possident: ego nil aliud agam, quam cellam culinamq; curem, institores sartoresq; conueniam, symphonicos convocem? Beatissime respondit ille, an imperitum, qui nescis aliorum alibi dissolutionem, alienam tyrannidem? Nam quæ tibi intolerabilia sunt, ea multis magnæ felicitatis loco haberentur. Nec enim vi ullâ Mater tua, sed facilitate peccat. At tu mihi crede, ut sunt terrena nostra nunquam perfecta, ubi est Religionis libertas, & Tribunalis aditus, & armorum ignorantia, & tributorum moderatio, & literarum æstimatio, & victus facilitas, & viarum securitas, & Matrimonii custodia, & linguæ libertas, eam terram non tolerabilem saltem esse, sed felicem & omnibus modis decorandam.

37. QUIES.

MOrbus est non infrequens *perpetua fames* cum inquietudine. In eum cum incidisset *Psyche*, filia Naturæ reuerentissime dilecta, vix suffecit orbis torius penus ad saturandam hanc pamphagam: nec machinæ humanitatis satis fuere

MANIPULUS VI. 311

ere ad componendos animi æstus. Ita devora-
 voluptatum triclinia. Bibliothecarū apothecarū,
 honorum promptuaria, opum gazophylacia,
 potentiarū armamentaria; tum funes humani ex-
 lora imbecillitatis, catenæ mortalitatis ad-
 æquè nihil hæc continuere, quam satura-
 re illa. Tum affligi natura, & importunius
 omnem Medicinam perscrutari, ac nihil agere, &
 pejus omnia ruere. Venit tandem cœlo delapsa
 manacea DEI *Verbum*, & inspecta desperatæ
 solutis puella: Duo, inquit, necessaria nobis
 sunt: primum hanc evacuem⁹, dein aliā mannâ,
 sicut alio reficiamus. Itaq; ejecta scientiâ,
 pulentiâ, petulantia, cum jam planè vacua ap-
 pareretur, dictu mirum, jactitavit saturitatem. In-
 e secuta quies, & approbatum paradoxum:
 Nescientes sapere, pauperes possidere, subjectos
 imperare, acquiescentes Monarchas esse, va-
 uos Mundo DEO repleti.

38. RASPINVS.

Raspinus, durus laboris minister, & oscitan-
 tiæ novus Medicus, concatenatas aliquas ad-
 ergastula sua trahebat Concordantias, Postillas,
 Formulas, Consilia, Processus, Indices, Dictio-
 naria, Promptuaria, Lexica, Locos commu-
 nes, Nomenclaturas, Florilegia, Herbaria,
 Pharmacopeias, Compendia, & similes, dis-
 quirendi indagandique abbreviationes, hinc
 inde ad strata & sellulas deprehensas. Quod
 cum innotuisset, clamor ubique & con-
 sterna-

sternatio forum implevit. Mirari multi ex ingeniosis & sedulis, quid tanti esset hos servulos coherceri, & magis etiam, cum suboleret, ingenti ære à Theologis, Juridicis, Medicis, Philosophis, Politicis, Historicis, & omni literato ordine clanculum oblato, Raspinum, ut captivos redderet, tentatum. Sed desinit admiratio, cum *Veritas* asseveraret, hunc esse vulgatæ literaturæ aculeum, qui si eripiarur, omne reliquum fuci corpus languescere simul & contabescere.

39. RESIPISCENS.

A *Colastus*, cum paternas obsequii ædes & virtutum contemplationis esset dedignatus, collectâ ingenii, sanitatis & temporis monetâ, ascitoque Demophone famulo in *Vanitatis* terras peregrè abiit. Ibi hospite *Voluptate* nactus, & associatis imitationum combibonibus, *Rationem* meretriculam adamavit, literis suaviter accinentibus. At cum laboris sumptus diffluxissent, proditus ab amiculis, perditus, & desertus, *Antichristum*, durum villicum, implorare habuit necesse. Ille pascendis porcis famâ, Mammonæ, Hæresi, bello, Venere miserum ablegavit, ea famis necessitate, ut siliquis *opinionum* vitam ægrè tolerarit. Hinc *servitutis* vestibulis detritis, & urgente *conscientia* fame, magna humilitate paternas ædes repetiit, & benignum patris cor facilè exoravit. Itaq; abjectis tenebrarum laciniis *Fidei* vestem indutus, & *Spiritus* annulo obsignatus, internæq; illuminatio-

tionis epulo lautè exceptus, quicquid hypo-
chitæ murmurarint, posthac liberè & lætè & bea-
habuit.

40. RESPUBLICA.

Espublica jam aliquandiu tussi & graveolen-
tia vexata, cum sæpe remedia pulmoni ad-
hibuisset, nihil revaluit. Congregati Medici
quamvis, ut solent vehementer dissentientes, in
tamen convenerunt, esse ægerrimè medica-
mentum: Oculos enim à medicamentorum intui-
genda abhorrere, os ad excipienda firmari, manus
ad offerenda languere, stomachum jam injecta
rebojcare, pedes sub ingrato onere labascere, unam
peresse vetulam *Paupertatem*, quæ despera-
nonis nonnunquam rebus casu, an arte subven-
t. Accita *Pauperies*, immanehians, & im-
prudenter loquacula: Ecquid, inquit, stulta
muliercula, Deum offendis, Naturæ ingrata,
tibi infamis, membris inimica, tempori puden-
tia, posteritati ludibrio es? quin potius amaræ
Veritatis, exactæ *Oeconomiae*, & laboriosæ *In-*
stittae pilulas quam primum devoras, & conva-
lescis? Fecit *Respublica* pudore suffusa, & præ-
ter opinionem Mangonum, Histriionum, Pal-
oonum, nebulonumque omnium convaluit.
Tantum scilicet inter poppysma & calcar in-
erest.

41. SALVS PVBLICA.

Salus publica sive ingluvie, sive aëris vitio in
morbum difficilem inciderat, ut corpore to-

P

to ta-

to tabesceret, tumeret verò lien. Unde *Me-
dicorum* assiduus labor, ac præ reliquis *Contribu-
tionis*, cui visum, tam exsuccum corpus varii
exactionibus & vectigalibus adimplere. Se-
cum frustra infunderetur, & minui etiam nun-
ægrota appareret, omnium stupore *Parsimoni-*
remedium reperit, & jejuniis, vigiliis, laboribus
ac nuditate, loco dapium, lectulorum, quietis &
ampullarum, adhibitis, sanitatem jam exulem
sanitate corporis robor, robore cibi jucundum
& moderatum usum, hoc denique formam a-
staturam succi plenam revocavit. Quæ læta in-
tuens *Obedientia*: Nunc juvat, inquit, vel san-
guinem conferre, cum res mea bene ac cum de-
core infumitur.

42. SATELLITIVM.

PRæteribat fortè *Satrapa* cuiusdam numero-
sa *familia*, quorum facies & habitus diver-
sissimi erant: nec audebat quisquam quærere
quid monstri aleret tam multiforme satellitium
præter *Diogenem*. Is solitâ temeritate: Non
dimittam vos variegatos, inquit, hinc absq; meo
commeatu: sed &, qui sitis, mihi sciendum est.
Illi cognitâ Diogenis libertate, haud ægrè se ten-
neri sunt passi; & *primus* ait: Memineris, me in
Heri mei honorem superbire; *Alter*, Et me in
usum ejus furari: *tertius*, Et me in honorem ejus
latrocinari: *quartus*, Et me in excusationem
eius mentiri: *quintus*, Et me in magnificentiam
eius Epulari: *sextus*, Et me in voluptatem ejus
audere: *septimus*, Et me in arcana ejus lenoci-
nari.

MANIPULUS VI. 315

Tri: *octavus*, Et me in pauperiem eius prodire. Supererant tres abiectæ sortis famuli. Quid, vos miselli, ait Diogenes, agitis? Tum submissâ voce *primus*: Ego ait, pro ipso oro: *ter*, Ego pro ipso pugno: *tertius*, Ego pro ipso laboro. Tum sublatâ voce Diogenes: Quam belle, inquit, prospectum est Hero venio, ne quid habeat, quod ipse agat! Sed heus *primus* deest, qui pro hero vestro, cum hæc peracta erit fabula, eat ad tartara.

43. SILENTIVM.

O Pinio, cum Pædagogium aperuisset, conduxit Provisorem *Silentium*, & discipulis summâ observantiâ colendum proposuit. Id magnæ famæ fuit: quod passim crederetur arcanorum Scholam hanc esse, & mysteriorum officinam. Unde pueri è remotissimis terræ angulis submissi, qui his sacris operarentur. Inclusis tamen, præter vulgaria & quotidiana, nihil prælegebatur, interdum & ridicula, sed linguâ plerumq; ad stuporem excitandum, inco-
gnitâ. Egredientibus ora obturabantur & pal-
lidi apparebant, velut è Tryphonis specu re-
versi: ut spectatoribus essent planè veneratio-
ni. Si quid cum aliis conversandum, per nu-
tus id fiebat, vel picturas hieroglyphicas. Nec
tamen planè imposuit impostura. Nam cum
quidam & annos, & opes, & labores silendo
perdidisset, neque ullum operæ pretium appa-
reret, abiecto lupato, & deterso pulvere: Væ tibi,
P 2 inquit,

inquit, maligne Harpocrates, cum tuba De
resonans oris vincula religaverit.

44. THEOPHRASTVS.

Theophrastus Paracelsus in atrium heroi-
cum admissus, cum Hieronymum Carda-
num, Petrum Ramum, & Nicolaum Coperni-
cum reperisset, & secreti nescio quid contulisset,
aggre id tulit *Invidia*, & tandem, inquit, Ma-
gis ac rebellibus hæc beata sedes patebit? Qua
audiens *Theophrastus*, homo rigidi cultus, pro-
pè erat, gladii capulum in faciem maledicæ im-
pegisset. At *Cardanus*, adversitatum patien-
tior, cum delinisset hominem, rem omnem ad
Famam detulit. Ea, utcunq; dissimulatâ Para-
celsi injuriâ: Memineris, inquit ad *Invidiam*,
loquacula, hanc meam domum paratam maxi-
mis ingeniis, quæ supra simul ac contra vulgus
sapuerunt, laborarunt, atq; sunt conata. Qua-
lis hic meus *Theophrastus*, cum vulgatam erudi-
tionem omnem penetrasset, aulus est ipsam
propè solus contra tot defensores tanto impetu
impugnare, ut veterum multis quondam dor-
mitantibus excusserit: deinde novam Philoso-
phiæ Medicinæq; arcem extruere, quæ ne dum
hodie est destructa: denique in Galenum, ho-
stem suum, tanta liberalitate Naturæ opes ef-
fundere, ut haud condemnandas sive
vires sive divitias inde ac-
ceperit.

45. TITV-

45. TITVLI.

Rat dies, qua *Opinio titulos* divenderet, & exinde, velut indulgentiis, magnum auri pondus contraheret. Accurrerant enim omnium ordinum homines, quibus hic tinnitus alluberet; *Reges*, quibus venditum nomen *Invictissimorum*; *Principes*, qui volebant esse *Serenissimi*; *Comites*, qui *Illustrissimi*; *Nobiles*, qui *Strenuissimi*; *Sacerdotes*, qui *Reverendissimi*; *Consultiarii*, qui *Magnificentissimi*; *Doctores*, qui *Nobilissimi*; *Consules*, qui *prudentissimi*; *Magistri*, qui *Excellentissimi*; *Mercatores*, qui *Liberalissimi*; *Padagogi*, qui *Eruditissimi*; *Artifices*, qui *Ingeniosissimi*; *Agricola*, qui *honoratissimi*; *studiosi*, qui *diligentissimi*; *femina*, quæ *pudicissimæ*; *puella*, quæ *lectissimæ*: omnes denique, qui abjectis *Positivis* & *Comparativis*, *Superlativis* decorati esse concupiverant. Quod cum negligeret *Iohannes Eridericus*, Saxonix quondam Elector inclytus, & novas exoticasque delicias rideret, interrogatus, Ecquid absque maiore titulo inter Magnates sordere vellet? masculinè solito more, & perhumaniter respondit, sibi sufficere id Christianum elogium, quo *Electus Martyr Iesu Christi*, *Dux Afflictorum*, *Princeps Confessorum Fidei*, *Comes Veritatis*, *Signifer Sanctæ Crucis*, *Exemplum Patientiæ* & *Constantiæ*, *Hares Vita Æterna*, posteritati commendatus sit,

46. VERMICIDA.

I *Anus* ille *Vermicida*, cum terras oberraret, Cosmopolin delatus, sedem ibi fixit ob artis pretium; nec suffecisset ibi curandis afflictis, nisi mysteria sua discipulis communicasset. Confluebant enim *Sacrificuli*, quibus vermis in imo pectoris scrinio; *Legiste*, quibus sub unguibus; *Machaonij*, quibus in felle; *Phantastici*, quibus in cerebro, *Vocabularis*, quibus in auribus erat, & negotii plus, quo quisq; intractabilior, facessebat. Sed supra hos *Magnates*, quos in stomacho vermis rōdebat: *Sarapa*, quibus sub cinnis latebat; *Politici*, quibus in oculis; *Palpones*, quibus sub lingua latebat: & *Proditores*, quorum nares occupaverat, opem requirebant, quorum aliqui sanati, plerosq; incisio necavit. Soli illi pro desperatis rejecti sunt, qui millies à *Myriotechnis* decepti, semper novis paterent; tum *Pseudochymici*, quibus ignorantia sapientiae egestas nutrimenti, & labor voluptatis loco esset. Hos enim, aiebat *Medicus*, vermibus, caeseorum exoletorum instar, scatere, & vivos computrescere. At cum fortè delatus esset, qui haud exiguum victus abundantiam deglutiret simul atq; abjiceret, certus posthac extremam famem perpetiendam, obstupescens seculi mores, sanctè juravit Janus, hunc morbum nunquam curasse, nunquam credere curabilem.

47. VNI-

47. VNIVERSALIA.

Um in Philosophorum officinam quispiam descendisset, reperit eos *rebus universalibus* *scilicet* intentos, nec nisi delineationibus maximarum orbis agitationum intentos. Videre erat diluvia, incendia, pugnas, pestes, rum Monarchiarum rudera, rerum publicarum fragmenta, urbium frustilla, familiarum micas, hominum atomos. Quæ cum illi contemnerent, & ornarent mente, manu, & aëra ipsa calcarent, capitibus inter nubila conditis, casus inopinitus accidit. Puer, qui à servitio Sapientum pererat, matulam sive incuriâ sive collisione perfregerat. Id ubi per trepidationem Philosophis nunciatum, nunquam cœlum tam fuit turbatum, Gigantum ascendendum famâ, quàm hæc tranquillitatis Schola. Inquisitum in pueri malitiam, inculcata figuli fraus, accusata terræ fragilitas, deplorata sumptuum prodigalitas, requisita usus necessitas. Id cum haud sine rædiorum hospes audiret, neque tamen tam cordatis viris diffideret, ratus irreparabile aliquod damnum sub matulæ hieroglyphico innui, tandem ausus est ex quodam subridente quærere, quid illud tandem esset, quod orbis totius & tot cladum maximarum contemptores lugerent? Is verò juravit, nil, nisi matulam, esse: sed id Scholæ legibus cautum, sapere in Universalibus absentibus maximis, desipere in particularibus præsentibus minimis.

P 4

48. VNVS.

Habitis haud ita diu comitiis, cum in unum
coivissent omnium locorum Sapiētes, onu-
sti suorum querelis, instructi ^{socij} eruditi pru-
dentia, armati libertate. Spes singulorum era-
publicæ felicitatis impetrandæ: Unde vota pro
iis & publicæ preces conceptæ, quibus cœleste
auxilium & melior aura exoraretur. Cum
assēdissent, januæ clausæ sunt, & magno si-
lentio, ac profunda meditatione factum est
rerum initium. Inclusus autem fortè erat
Simplicius quidam, qui post aulae stabat, nec
movere se nec ostentare ausus. Is, cum du-
dum haberet persuasum, non nisi multorum
collatâ sapientiâ & sollicitâ disquisitione Oracu-
la edi, audivit præter opinionem, unum aliquem
res omnes regere, jubere, eloqui, cæteros ple-
rosq; annuere. Finitâ sessione cum se subduxisset
ad cives suos conversus: O fratres, inquit, ore-
mus D E U M pro Uno. Nam, si is bonus est, sal-
vi sumus; si malus, perdit.

49. X A N T H I P P E S A N-
N V L V S.

X*anthus* Philosophus Xanthillum filium,
quem ex *Xanthippe* susceperat, ob rem se-
cus ex sententia commissam verberaverat. Id
puer ægrè ferens, sed patri resistere non audens,
ut primum matrem habuit obviam, iram in eam
effudit, & colaphos aliquot impegit. Mater fi-
liolo indulgentissima: Ecquid malè haberet, &
quis

is irritasset, cum lachrimis exquirat, causam-
 de nacta, in virum properè furiosa insilit, pla-
 q; numerosis, tum capillorum vellicatione,
 vultus eradicatione propemodum enecavit,
 e postquam resurgere est datum, ad iudices
 it, & martyria sua quotidiana inter singultus
 gemitus exposuit. Vocata *Xanthippe* ma-
 ulè se purgavit, id sibi juris in virum stolidum,
 imi impotentem, effeminatum; disceret filium
 peraliter habere, suam iram reformidare. Hæc
 im minis recitans, dimissa est, ne quid mali
 iudicibus inferret, viroq; Philosopho injun-
 tum, modestè & timidè ageret, ne arcanum il-
 id Cyclicum in vulgus promulgetur. *Viros*
quidem Reipublica imperare, Rempublicam Mu-
eribus, Mulieres autem Viris.

50. ZENO.

Zeno & Epictetus, Stoici integerrimi, civi-
 bus suis leges & reipublicæ formam præscri-
 bere iussi, cum universi orbis mores circumspi-
 erent, essetq; relatum, omnium gentium *Chri-*
tianos perfectissimam habere *Religionem*, facile
 a eâ persuasionem sunt adducti, vitâ exinde ac
 consuetudines fore probatissimas. Itaq; ad hos se
 offerre, & arcana status cuncta explorare decre-
 verunt. Sed res longè aliter, ac spes erat evenit. Nā
 cum circumirent, Leges quidem optimas, ad-
 ministros verò negligentissimos, cives pessimos
 reppererunt. Erant quippe in *DEUM* prophani,
 in Magistratum efferri, in concives intractabi-
 les, in sese irregulares, in hospites illiberales,

P s

reli-

reliquâ vitâ impuri & prodigi. Ad id cum
planè obstupefcerent, qui posset tam viriosus
status esse diuturnus, longâ & curiosâ inda-
gine paradoxum illud sunt expiscati, infantes
simplices & deliros sustinere. Cujus cum illi
minus essent capaces, & perdidisse itineris la-
bores Epictetus arbitraretur: Ut nihil sit, in-
quit Zeno, quod nostri imitentur, hoc non
negligendum tamen est, *Christianos.*

male vivere, & beate

mori.



ALE-

ALETHEA EXVL.

Philalethes, & Alethea.

Ph.



R O D I, timida, prodi. A
Quis vocat? Ph. Ego, Philale-
thes tuus, quo fideliores non
habes: sed quid times? A. Vah

non timeam, quæ tot flagris cæsa, tot injuriis no-
tata, exulare tandem iusta sum? Ph. Gratulare
tibi de tam honorifico exilio. Posteaquam e-
nim a nobis abiisti, nescio quam a multis requi-
reris magis anxie, & amaris ardentius: atq; adeo
ego huc missus sum, qui te optimorum quo-
rumq; nomine salutarem. A. Oh! desine, ar-
que me tenebris meis relinque. Quid enim bo-
ni sperem, ubi bonorum tanta est trepidatio, ut
ad unius Sycophantæ minas omnes tremant?
Neque video, quid salutationes tuæ aliud sint,
quam susurri vel mustrationes quorundam, qui
ad pelvis fulgur subito conticescunt. P. Bono
sis animo, Alethea! nescis, quam serio multis
passim sis curæ. Neque enim angulus aliquis
orbis te terminabit, aut manipulus lividorum
suis interdictis cohibebit, quasi tres pateat
cæli spatium, non amplius ulmas: cum tibi
interim universum rei literariæ forum pateat,
ubi innocentiam tuam & juvandi studium con-
testeris. A. Nunquā equidem, cujus mihi Deus
testis, futurū metuebā, ut, quod in universo no-
stro hemisphærio desiderarē, pauci aliquot ad se

P 6

revo-

revocarent, quod illiteratis, atheis, atq; supinis exprobrarem, eruditi, religiosi, seduli agrè ferrent. Postquam verò me vidi in meros divinatores incidisse, qui in intimos meos recessus sagacitatem jactitant, miror, me ausam fuisse, cum tam intractabili hominum genere vel quoquo modo colloqui. P. Ignosces mihi, sat scio, Alethea, si liberius tecum loquar. Cum emendatum quædam ires, vellem dilucidius fuisse prolocutam. Novi enim permultos, non malos equidem, sed qui in sermonum tuorum perplexitate hæsitant, atque passim insidias suspicantur, quibus religioni, politix, artibus liberalibus, & in universum rerum nostrarum ordini nocuisse volueris. Quos si audire liberet, dubium non est, mitius tecum ut plurimum actum iri. A. Estne verò, quàm ego, quisquam, qui patientius audiat, & liberius atque candidius respondeat? Et quæ rories testatus sum, hypocritis saltem, garrulis, ardelionibus, cornutis male velle, non à bono aliquo, quòd obscurius loquar, admonitus sum. Obsecro te tamen, Philæthe, ut quicquid etiam ab utrisque habes, in me effundas, qui hoc unum quero, ut Veritas mendacii vincatur. Neque mihi erit grave ob patriæ amorem succumbere: imò gaudebo, res nostras feliciores etiamnum esse, quàm Alethea habeat, quod conquerratur. P. Faciam, quod me jubes. Tu verò memineris, non meam esse curiositatem, sed alienos scrupulos. A. Tibi ego succenseam, quæ

quæ tot improborum supercilia & nugas ferre didici? P. Dicitaque mihi, quid est, quod *Regno* malè ominaris, & florem ejus, qui hoc tempore nostro mirè fragrare dicitur, flaccescere suspicaris? A. Non sum nescia, quanti Religionis puritas, Justitiæ integritas, pacis te diuturnitas terræ fertilitas, & horum arbiter ac rector, Sol serenissimus æstimanda veneant, neq; divinarū ob hæc laudum unquam obliviscor; sed quid mirum, si, quæ astrorum peritiam habeo, nescio quos, infastos siderū quorundā situs deprehenderim, quæ nobis violentiā, luxū oscitantiā, libidīe, pauperiem, infamiam nonnullorum præfagiant? Et memini, sacram quondam Astrologiam in sacra Dei æde haud paulō mitiora minitatum. Ex quo autem aliorum facti sumus, quī magnis aurimassis fidelitatem multis annis sumus contestari, mirum non est, felicitatem etiam & famam nostram esse vinculis impeditam: sed, ut Ecclipsim, id saltem sperem, & luminis breve impedimentum multa suadent, ac præ reliquis tot integerrimorum pectorum vota ac suspiria. Inter quæ si qui rident & subsultant, mirum non est: cum noster interitus illorum ortus palam deprehendatur. Tu verò, cujus pectus mihi notum, cum mille millenis aliis mecum ex animo lugebis, sub *Innocentia* imperio malignitatem posse tripudiare? atque commiseraberis potius sincero ac silente pectore errores nostros, quàm eosdem infideli lingua non sine lucro dealbatos comptosque decantabis. Videamus te iterum, o patria, pristino decore, pulsas nebulis, & Solem

tuum in Auge intueamur ! Ph. Fiat ! Euge, Ale-
 thea, quam me scrupulo uno liberaſti ! At me a-
 lius fortius urget, quod *Religionem* non Divi
 Lutheri herois augetam, aut Germaniæ con-
 cordem, ſed nescio quam, ſanctulam ſecretamq;
 oles, & Theologicæ eruditioni es iniquior. A. Id
 magnus Jehova prohibeat, quem ſupplex ado-
 ro, lucem, quam Lutherus, Brentzius, Bidemba-
 chii, Chemnitius, Andreæ, Hunnius, & alii bea-
 tæ & fideles mihi animæ, è favillis excitatam im-
 mortalibus ſcriptis diffuderunt, quæ Germaniæ
 Proceribus inter ingentes Antichriſti machina-
 tiones tanto conſtitit, quæ innocentis ſanguinis
 torrentibus ſubinde obſignata eſt, per univer-
 ſum terrarum orbem coruſcare & incrementa
 quotidie ſecus, quàm rafa calvaq; cohortes au-
 gurantur, ſumere patiatur ! Cæterum quod mo-
 res vitaque Chriſtianorum tanta licentia delin-
 quunt, nec iſ eſt operum, qui verborum, fervor,
 charitatis, quàm acuminis ſtudio ; patientiæ,
 quam litium exercitium ; humilitatis, quàm ja-
 ctantiæ voluptas, nemo Chriſti devotus mirabi-
 tur, ſi, quæ juncta Divina planè & ſacra forent,
 ſoluta minus æſtimantur. Nam qui olim ac ho-
 die fortiffimi athletæ Chriſti fuerunt, non magis
 Dialectica & Rhetorica, quàm præcibus & jeju-
 niis ; nec imperio, quàm facilitate, candore, libe-
 ralitate valuerunt, & rem contra Satanam utrim-
 que, eruditione puta & probitate, gnaviter geſ-
 ſerunt. At vulgus Sacrificulorum, altero appre-
 henſo, mirè ſibi placet, ſi armatam aliquâ Theo-
 logiam, quæ meris Logices ſpinis aculeata, rum
 ſtreperum

streperum quid, cū applausu popelli tueri possit;
cujus is est usus, ut, velut lymphati, aliter dixisse,
quam sentiunt credunt vè, videatur. Nam mox à
Cathedra ad res suas, reversi, non minus Mundi
consuetudinibus replentur, quā ut res, evacuata
aqua, aère. Ph. At quis honor fidelibus *Christi Mi-*
nistris, quos divino beneficio passim intuemur?
A. Ingēs, nec a Mundo hoc infami petendus, un-
de plerumq; cū pauperie & calumniis conflictan-
tūr. Nam quia Christo regnū, non sibi, parant, ni-
hil pinguescūt: dein ea opinio invaluit, quisquis
vitam probatorem quærit, Enthusiasta, Svenc-
feldianus, Anabaptista audiat. Qui verò potuif-
set Satan Ecclesiæ De i turpius illudere, q̃ fanati-
corū hominum nominib. optimum quēq; cōma-
culare? insolentibus verò applaudere, & Ortho-
doxi nomen, cuius est liberalitatis, illis saltem tri-
buere, quos novit à Christo remotissimos, Mun-
di genuinos? Unde haud rarò illacrimari oportet:
quoties video, hoc uno strategemate pietatis stu-
diosis viā cœli amarā & invisam reddi, soliū illis
Dictatorib. stabiliri, è quo hæreseon infauſta no-
mina dispergūt asperguntq; Quē illi verò semel
infamia notat, is vulgò Atheus, Hæreticus, Hy-
pocrita, Magus, & c. creditur. quicquid cōtra ver-
bis ac re ipsā cōtestetur. Ph. Vera sunt, quæ dicis,
Alethea, ac notata mihi. Nam & ego novi, qui
totā vitā cum indecoro aliquo epitheto confli-
xerunt, nec beatissimo obitu malignas aspergi-
nes eluerunt. A. Illorum quidem haud ma-
gni refert, quo nomine maculentur, qui Je-
su Crucifixo sese tradiderunt: at me ali-
quo-

328 A L E T H E A E X U L.

quorum miseret, qui nulla malignitate, sed credulitate tantum nimia, intemptivoque zelo bonos insectantur, quos, si paulò propinquius novissent, magno amore forent amplexuri: quales memini, me nonnullos correxisse, magno suo rubore quidem, & temeritatis confessione, at maiore emendationis gaudio. Ph. Itaque credemus te posthac Lutheranam? A. Atq; sincerissimam. Nec enim ullius mihi querelæ frequentiores, quàm divini illius viri Evangelicam licentiam prævidentis, cujus contra omnes hostes invictus calamus suorum dissolutione, & astuto Evangelii prætextu penè languit. At tu cogitabis, non esse injurium, acutioribus ingeniis argumentationum Theologicarum tricas relinquere, mihi simpliciorum DEI cultum reservare. In quorum utroque beatus Augustinus mirificè excelluit, hoc tamen senium suum, & animæ devotæ anhelitum unicè est solatus. Interim DEUM orabimus, nunquam nobis strenuū milites desint, quibus fucatos *Frates* & suspectos *Pacificatores* fortiter pellamus, & verborum DEI simplicem fidem retineamus. Ph.

De Fraternitate. R. C. Quàm opportunè *Fraternitatis* admonuisti: non enim nescire potes, quid jam passim voliret, an serpar: tu verò ecquid commune cū ea habes? A. Planissimè nihil.

Ph. Nam cum paulò antè lusum quendā
ingeniosorem, personatus aliquis in li-
terario foro agere vellet, credidissē,
hac imprimis ætate, quæ ad insolita
quæque se arrigit, nihil mora sum libel-
lis inter se conflictantibus, sed velut in
cena prodeuntes subinde alios histrio-
nes non sine voluptate spectavi. At
nunc cum Theatrum omne variis opi-
nionum jurgis impleatur, & conjectu-
ris, suspicionibus, maledicentia potissi-
mum pugnetur, subduxi ego me, ne im-
prudenter me ulli rei incertæ & lubri-
cæ immiscerem. Quid enim opus est,
Famam exponere, & ingenium pericli-
tari, ubi meræ sunt nebulæ, & Chimæ-
ræ impugnandæ, ac mox sibi ipsi applau-
dere, cum tacito spectantium irrisu?
Cautior ego, &, quod ad rem facit, tu-
tior, si ad Divini Verbi Lydium lapidem
Spiritus affricem; Reliqua Deo concre-
dam, arcanorum unico Principi, & por-
rò veram *Christi Fraternitatem* devota-
mente tuear, quæ humanæ carnis supre-
mum est fastigium. Ph. Nonné verò ri-
debimus, te *Fraternitatis* illius sororem
constanter & impudenter creditam? A.
Ut tempora hæc sunt, nihil insolitum vi-
deri potest, aut inexpectatum. Sed tu
quid aliud habes, quod accuses? Ph. Ne-
scio, quid prius, aut posterius dicam.
Philosophia omnis tibi acerbè indigna-

tur.

tur. A. Philosophia? Illa germana mea,
 qua post Divina Oracula orbis nobilius
 nihil habet, ego nihil charius? At tu ca-
 ve, ne pro vera & genuina illa umbrati-
 lis aliqua tibi imponat. Hodie namque,
 ut quisque literulis leviter tinctus est,
 ita se philosophiæ delictum jactitat. Vi-
 de verò, quàm turpiter hæc humani ge-
 neris regina habeatur. Nam, ut ab ipsa
 Artium scientiarumque claviculæ in-
 cipiam, *Grammatica*, quis nescit, eam
 plerumque hominibus desperatis, sor-
 didis, & è foro literario ejectis prostitu-
 i, & ingeniorum florem iis cõmitti, qui-
 bus nec est ingenium, nec cerebrũ; sed
 quos capitis hebetudo, & mörum dis-
 solutio ad Scholas, veluti lapidicinas,
 condemnavit. atro pane & frigida alen-
 dos? Succedit *Dialectica*, non ea, quæ
 ingeniosa ratiocinatione amat, & veri-
 tatem indaget; sed loquaculum aliquod
 & imperiosum prostibulum, terminis
 & nugis prægnans quæ, quia nihil om-
 nino habet, quod dijudicet (absunt e-
 nim, ne nescias, in plerisq; reliquæ ar-
 tes) secum ipsa litigat, ac Syllogismus
 cum syllogismo configit. Et hæc ma-
 gna tyrannide Philosophiam se jactitat,
 sororesque reliquas præ se contemnit,
 tantaq; inanitate Psittacos suos implet,
 ut, quisq; *Dialectices Erotemata* degu-
 stavit, subitò omnem Philosophiam ab-
 sorpisse

*Diale-
ctica.*

ALETHEA EXUL. 331

orpſiſſe gloriatur. Hinc de *Rhetorica*
 vix nomen & exuvia ſuperſunt, quæ
 ſub Grammatices imperio ab iis ſubini-
 le vapulat, qui Latinogræcè, aut Græco
 latinè crocitant, ineruditorum aures
 ſuavi, ni fallor, ſuſurro circumvolant.
 Eſt autem & hic inclementius aliquid,
 quòd Rhetores proclamantur, quibus
 ne Epistolium quidem Latinum abſ-
 que Prisciani vulnere ſcribitur, quibus-
 que Æſopi fabula abſq; Daſypodio (O
 quam benefico homine!) vix legitur:
 Ph. Quam ridicula es. Alethea, etiam
 ſulgens! ſed de *Muſica* quid videtur? A.
 O ſupercilium dicam, an ſtuporem lite-
 ratorum! Nam cum *Harmonia* Orbis
 terrarum vix quicquam habeat elegan-
 tius, ſublimius, atque ingeniouſius, meri-
 to in ea indaganda Antiquitas ſollicitè
 laboravit, & concentuum rationes mē-
 ſurationeſq; admiranda induſtria eruit.
 At noſtra ætate quicquid cantilletur,
 aut digitis dexterrimè ludatur, vix cen-
 teſimus Muſices arcana adit, & ſuavi-
 tatis huius origines è literis petit, ne-
 dum datas & veterum ſubtilitate produ-
 ctas capit. Tanta facta ſunt nebula im-
 peritis imperitis, quæ debebant eſſe me-
 ra lumina. Idem de *Arithmetica* cōque-
 rendum eſt, quam magnifici illi Magi-
 ſtri, velut mercatorium compendiū, ha-
 bent deſpicatui, ipſi, ut uno verbo dicā
 tanto.

Arith-
 metica

ranto hominis fastigio inhabiles, ne indignos pronunciem: quod tamen condonari misello gregi facile posset, hominibus ad consarcinandos *Calepinos* natis, nisi se *Musices*, *Arithmetices*, ac uno hiatu *septem Artium Philosophiaque Magistros ac Doctores* impudenter profiterentur. Quid *Arithmeticae*? etiam *Cossica*, cuius vix nomen inaudiverunt, cujus una æquatio *Phrenesin* illis adferret? Audent tamen *Mathematicos*, eosque ingeniosissimos juxta ac celeberrimos, velut fatuum aliquod nimisque otiosum genus, irridere, & insulsißimis dictoriis petere: quasi regium sit, syllabam nectere; sordidum verò, numerorum miras progressiones vestigare. Quod si & *Geometria* dignitatem, præter infinitum vitæ humanæ usum, æstimare velimus, quanto id fier, *Magistellorum* opprobrio! Atque utinam illi saltem ingenuis & exquisitis Artibus parcerent, neque hanc meam indignationem provocarēt! Cæterum dum illis licet impunè, exactissima quæque conculcare, suos efferre stilos & pugillares; libet & mihi, insultare hominibus tam curtæ supellectilis. Neque enim aliud est quod humi repere, & literas, ut ita dicam, propè omnes ignorare facit, quàm quod ad *Matheseos* cotem durissima ingenia nunquam acuerunt.

Geome-

Geome-
tria.

Geometriam sanè nescire, quid aliud
est, quàm dijudicationis eruditoris di-
midium ignorare? Nam cum in huma-
næ societatis instrumenta se diffundat,
meritò Plato & Philosophorum acutis-
simi quique ἀγρομέτρων crediderunt
intolerabilem. Ph. Vide, ne te præcipites.
Nam si ad Mathesin eruditos omnes ri-
gidè adigas, & septemplex jubeas Ma-
gistros omnes, quàm prolixum celeberrimorum
virovum catalogum condemnabis, quibus ingenium ad tot studia
non vacavit! A. Quàm es in cogitans!
Meministi, temeritatem me iis expro-
brasse, qui omnium artium peritiâ ma-
gno aliquo M. profitentur, cum vix unâ
alteram vè honestè tueantur: veluti si
quis se Pharmacopœum, pictorem, scul-
ptorem, horologiopœum, aurifabrum,
&c. magnâ confidentiâ vendideret, ipse
sartor & artium illarum penitissimè ru-
dis, nonnè, indignareris vel rideres
certè? Ph. Ha. ha he! A. At tu passim
videas literatos, quibus ne vulgaris sup-
putatio quidem, aut Euclidis prima
Elementa, aut cœli universi unica stel-
lula cognita; nondum abiiciendos ta-
men, nisi eos, quibus hæc cura ac indu-
stria est, ambitiosissimè perstringerent,
se se supra polos omnes, efferrent. Nec
enim coacti sumus talia discere; sed quæ
nescimus, eorum peritiâ mentiri, ac
paternis

334 ALTHEA EXUL.

paternis nummis emptos fumos iterum vendere: id cuius integritatis sit, non facile pronunciauerim. Nec verò dubito inter tot Magistrorum exercitus insignem numerum reperiri, qui magna laude & ingenti usu *Artium Encyclopaediam* impetrarint, indeque Reipublicæ simul ac literariæ immortalis fama profuerint, vel sanè è singulis, quantum opus erat, & studiorum meta requirere videbatur, delibantes, ad seria magis se contulerint; denique, si nihil eorum ingenio arrisit suo, in aliis benevolò animo approbarint. Quorum utinam quis catalogum conficeret auritis illis opponendum, & cum insipidis nugarum institutoribus committendum? Videre autem liceret superiore ætate viros eruditione refertissimos, propinquiore minus celebres, nostra nobis tantum, nec alibi æquè suspiciendos: ut Castalias acidulas fortè dilutiores hodie, quàm pridem, credere possemus, nisi nos diuina aliquot ingenia, sed ea minus vulgo æstimata sustinerent. Ph Hem, quàm iniquè accusata es, quæ virulenta vecordia offuciis tuis imperitorum simplicitati imponere, adeoque uniuersam rerum optimarum parentem, *Philosophiam*, pedibus conculcatam ire volueris? A. sine, sic loquantur, & Philosophiæ injuriam interpretentur, si quis Alogon,

Anarith-

Anarithmon, ἀνριθμητόν, Amuson, Aphyficon
dubitet Philosophum. Mihi verò querelæ illo-
rum *Rhetorum* nondum exciderunt, quib. olim
nimis facilem honorum distributionem sunt
infectati. Cæterum eruditorum memoria ut sem-
per sacrosancta mihi erit; ita maximè velim,
eos undique prostare, quotquot vel artibus vel
scientiis optimè meruerunt, quo reliquorum
imperitiæ, veluti noctuis à Sole, major caligo
& infamia adferatur. Nemo enim, opinor, e-
jus erit stuporis, ut credat, vel omnes, quotquot
Magistralia pulpita adscendunt, esse omnium
artium peritos, vel qui ingenio diligentiaque
valuerunt, aliorum socordia maculari. Nam
& *Nobles* fatentur quosdam sui ordinis igno-
biles, & equites agnoscunt aliquos minùs stre-
nuos; una literaria tyrannis omnes nobis poli-
tissimos & superelementares obtrudet? Patia-
mur autem simplicioribus cum lucello imponi:
nobis sanè aliter sentire liceat; qui cum talibus
quotidie haud jucundi congregimur. Nec de-
sunt equidem, qui palàm imperitiam suam in-
genue fateantur: alii verò, ubi semel artium de-
gustatione, sub *Magistri* titulo sunt admissi, per-
rexerunt, & Philosophiæ interiora non segniter
sunt contemplati. Unde præclarus est *honorum*
graduumq; usus, si non sistant, sed stimulent po-
tius; nō saginent, sed perpetuum appetitū alant;
non soporent, sed vires subinde novas affundant.
Viderint autem isti Janitores, qua fronte dignos
mixtim & indignissimos admittant, quibus
è Repu-

à Republica victus non minus, quàm peritissimis
 decernitur, posteaquam magnâ cura & soli-
 cito examine approbati creduntur. Ph. Abriperis
 neque *Astronomiam* verbulo es dignata A. Quicquid
 eam offundam terrenorum sordibus? Nam, quâ
 debebat esse hominis summa voluptas, cœli mo-
 tiones & astrorum admirandas rotationes non
 visse, ac reliqua ingentis machinæ phænomena
 nobile indagine perscrutari, ea supervacua & in-
 nepta aliqua speculatio creditur, non iis, qui pa-
 triam regunt vel tuentur, nec quibus terræ esse
 ingeniosior anatomia, sed qui nomina in *V. v.*
 desinētia in *O. X.* magna trepidatione conquirunt
 & plumbeis stilis solidissimum quemque confo-
 diunt. Sed bene est, postquam scholasticos cala-
 mos omnes detrivere, à Calendariorum icun-
 culis non mitius, quàm bubulcum aut opilio-
 nem quemvis, eos suspendi, & ad rubri, nigri ve-
 atramenti spes minasve circumagi: quàm insi-
 gne id verò operosæ literaturæ præmium? quàm
 gloriosum, ad agricolæ modestas & timidæ
 quæstiones turpiter negari? quàm pudendum
 potius, ut conscientiam tuam appellem, à vini-
 toribus, ruricolis, mulierculis, ac brutis ipsis cœ-
 licarum conversionum annotatione superari.
 Superest enim alia Schola, quæ post Academicæ
 Sapientiæ plenos cyathos, hellebori aliquo-
 cados propinat, & ignorare convincit, quæ sciri
 magnis juramentis asseverasset, humana nempe
Conversatio, quæ in dies majora pluraque exi-
 git, quàm Scholasticæ Incrustationes pollicen-
 tur, quæque in manticiæ literariæ, quod à tergo
 est

st, falſissime ridet & pudefacit. Ph. Relinqua-
 nus artes, à quibus tute permultos absolviſti, ſi
 equiores eſſe velint: illud tamen fateri te oport-
 et, neminem, niſi Phyſices gnarum & Ethices
 peritum, ab eruditionis cenſoribus approbari. A.
 Quas tu nugas agis, amice? Nam, ut ut paucos
 videas artes doctos, pauciores tamen *Phyſicos* re-
 perire eſt. Nolo autem *Erotemata* ſel *Epito-*
mas pro Phyſica admittas, quæ junioribus opti-
 me præſcribuntur, ut his primis gradibus Na-
 turæ veluti initientur, & ad Univerſitatis hujus
 anguſtiſſimam contemplationem præparentur.
 Cujus ſpectaculi Plinius ingenioliſſimus index
 eſt, omnino glorioſulis illis opponendus, qui,
 quanta ſit rerum naturalium amplitudo, quan-
 ta ingeni humani ſocordia vel lippitudo etiam;
 is tamen eò infelicioꝝ, quòd à paucioribus adhi-
 betur. At tu, quæſo, mecum perpende, quàm
 exiguum de Motu, de Cælo, de Meteoris, de A-
 nima addiſcatur, quàm minima exigui hujus in-
 telligantur. Quòd ſi tales in Naturæ theatrum
 producuntur, quàm ſunt peregrini, quàm ex ul-
 timâ Barbaria advenæ? quàm ſtupent, ſilent, ru-
 bent! Teſtor Medicos, Chymicos, Agricolas,
 Nautas, Venatores, Merallicos: nihil illis æque
 inviſum, aut certe ridiculum, quàm Epitomicæ
 Phyſices Studioſum. Neque hæc querela ſe-
 creta eſt, ſed plane publica, nihil eorum in Scho-
 lis didiciſſe, quæ ad Naturam ſolide perſcrutan-
 dam faciat: quæ ſive doctorum, ſive diſcentium
 culpa eſt, magna equidem culpa eſt, Ph. De

Ethica

Ethica aliter senties, quæ planior est & humanæ vitæ propinquior. A. Paulò mitius. Quicquid nimis juvat, summa morum civilium culmina perstrinxisse, & *supremi boni* idolum sculptisse, si ea ad vitæ consuetudinem parùm instant, & adversitatum procellis occurrant? Quæ jejuna enim ea sint in virtutis arduo clivo celsudanti, malim ab alijs audire, quàm cum indigna efferre. Ac quia Prudentiæ *Ethica* magis parte subest, nemo miretur, à juvenibus ea minus expectari, qui vitæ humanæ anfractibus & lubrica nondum explorarunt. Unde mirari sæpiusculè contingit, quæ tandem audaces imberbes nobis ac impuberes *Politicos* pariter qui Lesbiis regulis Mundum dimetiri audent & Leges papyraceas Universitati huic ferre, id vix crepundiorum legibus soluti. Jucundum tamen est, intueri illos orbis Reformatores paulò post uxoris aut familiæ imposturis circumagi, ac, naso qui penetralia terræ olfacere credebatur, ridiculè suspendi. Ph. Noli mihi, *Alethea*, *Historiam* præterire. A. Historiæ decus alibi adstruxi: quæ, quia mecum exulans libens tacet, & imperitiam eorum ridet, quod sua tantum facinora à triviali schola assuggestum, id est, à virga ad sceptrum recitare norunt, universi Orbis compendium possidere somniant. Hinc illis urbs Orbis, epitoma Bibliotheca, triviū Monarchia, pileolus diademata, ferula fasces, Leges Scholasticæ anathemata, unoque verbo magnifica omnia. Atqui illis ego Christophorum Milæum opponere soleo.

eo, quem, aut mentitur Alethea, vix decimus
 quisque absque mentis deliquio intuebitur.
 Isque adeò diffusa est vitæ humanæ fabula, ut
 vix immanis illa machina comprehendat, ne
 dum unicum terræ punctum, quantumvis cele-
 bre, capiat! Ac ô infelicem humanam erudi-
 tionem, quæ Athenis S. inclusa adeò sit, ut, quic-
 quid undique ignorantia peccetur, his unis
 vindiciæ severissimæ parandæ incumbant! Ph.
 Jocarîs, tu mea Alethea. Nam quis nesciat,
 passim Europam ingeniis excellentioribus sca-
 tere; indeque peregrinantes, veluti mercatores,
 quicquid ubique rarioris eruditionis & inven-
 tionum selectissimarum, conquirere. A. Non
 satis ex usu hîc nobiscum agitur, quoniam non
 satis aptos emitimus: Velim tamen, pulvina-
 res illos dictatores sæpenumero invitos extru-
 di, ut qua sunt inflati distenti que domestica im-
 peritia, eam aliena scientia expelli cogerentur,
 nullo dubio & suo profectu, & nostro mitiore
 obsequio. Caterum quid opus foret, aliunde
 addiscere, cum librorum optimorum, quos possi-
 dent, magnos acervos hominibus abscondant,
 vespertilionibus, muribus, tineisque patefa-
 ciant, nisi affectata obstinataq; rerum humana-
 rum imperitia allubesceret, ac exinde, quic-
 quid variam multamque lectionem spirat, ex-
 terminandum crederetur. Ita enim cæculis
 suis meri Platones, Cicerones, Galeni, Livii,
 Virgilii, Archimedes, Plinii, Papiniani, adde,
 & Augustini ac Hieronymi, videbuntur.

Q 2

qui-

quibus non licet vel per rimulam aliorum eruditionem prospicere. Utinam verò *Gesneri*, viri in veteribus diligentia certantis, *Bibliotheca* unaque ac publico sumptu extaret, si nullo alio modo certe, ut quicunque capacioris sunt ingenii, insignium laborum cum olim, tum nuper exhibitum commonefierent; qui obtusioris cerebro, aliorum fama industriaque diverberarentur. Ph. Satis tu pro Historia, si quid in ejus laude satis dici potest. A. Atqui hoc unum saltem tetior quod multorum nos admoneat, quæ Philaureus astute abscondit, & immodestiores in dijudicandis aliorum ingenii reddit, ac persæpe, qui unus literarii angiportus inspectores facti sumus totius eruditionis Consulatum accepisse, nobis ineptè persuadeat. Quod si plures Historiæ usum enumerare vellem, finis non foret. Tu verò omnia calumniatorum tela ejaculaisti? Ph. Nescio, quàm me inopinatò confuderis, qui plura ma tibi eram exprobraturus. Nam, dum artes percurristi, magnam malevolorum turbam perdefecisti; quorum hoc unum sapere est, stultitiam tegere, & auriculas immane alioquin prominentes complicare. Vulgus superest? at is alienis oculis videns, auribus audiens, sua de lingua garriens: quem si audire posses, non nihilo adderem. A. Possem utique: sed quid opus esset tam dissonas chordas concordare, aut, ut verius dicam, ex balatu, mugitu, grunnitu, ruditu suam aliquam quatuor vocum melodiam componere? Peccant alii simplicitate crudelitatem, & *Veritatem* ajunt famosum libellum: alii fecerunt

numm

um suum secure depascunt, ac, si quis propius
 accedat, cornu feriunt: alii inquinamentis im-
 nersi, ne tangi quidem absq; ronchis possunt:
 alii denique nec lecta, nec selecta, nec intellecta
 abiiciunt, condemnantque, ac carduos rosis, li-
 lilisque præferunt. Ph. At at! jam in mentem
 revocasti, cujste maxime admonuisse oport-
 tebat, ne posthac tenebrosis, aculeatis, velatis,
 famosis chartis, quibus Romano Imperio inter-
 dictum graviter est, alienæ famæ & gloriæ insi-
 diari pergas. A. Cum quo loqueris? Ph. Tecum,
 Alethea, tecum, quæ tam pessime audis. A. Me-
 cum verò, quæ meo periculo, pietatis, integri-
 tatis, eruditionisque famam vindico? Ph. Tecum,
 inquam, de qua non vulgi hæc, sed Patrum pa-
 tratorum querela est. A. Ausis mihi unum no-
 minare? Ph. Ausim; sed in aurem: accipe. A. O stu-
 pore, & omnis antiquitatis simul ac recentiu-
 um rerum ignorantiam? Nam quid vereribus
Poesis, inde *Comædia*, quid mox *Satyræ*, quid *A-*
pologus aliud fuit, quam morum humanorum
 publica, sed falsa atque ludicra notatio, quam
 Græci Romaniq; liberam esse voluerunt ac
 inviolabilem, quam diu ipsis Libertas stetit: ne-
 que sanè unquam, nisi tyrannis, displicuisse no-
 tata est, quorum refert, flagitia nesciri, vel sane
 haud exprobrari. Et quis credat, tam delicatos
 nostros ac impatientes, qui nondum novacu-
 la tacti, alios prohibeant mordaci radere vero;
 imò qui communia peccata in singulares ho-
 mines à publica criminatione referant, simulque

Q 3

irascendo

irascendo agnoscant vitia , & sibi maledixisse invitam cogant? Ph. Nescistu perduellionem, si quis liberiore lusu vitiorum species petat? A. Ah ludi simple Magister: tu verò Philalethe, op-
pone iis Lutheri Comitia picarum, Melanch-
tonis Didymum, Erasmi Julium, Curionis Ec-
staticum, Fraxinei Hinnulum, Vergerii Actio-
nes, D. Eberhardi Wirtenbergiensis Dimnam,
Gentilis Australem terram, Barclaij Euphor-
mionem, Reuchlini Obscuros, Hutteni Dialo-
gos, hominum eruditissimorum & integerrimo-
rum, quorum ludi sub alienis laciniis acti nun-
quam perduellionis accusati sunt, potius ad om-
nem posteritatem, magna ingenii fama prosta-
bunt; tum aliorum Analyses, Synopses, Expo-
sitiones, ac Constructiones piperis servandi cu-
cullis dedicabuntur. Sed & noli prætermi-
tere Erasmi Moriam & Ciceronianum, Mori
Utopiam, Lipsij Somnium, Heinsij Hercu-
lem, Cunæi Sardos venales, Ochini Apologos,
Holderi Asinum avem, &c. Schopperi Reini-
ken. Rolhagij Batrachomyomachiam, Step-
hani Apologiam, Senecæ Claudium, Frischlini
Priscianum, Naogeorgi Jeremiam, Cardani
Neronem, Fischardi Rhythmos, admiranda
planè opuscula, quibus caperati; illi & superci-
liosi in arenam protracti, aceto literario sunt
perfusi. Quæ si maximè sua quodque ætate
non absque indignatione sunt excepta, hodie
tamen cum perpetua Hogostrati, Murneri, Or-
tuini, & similium infamia tutissimè perlegun-
tur. Sed, ut magis seria proferamus, quid

Wolfius

ALTHEA EXUL. 343

Wolfius noster, quid *Flaccius* operibus
suis laudatissimis potissimum egere,
quam suspiria, murmura, dicteria, quæ
sub tyrannorum insolentia exaudita
semper sunt, reddita libertate, in lucem
ut proferrent? Onus Ecclesiæ, Goliath,
Ganfredus, Marfilius Patavinus, Bern-
hardus Westerroodus, Vincentius Fer-
rarius, & sexcenti alii pridem infames &
mecum latitantes, nunc *Veritatis* nobis
Testes invicti, sunt, adeò ut Poëtas, Pe-
trararcham, Dantem, Mantuanum, San-
nazarium nemo Theologaster jam præ-
tereat, quisquis prima ac imbellia arma
contra Papæ politiam sumit. Itaq; haud
ægrè fero, si aliquandiu ampullatis illis
bullis cedendum sit, cum & Christus ip-
se Phariseorum Sadduceorumq; verita-
tis luce devictorum iræ non nunquam
cesserit. Hæc enim Hypocritarum crux
est, ut, quò ringuntur vehementius, &
se circumvolvunt sinuosius, eò pateant
evidentiùs. Cujus B. Lutherus insignis
testis esse potest, Monachorum impor-
tunitate atque impudentia stimulatus
potius, quàm cohibitus, non obscuro
nobis documento, quæ impotentius ex-
cusantur, notorio vitia magis suspecta
& despecta esse debere. Ph. Quàm defe-
cato animo sum, Althea! postquam su-
spicionum, divinationum, animadver-
sionum, scrupulorum nugas magno
numero mihi exemisti: nec tamen ita.

Wolfij
Centur.
Flaccij
Testes
Verit.

plane liber sum, quin minutiae super-
sint. A. Noli, obsecro, fermenti atomum
tibi relinqui, quod opinione citius sa-
pidissimam massam inficere potest. Ph.
Ain'tu, aliquos Ecclesiae subrepere? A.
Etiam se intrudere, Ph. Et vitam à do-
ctrina non nunquam discrepare? A. In
Ecclesia vocales, in foro consonan-
tes esse. Ph. Quid? an inæqualiter mul-
ti aluntur? A. Sic, ut pinguescant alii, alij
tabescant. Ph. Politicis tu quibusdam
diffidis? A. Non minus, quam annuis
Prognosticis. Ph. Dolent Latinitatis
privilegia? A. Illatinis promiscuè con-
cessa. Ph. Christo Scholas iniquiores su-
spicaris? A. Certè Aristotelicas. Ph. Cœ-
lum vereris aliquoties vendi? A. Paupe-
rum querela est. Ph. Divitibus ne nimi-
um licet? A. Adiuverantur, heluātur, & c:
impunè. Ph. Et minùs seriò res humanæ
reguntur? A. O fenestellas D e u s ada-
periat! Ph. Ecquid verò Virtus esuriat?
A. Strenuè, nisi cognata sit. Ph. In Pæda-
gogis quid desideras? A. Extra Scholā
propè omnia. Ph. Fiscus quid offendit?
A. Quòd panem liberis debitum cani-
bus projicit. Ph. Magistros septempli-
ces negas? A. Vix simplices quosdā ajo.
Ph. Gradus tibi nimio veneunt. A. Imò
minimo. Ph. Pompas culpas? A. Scilicet
Ethnicas. Ph. Satin' prospectum nobis
est. A. Satis, si animam, corpus, bona ma-
lumus

ALETHEA EXUL. 345

Iumus, quam argenti unicam concredi-
ta. Ph. Quæ tibi nova taxa est? A. Hinc
minæ auri, illinc micæ cerebri. Ph. Ne-
scio, an amor mihi, & perpetua tui con-
suetudo imponat; nihil est quod te am-
plius urgendam censeam: illud jam po-
tius mirari subit, quî potueris tam mul-
tis displicere. A. Ne mixeris: quin imò
paucissimos *Stultiferae Navis* remiges
scito, quos sequi, velis nolis, necesse est.
Ph. Licetné ex te quærere, quibus ju-
dicibus condemnata sis. A. Jam exora-
tura te eram, ut audires. Lubet enim hu-
mani ordinis monstra exagitare, ut pa-
lâm sit, nunquam Aristidem iniquius
Ostracismo mulctatum, quàm Aletheã
Anathemate. Memineris verò, non uni-
us fuisse ordinis, qui exfulare jusserunt:
itaq; distinctius informâdus es. Primus
ergo mihi aula interdixit Sycophanta,
perspicilia, novaculas, cucurbitulas in-
venire, suffitus facere, atq; cuniculos in
regni penetralia agere gnarus. Qui, ut
primùm animadvertit, me in ungues
ipsius intentum, & fœtoris impatientē,
nihil prius habuit, quàm me Patriæ pro-
ditorem inclamare. Quid ageret lupo
aliud, quàm canem perivigilē accusaret,
ac, si liceat, stabulo abigeret? Ph. O for-
tunatâ terram, quæ a civibus suis re-
gitur, nec ambitiosis nimium, nec tu-
multuariis, nec remerariis, nec peregri-

I.
Tyrannus.

Q5 no suc.

- no succo imbutis? infelicem verò eam,
cui pectora alienigena, linguæ exoticæ,
manus inassuetæ multo auro concilian-
da sunt? A. Alter ex sacro ordine Sten-
tor aliquis, animi elati, Ecclesia expulit,
Anti- humani generis, ut planissimè dicam,
christus odium. Neque enim cuiquam bellui-
num illud *Oderint, dum metuant* exa-
ctius competere, mecum, quicumque
informi monstro subesse coguntur, li-
benter fatebuntur. Hujus tribunitiis
sermonibus facilius frater contra fra-
trem concitatur, quam Christiana cha-
ritas seritur: neq; credibile est, unquam
S. Spiritum adesse homini furioso livi-
doque. Ph. Eheu duram Christianorum
fortem, quos non potius tranquillitas,
modestia, charitas, liberalitas pascunt,
quàm æstus, jactantia, odium, rapina
depascunt! A. Tertius literarium mihi
3. *Sophista* forum occlusit fumivendus, fucata lo-
ca. quacitate formidabilis, pestilens ani-
mal, & cui cælum terra, religionem hæ-
resi, sanguinem atramento, Europam
Asia miscere lusus. Non habet Arith-
metica tot numeros, quot ille Vertum-
nus facies. Sive Vesperas Siculas velis,
sive crepusculum Sanbartholomæa-
num, sive epulum Danicum, sive suc-
cessionem Ottomannicam, omnia hic
calamus audet, non Draconis saltem
graphi-

graphiario, sed Stygiæ paludi intinctus.
 Ph. Vah, ut apes mera mella, ita araneæ
 mera venena sugunt: tantum interest,
 in quem hominem literæ incidant. A.
 Quartus è publica platea abegit, Stu-
 por, cornutum pecus, non quod reve-
 ra male vellet; sed quod aliis odiosam
 audiret: non, quod libertatem meam
 ferre non posset; sed quod non cape-
 ret: non, quod aculeis offenderetur;
 sed quod nihil sentiret. Vidisses valde
 iratum, & velut Grammaticali bello,
 Heteroclitis, Anomalis, Gerundiis &
 Supinis omnia perstreperere. Formidabi-
 le tamen non est: nam ubi deferbuit,
 subsidet iterum, neque cordatiorem
 quemquam intoxicat. Huic facillime
 omnium condono: quia nescit, quid fa-
 ciat, & suas ipsius quotidianas querelas
 imprudens condemnat. Memini eas-
 dem voces, eadem verba persæpe ex
 ipso audivisse, quæ jam in me scelesti-
 credit: tam parum capitis & lixivii me-
 mor est. Ph. *Parcite, proni procelli: post-
 hac potiemur pace perenni: Pacisci pla-
 ceat porcis per prælia prorsum: Plurima
 porcorum perierunt pascua passim.* A.
 Ita M. Grunnius Corocotta eos amet.
 & testamento aures, oculos, probosci-
 dem, ac pertinacem Spiritum det legat?
 Quid enim cum his configere libeat,

4.
*Barba-
 ries.*

Q 6

at, qui

quomodo feriant? Sed quid tibi videtur de me-
is five censoribus five iudicibus? Ph. Permul-
tam. Nam sic demum proscribi, gloriosum est.
Tu verò an dicere mihi posses, multosne, an
pauciores hæ pestes occupant? A. Non satis
liquet: pauciores tamen crediderim. Nam per
multos reperire licuit haud iniquos mihi, sed
qui nolunt patere, & cum illis tyrannis commit-
ti, five quòd quietis sunt amantiore, five veri-
tatis amore non satis consolidati. Amo tamen
vel timidiusculos illos: quoniam errorum no-
strorum scintillæ illis micant, & inter tot offu-
sationes visus est acutior. Scio etiam, haud
paucos meliora de illa humanarum tenebrarum,
five, ut mitius dicam, opinionum quadriga spe-
rasse: qui ubi, intemperiem senserunt ac violen-
tā pertinaciam, valde sunt conturbati. Nam ma-
nifestissimarum inconvenientiarum immodi-
cam tutelam suscipere, quid aliud est, quàm ex
hominibus bruta, ex videntibus cæcos velle fa-
cere: qualia sunt, Religionē inter tot Hypoeri-
tas nihil maculari, Eruditionem inter tot beanos
esse universalem, Mores inter tot Epicureos esse
exactissimos, Ecclesiæ thesauros in tanto luxu
piè impendi, Justitiam in tanta confusione esse
æqualem. Quæ omnia magnis minis obtrudere,
est ferro faucib. appposito risum extorquere velle.
At nos annalium nostrorum five fastorum usq;
ad ò imperiti non sumus, quin ætatem cum æ-
tate, & pridiana acta tum hodiernis confer-
re valeamus: nec etiam Christi ille bajulus ex-
cidit

cidit, cujus pietate & prudentiâ parvæ res cre-
verunt, turbatissimæ sunt miro ac celebri ordine
compositæ. Cujus pondera quia paulatim e-
levantur, sagacissimus quisque rem communem
attolli metuit. Sed eam rem ego Ordinibus
curandam relinquo, quorum jura tam fidem
Deus atque Posteritas requirunt. Mihi satis
fit, querelarum admonuisse, quas, dum obambu-
lo, majore numero ac fervore, imò & lacrimis ac
suspiriis prolata accipio, quam multi intra can-
cellos & musea sua exaudiunt, in quos tamen
oculi omnium sperant. Ph. At quid fiet, si
posthac lateas atque fileas? A. Tum lapides
loquentur. Mihi certum est, nunquam sic
posse homines obturari, quin aliquæ rimulæ
superfint, quas nec Papa, nec Cæsar, nec Davus,
nec Oedipus omnes obstruet: cujus tibi uni-
versi historia testis esse potest. Et quid non
ausus est nostra ætate *Thuanus* meus, liberta-
tem nactus, jam nullo dubio mecum proscri-
ptus, si in meos homines incidisset. Ph. Cum
queis verò porrò conversaberis? A. Cum brut-
tis potius, quam hominibus. Ph. Quasi verò
homines nō satis brutales sint tibi ac beluini? A.
Utiq; satis: sed cum nunc leoni, nunc cato, nunc
lupo, nunc canī, nunc ovi, nunc hircō, nunc le-
pori serviendum sit, plurimum interest, cui ser-
vias: nec enim æquē facilis servitus est. Mihi ve-
rò posthac cum asinis vivere lubido est. Ph.
Haha he! nempe quia auribus valent, & ter-
gum verberibus assuetum habent. A. Potius,

Q 7

quòd,

quod, ubi semel prolapsi, eo nunquam revertuntur. Ita quæ smegma meum & lixivium in scabiosa & pediculosa capita perdidi, nunquam ad tam sordidum laborem revocabor. Ph. At ego locum tibi longè amœniorem & liberaliorem suaserim. A. Quem tandem? Ph. Eleutheropolim, quò amici invitant integerrimi, cordati, ingeniosi, sagacissimi. A. Iam dudum istud monita sum: at me nescio quàm natale solum alligavit, cujus decori libenter sanguinem meum impenderem! Neq; enim adeò impatiens sum aut implacabilis, ut ferre atq; dissimulare injuriam aliquam non possim. Unde hunc mihi specum volens elegi, dum refrigeant, quibus inutili calore pectus est occupatum. Quò enim quis irascitur inconsideratius, eo se paulò post rider effusius. Ph. Credisne, posse tam tumidos contra te spiritus iterum subsidere? A. Quidni lacunę conquiescant, cum vastum mare tempestatibus sævum tranquilletur? Ph. Non licebit, crede mihi, per ranas. A. At cædem coarxant saltem, non mordent. Ph. Molestæ tamen sunt. A. Sed frigore obmutescunt. Qui tu vero scis, semper illis fore tam tepidam auram? Ac, ut maximè sit, quod precor, nunquam tamen iis deerunt aves formidabiles. Ph. Quid vero jam referam amicis tuis, qui passim de te sunt solliciti? A. Iube bono animo esse. Nam quæ dixi, certiora turpioraq; sunt, quàm quæ terriculamentis eludi, nugis excusari possint. Sed nolim ego meâ loquacitate nostra dedecora diduci amplius, si liceat impunè de aliquibus monuisse,

nuisse. DEUM autem orabunt sedulo, ut is Ecclesiis Politicâq; aspergines sua correctione detergeat, ut, quantum terreni nobis Mundus impingit, tantum divini Sacer ille Spiritus intra nos affundat: Ita cum hostibus nostris tutius confligemus. Ph. Nullamne salutem dicis? A. Omnigenam, optimis quibusque distribuendam. Ph. Qui segregavero? A. Vah! notæ evidentes sunt. Salutabis Theologos, candidos illos, humanos, hospitaes, non turgidos & streperos. Salutabis Jurisperitos, humanæ societati accomodos, non autonomos. Salutabis Medicos exporrectæ frontis, non biliosos, tristes. Salutabis Ethicos faciles, nō lubricos. Salutabis Physicos sagaces, non credulos. Salutabis Mathematicos ingeniosos, nō loquaculos. Salutabis Historicos, veritatis testes, non adulatorios. Salutabis Logicos rationabiles, nō cornutos. Salutabis Rhetores lacteos, non felleos. Salutabis Poetas sobrios, non salaces. Salutabis Musicos cygneos, non anserinos. Salutabis Grammaticos dexteros, non supercilios. Salutabis studiosos sedulos, non bibulos. Salutabis plebē laboriosam, non nugivendā. Ph. Tandē & mulierculas atq; puellas salutabis. A. Si quid salutis supererit, non in video. Nam cum in omnē Mundū dominari nobis videamur, haud raro à mulierculis duriter regimur: &, qui Rempublicam sartam tectamq; nostra industria volumus, vix satis puellarum pudorem custodimus. Tantæ lubricitatis est, humanis ingeniis imperare, & res omnes ad amussim nostram velle dirigere!
Itaq;

Itaq; mediocri aliquo sapientiæ genere acquiescamus, neq; summa rerum cacumina pervolabimus. Sed & pascemus nos Verbo DEI, cuius vel altitudo vel profunditas satis nobis esse potest ad exercendum ingenii nostri ardorem: reliqua DEO cõmittemus. Ph. Gratias tibi ago, Alethea mea, quæ candidè ac fideliter, quidquid bonorum pectorib. inesse potest suspicionis, diluisti: neq; metuo, ne Veritas mendacium dixerit. Quod si malorum fœcunditas plura atq; alia calumniarum iacula pariat, relinquemus ea parentibus suis, & densissimam caliginem commiseribimur. Erit fortasse, cum & illi nobis accedent. A. Amen! Sed & tu gratias habeto, qui me bona fide monuisti; oroq; vehementer id porro facere velis. Nec enim oculorum satis habemus in tanta rerum humanarum caligine. Ph. Faciam, quod me decet: te verò mihi DEUS servet! A. Te DEUS Veritatis amore & cognitione augeat! At iam vale, Philaethe. Ph. Infinitum vale, Alethea,

DEO, VERITATIS LIBERTATISQUE TUTORI ET
Vindici, Gloria.

APO-

A P O L O G I
P R I M O M A N I P U L O
C O N T E N T I.

1. <i>A Equilibriū. pag. 2</i>	28. <i>Illiterati.</i>	25	
2. <i>Alchymia.</i>	3	29. <i>Iohanna.</i>	<i>ibid.</i>
3. <i>Antipathia.</i>	4	30. <i>Kabala.</i>	26
4. <i>Arabica Lingua. ib.</i>		31. <i>Loyola.</i>	27
5. <i>Arndus.</i>	5	32. <i>Macule.</i>	28
6. <i>Astrologia.</i>	6	33. <i>Mirum.</i>	29
7. <i>Bermannus.</i>	7	34. <i>Mors.</i>	30
8. <i>Besoldus.</i>	8	35. <i>Neander.</i>	31
9. <i>Calumnia.</i>	9	36. <i>Oportet.</i>	32
10. <i>Campanella.</i>	10.	37. <i>Orbis regimen.</i>	<i>ib.</i>
11. <i>Cardinales.</i>	<i>ibid.</i>	38. <i>Patientia.</i>	33
12. <i>Cerebrum.</i>	11.	39. <i>Retrogradus.</i>	34
13. <i>Christiani.</i>	12	40. <i>Saxo.</i>	35
14. <i>Christianus III.</i>	13	41. <i>Scaliger.</i>	36
15. <i>Circe.</i>	14	42. <i>Setta.</i>	37
16. <i>Desiderius.</i>	<i>ibid.</i>	43. <i>Semita Vita.</i>	<i>ib.</i>
17. <i>Dos.</i>	15	44. <i>Simplex & Rectū.</i>	38.
18. <i>Enenkelius.</i>	16	45. <i>Suffenus.</i>	39
19. <i>Errare.</i>	17	46. <i>Symbola.</i>	40
20. <i>Exul.</i>	18	47. <i>Tantundem.</i>	41
21. <i>Fides.</i>	19	48. <i>Vieta.</i>	42
22. <i>Florida.</i>	<i>ibid.</i>	49. <i>Wernerus.</i>	<i>ib.</i>
23. <i>Freidancf.</i>	20	50. <i>Zizania.</i>	43
24. <i>Gladiatores.</i>	21	MANIPULO II.	
25. <i>Hessus.</i>	22	1. <i>A Madisus.</i>	46
26. <i>Hospitale.</i>	23	2. <i>Aura popularis</i>	
27. <i>Hospitalius.</i>	24		47
		3. <i>Can-</i>	

3. Candidus.	48	34. Pœnitentia.	77
4. Claudicatio.	49	35. Poesis.	78
5. Corona.	50	36. Polypragmon.	79
6. Crux.	ibid.	37. Praxis.	80
7. DEUS benedicat.	51	38. Procuratio.	ib.
		39. Proditio.	81
8. III. dies.	52	40. Samaritanus.	82
9. Dubitatio.	53	41. Scala.	83
10. Dürerus.	54	42. Sepultra Veritas.	84
11. Epulum.	55	43. Somnium.	85
12. Erro.	57	44. Supplicium.	86
13. Eruditio.	58	45. Temperamentum	87
14. Exules.	59	46. Tragedia.	ibid.
15. Fama.	59	47. Va.	88
16. Fundus.	60	48. Vale.	89
17. Gemma.	61	49. Vrile dulce.	90
18. Indocilitas.	62	50. Zacharus.	91
19. Ingratitudo.	63	Quibus adjectum est	
20. Innocentia.	64	Phœbi Iudicium.	92
21. Ita est.	65	MANIPVLO III.	
22. Iuncus.	66		
23. Keckermannus.	67	1. A Ccommodatio.	120
24. Laboratorium.	68	2. Apotheca.	ib.
25. Macies.	69	3. Augur.	121
26. Mendacium.	70	4. Bilanx.	122
27. Miles Christianus.	71	5. Caupo.	123
28. Mollities.	72	6. Cebetis Tabula.	124
29. Mundi officina.	73	7. Cytharædus.	125
30. Nisi.	74	8. Conatus.	ibid.
31. Omnis.	75	9. Conciliatio.	126
32. Paupertas.	ibid.	10. Deposito.	127.
33. Plus ultra.	76	11. Dioptra.	128
		12. Do-	

12. Domus.	ibid.	41. Sapientia.	152
13. Exemplar Christi.	129	42. Sigalion.	153
14. Fabula.	130	43. Sophia.	ibi.
15. Fidicen.	131	44. Statuarius.	154
16. Fons.	ib.	45. Tres Lingua.	155
17. Fortuna.	132	46. Vagans.	156
18. Fumus.	133	47. Vinum.	ibid
19. Gallus.	134	48. Vita.	157
20. Hebraica Lingua.	ibid.	49. Vmbra.	158
		50. Zoilus.	ibid.
21. Icones.	135	MANIPULO IV.	
22. Ingenium.	136	1. Α'υτοχ'ε'διον.	162
23. Insolita.	137	2. Bachanalisa.	ibid.
24. Italia Praxis.	138	3. Beati.	163
25. Lamia.	139	4. Castrum Hispanicum.	
26. Libertas.	ib.	164.	
27. Longa Vita.	140.	5. Cor.	165
28. Manc.	141	6. Correctio.	166
29. Mercurius.	142	7. Disciplina.	167
30. Modestia.	ibid.	8. Euclides.	ibid.
31. Multa, pauca.	143	9. Exactio.	168
32. Frater Nicolaus.	145	10. Fides.	169
33. Nomenclator.	ibid.	11. Gratianus.	170
34. Oracula.	146	12. Geryon.	171
35. Panaces.	147	13. Idea Mundi.	ibid.
36. Panepistemon.	148	14. Infelicitas.	172
37. Philautus.	149	15. Labyrinthus.	173
38. Propheta.	ib.	16. Libellus.	ibid.
39. Sancta Simplicitas.	150	17. Magnes.	174
	151	18. Microkryi.	175.
40. Sapientes.	151	19. Mo-	

19. Monas.	176	50. Zizania.	ibid.
20. Monstra.	ibid.	Quibus addita	
21. Muliebre	Alphabe-	Metamorphosis.	201
tum.	177	MANIPULO V.	
22. Nasus.	178	1. Antipodes.	234
23. Nomina.	ibid.	2. Artifex.	235
24. Obedientia.	179	3. Augustinus.	ibid.
25. Oeconomia.	180	4. Bibliotheca.	236
26. Papyriperda.	181	5. Bocalinus.	237
27. Patelinus.	182	6. Canes.	238
28. Pietas.	ibid.	7. Classis.	239
29. Psyche.	183	8. Comædia.	240
30. Pugillares.	184	9. Decimator.	241
31. Pumex.	ibid.	10. Defectus.	242
32. Quæstus.	185	11. Delicati Martyres.	
33. Rabula.	186	ibid.	
34. Ratio Status.	187	12. Disputatio.	243
35. Representatio.	188	13. Eleemosyna.	244
36. Rusticus.	ibid.	14. Evangelium.	245
37. Satyra.	189	15. Eucharistia.	246
38. Sciothericum.	190	16. Eusebius.	ibi.
39. Sejanus.	191	17. Exequia.	247
40. Signati.	ib.	18. Exuvia.	248
41. Simonia.	192	19. Fiscella.	249
42. Sine.	193	20. Furia.	ibid.
43. Surdaster.	194	21. Genuini.	250
44. Taulerus.	195	22. Henricus Magnus	251
45. Testamentum.	ib.		
46. Vestis.	196	23. Homo.	252
47. Via.	197	24. Incendiarius.	253
48. Wolfius.	198	25. Languidus.	254.
49. Xystus.	199.	26. Lin.	

26. <i>Lingua.</i>	<i>ibid.</i>	4. <i>Barbaries.</i>	<i>ibid.</i>
27. <i>Lusus.</i>	255	5. <i>Bileami Afina.</i>	283.
28. <i>Macula.</i>	256	6. <i>Calendarium perpe-</i>	
29. <i>Mathematica.</i>	257	<i>tuum.</i>	284
30. <i>Meritum.</i>	258	7. <i>Catalogus Haretico-</i>	
31. <i>Monstrum.</i>	<i>ibid.</i>	<i>rum.</i>	285
32. <i>Nundina.</i>	259	8. <i>Civilitas.</i>	286
33. <i>Oeconomus.</i>	261	9. <i>Consuetudo.</i>	287
34. <i>Operarij.</i>	262	10. <i>Diplois.</i>	<i>ib.</i>
35. <i>Pallas.</i>	263	11. <i>Disimulatio.</i>	288
36. <i>Paupertas.</i>	264	12. <i>Excommunicatio.</i>	
37. <i>Peregrinatio.</i>	<i>ibi.</i>		289
38. <i>Practica.</i>	265	13. <i>Fraternitas.</i>	290
39. <i>Prabenda.</i>	266	14. <i>Gnatho.</i>	<i>ibid.</i>
40. <i>Proscriptus.</i>	267	15. <i>Heraclitus.</i>	291
41. <i>Religio.</i>	268	16. <i>Hercules.</i>	292
42. <i>Secta.</i>	269	17. <i>Herodotus.</i>	293
43. <i>Singularis.</i>	270	18. <i>Historia.</i>	294
44. <i>Talio.</i>	271	19. <i>Imagines.</i>	295
45. <i>Thraso.</i>	<i>ibid.</i>	20. <i>Individuum.</i>	296
46. <i>Triumphus.</i>	272	21. <i>Inventores.</i>	297
47. <i>Typographia.</i>	274	22. <i>Litera & Arma.</i>	298
48. <i>Virginitas.</i>	275	23. <i>Ludi.</i>	299
49. <i>Virtus Germana.</i>		24. <i>Lutherus.</i>	<i>ibid.</i>
<i>ibid.</i>		25. <i>Mecænas.</i>	300
50. <i>Zodiacus Vita.</i>	276	26. <i>Mimi.</i>	301

MANIPULO VI.

1. <i>Academia.</i>	280	30. <i>Oculus.</i>	304
2. <i>Arminius.</i>	281	31. <i>Ordo Crucis.</i>	305.
3. <i>Atheismus.</i>	282	32. <i>Posteritas.</i>	306
		33. <i>Pra-</i>	

33. <i>Præceptor priuatus.</i>	307.	43. <i>Silentium.</i>	315
34. <i>Proba.</i>	308	44. <i>Theophrastus.</i>	316
35. <i>Prophetia Muliebres</i>	309	45. <i>Tituli.</i>	317
36. <i>Querulus.</i>	310	46. <i>Vermicida.</i>	318
37. <i>Quies.</i>	<i>ibid.</i>	47. <i>Vniuersalia.</i>	319
38. <i>Raspinus.</i>	311	48. <i>Vnus.</i>	320
39. <i>Resipiscens.</i>	312	49. <i>Xanthippes annulus</i>	<i>ibid.</i>
40. <i>Respublica.</i>	313	50. <i>Zeno.</i>	321
41. <i>Salus publica.</i>	<i>ibid.</i>	<i>Quibus accessit</i>	
42. <i>Satellitium.</i>	314	<i>Alethea exul.</i>	323

F I N I S.

Errata.

A. 2. l. ult. quid in his. Ibid. b. l. 17. pro est, leg. & A. 7. b. l. 21. & 12. redolent. A. 10. b. l. antep. At ego, A. 11. b. l. 15. in posterum. p. 5. l. 21. &: (dele C.) 6. 5. pronunciare. 9. 17. suppeditet. 13. 21. pro res: leg. nos. 15. l. ult. sobrieq; 22. l. penult. animaduersa. 25. 23. dixerint, adde, Aut lecturi sint l. 1. 27. ignorantibus. 26. 26. Credamus (adde) non credamus, inquit. 28. 23. Fibullius. ib. Per cas. 34. 11. alienæ 40. 15. benigne (adde) habita. l. 25. enses 41. 4 Mathematicis 49. 9. In fidem. l. 10. in jungitur. 51. 28. Ecclesiasten 52. 14. seruiet. 55. 21. Ignorantiæ. l. 22. appetituum. 56. 3. postmodum 61. 7. oliueti. 68. 5. monumenta. 71. 11. cucullum. 73. 7. deles non. l. 9. obliquatur 77. 8. comportantur 79. 16. Spagiricæ. l. 19. Euclidæ 82. 12. poliorcetis. 84. 15. delicati. l. 20. homini. 85. l. pen. rotationes 86. 20. crepent. l. 28. dele: quis. 90. 2. fama. l. 9. are 91. 6. abiiciat. 92. 17. afferretur. l. 23. tripudiantes. 93. 8. omnili.

gentia l. 25. impatient. 94. 7. compaſuerunt. l. ult. inſignes 95. 28.
 poſt inviſibiles adde tactiles tamen & cōprehenſibiles. l. pen. in-
 neſcere. 96. 4. illam l. 27. precati. 98. 30. Behemoth. 99. 3. Caniba-
 les l. 13. Armenianorū. 100. 22. perſpicaces. 102. 28. importunita-
 teq; 103. 7. linguīſtis. 108. 3. dona. 109. 14. querelæ. 110. 26. theſau-
 rarii. 129. 15. Coſmoxeni 134. 15. ſolitā. 142. 15. nec. 147. 23. miſ-
 ro. 149. 11. (poſt eſt) adde: nimii. 151. l. pen. Maximi. Ibid. Cle-
 anthis. 152. 5. dele. *ai*. 157. 8. hebetō. 163. 21. **השמים** 165. 14. les
 174. 10. utriuſq; l. 21. admirari naturā. 177. 10. fatuū. 179. 21. impa-
 tiētia. 183. 29. hæc. 188. 15. nū. 192. 1. clientibus. 196. 4. ſucco. 198.
 23. excitādōs. 200. 1. mētis. l. 14. Ac tū. 202. l. 15. indomita. 211. 12
 tolerantur. 219. 19. pollicetur. 220. 8. otia. l. antep. nō auſa. 224
 21. mēdicitate. 225. 25. rerūfaciliū. 226. l. 20. ferimus. 227. 29. cō-
 ſingant. 228. 12. proficiant. 29. cālitus. 229. l. pen. diſpliceo. 230
 2. videant. l. 8. impudens. l. 25. coarctatū eſt. 234. 11. ſublatis. 235
 19. poſſet. 236. 13. roborationē. l. ult. gyaris. 237. 9. clathris. l. 16
 quærerēt l. 18. auferret 239. 8. vincere. l. 27. detrectaret. 242. 18.
 reliquerāt. 246. 12. acedia. l. 16. quoquo. 247. l. 25. extorſerūt. 253.
 18. p̄vocatus. 254. 22. ædoicis. l. 27. occurreret. 255. 2. colaphis. 257
 23. illudit. 258. 9. ſecuriſſimus. 259. l. 13. Metoſcopi. l. 22. rediēre l.
 24. tāta. 261. 20. quē. 262. 4. participat. 263. 21. Huttenis. 268. 6. Mar-
 nixius l. 25. ſordidiſſimus q; ſq; l. 30. ſacellis. 272. 3. phyſicochym.
 273. 11. oviū. l. 13. monumentorū. l. 22. Virtus. 274. 22. attraheretur
 275. l. 19. eā. l. ult. Troes. 276. l. antep. araretur 277. 15. qui ibid. Ce-
 ſorū. 279. 5. æſtmes. 281. 3. auctariū. auctaria. 282. 22. eicit. 283. 9.
 abi. 285. 18. pelluciditate. 286. l. antep. ſucceſſiſſe 290. 20. fallimē-
 tū. 291. 4. buſſequa. l. 17. dicendiq; periti. l. 19. nævos. 292. l. 28.
 trina. 293. 21. juvare. l. pen. Inde. 296. 8. idolorū. l. 20. ſancti. l. 26.
 inviti. 297. 8. præmiis. l. 13. luxū. l. 21. beluā. Ibid. pro: Nemo leg.
 Nero. l. 27. Cineritiā. 299. 6. ſpectaret. 15. terat. 300. 27. apicare
 tur. 301. 2. impudēter 302. 8. fingeret 306. 11. liquet. 308. 5. tui. l.
 10. ſimplicis. l. 29. admifero 309. 17. alliis. 316. l. antep. Contem-
 nendas. 323. 24. ulnas. 325. 7. dele. te l. 13. libidinem. 329. 3. quem
 perſonatus. 334. l. antep. conculcatum 336. 10. nobiſ. l. 21. præ-
 rium. l. 23. nugari. l. ult. pro in leg. id 337. 15. qui doceat. l. pen. fa-
 ciant. 339. 16. emittimus. 340. 17. perſuadet. 343. 29. Notoria. 345.
 2. unciā. 346. 5. ſunt. l. 8. beluinū. 347. 25. porcelli. l. pen. leget. poſt
 lin ult. inſere omiſſa: qui Andabatarum more nesciunt quem.
 quo. 348. l. pen. Cum. 351. 23. ſupercilioſos.

